

চেরাগে জ্ঞান শরীফ
ডা. বাবা জাহাঙ্গীর বা-ইমান আল-সুবেশ্বরী

ডা. বাবা জাহাঙ্গীর বা-ইমান আল-সুরেশ্বরী রচিত গ্রন্থাবলি



১. মারেফতের গোপন কথা

২. মারেফতের বাণী

৩. সুফিবাদ আত্মপরিচয়ের একমাত্র পথ- ১ম খণ্ড

৪. সুফিবাদ আত্মপরিচয়ের একমাত্র পথ- ২য় খণ্ড


৫. সুফিবাদ আত্মপরিচয়ের একমাত্র পথ- ৩য় খণ্ড

৬. সুফিবাদ আত্মপরিচয়ের একমাত্র পথ- ৪র্থ খণ্ড

৭. সুফিবাদ আত্মপরিচয়ের একমাত্র পথ- ৫ম খণ্ড

৮. কোরআনুল মাজিদের বাংলা উচ্চারণ ও অনুবাদ- ১ম খণ্ড

প্রাম: চুনকুটিয়া, পো: শুভাচ্যা, কেরানীগঞ্জ, ঢাকা



মারেফতের গোপন কথা

ডা. বাবা জাহাঙ্গীর বা-ঈমান আল সুরেশ্বরী

কোরান-এর শব্দগুলো কীভাবে বিকৃত করেছে, আপনি অবাক হবেন যদি আপনার চোখে ধরিয়ে দেওয়া যায়। অনেকটা ছোট ইদুর যেমন লেপ-তোশক কাটে সে রকমভাবে এদের বিকৃত, ভুল, বানোয়াট এবং 'মিন যাহা চায়' মার্কী অনুবাদগুলো খুব সাবধানে না পড়লে এদের ধরাই যাবে না। বস্তাপচা একটি পুরনো মালিগদামের চুফসিরে 'কোরান' শব্দটিকে 'সালাত' অনুবাদ করতে উপদেশ খয়রাত করেছেন। আর কী! রাজায় নাচতে বলেছে তাই তো এত নাচানাটি। যদি প্রশ্ন করেন যে, কেন কোরানকে সালাত বলে ধরে নিতে যাব? উত্তরটি হবে : না হলে বাক্যের ভাবটি মিলাতে পারছি না। এ রকমভাবে তালকে বেল, আমকে কাঁঠাল এবং আনারসকে কলা মনে করে নেবার মতো অনুবাদে হাজারো বিকৃত আদেশ-উপদেশ পাবেন। আর এসব অখাদ্য খেতে বসে আপনার মনে কোরান-এর উপর যা-তা মন্তব্যের বোবা প্রতিবাদগুলো মাথাচাড়া দিয়ে উঠবে, কিন্তু প্রতিবাদ না করতে পারলে বন্ধুকের নলই ফেটে যাবার মতো আপনিও ফেটে যেতে পারেন।

অপ্রতিদ্বন্দ্বী বিশ্বয়কর রচনা মারেফতের গোপন কথা; ঘন তমসায় উৎকট আলোর সরল রেখায় উল্কার নেমে আসার নাম মারেফতের গোপন কথা; সংকীর্ণতা, গোড়ামি, অখণ্ডতায় খণ্ডতার মানসিক বিকারে বিকৃত লিখন, নোংরামির স্থূলতাকে সার্বজনীন নামের মালা পরাতে নির্লজ্জ, বিশ্বাসঘাতক আখ্যায়িত করে তপ্তির পৈশাচিক অবগুণ্ঠনের প্রকাশ্য উন্মোচনের নাম মারেফতের গোপন কথা। সার্বজনীনতার শৈলীর ঠমক তাল হারায় নি কোনো প্রভাবশালীর লাল নুনের দ্রুতিতে। পাঠক বইটি পড়েই অনেক প্রশ্নের ঝড়ে বদলিয়ে নেয় চিন্তার বাধন। বাকিদের ধুমায়িত আহত পাখির আহত চাহনির মতো দৃষ্টির স্থবিরতা এনে দেয় যে বইটি তারি নাম মারেফতের গোপন কথা। বিকৃত করে রাখা কোরান-এর অনুবাদগুলোর গোম্মর ফাক করা ভূমিকম্পের মতো প্রচণ্ড নাড়া দেওয়া হয়েছে মারেফতের গোপন কথা বইটিতে।

ইসলামি ধর্ম-দর্শনের প্রচণ্ড বিস্ফোরণে বিমোহিত হবার নাম মারেফতের গোপন কথা। চিন্তার সাজানো অট্টালিকায় ডিনামাইটের কানফাটা শব্দের মতো যার শব্দ

তার নাম মারফতের গোপন কথা। এতদিনের কী সব বস্তুপট্টা ইসলামের নামে রচিত আবজ্ঞার আত্মবিরোধের বিকৃত সত্বের উপর দাঁড়িয়ে চিৎকার করে ডাকছে, তার নাম মারফতের গোপন কথা।

প্রকাশকবৃন্দ

অবশেষে দু'টি কথা বলতে চাই

এত গাধার খাটুনি আর কোনো বই লিখতে করতে হয় নি যতখানি খাটুনি দিয়েছিলাম মারফতের গোপন কথা লিখতে গিয়ে। আজ হতে চল্লিশ বছর আগে ইংরেজি সাতষটি সালে একটানা দিবা-রাত পরিশ্রম করেছি। রোমাঁ রোলার কথায়, বইয়ের মতো বই হলে একটি বই-ই যথেষ্ট। পৃথিবীতে যতগুলো বিখ্যাত ইসলামের উপর বই রচিত হয়েছে, মারফতের গোপন কথা নামক বইটিও একটি। কেবল একটিই নয়, বরং অন্যতম শ্রেষ্ঠ বই। শত্রুও এ কথাটি দুঃখ নিয়ে স্বীকার করেন। কারণ, এই বইটিতে প্রমাণ করে দেখিয়ে দেওয়া হয়েছে যে, ইসলামে কোনো ব্যক্তিমালিকানা নাই। গায়ের জোরে নয়, বরং কোরান-হাদিস দিয়ে এমন অকাট্য প্রমাণ দেওয়া হয়েছে যে, কারো পক্ষে সামান্য নাক গলাতে না পেরে সিংহের মতো গর্জন করতে হয়েছে। যারা কোরান-হাদিস দিয়ে ব্যক্তিমালিকানার দলিল তুলে ধরেছেন তাদের ব্যাখ্যাগুলো যে মনগড়া, বিকৃত, বানোয়াট তা তুলে ধরা হয়েছে, যা পড়ে পাঠক বিনা বাক্যে মেনে নিয়েছেন। এটাই আমার লিখনীর সার্থকতা। আমি দেখাতে চেয়েছি যে, ব্যক্তিমালিকানা বলাটাই হারাম। কারণ, ব্যক্তি নিজের মালিক নিজেই নয়। ব্যক্তি হতে পারে সম্পদের আমানতদার। এই আমানত খেয়ানত করতে গেলেই আল্লাহর দরবারে জবাবদিহি করতে হবে, সর্বপ্রকার অপচয়ের জবাব দিতে হবে। এটাই ইসলামের অর্থনীতি। ইসলামি অর্থনীতিতে সাম্য আছে কি নাই সেটা বড় কথা নয়। বড় কথা নয় কোনো অর্থনীতির সঙ্গে কিছুটা মিলে গেল কি না - বড় কথাটি হলো ইসলামের অর্থনীতির মানদণ্ডটি কেমন, তার-ই ব্যাখ্যা ও বিশ্লেষণের মাধ্যমে তুলে ধরা। এবং এই বিষয়টিতে যে সাফল্য অর্জন করতে পেরেছি সেটাই বইটির প্রাপ্য পুরস্কার।

ডা. বাবা জাহাঙ্গীর বা-ঈমান আল সুরেশ্বরী
গ্রাম: চুনকুটিয়া, পো: শুভাচ্যা, কেরানীগঞ্জ, ঢাকা

বলতে চাই

প্রথমেই বলতে চাই যে, এই বইটি ছাপিয়ে বাজারে ছাড়া হবে এটা ভাবি নি। পাঠকের হাতে বইয়ের আকারে তুলে দেবার ইচ্ছায় লিখলে আরও সুন্দর করার চেষ্টা চালাতাম; কিন্তু সে ইচ্ছা থাকিলে ১৯৬৭ সালেই ছাপাতাম। ভক্তদের প্রচণ্ড আগ্রহ এবং পরিশ্রমে এই বইটির যে এত মৃদু হবে তা ভাবি নি। ভক্তদের কাছে লোহাও সোনা মনে হয় এবং এই মনে হওয়াটাই প্রেম - কারণ প্রেম যুক্তি আর আইন মানে না। প্রকাশকেরা এক ব্যক্তি নন। ইনারা পৃথক পৃথক জন।

ধর্ম বিষয়ে কিছু লিখতে গেলে সাংঘাতিকভাবে সীমাবদ্ধ স্থানে দাঁড়িয়ে লিখতে হয়। অলিম্পিকের ডিস্ক থ্রোর মতো বৃত্তের মধ্যেই নড়াচড়া দিয়ে ছুঁতে হয়। একটু এদিক ওদিক হলেই ফাটল।

মনের কথা মন খুলে লিখতে চাইবেন আপনি? ধর্মের দেশে ইহা সম্ভব নয়। সত্য জেনেও অনেক সময় চুপ করে থাকতে হয়। আর যদি চুপ না করে কলম চালিয়ে যান তা হলে প্রথম প্রকাশেই বইটিকে বাজেরাপ্ত ঘোষণার চরম ধমক খাবার পর ইশ আসবে। তখনই বুঝতে পারবেন কতটুকু স্থানে দাঁড়িয়ে কত সাবধানে লিখতে হচ্ছে আপনাকে। কত নকলকে আসলের সুন্দর পোশাক একান্ত অনিচ্ছায়, জোর করে যুবতীকে একটা বুড়োর সঙ্গে বিয়ে দেবার মতো, একটা লম্পট স্বামীকে জেনে শুনে সাধু বলতে বাধ্য হবার মতো অনেক ঘটনার অনেক রূপ দিতে হয় এবং বাইরে যাবার কোনো উপায় নেই। এতে যদি কোনো মহাপুরুষ আমাকে ভণ্ড বলে, অথবা ভণ্ডামি করছে বলে, তা হলে চুপ করেই থাকতে হবে। কারণ, সে যুগে বাধা আসতো ব্যক্তিগতভাবে আর এখন আসিবে দলগতভাবে। দলগত বাধার বিষপান করে বেঁচে থাকার যাতনা সহ্য করতে হয়।

ইমাম গাজালির অমর বই এহিয়াও উলুম রাজার পাচক তথা বাবুর্চি বুদ্ধি করে পুড়িয়ে ফেলার হুকুম হতে বাঁচিয়ে দিয়েছিলেন, কিন্তু কোরান-এর একশত খণ্ডে রচিত তফসির বাঁচাতে পারলেন না। আজও সেই পোড়া তফসিরের অংশবিশেষ বৈরুতের জাদুঘরে দেখতে পাই। ইমাম গাজালি বলেছিলেন, ‘তিন কুড়ি তের ফেরকার জন্ম যাতে না হতে পারে, তার জন্য অনেক পরিশ্রম করে লিখে গেলাম পৃথিবীর সবচেয়ে আয়তনে বড় একশত খণ্ডে কোরান-এর তফসির।’ কিন্তু মহানবি যে আগেই বলে গেছেন যে, তাঁর উম্মত তিন কুড়ি তের দলে ভাগ হয়ে যাবে এবং এর মধ্যে মাত্র এক দল তাঁর অনুগত হবে এবং বাকি সবাই হবে বিভ্রান্ত এবং পথচ্যুত। মহানবির কথা সত্য হতেই হবে বলে ইমাম গাজালির এত খাটুনির ফসল আশ্বনে দিতে হলো।

মহানবি বলেছিলেন যে, উনার পর খেলাফত মাত্র ত্রিশ বছর চলবে এবং ঠিক তা-ই হয়েছিল। একটি দিনও বেশি হয় নি শুনে পাঠক অবাক হবেন। ইমাম হাসান এবং আমির মুয়াবিয়ার মধ্যে চুক্তির দিনটিই ত্রিশ বছর পূর্ণতার দিন ছিল। যদিও ধর্ম বিষয়ে কিছু লিখতে গেলে একটা সীমিত জায়গায় দাঁড়িয়ে লিখতে হয়, তবে একদিন অবশ্যই সীমার বাধা ভেঙে যাবেই এবং সেদিন সব জারিজুরির হবে অপমৃত্যু। সেদিন কবে আসবে? যেদিন বস্তুর বিজ্ঞান সব কিছু একটি একটি করে প্রমাণ করে দিয়ে যাবে। এবং সেদিনের অপেক্ষা হয়তো আর বেশিদিন করতে হবে না। বস্তুর বিজ্ঞান যেদিন উন্নততর হয়ে চরম উন্নতির পাদপীঠে দাঁড়িয়ে আরও অনেক গ্রহে আমাদের চেয়ে উন্নত জীব আছে - যাদেরকে এ গ্রহের কী ভাষায় নাম দেবো - তাদের সঙ্গে পরিচয় করিয়ে দেবে এবং সকল রহস্যের দেয়াল ভেঙে দিবে

এক এক করে, সেদিনই সকল দ্বিধা-দ্বন্দ্বের হবে চির অবসান এবং এ রকম দিন অতি কাছে আসছে বলে মনে হচ্ছে।

এরিক ফন দানিকেন খ্রিস্টান ধর্মে জন্মগ্রহণ করেও খ্রিস্টান ধর্মের স্বাধীন সমালোচনা করতে পেরেছেন এবং এতে তাঁর বই বাজেয়াপ্ত হয় নি। দার্শনিক নিটশে খ্রিস্টান ধর্মের উপর যা মনে লেগেছে তাই স্বাধীনভাবে মন্তব্য করে বই লিখে গেছেন এবং এতে সমস্ত খ্রিস্টজগত সাংঘাতিকভাবে দুঃখ পেলেও ব্যক্তির স্বাধীনতার উপর হাত বাড়ায় নি। নিটশের গলা টিপে ধরে নি অথবা বই বাজেয়াপ্তও করে নি। কিছু আমাদের দেশের মতো 'সভ্য' দেশে এ রকম স্বাধীনতার প্রশ্নই ওঠে না। সামান্য কোনো বিষয়ের উপর সামান্য স্বাধীন মন্তব্য পেশ করতে চাইলেই সব কটা দাঁত বের করে খেঁকিয়ে উঠবে বিকট বিশ্রী শব্দের ঝাঁকুনি দিয়ে।

বিংশ শতাব্দীর পৃথিবীর বিখ্যাত তুলনামূলক ধর্ম বিষয়ের লেখক এরিক ফন দানিকেনের ব্যক্তিগত বিচারে শ্রেষ্ঠ ধর্ম হলো দুটো : একটা ইসলাম এবং অপরটি বৌদ্ধ। কত বড় স্বাধীন মনোবল নিয়ে এমন কথা বলতে পারে! সত্যি, ভাবতেও অবাক লাগে।

আমাদের দেশে তুলনামূলক ধর্ম বিষয়ের উপর কোনো লেখক যদি স্বাধীনভাবে বলতে চায় যে, ধর্ম হিসাবে এই এই ধর্ম শ্রেষ্ঠ ধর্ম এবং সাধন রাজ্যের অতি উন্নত পর্যায়ে উন্নীত হতে পারে মুসলমান সাধকেরা, তা হলে চিংকার শুরু হয়ে যাবে এবং তাই কোনো লেখক এমন কথা ভুলেও লিখতে যাবে না এবং লিখবেও না।

যে জিনিস বা দর্শন বা যে ধর্ম খুব বেশি জনপ্রিয় হয়ে যায় তার মধ্যে নকলের ছড়াছড়ি এবং অনেক দলে বিভক্তির সুযোগটা আপনা আপনি হয়ে পড়ে। পণ্যের প্রশ্নে এককালের চান্দা ব্যাটারির কথাই ধরুন না কেন? কত রকম মিলানো নামের ছড়াছড়িতে আসলকে উদ্ধার করাই জনতার পক্ষে কষ্টকর হতো। এমনকি হবহ একই নাম দিয়েও ডেজাল মাল বাজারে ছাড়া হতো। সে রকমভাবে আমাদের ইসলাম ধর্মের জনপ্রিয়তার প্রকটতায় মণ্ডলা আলির সময়েই কারা মোমিন এবং কারা মোনাফেক তা কাচের মতো পরিষ্কার হয়ে ধরা পড়ে গেছে। তবু মোমিন এবং মোনাফেকের লাবড়া পাকিয়ে অনাগত কালের মুসলিম ভাইদের পাতে দেবার জন্য তৈরি করে রাখা হয়েছে এই অমৃত নামের বিষ। ইসলামের ইতিহাস পড়লে অনেক কিছু পরিষ্কার বোঝা যায়, আবার অনেক সময় কেমন যেন লুকোচুরির দোলায় দুলতে হয়। কোনটা ঠিক আর কোনটা বেঠিক তার সিদ্ধান্ত নিতে রীতিমতো হিমসিম খেতে হয়।

পৃথিবীর আর কোনো ধর্মে এত দল তৈরি হয় নি, যত হয়েছে ইসলাম ধর্মে। এটা অপ্রিয় এবং দুঃখজনক হলেও অতি সত্য কথা। অতি প্রথম যে দলটির জন্ম হয় তার নাম খারেজি। খারেজিদের দর্শন হলো 'আল্লাহ এবং তাঁর বাণী কোরান ছাড়া আর কোনো কিছু মানি না।' খারেজিদের দর্শনটি কিছু প্রথমে সবারই ভালো লাগার কথা, কিছু মণ্ডলা আলি তাদেরকে বিভ্রান্ত বলে ঘোষণা করে কঠোর হস্তে দমন করেছেন। মহানবি বলেন : 'আমি যার প্রভু, আলি তার প্রভু'; 'আমি জ্ঞানের শহর, আলি তার দরজা'; 'আলির বিরুদ্ধে যে অস্বধারণ করে, সে আমার বিরুদ্ধে অস্বধারণ করে; যে আমার বিরুদ্ধে অস্বধারণ করে, সে আল্লাহর বিরুদ্ধে অস্বধারণ করে।' হজরত মুয়াবিয়ার (রা.) সঙ্গে মণ্ডলা আলির তুমুল যুদ্ধে হজরত মুয়াবিয়া (রা.) যখন একরকম নিশ্চিত পরাজয় বরণ করতে যাচ্ছেন তখন বল্লমের মাথায় পবিত্র কোরান বেধে যুদ্ধ থামাবার আবেদন করা হয়েছিল। এতে মণ্ডলা আলি এটাকে এক ধরনের নোংরা চালবাজি বলে যুদ্ধ চালিয়ে যেতে বলেছিলেন। তারপরের ঘটনা সবারই জানা আছে। মণ্ডলা আলির পুত্র এবং মহানবির প্রিয় নাতি ইমাম হাসানকে বিষ প্রয়োগে শহিদ করেছিলেন হজরত মুয়াবিয়া (রা.)। অধম

লেখকের কতটুকু স্বাধীনতা থাকলে মুয়াবিয়ার আগে পিছে দুটো খেতাবি বিশেষণ লাগাতে হচ্ছে।

খারেজিদের দর্শনকেই হুবহু রেখে আর একটু বড় করে আর একটি দলের জন্ম হলো। সেই দলের নাম ওহাবি। ইসলামের সবটাইতে প্রচণ্ড ক্রটি যদি কোনো দল করে থাকে সেই দলের নাম হলো ওহাবি। এরা খারেজিদের চেয়ে ভয়ঙ্কর। এই ওহাবিদের দর্শন হলো, 'আল্লাহ এবং তার বাণী কোরান এবং সহি হাদিস ছাড়া আর কোনো কিছু মানি না এবং মহানবি হলেন আমাদের মতোই মানুষ। সুতরাং মহানবির নামে মিলাদ পাঠ করা এবং ইয়া নবি, ইয়া রসুল, ইয়া হযীতুন নবি, ইয়া রাহমাতুলিল আলামিন বলা সম্পূর্ণ শেরেক, বেদাত এবং নাজায়েজ।' বর্তমান সৌদি আরবের খাস অধিবাসীরা সবাই ওহাবি মুসলমান। আমরা তাদের বিরুদ্ধে কোনো প্রকার খারাপ মন্তব্য করতে চাই না। কারণ, আমরা খুবই গরিব, তাই উলারের প্রয়োজনে অনেক কিছু দেখেও না দেখার ভান করতে হবে - এটাই কুটনীতির আধুনিকতম দর্শন। এ রকমভাবে এক আসল ইসলাম তিন কুড়ি তেরটি নামে টুকরো টুকরো হয়ে গেল এবং এক ইসলামের নামে এতগুলো দর্শনও প্রতিষ্ঠিত এবং প্রচারিত সত্যে পরিণত হলো। সিরিয়াতে এবং ইরানে বাহাই নামক একটি দলের জন্ম হলো। বাহাউল্লার দেওয়া দর্শনের ভিত্তিতেই এই দলের নামকরণ করা হলো বাহাই। ইরানের ইমাম খোমেনি কি আশারিয়া নামক দলের, না শিয়া দলভুক্ত? তবে ইরানের বেশিরভাগই শিয়া দলভুক্ত। আবার এই শিয়ারাও কয়েকটি দলে বিভক্ত হয়ে গেছেন - তার মধ্যে ইসমাইলিয়া, নুসাইরি, সাস ইমামি, ইসনা আসারি, বোরি নামক দলগুলো উল্লেখযোগ্য।

এদিকে সব কয়টি দলকে চমক দিয়ে ধমক মেরে অবাক করে বসলেন একটি নতুন দল। সেই দলের নাম হলো কাদিয়ানি। এ রকমভাবে একের পর একটি করে নতুন নতুন দল নতুন নতুন নামে আত্মপ্রকাশ করলো। যেমন- আশারিয়া, গবারিয়া, জাবারিয়া, মালুমতিয়া, মোতাজিলা, নুসাইরি, সাস ইমামি, নাচারি, ইয়াজ্জিদি এবং দূজ ইত্যাদি।

এদিকে ওহাবি মতবাদের প্রতিষ্ঠাতা আবদুল ওহাব নজ্জদির কেতাবুত তাওহিদ পাক-ভারতে আমদানি করেন সৈয়দ আহমদ বেরলভি এবং সৈয়দ ইসমাইল দেহলভি। পৃথিবীর বারো আনি মুসলমান যে দলভুক্ত সেই আহলে সুন্নাতুল জামাতের ভেতর কেশিলে প্রবেশ করে সুন্নিদের অনেককেই তাদের মতের অনুসারী করে ফেললেন। এরা না ওহাবি, না সুন্নি। তাই এদেরকে বলা হয় গোলাবি ওহাবি। এদের প্রতিষ্ঠিত সুবিখ্যাত মাদ্রাসার নাম হলো দেওবন্দ। কাশেম নানাতুভি, রশিদ আহমদ গংগুহি, মওলানা আশরাফ আলি খানভি - এ রকম অনেকেই পীর-মুরিদি প্রথাও রাখলেন এবং ওহাবি মতবাদও রাখলেন। এই উভয়ের সংমিশ্রণের দরুণই এদেরকে 'গোলাবি ওহাবি' বলা হয়।

এত দলের, এত দর্শনের গোলক ধাঁধায় পড়ে যায় সাধারণ মুসলমান এবং অন্য ধর্মের পাঠক এবং সাধারণ মুসলমানদেরকে প্রথমেই অবশ্য ধরতে হবে যে, কোন দলের লিখা বই পড়ছেন? না ধরতে পারলে এক এক দলের এক এক রকম মতবাদ পড়ে লেজেগোবরে দশা হবে। আর একটা কথা - লেখক কোন দলভুক্ত হয়ে বই লিখছেন অথবা খবরের কাগজে লিখছেন তা ভুলেও তিনি প্রকাশ করবেন না, ওটা পাঠককে ধরে নিতে হবে। অবশ্য কাঁচা পাঠক হলে ধরা সহজ নয়। যদি কেউ ওরশ পালন, মাজারে যাওয়া, পীরের মুরিদ হওয়া, গান-বাজনাকে হারাম এবং নাজায়েজ বলে খবরের কাগজে অথবা বই লিখে প্রচার করেন, তাতে অবাক হবার কিছুই নেই। কারণ যিনি প্রতিবাদ করছেন তিনি আপনার মাজহাবের নন, অথবা তিনি মাজহাবই মানে না এমন দলেরও হতে পারে। এ রকম প্রতিবাদ, যাকে ফতোয়া বলা হয়, তা আপনার কাছে একদম নতুন মনে হতে পারে, কিন্তু ইহা আদৌ নতুন নয়,

বরং অতি পুরাতন। এতে আপনার দুঃখ পাওয়া মোটেই ঠিক নয়। এটাকে অতি সহজ এবং সাধারণ মনে করতে হবে। কারণ আমাদের বড় পীর হজরত আবদুল কাদের জিলানি-কে এক হাজার আলেম (?) কাফের ফতোয়া দিয়েছিল (নাউজুবিল্লাহ)। এ রকমভাবে সুলতানুল হিন্দ খাজা মঈনুদ্দিন হাসান চিশতি আজমেরিকেও কাফের ফতোয়া দেওয়া হয়েছিল (নাউজুবিল্লাহ)। শুধু কি এ দুজনকেই? হজরত কুতুবুদ্দিন বখতিয়ার কাকি, বাবা শেখ ফরিদ, নিজামউদ্দিন, বু আলি শাহ কলন্দর, মনসুর হাল্লাজ, শামসে তাব্রিজ, মাওলানা জালালউদ্দিন রুমি, হাফেজ সিরাজি, ওমর খৈয়াম এবং আরও বহু মহাপুরুষকেও কাফের ফতোয়া দিয়েছে ঐ তথাকথিত আরবি ভাষা জানা মহাপণ্ডিতেরা তথা আলেমেরা! এই সেদিনও আল্লামা ইকবাল ও কাজি নজরুল ইসলামকে কাফের ফতোয়া দেবার কথা কে না জানে?

এ রকম আলেম (?) আর মাওলানা (?) -দের মতো বিদ্বানদের ফসলের গন্ধ কী রকম হতে পারে, স্বাধীনতার সংগ্রামে আল বদর, রাজাকার, আল শামসদের কীর্তিকলাপের নমুনা দেখলেই বোঝা যায় যে, এরা সমাজ জীবনে কত মারাত্মক স্নো-পয়জন। অনেকেই হয়তো তুরস্কের জাতির পিতা কামাল আতাতুর্ক এ রকম তথাকথিত আলেমদেরকে কী রকম শাস্তি দেবার ব্যবস্থা করেছিলেন তা জানেন। এ সমস্ত তথাকথিত আলেমদের কথা খারেজিদের মতো সুন্দর মনে হবে। ‘আমরা আল্লাহ এবং আল্লাহর বাণী কোরান পাক ছাড়া আর কিছুই মানি না’-র মতো। খারেজিদের এ কথাগুলো আজও যে-কোনো মুসলমান ভাই মনের অজান্তে ‘খুব সুন্দর কথা বলেছে’ বলে মনে করবেন। তাই নয় কি? অথচ এই খারেজিরাই ছিল মুসলমান নামধারী মোনাকফ তথা বর্ণচোরা শয়তান। মওলা আলি এদেরকে একটি একটি করে হত্যা করেছেন, কিন্তু খারেজিদের প্রেতাত্মা আজও অনেক মুসলমান নামধারীদের মধ্যে আধুনিক খারেজিরূপে অনেক অনেক পাবেন। একটু নিরপেক্ষ গবেষণার দর্শনের মাপকাঠিতে বিচার করতে গেলে আজও এই চরম আধুনিক যুগেও আপনি অনেক খারেজি-মার্কী মুসলমান পাবেন। যারা মওলা আলির মুখের সামনে আল্লাহ এবং কোরান-এর দোহাই দেয়, তারা যে কত বড় মারাত্মক জঘন্য শয়তান! এবং এ রকম শয়তানদের দ্বারাই পতন হয়েছিল খেলাফত এবং জনসাধারণের সম্পত্তি বায়তুল মাল পরিণত হয়েছিল ব্যক্তিগত সম্পত্তিতে। কল্পনা করতেও কষ্ট হয় সে সব ঘটনার দ্বারা লিখিত ইতিহাসের রূপ দেখে।

আমার আজও স্পষ্ট মনে আছে বোখারি শরিফ-এর একটি হাদিসের কথা। ধুঁকতা কত বড় মারাত্মক হতে পারে, সেই হাদিসটি পড়লে বোঝা যায়। হাদিসটির ভাষা ছিল এ রকম, ‘হে মোহাম্মদ, আল্লাহকে ভয় করো এবং ন্যায় বিচার করো।’ যারা মহানবিকে এ ধরনের অশ্লীল কথা বলতে পারে - তারা কি মওলা আলিকে পারে না বলতে? তারা কি ইমাম হাসানকে বিষপান করতে পারে না? তারা কি ইমাম হোসায়েনকে কারবালার মাঠে শহিদ করতে পারে না? মওলা আলি, ইমাম হাসান এবং ইমাম হোসায়েনকে কোনো হিন্দু, কোনো খ্রিস্টান, কোনো বৌদ্ধ, কোনো ইহুদি, কোনো পার্শি শহিদ করেন নি। যারা করেছিল তারা মুসলমান লেবাসে নামাজ-কোরান পড়াতে, রোজাতে ভুল করে নি। ভুল করে নি মুসলমান নাম ধারণ করে রসুলের আওলাদদের শহিদ করতে। এরা খারেজিদের মতো রসুলের আওলাদদের শহিদ করে ইসলাম প্রতিষ্ঠা করতে চেয়েছে। তার পরিণাম কি আজকের মুসলমানদের লেজগোবরে অবস্থা নয়? আমরা কোথায় এসে দাঁড়িয়েছি সেটা কি একবার দেখতে পেরেছি? ইসলামের জন্মলগ্নের ইতিহাসের উজ্জ্বলতম দিনগুলোর মানদণ্ডে আমরা কোথায় এসে দাঁড়িয়েছি, সেটা কি একবারও ভেবে দেখেবো না?

‘আমরা আল্লাহ এবং আল্লাহর বাণী কোরান ছাড়া আর কোনো কিছু মানতে রাজী নই’ - এই বাক্যটির দ্বারা কী বোঝাতে চেয়েছিল খারেজিরা? তারা এই

বাক্যটির দোহাই দিয়ে মণ্ডলা আলির নেতৃত্ব মেনে নিতে অস্বীকার করেছে। খারেজিরা আল্লাহ এবং আল্লাহর বাণী কোরানকে পরোক্ষভাবে না মানারই অভিমত প্রকাশ করেছে মণ্ডলা আলির নেতৃত্বকে অস্বীকার করে। ‘আমি জ্ঞানের শহর এবং আলি তার দরজা’ - মহানবির এই উপদেশবাণীর কোনো মূল্যই দিতে পারে নি খারেজিরা। পরোক্ষভাবে তারা মহানবিকে অস্বীকার করেছে। এই ধর্ষণাপূর্ণ বাক্যটি খুবই সুন্দর, কিন্তু ভেতরে মাকাল ফলের মতো ‘কিছুই নেই’-এর দর্শন প্রচার করে, ‘আল্লাহ এবং আল্লাহর বাণী কোরানকে ছাড়া আর কিছুই মানি না।’

আজও এই বিংশ শতাব্দীর বুকে অনেক মুসলমান মনের অজান্তে খারেজিদের দর্শনকে গ্রহণ করে ফেলেছে। ঐ কীরবালার মাঠে আজান দিয়ে নামাজ আদায় করে মহানবির আদুরে নাতি ইমাম হোসায়েনের বিরুদ্ধে যারা অস্ত্র ধরতে পেরেছে, তারা কি মুসলমান নামের জঘন্য কলঙ্ক নয়? তারা কি অন্য যে কোনো ধর্মে বিশ্বাসীদের চেয়ে নিকৃষ্ট নয়? এ রকম মুসলমান নামধারীদের বংশধরেরা আজ কোথায়? তাদের দেওয়া ইসলামের নামে যে জঘন্য দর্শন প্রচারিত হয়েছে তার মায়াজালে পা ফেলছে সরল-সহজ মুসলমানেরা। হিঃ হিঃ কত বড় নিষ্ঠুর ঐ সব পাষন্ড, লেবাসে ঢাকা, নামধারী মুসলমানেরা - যারা নবিবংশের বিরুদ্ধে অস্ত্র ধরতে পেরেছে। সেই সব পাষন্ডদের বংশধরেরা আজও বেচে আছে বহাল তবিয়ে - আজও মুসলমানি লেবাসে আনুষ্ঠানিকতার মেকি অবগুণ্ঠনে জঘন্য মিথ্যা বানোয়াট দর্শন প্রচার করে চলেছে। শয়তান যে মানুষের চেয়ে অনেক বেশি ধোঁকা দেবার জ্ঞান রাখে এবং এই রকম চাকচিক্যপূর্ণ ধোঁকার গর্ভে কত সহজ-সরল মুসলমান পা বাড়িয়ে দিয়ে বেইমান হয়ে মৃত্যুবরণ করছে তার হিসাব কে রাখে? খারেজিদের এই অমৃত নামের বিষ-মাখা মানুষকে বিভ্রান্ত করার টোপটার কথা কিছুক্ষণ গভীরভাবে চিন্তা করে দেখুন তো। কত সুস্বাদু আর কত নিপুণ ধোঁকাবাজি!

যিশু খ্রিস্ট বলেছিলেন, ‘যারা আমাকে না মেনে বলে, এক আল্লাহকে মানে তারা শয়তানের এবাদত করে।’ হজরত খাজা গরিব নেওয়াজ বলেছেন, ‘যার পীর নাই, তার পীর হলো শয়তান।’ নরাদম নরপশু এজিদ্ কোরান পাকের একটি আয়াত ইমাম বংশের যে কয়জন বেঁচে ছিলেন তাদেরকে বলে দিলো - ‘আল্লাহ যাকে খুশি তাকেই বাদশা বানান।’ শয়তান এজিদের মুখে কোরান-এর বাণী! নরপশু নরাদম ইয়াজিদের প্রশংসাও এই প্রথমবারের মতো শুনতে পেলাম বাংলাদেশের টেলিভিশনের পর্দায় - তা-ও আবার আগুরার দিন একজন মহাপণ্ডিতের মুখে। ধর্ম এত সম্মতা আর মামুলি হয়ে পড়েছে যে, এর প্রতিবাদটুকু পর্যন্ত কেউ করার প্রয়োজন বোধ করলেন না। এক ইসলামের মধ্যে তেহাওয়ারটি দলের মধ্যে যে দুই-একটি দল এখনো এজিদের নামের আগে হজরত বসাতে লজ্জা পায় না এবং ইমাম হোসায়েনকে বিদ্রোহী আখ্যা দেয়, সেই দলের তেল-বেচা উলারের বদৌলতে আহলে সুন্নাতুল জাম্মাতের মুসলমানের মুখেও এজিদের প্রশংসা শুনতে হয়। হায় রে মালপানি, তোর অঙ্গে কত রূপ আর শক্তি কতই না মোহনীয়! বিবেকের গলায় ছুরি চালিয়ে দিতে পারে এই মোহনীয় উলার। ব্যক্তি তো তুচ্ছ ব্যাপার - একটা দেশের গোটা সরকার পর্যন্ত মুখ বন্ধ করে থাকে এই উলারের মোহে। ভাবখানা যেন অনেকটাই এরূপ - মালপানি যখন আপসে পাওয়া যায়, তা হলে না হয় একটু দাঁত-মুখ বুজে সহ্য করতে হয় আর কি! তা সহ্য করুন, তাতে আমরা গরিব বলে না হয় মুখ বুজে রইলাম। কিন্তু নরপশু নরাদম নরপানী এজিদকেও ভালো বলাতায় কি চুপ করে থাকার সীমা ডিঙানো হচ্ছে না? এ রকম কথাও উলার যদি হজম করাতে চায় তো পরকাল যে ঝরঝরা সে কি একবার এক মুহূর্তের তরে ভেবে দেখেছেন?

আমাদের বাংলাদেশের ইসলামের নামে কয়টি রাজনৈতিক দল আছে। তাদের মধ্যে অনেকেই একটি পোস্টার দেয়ালে লাগিয়ে দেয়। পোস্টারটির ভাষা অনেকটা খারেজিদের আধুনিক সংস্করণ : ‘আল্লাহ আমাদের প্রভু, কোরান হলো দিকদর্শন এবং হজরত মোহাম্মদ (আ.) আমাদের নেতা।’ কী সুন্দর, কী অপূর্ব অমৃতের নামে

বিষ-মাখা টোপ! ‘হজরত মোহাম্মদ (আ.) আমাদের নেতা’ বলে নিজেরা গদিতে বসার অপূর্ব চালাকি। হজরত মোহাম্মদ (আ.) আমাদের নেতা— এটা প্রতিটি মুসলমান মেনে আসছে। নতুন করে মেনে নেবার উপদেশ দেবার অর্থ হলো, তারা মহানবির নাম ভাঙিয়ে গদিতে বসতে চায় - যেন মহানবির সোল এজেন্ট তারাই হয়ে গেছে, আর বাকি সব মুসলমানেরা মাখা তামুক। কত ডিজাইনের ধোঁকাবাজি যে চলছে এবং আরও চলবে তা অনাগত কালই আমাদেরকে জানিয়ে দেবে।

একাত্তরের স্বাধীনতা সংগ্রামের সময় এই সমস্ত কাঠমোল্লারাই তৈরি করেছিল ইসলামের ইতিহাসের সবচাইতে মূল্যবান ঘটনা বদরের যুদ্ধের নামে ‘আল বদর’ বাহিনী। নিরীহ এবং বাছাই করা জাতির মাথাগুলোকে রাতের আধারে ধরে এনে জলাভূমিতে হাত-পা বেঁধে জ্বাই করার দায়িত্ব পালন করেছিল এই আল বদর। হিঃ হিঃ, কী নিকৃষ্টতম মনের বিকৃত পরিচয় দিয়েছে এই কাঠমোল্লারা ‘আল বদর’ নাম দিয়ে! এক মুহূর্তের তরেও এই সমস্ত কাঠমোল্লাদের মন ও বিবেক কেঁপে ওঠে নি - কী পবিত্র নাম দিলাম, কী অপবিত্র একটি দলের - আল বদর বাহিনী।

আমাদের ছয় খতুর জলবায়ু ছয় রকম আবহাওয়ার পরশ দিয়ে ছয়বার মনটাকে বদলিয়ে দেয় এক-এক রকম। তাই আমরা জাতির সবচাইতে বেদনাদায়ক স্মৃতির ইতিহাস স্বাধীনতার যুদ্ধে ‘আল বদর’ বাহিনীকে মনে রাখতে পারি নি, একটা দগদগে বুকের ভেতর জ্বালা সৃষ্টি করা আলসারের মতো। ভয় হয় - আমাদের এ রকম অবহেলায় না আবার এ ঘা ক্যানসার হয়ে আমাদেরই মৃত্যু ডেকে আনে। ভাবাবেগের বশে আমাদের জাতীয় নেতা রুম্মা করে দিয়েছেন, কারণ তিনি ইতিহাস হতে সেই শিক্ষা গ্রহণ করেন নি, যে শিক্ষার কথা আমাদের ইসলামের ইতিহাসে পেয়েছিলাম - মওলা আলি খারেজিদের সমুচিত শিক্ষা দেবার উপদেশ দিয়েছিলেন। কারণ, তিনি জানতেন পবিত্র নাম দিয়ে এরা কি না অপবিত্র কাজটাই করে গেছে। যেমন খারেজিরা ‘আল্লাহ এবং কোরান ছাড়া আর কিছু মানি না’ নামের দর্শন প্রচার করে মওলা আলি হতে বিচ্ছিন্ন হয়ে গেল। আমাদের জাতীয় নেতার ইতিহাসের উপর পড়াশোনার দোঁড় হয়তো কম ছিল, আর না হয় উদারতার প্লাবনের উচ্ছলতার মধ্যে ইতিহাসে একটা নতুন কিছু যোগ করতে চেয়েছিলেন - সেই নতুন যোগটার নামই হলো পাইকারি রুম্মা প্রদর্শন।

এরা মহানবির সবচাইতে যোগ্য সাহাবা এবং জামাতা শেরে খোদা মওলা আলির সামনে - যিনি হিজরতের সময় নিশ্চিত মৃত্যুর বিছানায় শুয়ে মহানবিকে করলেন মদিনাতে বিদায় - যাকে মহানবি সব সাহাবাকে লক্ষ্য করে বলতেন - ‘আলির মূল্য আমার কাছে ততটুকু, যতটুকু দেহের মধ্যে প্রাণের মূল্য’ - যাকে যুদ্ধের ঝাণ্ডা আর বিরাট তলোয়ারি জুলফিকারি হাতে হায়দরি হাঁক মারিতে হতো - যার জুলফিকারি ইরাকের মিউজিয়ামে দেখে সবাই চমকে যায় - এত বড় আর চওড়া তলোয়ার কত শক্তির অধিকারী হলে হাতে নিতে পারতেন সেই মওলা আলি, যিনি শুধু মোমিনই নন - মোমিনদের আন্নির তথা আন্নিরুল মোমিনিন - তাঁর সামনে ‘আল্লাহ এবং কোরান ছাড়া আর কিছু মানি না’ বলা কত বড় ধৃষ্টতা আর ঔদ্ধত্য প্রকাশ!

ডা. বাবা জাহাঙ্গীর বা-ঈমান আল সুরেশ্বরী
১৭ই মার্চ ১৯৮৬ খ্রি. ৩রা চৈত্র ১৩১২ বাং, ৫ই রজব ১৪০৬ হি.

সুরেশ্বরের ওরশ মোবারক

প্রতি বছর মাত্র চারটি দিন আর রাত - ৩১ শে জানুয়ারি এবং ১, ২, ৩ ফেব্রুয়ারি পালন করা হয় ওরশ। আমরা তর্কে যেতে চাই না। কারণ, এক ইসলাম তিন কুড়ি তের শাখায় বিভক্ত - ইহা তর্কশাস্ত্রের একটি ভালো না হয় মন্দ দান। তোমার ধর্ম তোমার কাছে, আমার ধর্ম আমার কাছে - গণতন্ত্রের বাণী, সহনশীলতার পরিচয়ের শ্রদ্ধা আর মমত্ববোধ পাই ইসলামে। ইসলামে শক্তিপ্রয়োগের প্রশ্ন থাকলে আজকের পৃথিবীতে অন্য ধর্মের ধারক আর বাহকের অস্তিত্ব থাকত কি না সন্দেহ। ইসলাম ধর্মে যদি এ রকম একটিমাত্র বলপ্রয়োগের আদেশ থাকত যে, 'জোর করে মুসলমান বানালে পুণ্য হবে,' তা হলে সভ্য পৃথিবীতে খুব অল্পই অন্য ধর্মের মানুষ পাওয়া যেত - এটা ইতিহাসের একটা বাধ্য-হয়ে-মেনে-নেওয়া নির্মম সত্য। তাই যারা ইসলামের নামে অন্যের ধর্ম-দর্শনের উপর হস্তক্ষেপ করতে চায়, তারা নীতির বৃত্তে অবস্থান করছেন, না চ্যুত হয়েছেন - দর্শনের আয়নায় মনের মুখটা দেখে নিক।

মরা গাধার গালে চড় মেরে তৃপ্তির অবগুষ্ঠনে বিশাল ফাণ্ডনের জোছনার কথা যারা প্রচার করে বেড়ায়, তারা আত্মতৃপ্তির আদিম রস পানে উন্মাদ - তারা ভুল করে ফুল মনে করে হাতে পাখর তুলে নেয় - তারা আলো মনে করে আলোয়ার পিছু ছোট্টে - তারা মরীচিকার উষ্ণ বালিতে উর্মির মেকি প্রেতনৃত্য দর্শন করে আত্মহত্যার দর্শন প্রচার করে। আচার যখন উহার স্বকীয়তার উদ্দেশ্য ও লক্ষ্য হারিয়ে ফেলে তখন উহা অনাচারে পরিণত হয়। সংসার ত্যাগ করতে পারলেই বৈরাগ্য হয় না - স্বকীয়তার বৃত্তের পাশবিক আবর্জনা ফেলে দিলেই হয় সত্যিকার বৈরাগ্য। পাখরের নাম ভগবান দিয়ে হিন্দুদের পূজার অশ্রু উপহার নেয়। পাখরের নাম হজুরে আসোয়াদ দিয়ে মুসলমান হাজিদের চুমা উপহার নেয়। কারো ভক্তির উপর ইসলাম শক্তিপ্রয়োগ করে নি, বরং ঘোষণা করেছে, নেই কোনো শক্তিপ্রয়োগ ইসলামের মধ্যে।

দরিদ্রতার যেমন অভিশাপ আছে, ঠিক তেমনি প্রাচুর্যতারও অভিশাপ আছে। একটি প্রকাশ্য এবং অপরটি গোপনীয়। কেউ ধন-সম্পদ পেয়েও মোহমুগ্ধ হয়, আবার কেউ কবরে যাবার আগেও ধনের মোহে মগ্ন থাকে। একের ডেতরই দুই। একটি উত্থান, অপরটি পতন। মানুষের ভোটেই স্রষ্টার বাণী, আবার মানুষের ভোটেই শয়তানের পচা বচন। বীণের সুরে একটি ফণা তুলে নাচে, অপরটি পালীয়।

মহানবি মণ্ডলা আলিকে সুরা এখলাসের মারেফতের রহস্য বুঝিয়ে দেন, আবার উটের রাখাল বেদুইন সাহাবাকে সুরা এখলাস তিনবার পাঠ করলে একবার কোরান খতমের বাণী শোনান। নবির বাণী সবার জন্য, কিন্তু দার্শনিকের বাণী সবার জন্য নয়। নবির বাণীতে উচ্চ-নিচ অনেক রকম ধাপ পাওয়া যায়, কিন্তু দার্শনিকের বাণী একরকম। নবির বাণী আইনস্টাইনকে যেমন উপদেশ দেবে তেমনি ভেলাগাড়ি চালানো টিপসই মার্কা মানুষটিকেও দেবে। নবির বাণীতে দেয়াল নেই, অসীম। দার্শনিকের বাণীতে দেয়াল আছে, সসীম। তাই নবির বাণীর ধারা ও শৈলী বুঝতে দার্শনিকের কষ্ট হয় - আত্মবিরোধের গন্ধ পায় এবং ভুল ধরতে চায়। আসলে উহা দার্শনিকের মনের ভুল। দার্শনিক নিজের মতো করে নবিকে মাপতে চায়। মাপতে গেলেই ভুল হয় নিজের অথচ দোষ চাপিয়ে দেয় নবির উপর। অনেকটা 'অনেক কিছু জানি অথচ কিছুই জানি না'-র মতো।

নাস্তি থেকে স্বকীয়তার অস্তিত্ব। বর্ণহীনের রং। প্রকারহীনের আকার। পরিচয়হীনতা থেকে এর পরিচিতি। তাই এক-একটি স্বকীয়তার সুগন্ধ এক-এক রকম। পৃথিবী নামক দোকানে এদের পাওয়া যায়। রুমি, হাফিজ, খৈয়াম, জামি, কান্ট, নিটশে, রাসেল, রবি, নজরুল - আরও কত নামের স্বকীয়তা। তাই আসুন-আপনার দাওয়াত। ওরশের প্রচলিত নিয়ম সুরেশ্বরে পাবেন না কিছুই। পাবেন ব্যতিক্রম। দিন-রাত গানের আসর। কাওয়ালি, ফারসি, উর্দু, ভেঁট হিন্দি, বাউল,

লালন, মুর্শিদি। আপনার স্বকীয়তার মনঃপুত না হলে ভুলেও কিছু আসবেন না। কারণ যুক্তির রাস্তার যেখানে শেষ, প্রেমের নদীর সেখান থেকেই শুরু।

সঙ্গীতের অনেক রূপ ও আংকারের এক অপূর্ব মহাসমারোহে সঙ্গীত আর গানের বিভিন্নতা দিয়ে শুরু হয় ওরশ পালনের পদক্ষেপ। শেষও হয় সঙ্গীত আর গানের মধ্য দিয়ে। লক্ষ লক্ষ ভক্তের 'আল্লাহ' বলে নেচে নেচে জিকির করার এত বড় বিশাল পরিবেশটা দেখার মতো। লালন গীতি হতে শুরু করে হাফিজ সিরাজির আর জালাল উদ্দিন রুমির পীর-পুজার ফারসি কাওয়ালি পর্যন্ত পাবেন। তবে ওহাবি আর দেওবন্দি ফেরকার মুসলমান ভুলেও আসবেন না। কারণ, ওহাবি এবং দেওবন্দি ফেরকার মতে আমাদের সুরেশ্বরের ওরশ সম্পূর্ণ নাজায়েজ ও বেদাত।

সঙ্গীত আমাদের ধর্মের বহির্ভূত, না অন্তর্ভুক্ত - এ বিষয়ের উপর আজও তর্ক-বিতর্কের শেষ হয় নি। তবে ইসলামের কয়টি দল সঙ্গীতকে একদম হারাম বলে মন্তব্য করতেও দ্বিধা করে নি। এমনকি বিবি তালাকের ফতোয়া পর্যন্ত দেওয়া হয়েছে তাদেরকে, যারা সঙ্গীত ভালবাসেন। অথচ অবাক হবেন, সে সব মতাদর্শের অনুসারীদের দেশে রেডিও-টেলিভিশনে দেবার গান-বাজনা চলছে। তবে কি তাদের ফতোয়া তাদের উপরই পড়ছে না? এ রকম আত্মবিরোধী ফতোয়া দেখে যদি কেউ হাসে তবে কী বলবেন? নিজে ইসলামের শরা-শরিয়ত সম্পূর্ণ আন্তরিকতার সঙ্গে পালন করছেন, কিন্তু সন্তানরা কি সর্বাধুনিক ভি.সি.আর দেখছে না? অনেক ফতোয়াই এখন তাদের উপর পরোক্ষভাবে কি পড়ছে না?

সঙ্গীত হারাম অথবা নাজায়েজ করা হয়েছে এমন একটি দলিল কি সমস্ত কোরান পাক হতে দেখাতে পারবেন? মনগড়া অনুবাদ ও শব্দের অর্থকে যদি ইচ্ছাকৃতভাবে বিকৃত করে গানবাদ্য করা হয় তবে দোষটা কার? এ রকম শব্দের কত হাজারো বিকৃত অনুবাদ করে কোরান পাকের হাজারো বিকৃত অনুবাদ উপহার দেওয়া হয়েছে, তারই পরিণাম কি এক ইসলামের তেহাত্তর ফেরকা নয়?

প্রচলিত নিয়মের বৈশিষ্ট্যে প্রায় প্রতিটি ওরশ পালন করা হয়, কিন্তু সুরেশ্বরের ওরশ সেভাবে মোটেই পালন করা হয় না। কারণ সুফিবাদের মধ্যে দেওবন্দি গুরু এখানে পাবেন না। তা ছাড়া কেউ ওরশ পালন না করলেও বলার কিছু নেই। কেউ ওরশের বিরুদ্ধে বক্তব্য রাখতে চাইলেও এক ইসলামের তিন কুড়ি তের ফেরকার চেহারা দেখে কিছু বলার ইচ্ছা আর থাকে না। অনেকে বলেন যে, কোরান পাকের একটি আয়াতের অনেক রকম ব্যাখ্যা হয় এবং যেহেতু এক আয়াতের অনেক রকম ব্যাখ্যা হয়, সেহেতু অনেক রকম চিন্তাধারার প্রতিফলন হয় এবং যেহেতু অনেক রকম চিন্তাধারার প্রতিফলন, সেহেতু অনেক রকম ফেরকার জন্ম হওয়া সাধারণ কথা। একদল বলবে তাদের চিন্তাধারা সঠিক, অন্যদল বলবে ওদেরটা সঠিক। সুতরাং কোনো দলের বিরুদ্ধে মন্তব্য সম্পূর্ণরূপে অশোভনীয়। যেহেতু অশোভনীয় সেহেতু নীরব থাকাই সমীচীন।

সুরেশ্বরের ওরশে দিনরাত ঢোলের বাজনা, দোতারা, একতারা, সারেসঙ্গী, বেহালা, মারোফতি গান, কাওয়ালি অনেকের কাছেই ভালো লাগবে না। দলীয় আইনের তলোয়ার ইসলামের নামে চালাতে চাইবেন, কিন্তু কোনো লাভ নেই। কারণ, অতি দুঃখের সাথে মুসলমান ভাইদের বলতে হচ্ছে যে, এক ইসলাম তেহাত্তর ফেরকায় অনেক আগেই ভাগ হয়ে গেছে। যদি ওরশের বিরোধিতা আপনি করেন তবে অবশ্যই আপনাকে বলবার অধিকার আছে যে, আপনি কোন ফেরকার মুসলমান - ওহাবি ফেরকার, না কাদিয়ানি, না শিয়া, না বাহাই, না মোতাজিলা, না আশারিয়া, না গাবারিয়া, না মালামতিয়া, না জাবারিয়া, বা বাটালভি, না চাক্রালভি, না নাচার, না বোরি, না ইসমাইলিয়া, না বুরহানিয়া, না নুসাইরি, না সাস ইমামি, না ইসনা ইমামি, না খারেজি, না ইয়াজিদি, না দ্রুজ, না দেওবন্দি? এ রকমভাবে তিন কুড়ি তের ফেরকার কোন ফেরকার মুসলমান আপনি? যেদিন

সবগুলো ফেরকার অবসান ঘটিয়ে এক ইসলামে সবাইকে আনতে পারবেন, সেদিনই আপনার সমালোচনা সাদরে গ্রহণযোগ্য হতে বাধ্য। কারণ আমাদের ধর্ম একটি, কোরান একটি এবং নবিও এক - অথচ লজ্জাজনক তেহাওরটি ফেরকা কেন?

সুরেশ্বরের পাক দরবার শরিফের একজন নগন্য ভক্তের দাবিতে -

ডা. জাহাঙ্গীর বা-ঈমান আল সুরেশ্বরী।

আমি যা বলতে চাই

গবেষণা সত্যকে নেংটা করে দিতে পারে। আবার গবেষণা সত্যকে পিছিয়ে দেবার পোশাক পরিয়ে দিতে পারে কি না জানি না। তবে গবেষণার কাজটিকে মহানবি এতই উৎসাহিত করেছেন যে, ভেবে অবাক হই। গবেষণার আর একটা নাম জ্ঞান অর্জন করা বোঝায়। গবেষণার আর এক নাম যদি তুলি পরা চোখ দু'টো খুলে দিতে পারা বোঝায়, গবেষণা যদি একটি চাপিয়ে দেওয়া মিথ্যার খোলস খুলে দিতে পারা বোঝায়, তা হলে সেই গবেষণার আর এক নাম জ্ঞান। নারীর অধিকার চাইবার গবেষণায় যদি প্রাচীর দাঁড় করাতে চান ধর্মের নামে, তা হলে কি ধর্মটি মিথ্যা বলছে, না যে ধর্মের নামে ফতোয়া মারছে সে মিথ্যা বলছে? মৌল্লা দিয়ে মোহাম্মদকে যাচাই যারা করতে চায় তাদের গবেষণার মাল-মসলার ভিত্তিগুলো কি নড়বড়ে না শক্ত, তারও গবেষণা হওয়া উচিত মনে করি। কীভাবে মহানবির নামে মিথ্যা কথার ব্যুড়ি বানানো হয়েছে গবেষণার মাধ্যমেই সুন্দর ধরা পড়ে এবং পড়তে শুরু করেছে। তাই মহানবি জ্ঞান অর্জনের জন্য সেই দিনের দুর্গম বলে পরিচিত চীন দেশে যাবারও উপদেশ দিয়েছেন। সেই জ্ঞানের গবেষণার মাধ্যমে কোনটা মিথ্যা আর কোনটা সত্য সেটারই সামান্য বিষয় তুলে ধরতে চেষ্টা করা হয়েছে এই ছোট্ট বইটিতে। এই গবেষণার কাজটিকে জোর করে থামিয়ে দিয়ে গতানুগতিকতায় চলার নির্দেশ দিতে গেলেই বিবেকের গায়ে পড়ে জমিদারের নির্মম চাবুকির আঘাত। আর তখন? তখন নকলের সাথে আসলটাও বন্যার জলের মতো ভেসে যায়। উপসংহার টানে অস্বীকার। একটা চাপা বিদ্রোহ এবং ঘৃণা আর অবজ্ঞায় সমস্ত বিষয়টাকে একটা আবর্জনা মনে করে পৌর করপোরেশনের আবর্জনা ফেলার গাড়িতে তুলে দিয়ে নিস্তার পেতে চায়। এটাই মানবমনের একদম হালকা দর্শন। তখন আর ডেকে এনে নাস্তিক বানাতে হয় না, বরং নাস্তিক আপনিই হয়ে যায়। সব কিছুই মনে হয় তখন একটি সুপরিকল্পিত ভণ্ডামির নীল নকশা।

এই ছোট্ট বইতে দেখাতে চেয়েছি আমার সীমিত গবেষণার ফসল। হয়তো কেউ ছুঁড়ে ফেলে দেবে, আবার হয়তো কেউ আদরে মাখায় তুলে নেবে। এই স্বাধীন নির্বাচনের অধিকার যে জাতি দিতে চায় না, সেই জাতিই মনের অজান্তে সভ্য জাতির দ্বারা জ্ঞান-ভিকার ভাঙ হাতে দাড়াই।

উমাইয়াদের আমলে হাদিস সংগ্রহ শুরু হয়। মহানবির জাত শত্রুদের শাসনামলে মহানবির মহাবাণীগুলো আমরা পেয়েছি। এই জাত শত্রুরা মহানবির বংশধরদের উপর প্রতিটি মসজিদে জুম্মার নামাজের খোঁবা দেবার সময় অভিশাপ আর জঘন্য ভাষায় গালাগালি দেওয়া ছিল নিত্যদিনের মতো একটি সাধারণ ব্যাপার - যা শুনলে আজকের মুসলমানেরা অবাকের উপর অবাক হয়ে ভাবে, আপন মা সালাম পায় না, ডাকের মা পা বাড়ায়। সুতরাং প্রতিটি হাদিস কোরান-এর মানদণ্ডে বিচার করতে হবে। যদি না মেলে তা সঙ্গে সঙ্গে ফেলে দিতে হবে, তা সেই হাদিস যতই নির্ভরযোগ্য বলে দাবি করা হোক না কেন। কারণ, কোরানকে অনুসরণ করবে

হাদিস, কিন্তু হাদিসকে কোরান কখনই অনুসরণ করতে পারে না। সূর্য আলো দেবে চাঁদকে, কিন্তু চাঁদ কখনোই সূর্যকে আলো দেবে না।

আম্মার প্রথম লেখা বইটি ইংরেজি ভাষায় রচিত হয়েছিল ১৯৬৮ সালে। প্রথম প্রকাশের সঙ্গে সঙ্গে আইয়ুব খা সরকার বাজেয়াপ্ত করেছিল, কিন্তু বই বাজারে ছাড়া হয়েছিল। বাকিগুলো পুলিশের ভয়ে আম্মার স্বাী বস্তা বেঁধে পানিতে ডুবিয়ে দিয়েছিল। ভাগ্য খারাপ, সেই বইটির একটি কপিও এখন আম্মার নিয়ন্ত্রণে নেই।

আম্মার দুই নম্বর বইটি ইয়াহিয়া সরকার বাজেয়াপ্ত করেছিল এবং সেই বইটির জন্য বর্তমান ফেনী জেলাতে আম্মাকে রাজবন্দী করে নোয়াখালীর মাইজদি জেলে পাঠিয়ে দেওয়া হয়। বিচারে এক বছর কারাদণ্ড হয় এবং প্রায় ছয় মাস জেল খাটার পর মুক্তিলাভ করি।

আম্মার তিন নম্বর বইটি (মারেফতের গোপন কথা) প্রথম ছাপা হয় ১৯৭৭-এ এবং দশ বছর চালু থাকার পর এরশাদশাহি সরকার ১৯৮৭ সালের ২৫শে অক্টোবর বাজেয়াপ্ত করে এবং বিচার করে বেকসুর খালাশ রায় প্রদান করা হয়।

আম্মার চার নম্বর বই এলমে মারেফত (মারেফতের বাণী) এখনো বেঁচে আছে। এই বইটির হায়াত কতদিন থাকে তা আল্লাহপাকই জানেন। তবে কিছু কিছু কঠোর সমালোচনা যে হয় নি, তা নয়। তবে অসুস্থ হলেও মারা যায় নি। আসলে আম্মার কপালটাই খারাপ। কলম ধরতে গেলেই এলার্জির ভাইরাস ছড়িয়ে পড়ে। আর সেই সঙ্গে মনে পড়ে বার বার হজরত শাকিল বাদাউনি-এর রচিত দু'টি লাইন : চুপ রাহেনা চাহ রায় না সাকু, কুচ কায়না চাহ কায়না সাকু ; কিসমত নে হাম্মে মজবুর কেয়া - অর্থাৎ 'চুপ করে থাকতে চেয়েছিলাম, কিন্তু থাকতে পারলাম না। কিছু বলতে চেয়েছিলাম, কিন্তু বলতে পারলাম না। কারণ, ভাগ্যটাই আম্মাকে করে দিল একদম অসহায়।'

বাংলাদেশের ভেতর বেশ কিছু পীর-ফকিরদের আশ্রানায় যাওয়া আসা করেছি। সবাইকে এক পাল্লায় মাপতে চাইবার ইচ্ছায় নয়। তবে আধুনিক যুগের কিছু কিছু পীর-ফকিরের 'হাম্মে হাম্ম' ভাবখানায় ডুবো ডুবো ভাবখানা দেখতে পেয়েছি। যার দরুণ সুফিবাদের প্রচার যতটুকু হওয়া উচিত ছিল, তার কিছুই হয় নি বলে মনে হয়। আগের দিনের রাজা-জমিদারদের চমৎকার একখানি আদর্শ ছিল - খানা লাগাও, বাঁজি নাচাও, গান বাজনা শোনো, মণ্ডতের আগে মন্দির বানাও, বুড়ো বয়সে তপজপ করো এবং হাসতে হাসতে বেহেস্তে চলে যাও। জ্ঞান-গবেষণা করতে নেই। ওটা ইউরোপ আর আমেরিকানরা করবে। নতুন নতুন জিনিস আবিষ্কার করবে। আমরা ওদের থেকে কিনে নেব আর মউজ করবো। 'সাবাস, সাবাস' বলে চাটুকোরের দল সায় দিয়ে গেছে আর হজরতের দর্শনবাণী শুনিয়েছে : 'হজুর, ওরা গাধা। খাটুনি করে মরছে ইউরোপ আর আমেরিকানরা।'

কিন্তু যে সকল পীর-ফকিরেরা সুফিবাদের ধারক ও বাহক তাদের আশ্রানায় গিয়ে দেখতে পেয়েছি একদম সাধারণ অবস্থা। ইচ্ছা থাকলেও বলার উপায় নেই। তাও মরে-পিটে কিছু ছাপাতে গেলে বইগুলোর চেহারা-সুরত এতই নিম্নমানের হয় যে, পাঠক হাতে নিতে চায় না। যুগটাই চমকের। চমকের কিছু আলো, বইটির চেহারায় বিউটি পার্লামের উগ্র ফ্যাশনের বাধাই না থাক, কিছুটা মোমপালিশ যে দিতেই হয়। যে যুগ রে বাবা! বৈঠকখানায় সাজানো ফুলদানিতে থোকায় থোকায় রং-বেরং-এর ফুল-পাতা, একদম তরতাজা, মানে ফ্রেশ, কিন্তু প্লাস্টিকের ফুল-পাতা বলে যখন ধরা পড়ে তখন মনটায় একটা কামড় মারে। হজরত ইমাম বোখারি সাহেব তো এ রকম ধোঁকাবাজি দেখতে গেলে একটি হাদিসও বিশ্বাসযোগ্য বলে গ্রহণ করতেন না। খালি ধাম্মা দেখিয়ে গাধা ধরার কৌশল দেখে হজরত ইমাম বোখারি একটিও হাদিস গ্রহণ করেন নি। বিসমিল্লাতেই ধোঁকাবাজির ম্যাজিক শো দেখে তিনি তাড়াতাড়ি বিদায় নিলেন। অথচ এ যুগে ধাম্মার ভেতর কিছু থাক চাই

না থাক, সেটা বড় কথা নয়। বড় কথা হলো, ধামাটার ডিজাইন, নকশা-নমুনা এবং চেহারা-সুরতে জেলা ম্যারে কি না! নিউজপ্রিন্ট কাগজের বই, কিছু উপরের মলাট নামক ধামাটায় একটু জেলা বসাবার খায়েস থাকলেই কাজ সেয়েছে! ফেল আগে মালপানি তারপর লণ্ড বইয়ের জেলা। যেই না বউ তার উপর এক ডজন দাই! যুগের চাহিদা যদিও নিছক আপেক্ষিক সত্য, কিন্তু এই আপেক্ষিকতাকে কোনো যুগেই ফেলে দিতে পারি নি। তাই আমরা অনেক সময় আপেক্ষিকতার উপর ভিত্তি করে সার্বিক সত্যটির উপর কসাইয়ের কুড়াল চালাই। ভাবি, মস্ত বড় একটা কাজ করলাম।

আবার ভাষার ব্যাপারে কলকাতার কথ্য ভাষাটাই হলো হাই সোসাইটির ভাষা। প্রতিটি যুগের এলাজির খান্দানি ধারাটি কোনো না কোনো কোশলে টিকে আছেই। সংস্কৃত ভাষা কোনো এক যুগে ছিল হাই সোসাইটির ভাষা। তখন কলকাতার কথ্য ভাষা ছিল সাহিত্যের প্রশ্নে অখাদ্য। তারপর মাইকেল আর বঙ্কিম বাবুদের কাছে হাতির হাই সোশিয়াল ভাষাটি হলো 'ঐরাবত' এবং আরও কত কি যুক্তাকরের ঠেলা। একদিন ফরাশিরা বিলেতের লোকদেরকে চর অঞ্চলের লোক বলে গাল দিত এবং এদের ভাষা মুখে উচ্চারণ করাটাকে পাপ মনে করতো। শুনলে অবাক হবেন, এ যুগের কিছু কিছু ফরাশি আছে যারা ইংরেজি ইচ্ছা করে শেখে না। জানেন কি? বর্তমান ফরাশি প্রেসিডেন্ট কি ইংরেজি ভাষা জানেন? আমার মুখে না শুনে একটু খোঁজ নিয়ে দেখুন না!

শুনেছি, ব্যাকরণ লিখককে অনুসরণ করবে। তাই আমার মতো ফইচকা লেখকও ইচ্ছে করেই সাধু ও চলতির মিশ্রণ ঘটিয়েছি। এতে পাঠক যদি ভুল ধরতে চান, ধরবেন। প্রতিবাদ ভুলেও করবো না। কারণ, লিখতে চেয়েছিলাম উপন্যাস আর ছোট গল্প, কিন্তু ঐ যে কিসমতের লিখন! বানাবো শিব হয়ে গেল অন্য একটা। ধর্ম লিখতে ভাষা লাগে না - লাগে দলিল, প্রচুর দলিল। একদম মাপা পথে গাড়ি চালাতে হবে। ট্রেন যেমন মাপা পথে চলে। স্বাধীনতার প্রশ্নই উঠতে পারে না। এমনকি দলিলের ব্যাখ্যাটুকু লিখতে গেলেও ব্যাখ্যার দলিল থাকতে হবে। কী যে কর্ত করতে হয়!

বদরের যুদ্ধটি ইসলামের বাঁচা-মরার যুদ্ধ ছিল। তা হলে বদরের যুদ্ধের দাম কতটুকু হতে পারে? অথচ এই পবিত্র বদরের যুদ্ধটির একটি আদম (ডামি) দাঁড় করিয়েছে বাংলাদেশের স্বাধীনতা যুদ্ধে কারা? গরুর বাচ্চা অকালে মারা গেলে গরুর দুধ পাবার আশায় মরা বাচ্চার টামড়া দিয়ে তৈরি করা হয় একটি ডামি, যাকে চলতি ভাষায় 'আদম' বলা হয়। সেই আদমটির নাম ছিল 'আল বদর' বাহিনী। কী চমৎকার নাম! সেই আদমটি ব্যবহার করে স্বাধীনতার দুধ সংগ্রহ করতে চেয়েছিল যারা, তারা মুসলমান নামের জঘন্য কলঙ্ক। তারা গাধা আর ঘোড়ার মিলনের খচ্চর নামের শঙ্কর ছিল। সেই খচ্চরদের আকাম-কুকামের কথা সবারই জানা আছে। আজও তারা বহাল তবিয়েতে বেঁচে আছে। সমাজে মাথা উঁচু করে, ধর্মের নামে ভণ্ডামির ডুগডুগি বাজিয়ে সরল মুসলমানদের জাদুর ভেঙ্কি দেখিয়ে দলে টানার কত রকম কৌশল তৈরি করে চলেছে একের পর একটি করে। এই পুরাতন খচ্চরেরা ইসলামি নামে কয়টি মাসিক পত্রিকা বের করেছে। তাও আবার 'আল বদরের' মতো পবিত্র স্থানগুলোর নামে। ইসলামের নামে মিঠা-মিঠা লিখা দেখলে আপনার মনে হবে, এরা কত বড় গণতন্ত্রের পুজারি। এদের পত্রিকায় কারো নামে অভিযোগ করা হলে আপনার মনে হবে সাংবাদিকতার নীতি অনুসারে প্রতিবাদ করার যে অধিকারটি সর্বজনস্বীকৃত সেটার কোনো সামান্যতম প্রয়োজন আছে বলেও এরা মনে করে না। বিবেক পাথর হয়ে যায়। শূকর বনের এক শ্রেণীর পশু, কিন্তু এদের আকাম-কুকাম দেখলে শূকরও শরমে পালিয়ে যাবে। মধ্যপ্রাচ্যের এক নেতার মাথার উপর দুইটি শিং গজানো রাক্সস-মার্কা ছবির পোস্টার ছাপিয়ে দেয়ালে লাগিয়ে

দেবার জন্য কোনো এক দূতাবাস হতে শত শত রিফ দামি কাগজ আর মোটা মালপানি পেয়ে কিছু পোস্টার দেয়ালে লাগিয়ে বাকি কাগজ ও মালপানির খেলাটি হজম। কিছু ভাগ-বাঁটোয়ারা নিয়ে গুঁতাগুঁতিতে এসব গোপন কথা ফাঁস হয়ে যাচ্ছে। যেমন শুনি যে ডাকাতেরা সোনাদানা ডাকাতি করার পর সেই সোনাদানার ভাগ-বাঁটোয়ারা নিয়ে ডাকাতে ডাকাতে মারামারি করে। চিন্তা করুন, এরা কী রকম বৈজ্ঞানিক ইসলামের ব্যাপ্তা হাতে খাসা চিহ্ন! এদের চিড়িয়াখানায় রাখা হলে কী রকম মানাবে? অথচ এরাই যাদেরকে ইয়েলো জার্নালিজমের গালি দিয়ে নাস্তিক নাস্তিক বলে চিৎকার শুরু করে দেয় তাদের সাপ্তাহিক কাগজগুলোতে যে গণতন্ত্রের অধিকারের কথা বলা হয়, তার চেয়ে অনেক অনেক বেশি গণতন্ত্রের কথা পাওয়া যায় পরিষ্কার পানির মধ্যে। এমনকি সেইসব সাপ্তাহিক কাগজগুলোর বিরুদ্ধে জঘন্য ভাষার গালাগালিগুলো পর্যন্ত হবহ ছাপিয়ে দেয়। যদিও রাজনীতির কিছুই বুঝি না এবং বুঝবার আগ্রহটিও নেই, তবুও বড় ছেলের কিলে আনা পত্রিকাগুলো যেমন, পূর্বাভাস, খবরের কাগজ, আগামী, এই সময় ইত্যাদি অলস সময়ে হাতে নিয়ে পড়তে শুরু করি এবং অবাক হয়ে অনেক কিছু ভাবতে বাধ্য হই। সম্ভবত আমার মেয়ের বয়সের এক মার লিখা কয়টি লাইন বুকে দাগ কেটে আছে। এত সুন্দর আর এতই ভালো লেগেছে যে আমি অধম তাকে প্রায়ই দোয়া করি। খাজা বাবার মাজারে দাঁড়িয়ে চোখের জলে কিছু চাইতেছিলাম। এমন সময় সেই মেয়েটির লিখা মনে ভেসে আসতেই তার জন্য খাজা বাবার কাছে কিছু চাইলাম। অথচ আমি তো সেই মহান মাকে আজও দেখি নি! সেই মায়ের লিখা কয়টি লাইন হবহ তুলে ধরলাম : ধর্মের দালান-কোঠা যদি মানুষে-মানুষে ভালোবাসা নষ্ট করে, তবে এই পৃথিবী থেকে ধ্বংস হয়ে যাক মন্দির, মসজিদ, গির্জা ও প্যাগোডার সকল অস্তিত্ব। ইট-সুড়কির চেয়ে মানুষ বড়। ইট সুড়কির চেয়ে ভালোবাসা বড়। মায়ের এ কথাগুলো যদি অধর্ম হয়ে থাকে, তা হলে আমার মতো ক্ষুদ্র ইসলাম গবেষকের জানা নেই ধর্মের ভাষা কোনটি। না দেখা সেই মাকে আমি যখন জানালাম, আসুন আমাদের গবেষণা কেন্দ্রে। আপনার মনের কথাটি বলুন। আমাদের গবেষণার কাজে সহায়ক হতে পারে হয়তো।

ধর্মের পুকুরটি বড় বড় টাগই (কচুরিপানা) দিয়ে এমনভাবে ঢেকে আছে যে, ওটাকে দূর হতে পুকুর মনে না করে সবজির ক্ষেত মনে হতে পারে। দু'চারটা টাগই উঠালেই দেখতে পাবেন পানি। আজ ধর্মের নামে এত টাগই জমে গেছে যে, পানি আছে বলে মনে যায় দেয় না। আসুন, যদি মনে করেন এই টাগই কিছুটা নিজ হাতে তুলে ফেলে পানি আছে বলে দেখিয়ে দিতে পারেন তবে সরল মানুষগুলো কিছুটা তো ঠাঠর করে নিতে পারবে। পারবে নিজেদের ভুলগুলো শুধরিয়ে নিতে। যদি মনে করেন অধম লিখকের বইটির বহুল প্রচার হওয়া উচিত তা হলে সাধ্যমত আর্থিক সাহায্য করুন। আর যদি মনে করেন, না! এটার প্রচার হতে নেই - তা হলে আমাদের অভিযোজনা দেবেন বলে আশা রাখি। আপনাদের ছোট ছোট সাহায্যই একদল করে যদি এক লক্ষ বই বিনামূল্যে বিতরণ করে দিতে পারি, তবে আশা করি কিছুটা কম্পন শুরু হয়ে যাবে। অথবা আপনি নিজেও ছাপিয়ে বিক্রি অথবা প্রচার করতে পারেন, কারণ আমার লিখিত যে কয়টি বই আছে ও থাকবে তার সব রকম স্বত্ব (কপি রাইট) সবাইকে দিয়ে দেবার কথা প্রকাশ্যে আগেই ঘোষণা করা হয়েছে।

তা ছাড়া ওলি-আল্লাহদের যারা প্রেমিক কেবলমাত্র তাদের কাছেই আমার অনুরোধ রইলো যে, পোকা খাওয়া দাঁত যেমন সাড়াশি দিয়ে তুলে ফেলা হয় সে রকমভাবে বাতুল ফেরকাগুলো সমাজে যে পোকা খাওয়া দাঁতের মতো যন্ত্রণা তৈরি করছে, সেই দাঁতগুলো তোলার জন্য আপনারা আমাদের আর্থিক সাহায্য করুন। আঙলাদে রসুল শহিদে কারবালা মাওলা ইমাম হোসাইন তো আসল কারা আর নকল কারা এই ভাগ করে দেখিয়ে দিতে গিয়ে সব কিছু লুটিয়ে (কোরবানি)

দিলেন। আর আমরা তাদেরই ভক্ত বলে কিছু সামান্য আর্থিক সাহায্যের জন্য দরাজ দিলে এগিয়ে আসবো না? আপনাদের ছোট ছোট দান একত্র করে লক্ষ লক্ষ বই প্রয়োজনে সমাজের জানী-পূণী হতে শুরু করে সবার মাঝে বিনামূল্যে নতুন নামমাত্র মূল্যে এমনভাবে চালাও প্রচার চালাবো যেন বাংলাদেশের প্রায় ঘরে বইগুলো পাঠাতে পারি। আশা করি এতে বাতল ফেরকাগুলোর বুকে একটা কম্পন শুরু হয়ে যাবে। যদি সাহায্য করাটা আপনাদের বিবেক ফরজ বলে সায় দেয় তা হলে নিচের তিকানায় আর্থিক সাহায্য-সহযোগিতা এবং অন্যান্য পরামর্শ দেবেন বলে আবেদন জানিয়ে কিছু কাজের দায়িত্ব চাপিয়ে পাঠকগণের উপর দিতে বাধ্য হলাম। আর সেই সঙ্গে এই সর্বপ্রথম আমার ডাক্তারি পেশার তিকানা দিলাম। ডা. বাবা জাহাঙ্গীর বা-ঈমান আল সুরেশ্বরী, বে-ঈমান হোমিও হল, ১০৮ নিউ এলিফ্যান্ট রোড, ২য় তলা (বাটা সিগন্যাল সংলগ্ন) ঢাকা, বাংলাদেশ।

বিধান না দর্শন?

যারা মোটরগাড়িটাকে বিশ্রাম দেবার জন্য, রোদ-বৃষ্টি হতে বাঁচাবার জন্য তৈরি করে ইটের তৈরি ঘর, তাদের কাছে শোষিত বেকার যুবক, ঘর-নেই মানুষের রাস্তার ধারে ঝুপড়ি বানিয়ে শিশু-সন্তানদের নিয়ে কী মন-কাদানো অবস্থায় জীবনটাকে খড়-কুটা ধরে বাঁচার মতো বেঁচে আছে - এদের কতটুকু দাম থাকতে পারে? কতটুকু নিম্নমানের পণ্ডর চেয়েও নিম্নমানের হলে পৃথিবীর কোনো জীব-জন্তুদের সঙ্গেও তুলনা দেবার নিদর্শন নেই বলেই এরা 'আসফালুস সাফেলিন' অর্থাৎ উদাহরণ দেবার মতো বিশেষণ ছাড়া একদম নিউ মডেলের পণ্ড। এই সম্পদ জমাকারীরা ধনের নেশায় ভয়করভাবে নেশাগ্রস্ত। এই নেশার তুলনা নেই, এ নেশা হেরোইন আর পেথিডিনের মতো মৃত্যুর নেশাকেও হার মানায়। হেরোইন আর পেথিডিন তো একটা যুবশক্তির মূলে আঘাত হানে। কিন্তু সম্পদ জমাকারীদের নেশা একটি দেশের অধিকাংশ মানুষের ^{১১} ^{১২} ^{১৩} ^{১৪} ^{১৫} ^{১৬} ^{১৭} ^{১৮} ^{১৯} ^{২০} ^{২১} ^{২২} ^{২৩} ^{২৪} ^{২৫} ^{২৬} ^{২৭} ^{২৮} ^{২৯} ^{৩০} ^{৩১} ^{৩২} ^{৩৩} ^{৩৪} ^{৩৫} ^{৩৬} ^{৩৭} ^{৩৮} ^{৩৯} ^{৪০} ^{৪১} ^{৪২} ^{৪৩} ^{৪৪} ^{৪৫} ^{৪৬} ^{৪৭} ^{৪৮} ^{৪৯} ^{৫০} ^{৫১} ^{৫২} ^{৫৩} ^{৫৪} ^{৫৫} ^{৫৬} ^{৫৭} ^{৫৮} ^{৫৯} ^{৬০} ^{৬১} ^{৬২} ^{৬৩} ^{৬৪} ^{৬৫} ^{৬৬} ^{৬৭} ^{৬৮} ^{৬৯} ^{৭০} ^{৭১} ^{৭২} ^{৭৩} ^{৭৪} ^{৭৫} ^{৭৬} ^{৭৭} ^{৭৮} ^{৭৯} ^{৮০} ^{৮১} ^{৮২} ^{৮৩} ^{৮৪} ^{৮৫} ^{৮৬} ^{৮৭} ^{৮৮} ^{৮৯} ^{৯০} ^{৯১} ^{৯২} ^{৯৩} ^{৯৪} ^{৯৫} ^{৯৬} ^{৯৭} ^{৯৮} ^{৯৯} ^{১০০} ^{১০১} ^{১০২} ^{১০৩} ^{১০৪} ^{১০৫} ^{১০৬} ^{১০৭} ^{১০৮} ^{১০৯} ^{১১০} ^{১১১} ^{১১২} ^{১১৩} ^{১১৪} ^{১১৫} ^{১১৬} ^{১১৭} ^{১১৮} ^{১১৯} ^{১২০} ^{১২১} ^{১২২} ^{১২৩} ^{১২৪} ^{১২৫} ^{১২৬} ^{১২৭} ^{১২৮} ^{১২৯} ^{১৩০} ^{১৩১} ^{১৩২} ^{১৩৩} ^{১৩৪} ^{১৩৫} ^{১৩৬} ^{১৩৭} ^{১৩৮} ^{১৩৯} ^{১৪০} ^{১৪১} ^{১৪২} ^{১৪৩} ^{১৪৪} ^{১৪৫} ^{১৪৬} ^{১৪৭} ^{১৪৮} ^{১৪৯} ^{১৫০} ^{১৫১} ^{১৫২} ^{১৫৩} ^{১৫৪} ^{১৫৫} ^{১৫৬} ^{১৫৭} ^{১৫৮} ^{১৫৯} ^{১৬০} ^{১৬১} ^{১৬২} ^{১৬৩} ^{১৬৪} ^{১৬৫} ^{১৬৬} ^{১৬৭} ^{১৬৮} ^{১৬৯} ^{১৭০} ^{১৭১} ^{১৭২} ^{১৭৩} ^{১৭৪} ^{১৭৫} ^{১৭৬} ^{১৭৭} ^{১৭৮} ^{১৭৯} ^{১৮০} ^{১৮১} ^{১৮২} ^{১৮৩} ^{১৮৪} ^{১৮৫} ^{১৮৬} ^{১৮৭} ^{১৮৮} ^{১৮৯} ^{১৯০} ^{১৯১} ^{১৯২} ^{১৯৩} ^{১৯৪} ^{১৯৫} ^{১৯৬} ^{১৯৭} ^{১৯৮} ^{১৯৯} ^{২০০} ^{২০১} ^{২০২} ^{২০৩} ^{২০৪} ^{২০৫} ^{২০৬} ^{২০৭} ^{২০৮} ^{২০৯} ^{২১০} ^{২১১} ^{২১২} ^{২১৩} ^{২১৪} ^{২১৫} ^{২১৬} ^{২১৭} ^{২১৮} ^{২১৯} ^{২২০} ^{২২১} ^{২২২} ^{২২৩} ^{২২৪} ^{২২৫} ^{২২৬} ^{২২৭} ^{২২৮} ^{২২৯} ^{২৩০} ^{২৩১} ^{২৩২} ^{২৩৩} ^{২৩৪} ^{২৩৫} ^{২৩৬} ^{২৩৭} ^{২৩৮} ^{২৩৯} ^{২৪০} ^{২৪১} ^{২৪২} ^{২৪৩} ^{২৪৪} ^{২৪৫} ^{২৪৬} ^{২৪৭} ^{২৪৮} ^{২৪৯} ^{২৫০} ^{২৫১} ^{২৫২} ^{২৫৩} ^{২৫৪} ^{২৫৫} ^{২৫৬} ^{২৫৭} ^{২৫৮} ^{২৫৯} ^{২৬০} ^{২৬১} ^{২৬২} ^{২৬৩} ^{২৬৪} ^{২৬৫} ^{২৬৬} ^{২৬৭} ^{২৬৮} ^{২৬৯} ^{২৭০} ^{২৭১} ^{২৭২} ^{২৭৩} ^{২৭৪} ^{২৭৫} ^{২৭৬} ^{২৭৭} ^{২৭৮} ^{২৭৯} ^{২৮০} ^{২৮১} ^{২৮২} ^{২৮৩} ^{২৮৪} ^{২৮৫} ^{২৮৬} ^{২৮৭} ^{২৮৮} ^{২৮৯} ^{২৯০} ^{২৯১} ^{২৯২} ^{২৯৩} ^{২৯৪} ^{২৯৫} ^{২৯৬} ^{২৯৭} ^{২৯৮} ^{২৯৯} ^{৩০০} ^{৩০১} ^{৩০২} ^{৩০৩} ^{৩০৪} ^{৩০৫} ^{৩০৬} ^{৩০৭} ^{৩০৮} ^{৩০৯} ^{৩১০} ^{৩১১} ^{৩১২} ^{৩১৩} ^{৩১৪} ^{৩১৫} ^{৩১৬} ^{৩১৭} ^{৩১৮} ^{৩১৯} ^{৩২০} ^{৩২১} ^{৩২২} ^{৩২৩} ^{৩২৪} ^{৩২৫} ^{৩২৬} ^{৩২৭} ^{৩২৮} ^{৩২৯} ^{৩৩০} ^{৩৩১} ^{৩৩২} ^{৩৩৩} ^{৩৩৪} ^{৩৩৫} ^{৩৩৬} ^{৩৩৭} ^{৩৩৮} ^{৩৩৯} ^{৩৪০} ^{৩৪১} ^{৩৪২} ^{৩৪৩} ^{৩৪৪} ^{৩৪৫} ^{৩৪৬} ^{৩৪৭} ^{৩৪৮} ^{৩৪৯} ^{৩৫০} ^{৩৫১} ^{৩৫২} ^{৩৫৩} ^{৩৫৪} ^{৩৫৫} ^{৩৫৬} ^{৩৫৭} ^{৩৫৮} ^{৩৫৯} ^{৩৬০} ^{৩৬১} ^{৩৬২} ^{৩৬৩} ^{৩৬৪} ^{৩৬৫} ^{৩৬৬} ^{৩৬৭} ^{৩৬৮} ^{৩৬৯} ^{৩৭০} ^{৩৭১} ^{৩৭২} ^{৩৭৩} ^{৩৭৪} ^{৩৭৫} ^{৩৭৬} ^{৩৭৭} ^{৩৭৮} ^{৩৭৯} ^{৩৮০} ^{৩৮১} ^{৩৮২} ^{৩৮৩} ^{৩৮৪} ^{৩৮৫} ^{৩৮৬} ^{৩৮৭} ^{৩৮৮} ^{৩৮৯} ^{৩৯০} ^{৩৯১} ^{৩৯২} ^{৩৯৩} ^{৩৯৪} ^{৩৯৫} ^{৩৯৬} ^{৩৯৭} ^{৩৯৮} ^{৩৯৯} ^{৪০০} ^{৪০১} ^{৪০২} ^{৪০৩} ^{৪০৪} ^{৪০৫} ^{৪০৬} ^{৪০৭} ^{৪০৮} ^{৪০৯} ^{৪১০} ^{৪১১} ^{৪১২} ^{৪১৩} ^{৪১৪} ^{৪১৫} ^{৪১৬} ^{৪১৭} ^{৪১৮} ^{৪১৯} ^{৪২০} ^{৪২১} ^{৪২২} ^{৪২৩} ^{৪২৪} ^{৪২৫} ^{৪২৬} ^{৪২৭} ^{৪২৮} ^{৪২৯} ^{৪৩০} ^{৪৩১} ^{৪৩২} ^{৪৩৩} ^{৪৩৪} ^{৪৩৫} ^{৪৩৬} ^{৪৩৭} ^{৪৩৮} ^{৪৩৯} ^{৪৪০} ^{৪৪১} ^{৪৪২} ^{৪৪৩} ^{৪৪৪} ^{৪৪৫} ^{৪৪৬} ^{৪৪৭} ^{৪৪৮} ^{৪৪৯} ^{৪৫০} ^{৪৫১} ^{৪৫২} ^{৪৫৩} ^{৪৫৪} ^{৪৫৫} ^{৪৫৬} ^{৪৫৭} ^{৪৫৮} ^{৪৫৯} ^{৪৬০} ^{৪৬১} ^{৪৬২} ^{৪৬৩} ^{৪৬৪} ^{৪৬৫} ^{৪৬৬} ^{৪৬৭} ^{৪৬৮} ^{৪৬৯} ^{৪৭০} ^{৪৭১} ^{৪৭২} ^{৪৭৩} ^{৪৭৪} ^{৪৭৫} ^{৪৭৬} ^{৪৭৭} ^{৪৭৮} ^{৪৭৯} ^{৪৮০} ^{৪৮১} ^{৪৮২} ^{৪৮৩} ^{৪৮৪} ^{৪৮৫} ^{৪৮৬} ^{৪৮৭} ^{৪৮৮} ^{৪৮৯} ^{৪৯০} ^{৪৯১} ^{৪৯২} ^{৪৯৩} ^{৪৯৪} ^{৪৯৫} ^{৪৯৬} ^{৪৯৭} ^{৪৯৮} ^{৪৯৯} ^{৫০০} ^{৫০১} ^{৫০২} ^{৫০৩} ^{৫০৪} ^{৫০৫} ^{৫০৬} ^{৫০৭} ^{৫০৮} ^{৫০৯} ^{৫১০} ^{৫১১} ^{৫১২} ^{৫১৩} ^{৫১৪} ^{৫১৫} ^{৫১৬} ^{৫১৭} ^{৫১৮} ^{৫১৯} ^{৫২০} ^{৫২১} ^{৫২২} ^{৫২৩} ^{৫২৪} ^{৫২৫} ^{৫২৬} ^{৫২৭} ^{৫২৮} ^{৫২৯} ^{৫৩০} ^{৫৩১} ^{৫৩২} ^{৫৩৩} ^{৫৩৪} ^{৫৩৫} ^{৫৩৬} ^{৫৩৭} ^{৫৩৮} ^{৫৩৯} ^{৫৪০} ^{৫৪১} ^{৫৪২} ^{৫৪৩} ^{৫৪৪} ^{৫৪৫} ^{৫৪৬} ^{৫৪৭} ^{৫৪৮} ^{৫৪৯} ^{৫৫০} ^{৫৫১} ^{৫৫২} ^{৫৫৩} ^{৫৫৪} ^{৫৫৫} ^{৫৫৬} ^{৫৫৭} ^{৫৫৮} ^{৫৫৯} ^{৫৬০} ^{৫৬১} ^{৫৬২} ^{৫৬৩} ^{৫৬৪} ^{৫৬৫} ^{৫৬৬} ^{৫৬৭} ^{৫৬৮} ^{৫৬৯} ^{৫৭০} ^{৫৭১} ^{৫৭২} ^{৫৭৩} ^{৫৭৪} ^{৫৭৫} ^{৫৭৬} ^{৫৭৭} ^{৫৭৮} ^{৫৭৯} ^{৫৮০} ^{৫৮১} ^{৫৮২} ^{৫৮৩} ^{৫৮৪} ^{৫৮৫} ^{৫৮৬} ^{৫৮৭} ^{৫৮৮} ^{৫৮৯} ^{৫৯০} ^{৫৯১} ^{৫৯২} ^{৫৯৩} ^{৫৯৪} ^{৫৯৫} ^{৫৯৬} ^{৫৯৭} ^{৫৯৮} ^{৫৯৯} ^{৬০০} ^{৬০১} ^{৬০২} ^{৬০৩} ^{৬০৪} ^{৬০৫} ^{৬০৬} ^{৬০৭} ^{৬০৮} ^{৬০৯} ^{৬১০} ^{৬১১} ^{৬১২} ^{৬১৩} ^{৬১৪} ^{৬১৫} ^{৬১৬} ^{৬১৭} ^{৬১৮} ^{৬১৯} ^{৬২০} ^{৬২১} ^{৬২২} ^{৬২৩} ^{৬২৪} ^{৬২৫} ^{৬২৬} ^{৬২৭} ^{৬২৮} ^{৬২৯} ^{৬৩০} ^{৬৩১} ^{৬৩২} ^{৬৩৩} ^{৬৩৪} ^{৬৩৫} ^{৬৩৬} ^{৬৩৭} ^{৬৩৮} ^{৬৩৯} ^{৬৪০} ^{৬৪১} ^{৬৪২} ^{৬৪৩} ^{৬৪৪} ^{৬৪৫} ^{৬৪৬} ^{৬৪৭} ^{৬৪৮} ^{৬৪৯} ^{৬৫০} ^{৬৫১} ^{৬৫২} ^{৬৫৩} ^{৬৫৪} ^{৬৫৫} ^{৬৫৬} ^{৬৫৭} ^{৬৫৮} ^{৬৫৯} ^{৬৬০} ^{৬৬১} ^{৬৬২} ^{৬৬৩} ^{৬৬৪} ^{৬৬৫} ^{৬৬৬} ^{৬৬৭} ^{৬৬৮} ^{৬৬৯} ^{৬৭০} ^{৬৭১} ^{৬৭২} ^{৬৭৩} ^{৬৭৪} ^{৬৭৫} ^{৬৭৬} ^{৬৭৭} ^{৬৭৮} ^{৬৭৯} ^{৬৮০} ^{৬৮১} ^{৬৮২} ^{৬৮৩} ^{৬৮৪} ^{৬৮৫} ^{৬৮৬} ^{৬৮৭} ^{৬৮৮} ^{৬৮৯} ^{৬৯০} ^{৬৯১} ^{৬৯২} ^{৬৯৩} ^{৬৯৪} ^{৬৯৫} ^{৬৯৬} ^{৬৯৭} ^{৬৯৮} ^{৬৯৯} ^{৭০০} ^{৭০১} ^{৭০২} ^{৭০৩} ^{৭০৪} ^{৭০৫} ^{৭০৬} ^{৭০৭} ^{৭০৮} ^{৭০৯} ^{৭১০} ^{৭১১} ^{৭১২} ^{৭১৩} ^{৭১৪} ^{৭১৫} ^{৭১৬} ^{৭১৭} ^{৭১৮} ^{৭১৯} ^{৭২০} ^{৭২১} ^{৭২২} ^{৭২৩} ^{৭২৪} ^{৭২৫} ^{৭২৬} ^{৭২৭} ^{৭২৮} ^{৭২৯} ^{৭৩০} ^{৭৩১} ^{৭৩২} ^{৭৩৩} ^{৭৩৪} ^{৭৩৫} ^{৭৩৬} ^{৭৩৭} ^{৭৩৮} ^{৭৩৯} ^{৭৪০} ^{৭৪১} ^{৭৪২} ^{৭৪৩} ^{৭৪৪} ^{৭৪৫} ^{৭৪৬} ^{৭৪৭} ^{৭৪৮} ^{৭৪৯} ^{৭৫০} ^{৭৫১} ^{৭৫২} ^{৭৫৩} ^{৭৫৪} ^{৭৫৫} ^{৭৫৬} ^{৭৫৭} ^{৭৫৮} ^{৭৫৯} ^{৭৬০} ^{৭৬১} ^{৭৬২} ^{৭৬৩} ^{৭৬৪} ^{৭৬৫} ^{৭৬৬} ^{৭৬৭} ^{৭৬৮} ^{৭৬৯} ^{৭৭০} ^{৭৭১} ^{৭৭২} ^{৭৭৩} ^{৭৭৪} ^{৭৭৫} ^{৭৭৬} ^{৭৭৭} ^{৭৭৮} ^{৭৭৯} ^{৭৮০} ^{৭৮১} ^{৭৮২} ^{৭৮৩} ^{৭৮৪} ^{৭৮৫} ^{৭৮৬} ^{৭৮৭} ^{৭৮৮} ^{৭৮৯} ^{৭৯০} ^{৭৯১} ^{৭৯২} ^{৭৯৩} ^{৭৯৪} ^{৭৯৫} ^{৭৯৬} ^{৭৯৭} ^{৭৯৮} ^{৭৯৯} ^{৮০০} ^{৮০১} ^{৮০২} ^{৮০৩} ^{৮০৪} ^{৮০৫} ^{৮০৬} ^{৮০৭} ^{৮০৮} ^{৮০৯} ^{৮১০} ^{৮১১} ^{৮১২} ^{৮১৩} ^{৮১৪} ^{৮১৫} ^{৮১৬} ^{৮১৭} ^{৮১৮} ^{৮১৯} ^{৮২০} ^{৮২১} ^{৮২২} ^{৮২৩} ^{৮২৪} ^{৮২৫} ^{৮২৬} ^{৮২৭} ^{৮২৮} ^{৮২৯} ^{৮৩০} ^{৮৩১} ^{৮৩২} ^{৮৩৩} ^{৮৩৪} ^{৮৩৫} ^{৮৩৬} ^{৮৩৭} ^{৮৩৮} ^{৮৩৯} ^{৮৪০} ^{৮৪১} ^{৮৪২} ^{৮৪৩} ^{৮৪৪} ^{৮৪৫} ^{৮৪৬} ^{৮৪৭} ^{৮৪৮} ^{৮৪৯} ^{৮৫০} ^{৮৫১} ^{৮৫২} ^{৮৫৩} ^{৮৫৪} ^{৮৫৫} ^{৮৫৬} ^{৮৫৭} ^{৮৫৮} ^{৮৫৯} ^{৮৬০} ^{৮৬১} ^{৮৬২} ^{৮৬৩} ^{৮৬৪} ^{৮৬৫} ^{৮৬৬} ^{৮৬৭} ^{৮৬৮} ^{৮৬৯} ^{৮৭০} ^{৮৭১} ^{৮৭২} ^{৮৭৩} ^{৮৭৪} ^{৮৭৫} ^{৮৭৬} ^{৮৭৭} ^{৮৭৮} ^{৮৭৯} ^{৮৮০} ^{৮৮১} ^{৮৮২} ^{৮৮৩} ^{৮৮৪} ^{৮৮৫} ^{৮৮৬} ^{৮৮৭} ^{৮৮৮} ^{৮৮৯} ^{৮৯০} ^{৮৯১} ^{৮৯২} ^{৮৯৩} ^{৮৯৪} ^{৮৯৫} ^{৮৯৬} ^{৮৯৭} ^{৮৯৮} ^{৮৯৯} ^{৯০০} ^{৯০১} ^{৯০২} ^{৯০৩} ^{৯০৪} ^{৯০৫} ^{৯০৬} ^{৯০৭} ^{৯০৮} ^{৯০৯} ^{৯১০} ^{৯১১} ^{৯১২} ^{৯১৩} ^{৯১৪} ^{৯১৫} ^{৯১৬} ^{৯১৭} ^{৯১৮} ^{৯১৯} ^{৯২০} ^{৯২১} ^{৯২২} ^{৯২৩} ^{৯২৪} ^{৯২৫} ^{৯২৬} ^{৯২৭} ^{৯২৮} ^{৯২৯} ^{৯৩০} ^{৯৩১} ^{৯৩২} ^{৯৩৩} ^{৯৩৪} ^{৯৩৫} ^{৯৩৬} ^{৯৩৭} ^{৯৩৮} ^{৯৩৯} ^{৯৪০} ^{৯৪১} ^{৯৪২} ^{৯৪৩} ^{৯৪৪} ^{৯৪৫} ^{৯৪৬} ^{৯৪৭} ^{৯৪৮} ^{৯৪৯} ^{৯৫০} ^{৯৫১} ^{৯৫২} ^{৯৫৩} ^{৯৫৪} ^{৯৫৫} ^{৯৫৬} ^{৯৫৭} ^{৯৫৮} ^{৯৫৯} ^{৯৬০} ^{৯৬১} ^{৯৬২} ^{৯৬৩} ^{৯৬৪} ^{৯৬৫} ^{৯৬৬} ^{৯৬৭} ^{৯৬৮} ^{৯৬৯} ^{৯৭০} ^{৯৭১} ^{৯৭২} ^{৯৭৩} ^{৯৭৪} ^{৯৭৫} ^{৯৭৬} ^{৯৭৭} ^{৯৭৮} ^{৯৭৯} ^{৯৮০} ^{৯৮১} ^{৯৮২} ^{৯৮৩} ^{৯৮৪} ^{৯৮৫} ^{৯৮৬} ^{৯৮৭} <

জন্মাকারীর যদি মৃত্যুদণ্ড নামক শাস্তিই যোগ্য বলে বিবেচিত হয়, তা হলে যারা সম্পদ জন্মা করে এতেন অবস্থা তৈরি করে তাদের জন্য কী শাস্তি?

খলিফা ওমর ফারুক জেরুজালেম যাচ্ছেন উটের পিঠে চাকরকে বসিয়ে। তারপর? মার্কস, লেনিন আর মাও সে তুং-এর বিবেকের চোখে বোবা বিস্ময়! সেই উটের রশি ধরে টেনে চলেছেন একশত বাংলাদেশের চাইতেও বড় দেশের প্রধান। দুটি মিনিট নেগেটিভ চিত্রার দর্শন মন হতে সরিয়ে চিত্রা করুন তো! চিত্রা করুন বাংলাদেশের উট (?) পদের একজন সরকারি কর্মচারীর পক্ষেও কি এই আচরণ প্রদর্শন করা সম্ভব? ভাতের হাঁড়ির সামনের সামনে পদমর্যাদার সাম্য নির্ধারিত আশ্রয়ত্যা, নয়তো পদত্যাগ পত্রের প্রশুটি কি অবধারিত? মাওলানা ভাসানী যখন ওমর ফারুকের এই ঘটনার বর্ণনা দিচ্ছিলেন মাও সে তুংকে, তখন মাও সে তুং কেবল একটি কথাই বলেছিলেন : বিবেকের সাম্যবাদকে গ্রহণ করা আরও জটিল। হ্যাঁ তাই। মানুষের রক্ত শোষণ করে যারা সম্পদের পাহাড় তৈরি করে উপাসনালয়ে বাচার আশ্রয় গ্রহণ করে তারা তখন? তখন ঐ জনতার একটি কণ্ঠস্বর শ্লোগানের ভয়ঙ্কর ডেউ তোলে : 'যে ঘরে তাদের মতো শোষক, জালেম আর সম্পদ জন্মাকারীরা আশ্রয় গ্রহণ করে সে ঘর আর যাই হোক না কেন, ওটা কখনোই আল্লাহর ঘর হতে পারে না।' এক সের হেরোইনসহ ধরা-পড়া আসামীর দিকে যে রক্তচক্ষু নিয়ে তাকায়, সে তাকানোর ভাষা হলো মৃত্যুদণ্ড। আর যারা দেশের আমানত বেমানুম হজম করে বসে আছে তাদের দিকে তাকানো কীভাবে? বলবেন কি? বুকে হাত রেখে বলুন, কী ধরনের উপহার পাবার যোগ্য তারা? এই বিবেকের দাঁড়িপাল্লায় উট-নিচু হবার ঝড় বইতে চায়। আল্লাহ পাক আমাদের শাহারগের চেয়েও নিকটে আছেন, আছেন রবরূপে, আছেন আদিল তথা সূক্ষ্ম বিচারকরূপে আমাদেরই একান্ত কাছে-কাছে। আছেন আমাদেরই অস্তিত্বের প্রতিটি সূক্ষ্মতম কোষে-কোষে। কী অপূর্ব কোরান-এর আটষটি নব্বু সুরা কালাম। কী বিজ্ঞানময় সূক্ষ্ম ভাষার গাথুনি সুরা কালামে। পৃথিবীতে এই বিজ্ঞানময় কোরান-এর তুলনা করা হাস্যকর। কারণ, কোরানই হলো একমাত্র পূর্ণাঙ্গ জীবনদর্শন।

মার্কসবাদ হাঁড়ির ইতিহাস তৈরি করতে গিয়ে নাস্তিকতাকে কোলে তুলে নিয়েছে। হাঁড়ির ইতিহাস আত্মার গবেষণাকে ফেলে দিয়ে মুক্তির বাণী শোনায়ে। কিছু অসম্ভব। আপেক্ষিক (কিছু দিনের জন্য) সত্যরূপে প্রতিষ্ঠিত হলেও সার্বিক (সব সময়ের জন্য) সত্যের সামনে মার্কসবাদ মাথা নিচু করে কাঁদে। কাঁদতে হবেই, এটা অমোঘ সত্য। তাই তো মার্কসের 'হাঁড়িইজম' বার বার রোগা হচ্ছে আর পরিবর্তনের ইনজেকশন দিয়ে তাকে টিকিয়ে রাখা হচ্ছে। কিন্তু যেদিন বিশ্বনবির কণ্ঠ হতে নির্গত আল্লাহর মহাবাণী কোরান-এর মর্মবাণী উদ্ধার করা হবে, উদ্ধার করা হবে সর্বযুগের জীবনব্যবস্থার একটি পূর্ণাঙ্গ জীবনদর্শন, সেদিন মার্কসবাদ এইডস রোগে আক্রান্ত হতে বাধ্য। যেদিন হজরত বাবা শাহ সুফি লালন ফকিরের অতি সহজ শব্দের গাথুনিতে রচিত পদ্যে কোরান-এর ব্যাখ্যা বাহির করতে পারবে - কারণ অধ্যাত্মবাদের মধ্যেও যে একটি অধ্যাত্মসাম্য থাকতে পারে তারই সন্ধান হলেন লালন ফকির - যেদিন ইমাম হোসায়েনের ইসলাম প্রতিষ্ঠিত হবে, যেদিন এজিদের রঙ-চড়া চোখ-ধাধানো মরীচিকার ইমিটেশন-মার্ক এজিদি ইসলামকে ডাস্টবিনে নিক্ষেপ করতে পারবে, সেইদিন কি হোসায়েনি ইসলামের হাঁটি হাঁটি পায়ে চলার বাস্তব রূপটি কোথাও প্রতিফলিত হবে?

দৈহিক মৃত্যুই যেখানে সব কিছুর শেষ সিদ্ধান্ত বলে ধরে নেওয়া হয়, ধরে নেওয়া হয় এই পৃথিবীর জীবনটাই একমাত্র সত্য, সেখানে কেবল মার্কসবাদই নয়, বরং যে কোনো নব্য আর পুরাতন মতবাদে (ইজম) রূপ আর যুক্তির নাচানাচির চং যতই আপাতত নিখুঁত বলে মনে হোক না কেন, কিছু খুব ধীরে ধীরে যখন গর্তে পড়ে হাত-পা ভাঙার অনেক দৃশ্য দেখতে পাবে, তখনই টালানো হয় ঔষধ আর ব্যাডেজ

লাগাবার নতুন নতুন প্রয়োগ ব্যবস্থা। কারণ, আপেক্ষিক সত্যের প্রশ্নে এরা দৈহিক মৃত্যুটাই সব কিছুর শেষ বলে সিদ্ধান্ত নেবার ঘোষণা করে নি, বরং সার্বিক সত্যরূপে চূড়ান্ত সিদ্ধান্ত নেবার ঘোষণা করা হয়েছে। যার দরুণ প্রয়োগপদ্ধতিটাই মুখ্য এবং এই প্রয়োগপদ্ধতিটার যতই নতুন নতুন ধরন-ধারণ বাহির করা হোক না কেন, উহা হয়ে পড়ে একটি পূর্ণাঙ্গ জীবনদর্শনের পরিবর্তে একটি পূর্ণাঙ্গ জীবনবিধান। ‘একটি পূর্ণাঙ্গ জীবনবিধান’ - বার বার এই ভুলটি এত বেশি প্রচার করা হয়েছে, যার দরুণ মগজ খোলাই করার মতো ‘পূর্ণাঙ্গ দর্শন’-এর চেহারার ভুল নাম ‘পূর্ণাঙ্গ জীবনবিধান’ বলা হয়। এ জন্যই এর ফলটির অনেক রকম নাম হতে পারে - যেমন বস্তুসর্বস্ববাদ, যান্ত্রিক জীবন, আইন সর্বস্ব ধর্মক দেবার বাহার, আত্মকেন্দ্রিকতাবাদ। এ রকমভাবে অনেক নাম দেওয়া যায় এবং যার ফলে, অধ্যাত্মবাদ, মরম্মিবাদ, সুফিবাদ, ফকিরি ইত্যাদি নামের পরকালভিত্তিক দর্শনগুলোকে কেমন করে গ্রহণ করা যায়, এ চিন্তা না করে বরং হুড়ে মারে যত সব জঘন্য গালাগালির বিশ্লেষণ - যেমন অঙ্কুরবাদ, গাঁজাখুরি, ভণ্ডামি, ফুল বাবুর চিন্তা ধারা, অলস মাথার বিকৃত ফসল ইত্যাদি।

মৃত্যুর পরও জীবন আছে, পুরস্কার আর শাস্তি আছে। যদিও এগুলো সাদা চোখে মোটেই ধরার উপায় নেই। তবুও এই অধ্যাত্মবাদকে কেউ মারতে পারবে না - এটা সারা জীবন নাস্তিক্যবাদের পুজোরি ও প্রচারক হবার পর দৈহিক মৃত্যুর সামনে এসে অকারণেই আধ্যাত্মবাদের কুয়াশা কাঁদায়। এটা যেন আগাছা মনে হলেও আপনিই গজায়। জীবনে কোনো দিন চাষ করা তো দূরে থাক, মনেও করতে চায় নি। সেই অধ্যাত্মবাদ মৃত্যুর সামনে এসে আগাছার মতো আপনিই গজিয়ে উঠবে। হ্যাঁ, গজাবেই। কারণ, এটাই যে জীবনের পূর্ণাঙ্গ দর্শন, যা সে নিজের ইচ্ছায় নয়, বরং সামাজিক জীবনব্যবস্থায় আত্মবিরোধ দেখে বাদ দিতে বাধ্য হয়েছে। কিন্তু মানুষের দৈহিক মৃত্যু যতদিন থাকবে, ততদিন অধ্যাত্মবাদকে কেউ মেরে ফেলতে পারবে না। কারণ, এটা এমনই এক জিনিস যা কেউ ঝেঁটিয়ে চিরবিদায় করে দিতে চাইলেও আবার আপন ঘরেই বুঝে-বুঝে-এর মতো ফিরে আসে। লৌকিকতার অবগুষ্ঠনে অস্বীকার করছে, কিন্তু মৌনতার অবগুষ্ঠনে অধ্যাত্মবাদের দরজার সামনে মাথা নিচু করে ফুঁপিয়ে কাঁদছে। সত্যিই আল্লাহ পাক, তুমি মহান না নিষ্ঠুর জানি না, জানারি জন্য টেষ্টাও করি নি কোনোদিন। কিন্তু আজ বিদায় বেলায় কেন মনের একান্ত গর্ভে তোমার কথা মনে হয়? যিশুর মহাক্কার দর্শন : ‘এক গালে চড় মারলে আর এক গাল পেতে দাও’, ‘আল্লাহ, তুমি ওদের ক্ষমা করে দাও, ওরা যা করছে তা ওরা নিজেরাই জানে না’ - এ রকম কত উপদেশকে কত রকম কুৎসিত আর জঘন্য বিশ্লেষণের কাপড় পরিয়েছি, কিন্তু মৃত্যুর শেষপ্রান্তে এসে অকারণেই বুকে জড়িয়ে ধরে সবার অলঙ্ঘ্য মাথা নিচু হয়ে যাচ্ছে।

তবে কি ঐ ক্কার বাণীই সার্বিক সত্য? যদিও আপেক্ষিক অর্থে এতকাল জেনেছি অন্যরকম।

মারেফত কী ও কেন?

আরবি ‘আরাফা’ শব্দ হতে মারেফত। আরাফা অর্থ হলো জানা, জ্ঞান লাভ করা। মারেফত অর্থ লব্ধ জ্ঞান। মারেফত দিয়ে জগত ও জীবনের যে কোনো বিষয়ের সম্যক জ্ঞান জানা যায়। মূল দর্শন প্রকৃত দর্শন নয়, সূক্ষ্ম দর্শন প্রকৃত দর্শন। জ্ঞানীগণ সূক্ষ্মতা অবলম্বন করে জীবন ও জগতকে দেখেন, ইহাই মারেফত। লোকেরা যাকে মারেফত বলে মনে করে, আসলে উহা মারেফত নয়। কারণ অজ্ঞাত বিষয় জানাটাই মারেফত। অজ্ঞাত বিষয়টা অজ্ঞাত থেকে যায় বলে মারেফত জ্ঞান লাভ হয় না। মারেফতের মূল কেন্দ্রভূমি আপন দেহ-মন। আপন দেহ-মনের পরিচয় পেলে মানুষ

তার রবের পরিচয় পায়। রবের পরিচয় পেলে সে তার সৃষ্টিকর্তা, পালনকর্তা ও ধ্বংসকর্তার সম্যক পরিচয় লাভ করে। যতদিন পর্যন্ত মানুষ এই রবের পরিচয় না পায়, ততদিন সে দুঃখচক্রে আবর্তে নিজের দুঃখ নিজে সৃজন করে ঘুরতে থাকে। এ জন্য কোরান বলছে, ওয়াস্তাকু রাব্বাকুম তোমরা তোমাদের রব সম্বন্ধে সাবধান হও। ইহাই মারোফতের গোপন কথা।

অতএব, বাজারের বিতর্কমূলক তথাকথিত শরিয়তের ধোঁকায় পড়ে পরস্পর আত্মকলহে লিপ্ত হয়ো না। আপন দেহ হতে আপন রবের মারোফতের দ্বার উদঘাটন করে আল কেতাবের শরিয়ত বুঝে লও, তবেই সকল বিতর্কের অবসান ঘটবে। মারোফতের গোপন কথা আসলে গোপন নয়। সম্যক গুরু প্রতি ভক্তিয়োগ অথবা জ্ঞানযোগের পথ ধরলেই গোপন কথার তালা খুলে আল কেতাবের দ্বার খুলে যাবে।

ভালো করে জেনে রাখুন

হাল আমলে বিশেষ করে কিছু মাদ্রাসায় পাস করা আলেম এবং মুফতিরা কথায় কথায় সরল মুসলমান ভাইদেরকে কাকের ফতোয়া দিয়ে বসেন। অথচ তারা জানেন না যে, ফতোয়া-এ দারুল উলুম (৪৪০/১২)-এ ফতোয়া বিষয়ে কী উপদেশ দিয়ে সাবধান করে দেওয়া হয়েছে : ‘কাকের ফতোয়া দেবার প্রশ্ন উঠলে দেখতে হবে যে, যদি শতকরা নিরানব্বই ভাগ কাকের বলার অবকাশ থাকে, কিছু মাত্র এক ভাগ কাকের না বলার সম্ভাবনা থাকে, তবে অবশ্যই মুফতি এবং কাজি কাকের ফতোয়া দিতে পারবে না।’ আদ দুরুল মুখতার নামক ফতোয়ার কেতাবের মূর্তাদ অধ্যায়ের (৩৯৯/৩) ফতোয়াতে স্পষ্ট বলা হয়েছে যে, ‘কাকের ফতোয়া দেবার যদি অনেক কারণও থাকে, তবুও যদি মাত্র একটি কারণ কাকের না হবার জন্য বাহির করা যায়, তা হলে কোনো মতেই মুফতি এবং কাজি কাকের ফতোয়া দিতে পারবেন না।’ এটা অত্যন্ত বেদানাদায়ক একটি বিষয় যে, ইসলামের ইতিহাসে বিখ্যাত কিছু আলেমরা একে অপরের উপর যা-তা মন্তব্য করে গেছেন। যেমন আম্মাদের সুন্নি জামাতের হজরত ইমাম আবু হানিফা-কে তারিখ-ই খতিব নামক কেতারের লেখক খতিব বাগদাদি দাঙ্গাল বলেছেন। হজরত ইউসুফ সার্তরি জঘন্য এবং অপার্য সমালোচনা করে গেছেন ইমাম আবু হানিফা-কে। এ রকমভাবে হজরত ইমাম মালিক-কে কঠোর সমালোচনা করেছেন মোহাম্মদ ইবনে ইসহাক এবং ইবনে আবি জিব। হজরত ইমাম শাফেয়িকে ইবনে মুইন। ইত্যাদি বহু নমুনা তুলে ধরা যায়।

সবচেয়ে মজার ব্যাপার হলো, হানাফিরা শাফেয়ীদেরকে, আবার শাফেয়িরা হানাফিদেরকে যেমন কঠোর সমালোচনা করেছেন, তেমনি মালেকিরা হান্বলিদের এবং হান্বলিরা উপরে বর্ণিত তিন মহান ইমামদেরকে কঠোর সমালোচনা করেছেন এবং একে অপরকে গোমরাহ বলেছেন।

মহানবির প্রিয় সাহাবা এবং আপন চাচাত ভাই হজরত আবদুল্লাহ ইবনে আব্বাস (রা.) সুন্দর একটি উপদেশ দিয়ে গেছেন এই বলে যে, ‘যেখানেই জ্ঞান পাবে তা অর্জন করে নিও। আর ফেকাহ শাস্ত্রের পণ্ডিতদের আগড়া এবং সমালোচনা গ্রহণ করতে যেও না। কারণ, এরা খোয়াড়ে বাস করা মানুষরূপী ডেড়ার দল। এরা একে অন্যের উপর চড়াও হয়।’

কবর ও মাজার বিষয়ে আলোচনা

মাজার পবিত্র স্থান। কারণ ইহা কবর নয়। কবর এবং মাজারের মধ্যে আকাশ-পাতাল প্রভেদ। অবশ্য ধর্মীয় পরিভাষায়। কেননা, মৃত মানুষের জন্য কবর।

জীবিতের জন্য নয়। অথচ সর্বশক্তিমান আল্লাহতে যিনি ফানা তথা নির্বাণপ্রাপ্ত হয়েছেন ইসলাম তাঁকে সর্বসময়ে জীবিত বলে দৃঢ়ভাবে ঘোষণা করেছে। সুতরাং যিনি সর্বসময়ে জীবিত তাঁর আস্থানাকে কবর না বলে মাজার বলা হয়। ইসলামে কবর-পূজা নিষেধ। কারণ, কবরে মৃত ব্যক্তি থাকেন। যদিও আজকাল আমরা মাজার এবং কবরের সূক্ষ্ম প্রভেদ না বুঝে সমাজের অনেক গন্যমান্য ব্যক্তি ও নেতাদের কবরকেও মাজার বলি। ইহা আমাদের একান্ত অনিচ্ছাকৃত ভুল। তা ছাড়া পবিত্র এক ইসলাম ইতোমধ্যেই ৭৩ (তেহাত্তর)-টি ভাগে বিভক্ত হয়ে গেছে। এই ৭৩ (তেহাত্তরটি) ভাগের মধ্যে প্রত্যেক ভাগের আবার নিজস্ব দর্শন আছে এবং প্রত্যেক ভাগের অনুসারীরা তাদের দর্শনই কোরান এবং সুন্নাহ ভিত্তিক বলে দাবি করেন এবং অনেক সময় এই দাবির যুক্তিযুক্ততা নিয়ে যগড়া এমনকি খুনাখুনি পর্যন্ত হয়ে গেছে এবং এখনও হয়। কখনো সুন্নি ও কাদিয়ানিদের মধ্যে, আবার কখনো সুন্নি এবং শিয়াদের মধ্যে, আবার কখনো সুন্নি এবং ওহাবিদের মধ্যে।

হজরত মোহাম্মদ (আ.)-এর নামে যদি সোদি আরবে মিলাদুন্নবি পাঠ করেন তবে সঙ্গে সঙ্গে চাবুকের আঘাত খেতে হবে। কারণ সোদি আরবের শ্রদ্ধেয় ভাইয়েরা প্রায় সবাই ওহাবি এবং ওহাবিরা নবির নামে মিলাদ পাঠ করাকে শেরেক, বেদাত এবং নাজায়েজ মনে করেন। একমাত্র সুন্নি মুসলমানেরাই মাজারকে সম্মান করেন। মুসলমানদের মধ্যে এমন দলও আছেন যারা মাজার বলে কোনো কিছু মানতে একদম নারাজ। এই রকম একটি দলের নাম ওহাবি। শ্রদ্ধেয় ওহাবি ভাইয়েরা সংখ্যায় অনেক কম হলেও সুন্নিদের মধ্যে প্রবেশ করে সুন্নিদের ধর্মদর্শনের ভারসাম্য নষ্ট করে দিচ্ছেন। হাইকোর্টের মাজার শরিফে যিনি আছেন তাঁর নাম হজরত খাজা শরফুদ্দিন চিশতি। ইসলামের অন্য কোনো দল অথবা তরিকায় গানবাদ্য জায়েজ থাকুক আর নাই থাকুক, কিন্তু চিশতিয়া তরিকা ইহার সম্পূর্ণ ব্যতিক্রম। চিশতিয়া তরিকার মধ্যেই কাণ্ড্যালি, গজল, নাত, মুরশিদি বিভিন্ন প্রকার গানবাদ্য হয়ে আসছে। বিভিন্ন সুরের স্রষ্টা হজরত নিজামউদ্দিন আউলিয়া-র প্রধান শিষ্য হজরত আমির খসরু চিশতি তাঁর উজ্জ্বল এবং বিস্ময়কর প্রমাণ।

সমগ্র কোরান শরিফের কোথাও গান-বাদ্যের বিরুদ্ধে একটি শব্দও উচ্চারিত হয় নি। কেবলমাত্র দুইটি শব্দের শাব্দিক ব্যাখ্যা নিয়ে অনুবাদকারীর বিভিন্ন মতামত প্রতিফলিত হয়েছে। সমগ্র কোরান শরিফে যে দুইটি শব্দকে ভিত্তি করে অনেক শ্রদ্ধেয় ভাইয়েরা গানবাদ্য না-জায়েজ করেছেন, সেই শব্দ দুটো হলো লাহওয়াল হাদিস। উহা সূরা লোকমানের ছয় নম্বর আয়াতে আছে। আরবি ভাষায় লাহওয়াল শব্দের অর্থ হল বাজে তথা অসাড় এবং হাদিস শব্দের অর্থ হলো কথা। দুটো মিলে শাব্দিক অর্থ দাঁড়ালো বাজে কথা। এই ‘অসাড় অথবা বাজে কথা’-কেই মূলধন করে কেউ গানবাদ্যকে বুঝিয়েছেন, আবার কেউ কবিতাকে বুঝিয়েছেন, আবার কেউ গানবাদ্য এবং কবিতা দুটোর একটিও বোঝায় নি বলে মন্তব্য করেছেন। আবার অনেকে বলেছেন যেহেতু হজরত দাউদ নবি (আ.) গানবাদ্য করতেন এবং তাঁর মধুর সুরে এমনকি পশু-পাখি পর্যন্ত আসতো সেই হেতু ‘লাহওয়াল হাদিস’ বলতে গানবাদ্যকে বুঝানো হয় নি, যেহেতু তিনিও একজন অতি সম্মানীয় নবি ছিলেন। অনেকে আবার এই বলেও মন্তব্য করেছেন যে, যেহেতু গানবাদ্যের আরবি ভাষায় প্রতিশব্দ হল ‘গেনা’ সেই হেতু গেনা শব্দটি কোরান-এর কোথাও একটি বারের জন্যও বলা হয় নি এবং যেহেতু বলা হয় নি সেই হেতু লাহওয়াল শব্দটি যার অর্থ অনর্থক-বাজে-অসারের দ্বারা গানবাদ্যকে বোঝানো হয় নি। অনেকটা নানা মূনির নানা মতের মতো শোনায।

হজরত খাজা মঈনুদ্দিন চিশতি এবং হজরত নিজামউদ্দিন আউলিয়া চিশতির মাজারে সব সময় কাণ্ড্যালি, গজল, নাত ইত্যাদি হয়ে আসছে এবং মাজার শরিফের পাশেই নামাজ পড়ার জন্য মসজিদও আছে। এশার নামাজ শেষে দিল্লিতে অবস্থিত

হজরত নিজামউদ্দিন আউলিয়া চিশতির মাজারে গানবাদ্য শুরু হয় কিন্তু আজমিরে অবস্থিত খাজা বাবার মাজারে এইসব টাইম টেবিলের খুব কমই খেয়াল রাখা হয়। কারণ, সেখানে শত শত কাওয়াল একই সময়ে গান গেয়ে চলেছে। শত শত বাদ্য-বাজনার দল একই সময়ে বাজিয়ে চলেছে। হাজার হাজার লোক একই সময় জিকির করছে। হাজার হাজার লোক একই সময়ে কোরান পড়ছে, মিলাদ পড়ছে, দাঁড়িয়ে নেচে-নেচে জিকির করছে, চিংকার করে কাঁদছে ইত্যাদি। এ যেন এক আজব দরবার। এখানে যেন সব নদীর মিলনস্থল মহাসমুদ্র এবং মহাসার্বজনীন। এত বড় সার্বজনীনতার বিশাল প্রকাশ পৃথিবীর আর কোনো নবি-ওলির মাজারে আছে কি না আমার জানা নেই। কারণ, এখানে পৃথিবীর এমন কোনো সম্প্রদায়ের লোক নেই যে আসা-যাওয়া না করেন। সুতরাং খাজা বাবারই আপন ভাগিনা বলে কথিত হাইকোর্টের মাজারে যিনি আছেন সেই হজরত খাজা শরফুদ্দিন চিশতির মাজারে কাওয়ালি, গজল, নাত, মারফতি এবং মুরশিদি গান বহু পূর্ব হতেই শুরু হয়েছে। কিন্তু এখন মাজার কমিটিতে অন্য গোত্রের কয়েকজন শ্রদ্ধেয় খাদেম প্রবেশ করে যে স্থানটিতে সব সময় কাওয়ালি হতো সেই স্থানটিকে মসজিদের ভিতর ফেলে দিয়েছেন এবং এখানেই ইহার শেষ না করে সমস্ত স্থানটিকে বেড়িবাধের মতো আটক করে সেই স্থান হতে কাওয়ালির নাম-গন্ধ পর্যন্ত উঠিয়ে দিয়েছেন। যদিও মাজার কমিটির ভেতর কয়েকজন শ্রদ্ধেয় খাদেম ইহাতে আপত্তি তোলা সত্ত্বেও কোনো ফল হয় নি।

মাজার আল্লাহর পাগলদের ঘর। এখানে বিচিত্র ধরনের আল্লাহর আশেক আসবে এবং বিচিত্রভাবে তাদের মনের ভাব প্রকাশ করবে। এখানে গোলাপই একমাত্র ফুল তাই অন্য ফুলের স্থান নেই, গন্ধ নেই, বলার মতো বোকামি থাকতে পারে না। বিচিত্র ধরনের ফুল এবং একেক ফুলের একেক রকম রূপ ও সুগন্ধীর বৈচিত্রতার বিকাশের নাম হয় ফুলের বাগান। এই বহু ফুলের বিভিন্ন রূপ এবং বিভিন্ন গন্ধ একেরই আদর্শ প্রচার করে। বৈচিত্র্যের মধ্যে একত্বের তথা তৌহিদের সৌন্দর্য যে বুঝতে পারে নি তারই বা দোষ কিসের? পৃথিবীর আনুমানিক চারশো কোটি মানুষ, প্রত্যেকের 'আমি' বলার মাঝে এক মহা-আমির দর্শন লুকিয়ে আছে। প্রতিটি মানুষের 'আমি' বলার মাঝে যে মহা-আমির শরীর তাতে তুমি, তোমরা, সে, তাহারা শব্দগুলো ডাক দেবার তথা আহ্বান জানাবার কেবলমাত্র স্টাইল তথা শৈলী। আসলে এ শব্দগুলোর কোনোই অস্তিত্ব নেই। চারশো কোটির মহা-আমি পৃথিবীটাতে বিভিন্ন ভুখণ্ডে বিভক্ত হয়ে বিভিন্ন দেশ নাম ধারণ করে বিভিন্ন ভাষায়, বিভিন্ন আকৃতির আঙ্গিক বিকাশের বিভিন্ন রূপের কান্দি দিয়ে কী এক অপরূপ ডানা মেলে রেখেছে! এই চারশো কোটি মানুষের মহা-আমির মধ্য হতেই আমাদের মতো মানুষের মুখের শব্দেই আমরা তথা মানিবজাতি পেয়েছি আল্লাহর কথা।

মানুষ মোহাম্মদ (আ.), মানুষ ইসা (আ.), মানুষ মুসা (আ.), মানুষ দাউদ (আ.), মানুষ ইব্রাহিম (আ.) - এ রকমভাবে কয়েক লক্ষ আমাদের মানুষের মুখে কেন আল্লাহর কথা পেলাম? কেন মানুষের ভোটকেই আল্লাহ একমাত্র কথা বলার মাধ্যম অথবা অবলম্বন করে নিলেন? কেন মানুষের চেহারা (ইমেইজ)-কেই আল্লাহর চেহারা বলে ঘোষণা করা হলো? মানুষই আল্লাহর রহস্য এবং আল্লাহ মানুষের রহস্য বলে কেন আমাদেরকে জানিয়ে দেওয়া হলো? আল্লাহকে যারা দেখেন তারা মানবের আকারেই দেখে থাকেন বলে কেন বলা হলো? মানুষের মধ্যে যিনি আল্লাহতে ফানা হয়ে যান তথা আপন আমিত্ব তথা অহংবোধ (ইগো) সম্পূর্ণ বর্জন করে তাঁর হয়ে যান তাকে আল্লাহর চেহারা তথা ওয়াজহুল্লাহ তথা বান্দা নেওয়াজ তথা নর নারায়ণ বলে কেন ঘোষণা করা হলো?

দেহ যদি রূহ তথা আত্মা না হয় তবে রূহ তথা আত্মার আকার আছে কি? আত্মা দেহ হতে বিদায় গ্রহণ করলে দেহের নাম লাশ দেওয়া হয় কেন? দেহের

আকার ধরে নিলাম সাড়ে তিন হাত, কিন্তু আত্মার আকার কী? আত্মার যদি কোনো আকার না থাকে তবে আত্মা কি নিরাকার? তবে কি মানুষও নিরাকার? আল্লাহ যে নিরাকার এটা অতি সাধারণ মানুষও জানে, কিন্তু মানুষেরও যে কোনো আকারই নেই এ কথা কয়জন বুঝতে পারে? তেলা গাড়ি চালায় যে-মানুষটি আর বস্তুর বৈজ্ঞানিক আইনস্টাইন মানুষটির জৈবিক চাহিদা এক হলেও বিদ্যা-বুদ্ধিতে কি আকাশ-পাতাল ব্যবধান পাই না?

দেহ যদি আত্মার পোশাক হয় তবে পোশাকটাই কি আত্মা বলবো? কাপড় যেমন দেহের পোশাক তাই বলে কি কাপড়ের পোশাককে দেহ বলে চালিয়ে দেব? আত্মার বিজ্ঞানী হজরত মঈনুদ্দিন চিশতি আল হোসাইনি আল হাসানি তাঁর পবিত্র মকতুবাতে খাজা নামক পুস্তকে ঘোষণা করলেন, চুজুমলা ফানা গাশতে বতু হে চুনাম্বুন্দা খাহে কে আনাল্লাহে বণ্ড খাহে কে হ আল্লাই - অর্থাৎ 'যদি তুমি সম্পূর্ণ আল্লাহিতে ফানা হয়ে যেতে পার তখন ইচ্ছা হয় বলো তুমি আল্লাহ না হয় আমি আল্লাহ। একই কথা।' আত্মার বিজ্ঞানী হজরত বু আলি শাহ কলন্ডর তাঁর দিওয়ান-এ ঘোষণা করলেন, বা শাকলে শায়খে দিদাম মোস্তফারা, না দিদাম মোস্তফারা বালকে খোদারা - অর্থাৎ 'আপন পীরের আকৃতিতে নবি মোস্তফাকে দেখলাম এবং উহা নবি মোস্তফা নন বরং স্বয়ং আল্লাহকে দেখলাম' বলে কেন ঘোষণা করলেন? এ রকম হাজার হাজার আত্মার বিজ্ঞানীদের আত্মাকে জানবার বিজ্ঞানময় ফর্মুলা আমরা পেয়ে আসছি। এত কিছু পাবার পরও আমরা বিভিন্ন গোত্রের বিভিন্ন প্রকার ধর্মের সাইনবোর্ড কাঁধে নিয়ে আত্মতৃপ্তি লাভ করছি, কিন্তু সাইনবোর্ড ফেলে দিয়ে সত্য সন্ধানের দৃঢ় মনোবল নিয়ে কয়জন এগিয়ে এসেছি? কুসংস্কার, সংকীর্ণতা, গণ্ডিতে আবদ্ধ থাকা, নিজ নিজ বাপ-দাদার ধারা প্রকাশে গর্ববোধ করি, কিন্তু নিরপেক্ষ মনোবল নিয়ে সত্যের সন্ধান কি করতে পেরেছি?

আল্লাহ তো সর্ববিষয়েই ক্ষমতাবান বলে অনেকবার ঘোষণা করেছেন। তবে আল্লাহর কথা কেন আকাশে মেঘের গর্জন করার মতো শব্দ করে আমাদেরকে জানিয়ে দিলেন না? না হয় বিজলি চমকানোর মতো আলোর বিচিত্র রেখা দিয়ে আল্লাহর কথা কেন লিখে দিলেন না? না হয় বরফের টুকরো শিলার পতনের মতো তাঁর লিখিত বাণী কেন পৃথিবীতে নিক্ষেপ করে আমাদেরকে জানানলেন না? হেলিকপ্টার আকাশে উড়ে বিজ্ঞাপন ফেলার মতো ফেরেস্টাদের দিয়ে কেন ফেলে দিলেন না? মানুষের ভোটেই যদি আল্লাহর কথা পেয়ে থাকি, এবং তাই আমরা পেয়ে আসছি, তা হলে নিঃসন্দেহে কি বলতে পারি না যে, মানুষই আল্লাহর রহস্য?

সৃষ্টিরহস্যের আলোচনা

অক্সিজেন যদি থিসিস হয় এবং হাইড্রোজেন হয় এন্টিথিসিস এবং উভয়টার সংমিশ্রণে তথা সিনথেসিস যদি পানি হয় তবে কি বলতে পারি না যে, ফেরেস্টা থিসিস এবং শয়তান এন্টিথিসিস এবং উভয়ের সংমিশ্রণে তথা সিনথেসিসে আমরা পাই মানুষ? মানুষের গুণগত বৈশিষ্ট্যকে যদি ভাগ করি তবে ফেরেস্টা তথা সম্পূর্ণ পবিত্র এবং শয়তানি তথা সম্পূর্ণ অপবিত্র উভয়টারই সংমিশ্রণ পাই। একই মানুষের আকারের মধ্যে আল্লাহর ওলিকেও পাই আবার একই মানুষের আকারের মধ্যে শয়তানকেও পাই। এই দ্বাদ্বিক বিশ্লেষণের ব্যাপ্তিটাই হলো সমস্ত পৃথিবীতে বাস করা মানুষগুলো, যেন একটা না থাকলে অন্যটার সৌন্দর্য ফুটে ওঠে না। আল্লাহ মানুষের পূর্বে ফেরেস্টাদের তৈরি করলেন। চরিত্রের বিশ্লেষণে ফেরেস্টা হলো সম্পূর্ণ ভালো (অ্যাবসোলিউট গুড)। এই সম্পূর্ণ ভালো ফেরেস্টাদের অপবিত্র কাজ করার কোনো অধিকারই দেওয়া হলো না। কিন্তু এই সম্পূর্ণ ভালোটাই তথা ফেরেস্টাদের আল্লাহর কাছে সম্পূর্ণ ভালো লাগলো না। তিনি বানালেন শয়তান। শয়তান হলো

সম্পূর্ণ অপবিত্র (অ্যাবসোলিউট ব্যাড)। এই সম্পূর্ণ অপবিত্র তথা শয়তানকেও আল্লাহর কাছে সম্পূর্ণ খারাপ লাগলো। তাই তিনি সম্পূর্ণ ভালো ফেরেসত্যা আর সম্পূর্ণ খারাপ শয়তানের সংমিশ্রণে বানালেন মানুষ। এই ফেরেসতা এবং শয়তানের মিশ্রিত রূপ মানুষই আল্লাহর কাছে সবচাইতে প্রিয়। তাই মানুষকে সৃষ্টির শ্রেষ্ঠ জীব তথা আশরাফুলে মাখলুকাত (ক্রাউন অব দ্য ক্রিয়েশন) বলে ঘোষণা করলেন। নির্দিষ্ট সীমিত স্বাধীন ইচ্ছাশক্তি (লিমিটেড ফ্রি উইল অ্যান্ড চয়েজ) দেওয়া হলো। এই ইচ্ছাশক্তি তথা আমিত্ত বর্জন করে আল্লাহতে ফানা হয়ে যাবার ফর্মুলা দিলেন। আমিত্ত বর্জন করলেই আল্লাহর জ্বাভের সঙ্গে মিশে যাবার সর্বোচ্চ পুরস্কার পাবার কথা ঘোষণা করলেন।

এক ফোটা পানি অনেক পানির মধ্যে ফেলে দিলে যেমন সম্পূর্ণরূপে মিশে যায়, সেই নির্দিষ্ট পানির ফোটাটি আর খুঁজে পাওয়া যায় না, তেমনি একের মধ্যে মিশে একাকার হয়ে যাবার একমাত্র উপদেশ দিলেন। সেই একমাত্র উপদেশটি আমরা বহুপূর্ব হতেই পেয়েছি এবং ইসলাম অতি স্পষ্ট ভাষায় বলিষ্ঠ কণ্ঠে ঘোষণা করলেন, যে নিজেকে চিনতে পেরেছে সে তার প্রভুকে তথা আল্লাহকে চিনতে পেরেছে। এখানে আল্লাহকে চিনে নেবার তাগিদই দেওয়া হয় নি, বরং নিজেকে চেনার উপদেশ দিয়েছেন এবং এ-ও বলা হয়েছে যে, আপনাকে চিনতে পারলেই আল্লাহকে চেনা হয়ে গেছে। সমস্ত ইসলামি দর্শনের মূল ভিত্তি তথা স্বতঃসিদ্ধ সত্য (একশিয়োম্যাটিক ট্রুথ) হলো নিজেকে চেনা (নো দাই সেলফ)। আর কোনো উপদেশই আল্লাহ কর্তৃক দেওয়া হয় নি, হোক না যদিও সেই উপদেশ কয়েক লক্ষ অথবা কয়েক কোটি, যা ইসলামি দর্শনের মূল ভিত্তিকে কেন্দ্র করে বলা হয়েছে। মরার আগে মরে যাও, তা হলে আর মৃত্যু নেই। কারণ, প্রত্যেকটি মানুষকে মাত্র একটিবারের জন্য অবশ্যই মৃত্যুর স্বাদ গ্রহণ করতেই হবে বলে ঘোষণা করলেন। মরার আগে কেমন করে মারা যাবি? প্রশ্নটিও তিনি করলেন আবার প্রশ্নের উত্তরটিও তিনিই দিলেন এই বলে যে, তোমার আমিত্ত তোমা হতে সম্পূর্ণ দূর করে দাও, ইহাই হলো মরার আগে মরে যাবার উপদেশ।

আম্রার বিজ্ঞানী হজরত বায়েজিদ বোস্তামি-কে তাঁর এক মুরিদ প্রশ্ন করেছিলেন যে, কী রকম লোকের সহবাসে থাকবো? তার উত্তরে তিনি এটুকুই বলেছিলেন যে, যার মধ্যে আমি এবং তুমি নেই।

আম্রার বিজ্ঞানী মিনসুর হাল্লাজ-এর আনাল হক তথা ‘আমিই একমাত্র সত্য’ ঘোষণার গভীরতম রহস্য এখানেই লুকিয়ে আছে।

আম্রার বিজ্ঞানী শামসে তাব্রিজ-এর ‘আমিই সর্বপ্রথম, আমিই সর্বশেষ, আমিই একমাত্র প্রকাশ্য এবং আমিই একমাত্র গোপনীয়’ বলার মাঝে এই গভীরতম রহস্যের ইঙ্গিত বহন করেছে।

আম্রার বিজ্ঞানী হজরত শেখ ফরিদ-এর ‘আমিই ওলি, আমিই আলি, আমিই নবি, আমিই মাওলানা, আমিই বীরপুরুষ এবং আমিই মন্দিরের ব্রাহ্মণ পুরোহিত’ বলার গভীরতম রহস্য এখানেই লুকিয়ে আছে।

আম্রার বিজ্ঞানী শামসে তাব্রিজ-কে প্রশ্ন করা হয়েছিল যে, তিনি কি মুসলমান? তার উত্তরে তিনি এটুকুই বললেন যে, তিনি অগ্নি উপাসকও নন, খ্রিস্টানও নন, ইহুদিও নন, এবং মুসলমানও নন; তিনি জীবনের মধ্যে নেই, মৃত্যুর মধ্যেও নেই; তিনি পানিতেও নেই, মাটিতেও নেই; তিনি আগুনও নন, বাতাসও নন, মাটিও নন, পানিও নন; তিনি পুরুষও নন, তিনি মহিলাও নন এবং ফেরদৌস নামক বেহেশ্তের ফেরেশতাও নন। যদি আমরা প্রশ্ন করি, তবে আপনি কে? উত্তরটি সহজ, যা হজরত মিনসুর হাল্লাজ বলেছিলেন।

কোনো একজন আম্রার বিজ্ঞানী আল্লাহর ওলিকে প্রশ্ন করা হয়েছিল যে, তাঁর কি মৃত্যু নেই? তিনি উত্তর দিলেন, না, ওলি আল্লাহ কখনোই মরেন না। (ওলি আল্লাহি লা ইয়া মৃতু)। আবার প্রশ্ন করা হলো, কেন মরেন না? তিনি সুন্দর একটি

উত্তর দিলেন, যেহেতু মৃত্যুর স্বাদ কেবলমাত্র একবারই গ্রহণ করতে হয়, দুইবার নয়, সেহেতু ওলি আর মরেন না। যেহেতু মারা যাবার আগেই ওলি মারা যান, সেহেতু পুনরায় মরার প্রশ্নই আসে না।

আম্মার বিজ্ঞানী হজরত আবদুল কুদ্দুস বলেছিলেন : গুরুতে কুদ্দুসি ফকিরি দার ফানা ওয়া দার বাকা খুদবাখোদ আজাদ বুদি খোদ গেরেফতার আমদি - অর্থাৎ বলে দাও, ফকিরের তথা আল্লাহর ওলির নয় এবং স্থিতি ইচ্ছাকৃত এবং দেহধারণ ও দেহত্যাগ তার ইচ্ছাকৃত - অর্থাৎ এখানে লাশটি পড়ে আছে, কিছু দূরে সেই একই সময়ে আবার সেই একই দেহ নিয়ে পরিচিত লোকদের সঙ্গে কথা বলছেন। এই আম্মার বিজ্ঞান শিক্ষার তাগিদ দিতে গিয়ে ইসলাম ঘোষণা করছে, যাকে বিজ্ঞানের তথা হেকমতের জ্ঞান দান করা হয়েছে তাঁকে যথেষ্ট কল্যাণ দান করা হয়েছে। বিরাট বিরাট যুক্তির অকাট্য প্রমাণ দিয়ে অনেক কিছু করা যায়, একজনের মুখে তালা মেরে দেওয়া যায়, আনন্দ আর আত্মতৃপ্তিতে মনকে ভরিয়ে তোলা যায়। যুক্তির মাধ্যমে সত্যের কাছাকাছি এগুনো যায় অথবা সত্যের আলোর সন্ধান পাওয়া যায়। বিরাট বিরাট বিজ্ঞানের আবিষ্কারে মানুষকে অবাক করে দেওয়া যায়। মানুষ কোনো দিন যা ধারণাও করে নি সেই নতুন ধারণার ভিত্তির উপর দাঁড়িয়ে চিন্তা-ভাবনা করতে পারা যায়। বোতামে টিপ দিয়ে ঘুমিয়ে থাকা একটা দেশকে বোম্বার আঘাতে মানচিত্রের চেহারা বদলিয়ে দেওয়া যায়। মনে করুন আরও অনেক অনেক কিছু করা যায়, মনে করুন মানুষটাকে কেটে জোড়া লাগানো যায়, কিছু তবুও তো একটি প্রশ্ন, একটি জিজ্ঞাসা থেকে যায়। যেদিন এই সামান্যতম একটি জিজ্ঞাসার উত্তর পাওয়া যাবে সেইদিন আম্মার মনে হয় মানুষ পাবে প্রকৃত শান্তি। এর আগে মানুষ শান্তি পেতে পারে কি না সন্দেহ। (অবশ্য ইহা আম্মার একান্ত ব্যক্তিগত ধারণা, সুতরাং আম্মার ধারণা ভুলও হতে পারে।)

সেই ছোট্ট জিজ্ঞাসাটি, ছোট্ট প্রশ্নটি হলো : দেহতে যে আম্মিটি বাস করছে, যে আম্মিটি কথা বলছে, যে আম্মিটি দেখছে, যে আম্মিটি অনুভব করছে - সেই আম্মিটা কে? সেই আম্মিটার নাম কি? সে আম্মিটার পরিচয় কি? এত জ্ঞান-বিজ্ঞান যে আধসের (?) মাথার মগজে ঝুঁজে রাখা হয়েছে সেই মগজের মালিক 'আম্মি'টা কে? গৌজাম্মিলের উত্তর, আত্মতৃপ্তির উত্তর নানা মূনি নানা রকমে বোঝাতে চেয়েছেন, কিন্তু ঐ পর্যন্তই। পৃথিবীর চিন্তাশীল ব্যক্তি এবং বৈজ্ঞানিকদের আকুল আবেদন করছি : আপনারা মানুষ মারার নতুন নতুন ফাঁদ আবিষ্কার না করে গবেষণা করে আবিষ্কার করতে চেষ্টা করুন যে, এই হাড়-মাংসের তৈরি মানবদেহটাতে যে আম্মিটা তথা রুহ তথা আত্মাটা বাস করছে, সে কে? কী তার পরিচয়? কীভাবে তার পরিচয় পাওয়া যেতে পারে তার ফর্মলা দান করুন। বিদ্যুতের শক্তির মতো এত গতির অধিকারী তো আম্মিটা নয়। যদি ধরে নেই, দেহের সব কিছুর মিলিত সিন্থেসিসটাই আম্মি নামক প্রাণটা, তবে ইহাতে কি একটা বিরাট গৌজাম্মিলের ফাঁকি মারা হয় না? এই ফাঁকি মারা যতদিন চলতে থাকবে, যে কোনো ইজমের দোহাই দিয়েই হোক না কেন, তাতে কি পৃথিবীতে শান্তি আসতে পারবে? 'দরিদ্রতার যেমন অভিশাপ আছে, প্রাচুর্যও তেমন অভিশাপ আছে' - এই দর্শন ইসলাম আম্মাদেরকে দিয়েছে। তা হলে শান্তি কোথায়? একটা অজানা অতৃপ্ত কামনা-বাসনার স্রোতে ডেসে চলেছি। অহঙ্কার, আত্মগরিমা অনেক সময় সাময়িক শান্তি দেয়, আবার সেই একঘেয়ে অহঙ্কার এবং আত্মগরিমাটাও ভালো লাগে না। কোথায় যেন নিজেকে সমর্পণ করতে পারলে আরাম পেতাম, পেতাম শান্তি - এরকম প্রশ্ন বুকের ভিতর বোবার মতো কেঁদে ওঠে।

প্রাচুর্যের অভিশাপে ইউরোপ-আমেরিকার তরুণ-তরুণীরা দিশেহারা হয়ে শান্তি খোঁজে। রাশিয়ার দর্শন (ফিলোসফি) - খাদ্যই সব কিছু, আর কিছু নেই, এই ভেটো

মারা কথাতেও শাস্তি নেই, গণতন্ত্রেও শাস্তি নেই, রাজতন্ত্রেও শাস্তি নেই, জাতীয়তাবাদেও শাস্তি নেই, তবে শাস্তি কোথায়?

এই বিরাট অথচ অতি ক্ষুদ্র এবং অতি পরিচিত প্রশ্নের উত্তর যেদিন মানবজাতি আবিষ্কার করতে পারবে, যেদিন 'আমি'কে চিনবার কোনো সার্বিক বৈজ্ঞানিক ফর্মুলা দিতে পারবে, যার দ্বারা 'আমি'কে চেনা যায়, সেদিনই পৃথিবীর মানুষগুলো প্রকৃত শাস্তি পাবার আশা করতে পারে।

প্রথম মানব আদম (আ.) হতে একটিমাত্র ধর্ম ইসলামের জন্ম, আর সেই একটিমাত্র ধর্মের একটিমাত্র কথা, একটিমাত্র উপদেশ, পৃথিবীর বিভিন্ন দেশের মানুষদেরকে বিভিন্ন মহাপুরুষ তথা অবতারদের দিয়ে একটিমাত্র হেদায়েত করে গেছে। সেই একটিমাত্র হেদায়েতের নামটি হলো - নিজেকে চেনো (জো দাই সেলফ)।

তাই ইসলাম ঘোষণা করেছে যে, প্রত্যেক জাতিকে হেদায়েত করার জন্য অবতার তথা নবি পাঠানো হয়েছে এবং প্রত্যেক অবতার বা নবি একটিমাত্র ধর্ম প্রচার করে গেছেন - সেই একটিমাত্র ধর্মের নাম হলো ইসলাম ধর্ম।

ভালোবাসাভিত্তিক ইসলামের রূপরেখা

আল্লাহ অসীম। সীমার দেয়ালে তিনি নেই। জ্ঞান অসীম। সীমার দেয়ালে জ্ঞান নেই। যদি জ্ঞানের এখানেই শেষ বলে ঘোষণা করা হয় তবে আল্লাহরও এক স্থানে এসে শেষ হয়ে যাবার প্রশ্নটি আসে। নতুন নতুন বস্তুর বিজ্ঞানের আবিষ্কার এই অসীমতার স্বাক্ষর বহন করে চলেছে। বস্তুর বিজ্ঞানের যেখানে শেষ বলে কোনো কথা আসে না, সেখানে আমাদের বিজ্ঞানের প্রশ্নটি তো আরও ব্যাপক এবং জটিল এবং ইহারও শেষ নেই। কোরান শরিফ আল্লাহর তথা অসীমের কথাসমষ্টি। অসীমের কথাও অসীম। মানুষ তার সম্পূর্ণ অনুবাদ এবং ব্যাখ্যা কোনোদিনও দিতে পারে না। কারণ, অসীমের গুণাবলির শেষ নেই এবং যেহেতু গুণাবলির অন্ত নেই, সেহেতু তার ব্যাখ্যারও শেষ নেই।

আনুষ্ঠানিক ধর্ম পালনের মধ্যে যত সুন্দর এবং পরিপূর্ণ রূপই থাক না কেন উহা হলো আইন তথা সৈনিক ধর্ম। আইনের ভেতর আনুষ্ঠানিক ধর্ম পালনের সুন্দরতম সামাজিক শৃঙ্খলা পেতে পারি এবং পেতে পারি সুন্দরতম নৈতিক আদর্শ, কিন্তু প্রেম কখনোই পাওয়া যায় না। কারণ, আইন প্রেমকে সহ্য করে না। ঠিক তেমনি প্রেমের ভিতর আত্মাহুতি দেবার বৈচিত্র্য পেতে পারি, কিন্তু আইন কখনোই পেতে পারি না। প্রেমের ভেতর জোর করে আইনকে ঢোকানোই যায় না। যেই মুহূর্তেই 'এমনি করলেই প্রেম হয়, এমনি করলে প্রেম হয় না' বলা হয়, সেই মুহূর্তেই প্রেম সেখান থেকে বিদায় গ্রহণ করে। তাই আইনের যেখানে আপনি সুন্দর একটি কবর দেখতে পাবেন, ঠিক সেখান থেকেই দেখতে পাবেন প্রেমের আরম্ভ। কারণ, প্রেম কোনোদিনও বাঁধাধরা রেললাইনের উপর দিয়ে চলে না এবং চলতেও পারে না। লাইলির রাস্তায় কুকুরের গায়ে মজলু লাইলির গন্ধ পাচ্ছে তাই কুকুরকে চুমু খাওয়া যায় - এটা আইন কোনোদিনও মানতে পারে না। হজরত মোহাম্মদ (আ.)-এর দাঁত যুদ্ধে ভেঙে গেছে বলে সব মুসলমানদেরই দাঁত ভেঙে ফেলতে হবে - এটা আইন কখনই গ্রহণ করতে পারে না। সুতরাং প্রেমের বাজারে আইনের পণ্য জোর করে বিক্রি করাটা অন্যায্য নয় কি? আইনের আনুষ্ঠানিকতার সৌন্দর্য অন্যস্থানে কি ভালো মানায় না? যেমন বনের পশুকে বনে মানায় আর শিশুকে মানায় মায়ের কোলে।

পাগলদের নাচানাচি করবার গণতান্ত্রিক অধিকারটা কেন হরণ করে নিচ্ছেন? যদিও কিছু শ্রদ্ধেয় ভাইদের কাছে এই আবোল-তাবোল নাচানাচি মোটেই ভালো

লাগার কথা নয়। উদ্ভাসিত করা হচ্ছে বলে মনে হবে। বেদে বীণ বাজালে সব জাতের সাপ কিছু ফণা তুলে নাচে না। জাতি সাপের সামনে বীণ বাজালেই আর কথা নেই, ছোট মুখটাকে দশগুণ ফুলিয়ে জুজবায় আত্মহারা হয়ে নাচতে থাকে। এখন কেউ যদি জাতি সাপকে প্রশ্ন করে যে, বেদের মনে বেদে বীণ বাজায়, তাতে তুই কেন ফণা তুলে নাচিস? এই প্রশ্নের উত্তর নেই। কারণ, প্রশ্নের শেষ যেখানে, সেখানে তো প্রশ্ন। আবার টোড়া সাপের সামনে যদি সারাদিনও বীণ বাজান, সে ফণা তুলে নাচা তো দূরে থাক বরং বিরক্ত হয়ে পালিয়ে যেতে চাইবে। শ্রেণীতে এরা সবাই সাপ, কিন্তু চরিত্রের বিশেষণে আকাশ-পাতাল প্রভেদ। সে রকম কি একই শ্রেণীর মানুষের মধ্যে এ রকম আকাশ-পাতাল প্রভেদের বিভিন্নতা আমরা পাই না? এই বিভিন্নতাও সর্বশক্তিমান আল্লাহরই সৃষ্টি, তাই আপনি কাকে দোষারোপ করতে যাবেন? এই বৈচিত্রের লীলাখেলা তো তাঁরই খেলা। তাই আপনি কাকে গালমন্দ করবেন?

অতি উচ্চ
স্তরে যখন আপনার চিন্তাধারার বিকাশ ঘটবে, দেখতে পাবেন যে, গালমন্দ করার স্থান কোথাও খুঁজে পাচ্ছেন না।

মানুষকে ধোকা দেয় কে? মানুষকে পাপের রাস্তায় কে টেনে নিয়ে যায়? নাম তার শয়তান। এই এক শয়তানই বহুরূপ ধারণ করে মানুষকে ধোকা দিয়ে, কুমন্ত্রণা দিয়ে, বিভিন্ন প্রলোভনের মাধ্যমে পাপের পথে নিয়ে যায়। এখন কেউ যদি প্রশ্ন করেই ফেলেন যে, শয়তানের আগে তো কোনো শয়তানই ছিল না, তা হলে তাকে কে শয়তান বানালো? শয়তান তো আগে অতি সম্মানীয় আসনে উপবিষ্ট ছিলেন। শয়তান তো আগে সমস্ত পবিত্র ফেরেশতাদের ইমাম তথা সরদার ছিলেন। তবে তাকে শয়তান বানাবার দায়িত্বটা কার? আমরা না হয় শয়তানের ধোকায় পড়ে শয়তানকে গালমন্দ করি, কিন্তু ফেরেশতাদের ইমাম কার ধোকায় পড়ে শয়তানে পরিণত হলো? সে কাকে গালমন্দ করবে?

আল্লাহই তো বলেন যে, তাঁর আদেশ বিহনে একটি গাছের পাতারও নড়বার শক্তি নেই। এই রকম প্রশ্নের উত্তর দিতে গেলে সব কিছু একেই খেলা বলে ধারণা জন্মাতে চায়। তা হলে গালমন্দ করবোটা কাকে? তাই কারটা উদ্ভাসিত করা হচ্ছে আর কারটা খাঁটি হচ্ছে এর জবাব সর্বশক্তিমান আল্লাহর হাতে ছেড়ে দিলেই কি ভালো মানায় না? 'তোমার ধর্ম তোমার কাছে, আমার ধর্ম আমার কাছে' - এ রকম উপদেশ কি আমাদের ধর্ম-দর্শনে নেই? 'ধর্মে কোনো প্রকার বলপ্রয়োগ নেই' বলে কি একটি পরিচিত বাক্য মনে পড়ে না? জোর করে মুসলমান বানাও নতুবা হত্যা করো - এ রকম কোনো একটি বাক্য যদি ইসলামে থাকত তবে সেই দিনের পরিচিত পৃথিবীতে একটিও ভিন্ন ধর্মের মানুষকে ভর্তা বানিয়ে খাবার মতোও পাওয়া যেত না। কিন্তু তা নয়। কারণ ইসলাম সাংঘাতিকভাবে পরধর্মের উপর সহনশীলতার ধর্ম। তাই বলতে হচ্ছে করে যে, পৃথিবীতে যদি কোনো বড় পাপ থাকে সেই পাপটার নাম হলো 'আমি সব কিছু বুঝে গেছি, সব কিছু জেনে গেছি।' তাই নয় কি?

বস্তুর বিজ্ঞান আর আত্মার বিজ্ঞান দুটো সম্পূর্ণ আলাদা দর্শন। উভয়টারই প্রয়োজন অত্যধিক। কোনোটাকেই ছোট করা অথবা হয় প্রতিপন্ন করাই যায় না। অবশ্য অপ্রিয় হলেও অতি সত্য কথা যে, আত্মার বিজ্ঞানীদেরকে অনেকটা 'ফুলবাবুর চিন্তাধারা' বলে যদি গালমন্দ করেন তবে তিষ্ঠ হলেও কিছু বলবার নেই। কারণ, আত্মার বিজ্ঞানীদের কাছে আমরা বস্তুর বিজ্ঞান পাই না এবং পাবার আশাই করা যায় না। পক্ষান্তরে বস্তুর বিজ্ঞানের ওলি, দরবেশ, পীর, ফকির পাবেন ইউরোপ এবং আমেরিকাতে। কারণ, বস্তুর বিজ্ঞান অনেকটা চরম পর্যায়ে এনে পৃথিবীর মানুষগুলোকে তারা অবাক করে দিয়েছেন। কিন্তু আত্মার প্রকৃত শাস্তি কি দিতে পেরেছেন? প্রাচুর্যের স্রোতেও আত্মার শাস্তি না পেয়ে নৈরাজ্যের আধারে হাজার হাজার বুড়ো-যুবক-যুবতীরা আত্মহত্যা করে চলেছেন। কেন? কারণ, আত্মার

বিজ্ঞান নিয়ে তারা যতটুকু গবেষণা করা দরকার তার কিছুই করেন নি, বরং করার প্রয়োজনও অনুভব করেন নি। কারণ, ধর্মের বিভিন্নতার অভিশাপ এদেরকে উৎসাহ যোগাতে পারে নি। তাই মানুষ প্রাচুর্যর মধ্যেও শান্তি খুঁজে পায় না। আমরা আমাদের বিজ্ঞানীর কাছে নিজেকে কেমন করে চেনা যায়, জানা যায় সেই ফর্মুলাটুকুই পাই।

হাদিসভিত্তিক শরিয়ত ও মারফতের পরিচয়

বোখারি শরিফ একটি বিরাট হাদিসের বই। যিনি হাদিসগুলো সংগ্রহ করেছেন তাঁর নামেই হাদিস বইটি পরিচিত। ফৌজদারি আইনের যে রকম ধারাবাহিক নম্বর থাকে সেই রকমভাবে এক দুই করে সাজানো রয়েছে। তা সহজেই বোঝা যায়। এই বিরাট হাদিস বইটিতে আমরা অনেক মূল্যবান আদেশ-উপদেশ যে হজুর পাক (আ.) দিয়ে গেছেন তার পরিচয় পাই। এই কয়েক হাজার হাদিসের মধ্যে একটি হাদিস এক অপূর্ব এবং বিস্ময়কর স্থান জুড়ে সূর্যের আলোর মতো জ্বলজ্বল করে আমাদের চোখে ধরা পড়ছে। হাদিসটা হজুর পাকের (আ.) বাণী নয়, অথচ হাদিসের মর্যাদার আসন পেয়েছে। সাহাবাদের মধ্যে বিশেষ জ্ঞানী-গুণি যারা তিনি তাঁদেরই একজন। সেই সাহাবার কথা কয়টি হাদিস না হওয়া সত্ত্বেও হাদিসের মর্যাদার স্থান পাওয়া কম কথা নয় এবং নিঃসন্দেহে স্থান পাবার মতো যোগ্যতা বহন করে। সেই বিশেষ সাহাবার নাম হলো হজরত আবু হোরাযরা (রা.)। আবু হোরাযরা তাঁর আসল নাম নয়। তিনি খুব বিভ্রান্তপ্রিয় ছিলেন বলে হজুর পাক (আ.) একদিন ‘বিভ্রালের বাবা’ বলে ডাকলেন। সেই থেকে তাঁর আসল নাম মুছে গিয়ে আবু মানে বাবা এবং হোরাযরা মানে বিভ্রান্ত তথা ‘বিভ্রালের বাবা’ বলেই মুসলিম জাহানে সুপরিচিত। হজুর পাকের (আ.) বেশিরভাগ বাণী আমরা পেয়েছি এই মহান সাহাবার নিকটে। তাঁর এই মহান দান আমরা অতি তাজিমের সাথে মনে করি। তবে সবচাইতে বেশি তাজিম করি তাঁর নিজের কয়েকটি অপূর্ব কথা মনে করে, যা বোখারি শরিফ-এর পঁচানব্বই নম্বর হাদিস। তিনি অকপটে শিশুর মতো সরল-সহজভাবে আমাদেরকে জানিয়ে দিয়েছেন যে, হজুর পাক (আ.) হতে তিনি দুই প্রকার জ্ঞান অর্জন করেছেন : একটি জ্ঞান বাহিরের, অপরটি ভেতরের তথা একটি জাহেরি এবং অপরটি বাতেনি। একটি সবাইকে বলা তো দূরে থাক, একদম বিশেষ জ্ঞানী ছাড়া বলাই যায় না এবং সকলের সামনে এই গুপ্তজ্ঞান প্রকাশ করলে তা তিনি ব্যক্তিগতভাবে অন্যায় মনে করেছেন এবং তাই তিনি বলেছেন যে, এই গুপ্তজ্ঞান তথা এলমে মারফত সকলের সামনে প্রকাশ করলে তাঁর গলা কাটা যাবে। এখানে গলা কাটা মানে একদম খুন করা অর্থে তিনি বোঝান নি। এখানে ‘গলা কাটা’ একটি বাগধারার মতো ব্যবহার করেছেন। অর্থাৎ এই এলমে মারফত কখনোই সবার জন্য সমান বোধগম্য নয় বলেই প্রকাশ করা সমীচীন নয়। তাই তিনি অকপটে স্বীকার করলেন যে, এলমে মারফতের জ্ঞান তথা গুপ্তজ্ঞান, যা হজুর পাক (আ.) হতে পেয়েছেন, তাঁর বিরাট ভাণ্ডটি গুপ্তই রেখে গেলেন, তথা প্রকাশ না করে একটি সুন্দর রহস্যপূর্ণ ইঙ্গিত দিয়ে গেলেন। এই বিরাট গুপ্তজ্ঞানভাণ্ডটি হজরত আবু হোরাযরীর মতো বেশ কিছু সাহাবাদের জানা ছিল, যার পরিণতিতে ইসলামের মধ্যে সুফিবাদ তথা ফকিরি প্রকাশ পেল। যদিও ইহা সুফিবাদ তথা ফকিরি নামে আলাদাভাবে সুপরিচিত, আসলে ইহা মোটেই আলাদা নয়। নাম রাখা হয়েছে আলাদা, কিন্তু কেরে ইহাই ইসলামের প্রাণকেন্দ্র। প্রাণকে বাদ দিয়ে দেহের মূল্যায়ন করতে গেলেই আমরা বিভিন্নতার মধ্যে হাবডুব খাই। সত্যকে আমরা মরা কুকুরের মতো উপেক্ষা করি হাজার বার সব মানুষলি বুলি উচ্চারণ করে এবং সত্যকে কাঁধ

ঝাঁকিয়ে তুচ্ছ এবং বাজে বলতেও লজ্জা পাই না, যদিও আমরা পিছনের দিকে পা টেনে টেনেই চলতে সাহসিকতার পরিচয় দিচ্ছি বলে আত্মতৃপ্তি লাভ করি।

আল্লাহ যেমন রহস্য, আদমও তেমনি রহস্য এবং আজাজিল তথা শয়তানও আল্লাহর একটি উদ্দেশ্যমূলক রহস্য। একের ভেতর তিনের গুপ্তরহস্য প্রকাশিত হলে রহস্যের সৌন্দর্য অতি প্রকটরূপে প্রকাশিত হয় এবং ইহার সৌন্দর্যে অবগাহন করতে পারলেই শেরেকরূপ পরদা দূরীভূত হয়। আজাজিল ওরফে শয়তান কিসের তৈরি? ইসলামি দর্শন বলছে, শয়তান এমন এক বিশেষ প্রকার আগুন দিয়ে তৈরি যে- আগুনের ঘোঁয়া নেই তথা ধূম্রবিহীন অগ্নির দ্বারা সৃজিত। কোনো অস্তিত্বের নিজস্ব সত্তা নেই, আল্লাহর অস্তিত্ব ছাড়া। কারণ, তিনি একের মধ্যেই একক। ধূম্রবিহীন অগ্নির মৌলিক কোনো সত্তা না থেকে থাকে তবে উহাও কি একের ভিতর একক? যদি বলি হ্যাঁ, তবে সৃজনের মধ্যেই সৃষ্টা দ্বান্দ্বিক পদ্ধতিতে প্রকাশিত ও বিকশিত হয়ে চলেছেন। তাঁর এই প্রকাশ এবং বিকাশের ধারা প্রতিটি সেকেন্ডে যদি কয়েক হাজার কোটি ভাগ করা হয় এবং সেই ভাগে যতটুকু পরমাণুরূপ ক্ষুদ্রতম সময়ে কয়েক হাজার কোটি সম্পূর্ণ নতুন রূপ দেখিয়ে চলছেন এবং সেই ক্লান্তিক্রম সময়ে বিশাল রূপটি আর কোনোদিনও দেখান না, তাই তিনি সব সময় নব নব রূপে বিকশিত হয়ে চলেছেন। আর যদি বলি : না, ধূম্রবিহীন অগ্নি তাঁর সম্পূর্ণ পৃথক সত্তায় সত্তাবান - তা হলে ইহা শেরেকেরই নামান্তর। কিছু সৃষ্টিতে শেরেক বলতে কিছু নেই, আবার আছেও - শুনতে অনেকটা আত্মবিরোধী মনে হয়। আসলে অতি গভীরে প্রবেশ করলে কোনো আত্মবিরোধী ভাবধারার সমাবেশ তো দূরে থাক, সবই একেরই অনেক রূপের মধ্যে তিনি একক রূপে খেলে চলেছেন। মূলত চরম সত্য কথা বলতে গেলে, তিনি ছাড়া আর কিছুই নেই। তাই আমাদেরকে দেখতে এবং মর্মে-মর্মে বুঝতে চেষ্টা করার তাগিদ দিয়েছেন এই বলে যে - বলো, আল্লাহ নিজেই আহাদ।

আল্লাহ এক ও এককের বিষয়ে আলোচনা

আহাদ শব্দটি অতি মারাত্মক এবং গুপ্তরহস্যপূর্ণ কথা। আহাদের সার্বিক অর্থ হলো 'তিনিই সব কিছু' অথবা 'যা কিছু আছে সবটুকুই তিনি' অথবা তিনিই অখণ্ড অথবা স্বয়ম্ভু (অ্যাবসোলিউট) অথবা একটি অণুও বিনেতে পারবে না যে, সে আল্লাহ হতে আলাদা সত্তা নিয়ে বিরাজিত। যদি বলতে পারে বলা হয়, তবে এই অণু যতই ক্ষুদ্র হোক না কেন, অসীম আল্লাহর সঙ্গে শেরেক করছে তথা অংশীদার দাবি নির্ভয়ে ঘোষণা করছে। সুতরাং এই অণু-পরমাণুও অখণ্ড সত্তা হতে আলাদা নয়। মহা এককের মধ্যেই নিম্নজ্ঞান। তাই তিনি আহাদ।

তাই তিনি বলছেন যে, দুই পূর্ব এবং দুই পশ্চিমের যে দিকে তাকাও না কেন, কিছুই দেখতে পাবে না কেবলমাত্র তিনি (আল্লাহ) ব্যতীত। এই দুই পূর্ব এবং দুই পশ্চিম বলে ঘোষণার অর্থ হলো, কোথাও তিনি ছাড়া কিছুই নেই। তা হলে আমাদেরকে 'লা' শব্দটি উচ্চারণ করতে কেন বললেন? 'লা' দিয়ে কেবলমাত্র আপনার মধ্যে যে অংশীদার ভুল ধারণার ছায়া পড়ে আছে তা দূর করে দেওয়া। আয়নার ভিতরে আপনার মুখের ছবিটার মতই 'লা'-এর ভ্রান্ত ধারণা লুকিয়ে আছে। উহা দূর করতে বলা হচ্ছে। কেবলমাত্র মুখের বলা 'লা' শব্দটির কোনো মূল্যই থাকত না যদি সত্যিই কোনো অংশীদার থাকত। কারণ, যদি কোনো অংশীদার সত্যি সত্যিই থাকত, সে যত ক্ষুদ্রই হোক না কেন, তার আকৃতি সব চাইতে ক্ষুদ্র পজিট্রনও যদি থাকত তবে কখনোই তার অংশীদার দাবি ছেড়ে দিত না এবং দিতে পারে না। আসলে 'লা'-এর ভ্রান্ত ধারণার অপর নাম আমিত্ব তথা হান্নি বা খুদি। এই আমিত্বের জন্ম কর্ম করার মধ্য হতে আসে না। কারণ কর্ম কোনোদিন আমিত্বের বন্ধন হতে পারে না। কামনাটাই কর্মের বন্ধন।

তাই কামনা আসলেই কর্ম কলুষিত হয়। কামনা আবার আপনা হতে আসে না এবং আসতেও পারে না। হয়টি রিপূর মাধ্যম হতে কামনা আসে। এই কামনাই পরদা। ইহা অতি সূক্ষ্ম পরদা। পুন্সেরাতির পুন্সের মতো চিকন এর রূপ এবং তীক্ষ্ণ তরবারির চেয়ে অনেক ধারালো এই কামনার চারিত্রিক বৈশিষ্ট্য। ইহাই আমিত্ব। এই আমিত্ব তথা কামনা বর্জন করতে আদেশ দিচ্ছেন 'লা' শব্দের দ্বারা। এই 'লা' নামক ছায়া দ্বারা এক রং ও রূপকে বহুরূপে দেখা হয়। এই এককে বহুরূপে দেখাটাই শেরেক তথা অংশীত্বের রূপ। সাত রং দেখা যায় এমন কাঁচের মধ্যে চোখ রাখলেই রঙধনু মনে হবে। চোখ সেই কাঁচ হতে সরিয়ে ফেলুন আর সাত রঙের সমাহার আপনি খুঁজেও পাবেন না। অনেকটা কাঁচের ভেতর এত রূপ দেখার মতো এই কামনা। এই কামনা দূর করতে পারলেই সমস্ত কিছুতে 'তিনি ছাড়া আর কিছুই নেই' প্রত্যক্ষ করার দর্শন লাভ হয়। তাই কর্ম কোনোদিন বন্ধনের হেতু হয় না। কামনা যখন কর্মের ওপর আরোপিত হয় কেবল তখনই হয় বন্ধন এবং ইহাই আমিত্ব এবং ইহাকেই দূর করে দেবার জন্য এত লক্ষ কোটি উপদেশ আমাদেরকে প্রদান করা হয়েছে।

সব উপদেশেরই মূল লক্ষ্য বা কেন্দ্রবিন্দু হলো আমিত্ব পরিত্যাগ করা। তাই তিনি এই কথাও বললেন, যে তার আমিত্ব ত্যাগ করতে পেরেছে, সে তার প্রতিপালক আল্লাহ পাকের দর্শন অবশ্যই পেয়েছে। এখানে 'অবশ্যই' শব্দটি যোগ করে দেওয়া হয়েছে, অর্থাৎ আর কোনো সন্দেহের অবকাশই থাকবে না। গৃহ পরিত্যাগ করতে পারলেই বৈরাগ্য হয় না। আমিত্ব ত্যাগ করতে পারলেই হয় সত্যিকার বৈরাগ্য। কারণ, বৈরাগ্যের মাধ্যমেই ইসলামের সত্য উপলব্ধি করতে হয়। বিবাহবন্ধনে আবদ্ধ হয়ে সংসারে থেকেও বৈরাগ্য পালন করা যায়, আবার বিবাহ না করেও করা যায়, এতে কোনো বাধ্যবাধকতা নেই। তবে এই বৈরাগ্য রোহবানিয়াতের মতো নির্দিষ্ট কোনো অবশ্যপালনীয় নির্দেশ নয়। ইহা ব্যবহারিক পদ্ধতি, নীতিনির্ধারণ পদ্ধতি নয়। ব্যবহারিক পদ্ধতির পরিবর্তন আছে, কিন্তু নীতি নির্ধারণ পদ্ধতির কোনো পরিবর্তন নেই। সুন্নাতাল্লাহে লা তাবদীলা অর্থাৎ আল্লাহর আইন বদলায় না। প্রাকৃতিক নিয়মকানুন যুগ যুগ ধরে একই নিয়মের অধীনতায় আবদ্ধ। সমস্ত মানুষ একই নিয়মের উৎস হতে তৈরি, ইহা নীতি নির্ধারণ পদ্ধতি। অবশ্য ইহারও একটিমাত্র ব্যতিক্রম আল্লাহপাক করেছেন হজরত ইসা রুহল্লাহকে পিতা ছাড়া তৈরি করে। তাই হজরত ইসা রুহল্লাহ মায়ের পেট হতেই রুহল্লাহ, তাই তিনি আজীবন রুহল্লাহ। কামনার বন্ধন তার মধ্যে জীবনেও এক মুহূর্তের তরেও আসন নিতে পারে নি।

আত্মতত্ত্ব জানলেই বা পড়লেই আত্মজ্ঞ হওয়া যায় না। আমিত্ব ত্যাগ তথা কর্তৃত্বাভিমান পরিত্যাগ করতে পারলেই আত্মজ্ঞ হওয়া যায়, অর্থাৎ প্রতিপালকরূপী আল্লাহকে চেনা হয়। আল্লাহ অনেক গুণের অধিকারী বলে জানি অর্থাৎ এই নিরানব্বইটি অথবা তিন শত ষাটটি গুণের একের ভেতর অনেকগুলো বিশেষ গুণ এবং এক-একটি গুণের এক-এক রকম রূপ আছে। তাই তিনি কখনো ওয়াহেদ, আবার কখনো আহাদ। অর্থাৎ কখনো তিনি একের মধ্যে বহু তথা একক। তাই তিনি কখনো নিজেকে 'আমি' বলেছেন, আবার কখনো 'আমরা' বলেছেন। 'আনা' তথা 'আমি' এবং 'নাহনু' তথা 'আমরা'। যেমন রেজেক-বর্টন ব্যবস্থার কথায়, রুহ ফুৎকার করার পরিবেশে, হেদায়েত করার সময় 'আনা' তথা 'আমি' শব্দটি কোথাও ব্যবহার করা হয় নি। ব্যবহার করা হয়েছে 'নাহনু' তথা 'আমরা' শব্দটি। ইহার সৌন্দর্য্য এত বিশাল, এত বিজ্ঞানময় এবং রহস্যপূর্ণ যে, ইহার গভীরে প্রবেশ করলে বিস্ময়ে হতবাক হতে হয়।

আত্মতত্ত্ব জানলেই আত্মজ্ঞ হওয়া যায় না। ঔষধের নামতালিকা পাঠ করলেই রোগের লক্ষণ ধরা যায় না। রোগের লক্ষণ ধরতে হলে ভিন্ন পন্থা অবলম্বন করতে

হবে। তাই না ইলাহা ইল্লাল্লাহ - 'তিনি ছাড়া কিছুই নেই' মুখে পড়তে বলা হয় নি। কারণ মুখের স্বীকৃতির কোনো মূল্য নেই, যদি কর্মে উহা প্রয়োগ না করা হয়। যেমন 'শয়তানের ধোঁকাবাজি হতে আশ্রয় চাইছি' বললেই শয়তান তাকে মোটেই ছেড়ে দেবে না এবং শয়তানের ধোঁকাবাজি হতে মুক্তিও পাবে না, যে পর্যন্ত না কর্মের মাধ্যমে শয়তানকে বিদূরিত করতে পারবে। মুখের হাজার কথায়ও শয়তান চলে যায় বললে হাস্যকরই শোনায়, কারণ মুখের কথায় শয়তান চলে যেতে পারে না, যতক্ষণ না একাধি চিন্তে আল্লাহ-সাধন পদ্ধতির ফর্মুলায় ফেলে সাধনায় সিদ্ধি লাভ না করা হয়। মৌখিক স্বীকৃতি তিনি গ্রহণ করেন না, বরং অন্তরের স্বীকৃতিটাই তিনি দেখে থাকেন এবং গ্রহণ করেন। আল্লাহ আমাদের কথা, চেহারা এবং আমল দেখেন না, তিনি দেখে থাকেন আমাদের নিয়ত অর্থাৎ অন্তরের স্বীকৃতি এবং একনিষ্ঠ সাধনায় ব্রতধারী কি না উহা তিনিই ভালো করে জানেন। তিনিই বুঝতে পারেন যে, আমাদের নিয়তরূপ সাধনার হাতের তলায় কামনার ইট লুকিয়ে আছে কি না। আমার বিচারক এখানে আমি নই, তাতে যত সাধনাই করি না কেন। বিচারক তিনি, তিনিই বিচার করে যখন দেখতে পাবেন যে, আমার নিয়ত একদম তাঁর দিকে ছাড়া আর কোথাও নেই, সেদিনই তিনি 'রহিম'-রূপে বিশেষ দান করবেন তাঁর পরিচয়ের গুপ্তরহস্য। 'রহমান'-রূপে নয়। কারণ 'রহমান'-রূপে যে দান উহা সাধারণ দান। 'রহিম'-রূপের দান আমিত্বের বর্জনপূর্বক দান। তাই তিনি গফুরুর রহিম। গফুরুর রহমান নন। 'রহিম'-রূপী দানপ্রাপ্ত হলেই আল্লাহর আহাদরূপের সম্যক জ্ঞান হয় এবং তখনই সে তৌহিদে বাস করে এবং 'আইনুল ইয়াকিন' তথা প্রত্যক্ষ দর্শন হয়ে যায়। 'আইনুল ইয়াকিন' না হওয়া পর্যন্ত এবাদত করো বলে ইসলাম ঘোষণা করেছে।

ইসলাম কী অপূর্ব সুন্দররূপে আহ্বান করছে : হে অদৃশ্যে ইমান আনার লোকেরা, তোমরা ইমান আনো - অর্থাৎ মৌখিক 'বিল গায়েবে' তথা অদৃশ্যে ইমান আনার দল, এখন তোমরা আইনুল ইয়াকিনের দিকে এগিয়ে যাও তথা প্রত্যক্ষ জ্ঞান অর্জন কর। যারা অদৃশ্যে ইমান এনেছে তাদেরকেই ইমান আনতে বলা হয়েছে। তা হলে ইমানকে মোটামুটি দুটো ভাগে ভাগ করে নেওয়া যায়। একটি মৌখিক ইমান অপরটি প্রত্যক্ষ ইমান। প্রথমটির যে কোনো মূহুর্তে হারিয়ে যাবার সম্ভাবনা আছে আর দ্বিতীয়টির হারিয়ে যাবার আর কোনো প্রশ্নই উঠতে পারে না, যেহেতু প্রত্যক্ষ জ্ঞান তথা আইনুল ইয়াকিন তার হয়ে গেছে। তাই ইসলাম ঘোষণা করেছে, এবাদত সেই পর্যন্ত করো যে পর্যন্ত না আইনুল ইয়াকিন হয়। অর্থাৎ আইনুল ইয়াকিন হবার পর এবাদতেরও শেষ হয়ে যাওয়া বোঝায়। কারণ, মৌখিক ইমানের কোনো দৃঢ় ভিত্তি নেই। মৌখিক ইমান হলো সদা চঞ্চল গতিসম্পন্ন। এই ইমান কথায় কথায় ভেঙে যাবার সম্ভাবনা থাকে। এই ইমান বিভিন্নতার মধ্যে ছোট্টাছুটি করতে ভালোবাসে। এই ইমানের অধিকারীদের মতামত অনবরত বদলাতে থাকে। এই প্রকার ইমানের অধিকারীদের কাছে আজ যা সত্য বলে ধারণা জন্মায়, আগামী কয়েক মাসের মধ্যেই আবার উহা মিথ্যা বলে প্রতীয়মান হয়। কারণ মৌখিক ইমানের এক কথায় কোনো স্থিরতাই নেই। কিন্তু আইনুল ইয়াকিন তথা প্রত্যক্ষ জ্ঞান অর্জন করলেই আর কোনো প্রকার চঞ্চলতা, অস্থিরতা এবং সন্দেহ প্রকাশ পাবে না। ইসলাম এই প্রত্যক্ষ জ্ঞান অর্জনকারীকেই প্রকৃত শান্তি লাভ করেছেন বলে তথা ইতমেনান লাভ করেছেন বলে ঘোষণা করেছে এবং জাহান্নামের সুসংবাদ এরা পেয়ে গেছেন বলেও ঘোষণা করা হয়েছে।

হজরত মঈনুদ্দিন চিশতি তাঁর মকতুবাতে খাজা নামক বইতে হজরত কুতুবুদ্দিন বখতিয়ার কাকিকে উপদেশ দিচ্ছেন এই বলে যে, 'যে ব্যক্তি আল্লাহ আল্লাই জিকির করছে, জেনে রাখো, সে আল্লাহকে পায় নি এবং ইহাও জেনে রাখো যে, যে ব্যক্তি আল্লাহকে পেয়েছেন তিনি আর কখনোই আল্লাহ আল্লাহ জিকির করবেন না। ইহা কেমন কথা বলে তুমি আমায় প্রশ্ন করতে পারো এবং যদি প্রশ্ন করো তবে তার উত্তর

হলো যে, তোমার কোনো প্রিয়জনকে দূরে দেখতে পেলে ডাক দেবে, কিন্তু যখন সে তোমার অতি নিকটে তখন আর ডাক দেবার প্রস্তুতি আসতে পারে না। অর্থাৎ যখন তুমি আল্লাহর পরিচয় প্রত্যক্ষরূপে পেয়ে যাবে তখন তোমার জন্য আর এবাদত নেই বলিলেই চলে। তখন তুমি এবাদতের বহু উর্ধ্বে এবং এবাদতের আনুষ্ঠানিকতা এখানেই শেষ। যদিও তোমার মধ্যে আল্লাহপ্রাপ্তির পর এবাদত করতে কেঁউ দেখে, সেই এবাদত তোমার নিজের জন্য নয়, উহা তোমার মুরিদানের শিক্ষা দেবার জন্য। হজুর পাক (আ.) এবাদতের অনেক উর্ধ্বে। অথচ তাঁকে এবাদত করতে দেখা যেত, তারি মানে এই অর্থ নয় যে, সেই এবাদত তার নিজের জন্য, বরং সেই এবাদত তার অনুসারী সাহাবাদের শিক্ষার জন্য। শিক্ষক যদি ছাত্রের বিদ্যার ওপরে না হয়, তা হলে ছাত্রকে শিক্ষক কী শিক্ষা দেবেন? শিশুকে ক,খ,গ, পড়াতে গেলে শিক্ষকের সেই অক্ষর উচ্চারণ করতে হবে বার বার। এই বার বার ক,খ,গ উচ্চারণের মাধ্যমে শিশু অক্ষরজ্ঞান পাবে, কিন্তু শিক্ষক এর অনেক উর্ধ্বে, যদিও তিনি ঐ অক্ষরগুলো শিশুর সঙ্গে বার বার উচ্চারণ করছেন। একজনের শিক্ষা হচ্ছে, অপরজনে শিক্ষা দিচ্ছেন।

খাজা গরিব নেওয়াজ তার মকতুবাতে খাজা বইতে আর একটি সুন্দর উপদেশ দিয়েছেন। তিনি বলেছেন যে, তুমি যদি অনেক পয়সা খরচ করে দামি পোলাও-কোরমা পাকিয়ে দশমাসের শিশুকে খেতে দাও তবে সেই শিশুর জন্য সেই দামি খাদ্যই হবে বিষতুল্য, যদিও উহা তোমার নিকট উপাদেয় খাদ্য বলে বিবেচিত হবে। পক্ষান্তরে দশমাসের শিশুর জন্য যে দুধের শিশি তা যদি তোমার বন্ধুদের এনে দাও তবে উহা হবে তাদের জন্য অপমানজনক একপ্রকার তাঁটা-তামাশা। কারণ, তোমার বন্ধুরা দুধের শিশিতে তাঁট লাগানোর বয়স অনেক আগেই ফেলে এসেছেন। তাই যারা দুধের শিশিতুল্য জ্ঞানের উপযোগী, তাদেরকে পোলাও-কোরমার মতো অতি উচ্চস্তরের জ্ঞান দিও না। কারণ, তা সবার জন্য সমান প্রযোজ্য নয় এবং সবাইকে সমানভাবে বিতরণ করাও সমীচীন নয়।

খাজা গরিব নেওয়াজ অতি উচ্চ পর্যায়ের ওলি। তিনি এমন কথাও বলেছেন যা ওলিদের অবাক করে। যেমন একস্থানে তিনি বললেন যে, ‘(হজরত) ইসার (নবির) সানিই আমি তথা আমিই দ্বিতীয় ইসা। কারণ, তার কাছে যে রুহুল কুদ্দুস সেই একই রুহুল কুদ্দুস আমার কাছেও।’ ফারসি ভাষায় তাঁর এই অপূর্ব কথা আমরা দেখতে পাই যেমন - দাম বা দাম রুহুল কুদ্দুস আন্ধার মর্দনে মি দামাদ- মান নামিদানাম মাগার মান ইসায়ে সানি শুদাম।

হজরত শরফুদ্দিন ইয়াহিয়া মুনিরি ওরফে মখদুম শাহ বিহারির - মকতুবাতে সদি নামক বইতে এলমে মারেফতের অতি উচ্চ স্তরের কয়টি উপদেশ আমরা পাই এবং তার একটি উপদেশ নিম্নে তুলে ধরলাম। তিনি তাঁর জনৈক মুরিদকে বলছেন যে, ‘জেনে রাখো বাবা, দুনিয়ার সবচাইতে বড় পাপী বলে গণ্য ব্যক্তিটি দুনিয়ার সবচাইতে উত্তম ব্যক্তিটির মাথা লাতির দ্বারা আঘাতে জখম করলো বলে দেখলে, কিন্তু সেই আঘাত পাপী ব্যক্তিটি করে নি। তুমি বলবে, তবে? আমি এখন যা বলবো উহা তোমার বিশেষ তথা খাস বন্ধু ছাড়া কাউকে বলবে না। জেনে রাখো, সেই লাতির আঘাত সেই পাপী ব্যক্তিটি করে নি। কারণ, আল্লাহর ইশারা ছাড়া তার পক্ষে লাতি তোলা অসম্ভব। তুমি বলবে, এটা কেমন কথা? আমি বলবো, বাবা তুমি পরদার ডেতরে আছ, পরদা যদি খুলতে পার তবে দেখতে পাবে সব তারই রহস্যময় লীলাখেলা। তুমি দেখতে পাবে যে, তিনিই বিচারক, তিনিই কোত্তলী তথা উকিল, তিনিই বাদী এবং তিনিই বিবাদী। কারণ, তিনি ছাড়া কিছুই নেই।’ আহাদ রূপের গুপ্তদর্শন এখানেই, যা তোমার কাছে অমিল-বেমিল এবং কেমন যেন খাপছাড়া মনে হবে। মোকামে তৌহিদে না যাওয়া পর্যন্ত আহাদ রূপটি মোখিক স্বীকৃতিরই নামান্তর।

হোমিওপ্যাথিক ঔষধের নবম শক্তিতে ঔষধের কোনো অস্তিত্বই খুঁজে পাওয়া যায় না। তা হলে এক হাজার শক্তিতে কী থাকতে পারে? অথবা একলক্ষ কিংবা দশলক্ষ

শক্তিতে? ঐষধের কোনোই অস্তিত্ব নেই, কিন্তু অস্তিত্বহীন ঐষধ রোগের মূলে গিয়ে আঘাত করছে। ঐষধ নেই অথচ শক্তি আছে - এ কেমন কথা?

এক ফোটা ধাতুর (সিমেন্ট) মধ্যে কোটি কোটি গুঁড়কীট (স্পারমাটোজা) হতে একটি কীটের দ্রুতবিকাশের পূর্ণাঙ্গ রূপটি হলো মানুষ। আরও একটু তলিয়ে দেখি, দেখি এই ধাতু কোথা হতে এলো? খেত (গ্রীলবুমিন) ও লৌহ কণিকার (হিমোগ্লোবিন) মিশ্রিত রূপ রক্ত হতে ধাতুর জন্ম। রক্ত কোথা হতে এলো? খাদ্যদ্রব্য হতে রক্তের জন্ম। খাদ্যদ্রব্য কোথা হতে এলো? মাটি, পানি, আলো এবং বাতাস হতে খাদ্যদ্রব্যের জন্ম। মাটি, পানি, আলো এবং বাতাস কোথা হতে এলো?

এভাবে পর পর চিন্তা করলে, আসল মূল কোথায়, এর উত্তর খুঁজতে গেলেই নিজেকে চেনার উপদেশ দেওয়া হয়েছে। কারণ, নিজেকে চিনতে পারলেই আল্লাহকে চেনা হয়ে যায় বলে ইসলাম ঘোষণা করেছে এবং ইহাই ইসলামের একমাত্র উপদেশ। দ্বিতীয় কোনো উপদেশ ইসলাম দেয় নি। আল্লাহ এক কিন্তু তার গুণাবলি অনেক। অনেক গুণাবলির মধ্যে সবচাইতে প্রিয় গুণটি তার কী? 'ইচ্ছা' তার সবচাইতে প্রিয় গুণ। সব গুণগুলোই 'ইচ্ছা' নামক গুণের অধীন। 'ইচ্ছা' হলো সকল গুণের নেতা বা সরদার। কিন্তু এই শীর্ষস্থানীয় 'ইচ্ছা' গুণটিও একদম বেকার হয়ে পড়ে কখন, কোথায় এবং কার কাছে? তিনটি প্রশ্নের একটি ছোট্ট উত্তর হলো প্রেমের তথা ইশকের কাছে 'ইচ্ছা' বেকার হয়ে পড়ে। প্রেমের তথা ইশকের আগুন যখন প্রেমিকের তথা আশেকের মনে দাউদাউ করে জ্বলে ওঠে, 'ইচ্ছা'র দৃঢ় বাঁধনও তাকে খামিয়ে দিতে পারে না। মৃত্যুর যাতনাও প্রেমের কাছে তুচ্ছ। আইন-কানুন, রীতি-নীতি, আচার-অনুষ্ঠান, ছোট-বড়, রাজা-প্রজা কোনো কিছুই প্রেমকে বেঁধে রাখতে পারে না। যেন একটি জ্বলন্ত আগুনের টুকরো। কে এগিয়ে যাবে নীতির আঁচলে প্রেমকে বেঁধে রাখতে? সব কিছু জ্বালিয়ে পুড়িয়ে একাকার করে দেয় এই প্রেম। তাই তো জেনে-শুনেই সত্যদ্রষ্টা আদম খেয়েছিলেন নিষিদ্ধ গাছের ফল। জেনে-শুনেই আজাজিল ওরফে শয়তান গলায় নিয়েছেন কলঙ্কের মালা।

বিশ্ববিখ্যাত গুলিয়ে কামেল হজরত শামসে তারিজ এ রকম অতি গুপ্ত কথা তাঁর দিওয়ান-এ বলে দিয়েছেন। কিন্তু আমাদের বলার অধিকার নেই। সত্য যে উলঙ্ঘ হয়ে পড়ছে, আবরণী আর যে থাকছে না। কামনার মায়াকাননে বাস করে কিছুই জানলাম না, বুঝলাম না। যত শিখি, যত পড়ি, তাতে আরও স্পষ্ট হয়ে ধরা পড়ে নিজের অজ্ঞতা। তবে কি নৈরাজ্যের আধারে হিংসা, আত্মগরিমা, লোভ আর কামনাই জানলাম? তবে কি আমাদের মতো আশ্রিতের রশিতে বাঁধা জীবনে এটুকুই জানতে পারি যে, জীবনটা সত্য, মৃত্যুটাও সত্য এবং এর মাঝখানের ছোটোছোটো একটা ফাঁকা, বিরাট শূন্য। হিশাব মিলাতে গিয়ে দেখি কলুর চোখ-বাঁধা বলদের মতো অনেক পথ বেয়ে একই স্থানে দাঁড়িয়ে আছি, যেখান থেকে যাত্রা শুরু করেছিলাম।

রক্তের সম্পর্ক ইসলাম স্বীকার করলেও পূর্ণ স্বীকৃতি দেয় নি। পূর্ণ স্বীকৃতির স্বাক্ষর পাই প্রেমের সম্পর্কে। রক্তের সম্পর্কে হজুর পাকের (আ.) আপন চাচা আবু লাহাব ছিলেন বিরোধীদের মধ্যে একজন জঘন্যতম শত্রু। 'ধ্বংস হোক আবু লাহাবের হাত দুটো', কোরান পাকের এই ঘোষণা রক্তের সম্পর্ককে সোজাসজি বুড়ো আঙুল দেখাচ্ছে। অন্যান্য চাচাদের মধ্যে আবু জাহেলের বিরোধিতা এত প্রকট ছিল যে, সাধুর বিপরীত শব্দ শয়তানের মতো তার ভূমিকা ইসলামের বিরুদ্ধে ছিল। জীবনভর ইসলামের বিরোধিতাই ছিল হজুর পাকের (আ.) চাচা আবু জাহেলের নৈতিক চরিত্রের বৈশিষ্ট্য।

শ্রদ্ধেয় শিয়া সম্প্রদায়ের ভাইদের অনেকেই আমার কথায় একমত নাও হতে পারেন। কারণ, তাঁদের অনেকেই বলে থাকেন যে, 'আবু সুফিয়ানের হাত দুটো ধ্বংস হোক'-কে আবু লাহাবের নামে চালিয়ে দেওয়া হয়েছে। শ্রদ্ধেয় শিয়া ভাইয়েরা, আপনারা একটু তলিয়ে দেখুন তো, হজরত আবু সুফিয়ান (রা.) হজুর

পাকের (আ.) বংশেরই একজন কি না? অবশ্য অপ্রিয় হলেও মানতে হচ্ছে যে, এই হজরত আবু সুফিয়ান (রা.) জীবনভর হজুর পাকের (আ.) বিরুদ্ধে জঘন্য শত্রুতা করে গেছেন এবং অবশেষে অনেকটা বাধ্য হয়েই শেষ কাতারের হালকা ইমানওয়ালা মুসলমানরূপে পরিচিত হয়েছেন। আপনারা মওলা আলিকে বড় করতে গিয়ে অনেক গণ্যমান্য সাহাবাদের ওপর জঘন্য অপবাদ ছড়াতেও লজ্জাবোধ করেন নি। হজরত আবু বকর (রা.), হজরত ওমর ফারুক (রা.) এবং হজরত ওসমান (রা.)-কে এত নীচে নামিয়ে কি যে আদিম তুষ্টি পান তা আপনারাই ভালো করে বোঝেন। অথচ এই তিন মহান সাহাবারাও কয়েক পুরুষ আগে একই বংশের তথা নবিবংশের এবং দু'জন হজুর পাকের (আ.) আপনি শ্বশুর এবং একজন আপন জামাতা। এরই নাম বোধহয় ঘাড় মোগড়ানি। 'শিবাজী তাজমহল বানিয়েছে' - এ রকম উদ্ভট আবিষ্কার আপনাদের মগজের মধ্যেই পাওয়া যায়। মার' চেয়ে মাসির দরদের বহর প্রকাশ করতে গিয়ে মূল শিক্ষাকে হারিয়ে তথা নিজেকে চেনার শিক্ষাকে বাদ দিয়ে বগল বাজিয়ে কুৎসিত আনন্দ পেতে পারেন, কিন্তু এতে সত্য-সুন্দর রূপের মাঝে অবগাহন করা যায় না।

ইসলামের একমাত্র শিক্ষা হলো : মান্ আরাফা নাফসাহ ফাকাদ্ আরাফা রাব্বাহ - তথা যে তার নিজেকে চিনতে পেরেছে সে তার প্রতিপালককে তথা আল্লাহকে চিনতে পেরেছে। অনেক প্রকার ঔষধের যেমন একটি মাত্র উদ্দেশ্য থাকে এবং সে উদ্দেশ্য হলো ইহারা আকারে, প্রকারে এবং গুণের দিক দিয়ে অমিল থাকলেও সবাই রোগ মুক্তির জন্য তৈরি হয়েছে। দ্বিতীয় কোনো প্রকার শিক্ষা ইসলাম দেয় নি। যাহা আছে বলে মনে হয়, ইহা আসলে নিজেকে চেনার মূল শিক্ষাকে অনুধাবন ও গ্রহণ করার বিস্তৃত ব্যাখ্যার পরিপ্রেক্ষিতে রচিত হয়েছে। কে অনেক ছোট এবং কে অনেক বড় এবং পবিত্র - সাহাবাদের চরিত্রের কুৎসা গাইবার শিক্ষা দেওয়া হয় নি। কারণ উহাতে নফসরূপ পাগলা ঘোড়া মতালের মতো লাফাইতে পারে এবং একটি মজবুত দলকে বিভিন্ন গোত্রে টুকরো টুকরো করে দিতে পারে এবং একে অন্যের উপর ঢিল ছোড়াছুড়ির মারহীবা পেতে পারেন, কিন্তু একমাত্র শিক্ষাকে সযত্নে এড়িয়ে গিয়ে উজবুকের মতো দেখেও না দেখার ভান করতে পারেন। তাই খাজা বাবাকে একবার শ্রদ্ধেয় শিয়া ভাইয়েরা এজিদ সঙ্কে মস্তব্য করতে বলাতে খাজা বাবা বলেছিলেন যে, তিনি ইমাম হোসেনের মধ্যে এমনভাবে ডুবে আছেন যে এজিদ সঙ্কে চিহ্ন করার সময়ই পান নি - যদিও আমরা দলমত নির্বিশেষে এজিদকে একটি নরপশু বলতেও ঘৃণা বোধ করি। অগড়া কাদা ছোড়াছুড়ির মধ্যে সত্য নেই।

আসিল সত্য হলো সাধনার দ্বারা নিজেকে চেনা, যাহা আল্লাহর ওলিরা গ্রহণ করেছেন। একজনকে বড় করেই বা আমার কী লাভ আর একজনকে ছোট করেই বা আমার কী ক্ষতি। অবশ্য ঐতিহাসিকভাবে যে বা যারা দিকুত তথা আদ ও সামুদ জাতির মতো, তাদের বিষয় স্বতন্ত্র। এই নোংরামি ও ইতরামির মধ্যে যারা ডুবে থাকে থাকুক, কিন্তু যখন ইহাই রক্তাক্ত খুনাখুনির রূপে জাহির হয় তখনই এদের শিক্ষা দেবার কী পরিণাম হতে পারে তাহা মর্মে মর্মে বোঝা যায়। এদের এই প্রকার শিক্ষারূপ পর্বত যখন ইদুর প্রসব করে তখন জনতা মুখে রুমাল চেপে হি হি করে হাসতে থাকে। জনতা একে অপরকে বলতে থাকে, এদের বাদ্যযন্ত্রে কী সুর বাজে আর এরা কী গান গায়? এদের সুর থাকে একদিকে, গান থাকে অন্যদিকে। হায় রে আমার শ্রদ্ধেয় শিয়া ভাইয়েরা, বকাবাজি করা আর 'হাম সব কুছ জানতা হায়, বাকি সব বিয়াকুব' এবং আমাদের দেওয়া কোরান-এর ব্যাখ্যাই একমাত্র ব্যাখ্যা, তা শিবাজীর তাজমহল বানানোর মতো উদ্ভট শোনালেও কিছু যায় আসে না, আর হাদিস সংগ্রহকারীদেরকে বিশেষ করে ইমাম বোখারি ও ইমাম মোসলেমকে তো দালাল, মিথ্যুক ইত্যাদি বলে আগেই মস্তব্য করে ফেলেছেন, যদিও আপনারা

প্রয়োজনে মাঝে মাঝে এদের দোহাই দিতে বাধ্য হন। আপনাদের জেল্লা-মারা বান্ধা কথাবার্তায় কত সহজ-সরল-প্রাণ মুসলমান যে ইমান হারিয়ে ফেলবে তা কি বুঝতে পারেন না?

আপনারা প্রথমে হাত দিয়ে পাহাড় ঠেলতে শুরু করে দেন, যখন পাহাড় নড়ছে না তখন পাহা দি়ে ঠেলা শুরু করে দেন। কী বিচিত্র রং-এ রঙ্গিলা আপনারা। হাদিস তো সব বাদই দিয়ে ফেলেছেন, এখন রইলো একমাত্র সম্বল কোরান - সেই একমাত্র সম্বল কোরানকেও মাঝে মাঝে বেয়াদব বলে যে চড়-থাপড় মেরে বসেন তা আপনাদের লেখা পড়লেই বোঝা যায়। আপনাদের চেয়ে এক ডিগ্রি গলা উচু করে লেখেন যারা তারা হলেন 'গোলাবি শিয়া'। এই গোলাবি শিয়াদের বিকৃত মস্তিষ্কের ফসলে এত দুর্গন্ধ যে নাকই রাখা যায় না। এরা আবার কোরান-এর ভেতর অনেক মানুষের কথা ঢুকে গেছে বলে মন্তব্য করেন। যে মন্তব্য কোরান-এর ঘোরতর শত্রুও করতে পারে নি। কারণ, হজুর পাকের (আ.) সময়ই গ্রিশ হাজার কোরান-এ হাফেজ জীবিত ছিলেন। খেজুর পাঁতা, চামড়া অথবা শিলালিপি নষ্ট করা যায়, কিন্তু বুকের ভিতর যাহা মুখস্থ করে রাখা হয়েছে তাহা কেমন করে নষ্ট করা যায়, ইহা এই গোলাবি শিয়াকেই ভালো করে জানেন। কবি রবি ঠাকুরের একটি কবিতা বাল্যকাল হতে মুখস্থ আছে। সেই কবিতাটিতে যদি এতটুকু বিকৃত করে লিখা হয় উহা কি আমাদের চোখে ধরা পড়বে না? যেমন 'আমার বড় নদী চলে হ হ করে বৈশাখ মাসে তার সাতার জল থাকে।' এই কবিতার লাইনে কোথায় কতটুকু ভুল হয়েছে উহা হবহ বলে দিতে পারবো। কারণ, ইহা আমার মুখস্থ আছে। সুতরাং যদি কোরান-এর কোথাও কোনো বিকৃতি ঘটতো তবে সঙ্গে সঙ্গে গ্রিশ হাজার হাফেজ সাহাবার চোখে ধরা পড়তো। ধরে নিলাম, দুই চারজন হাফেজ সাহাবা নীরব রইলেন, কিন্তু গ্রিশ হাজার হাফেজের পক্ষে নীরবতা পালন করা অসম্ভব। এটা বুড়ো বয়সে ভীমরতি ধরার মতো শোনায়।

শ্রদ্ধেয় শিয়া ভাইয়েরা, বুকে হাত রেখে বলুন তো, ভিন্ন মত ও পথের অনুসারীদের কয়জনকে মুসলমান বানাতে পেরেছেন? গজনির সুলতান মাহমুদ পাক-ভারতে মুসলমান বানাতে আসেন নি অথবা আপনাদের মতো বিদ্বান পণ্ডিতগণও মাশাল্লাহ মুসলমান বানাতে পারেন নি। সমগ্র পাক-ভারতে যারা মুসলমান বানিয়েছেন তাঁদের আমাদের মতো অন্ধ পণ্ডিতের বিদ্যার কচকচানি ছিল না। আমাদের মতো বিদ্যার সাগরদের দিয়ে কাগজের পৃষ্ঠায় লিখিত কোরান-এর লিখিত ব্যাখ্যায় পাক-ভারতে ইসলাম ধর্ম গ্রহণ করেন নি। এ রকম তফসির আমাদের মতো গাধার পিঠেই বোঝা হয়ে রইলো। অন্য কোনো দল ও মতের ব্যক্তিদের ঝাঁকে ঝাঁকে মুসলমান ধর্ম গ্রহণ করাতে পারি নি এবং মাশাল্লাহ কোনোদিন যে পারবো না তা আমাদের উভয় পা দুটো দেখলেই বোঝা যায় যে, আমাদের ওজনে জয়পাল সাধুর মতো বটগাছ নড়বে কি না। দশহাজার মণ ওজনের পাথরটি তারাগড় পাহাড়ের উপর হতে আমাদের ওপর গড়িয়ে দেওয়া হলে আমরা আমাদের মোটা মোটা এলমের বই দিয়ে রুখে ফেলবো! যেমন চড়ুই পাখির পা দুটো দেখলে বোঝা যায় যে ইহার বিশাল (?) পায়ের ভারে বটগাছ নড়বে কি না। তবে বটগাছ নড়ছে বলে আত্মপ্রসাদ লাভ করা যায়, কিন্তু কাহাকেও বিশ্বাস করানো যায় কি না উহা আমরা সকলেই বুঝতে পারি। লিখিত বই-পুস্তক দিয়ে ধর্মপ্রচার হয়, কিন্তু ধর্ম গ্রহণ করানো যায় না। তার জলন্ত দৃষ্টান্ত রেখে গেছেন সুলতানুল হিন্দ খাজা গরিবে নেওয়াজ। ইচ্ছা করলে তিনিও আরবি ভাষায় কোরান পাকের তফসির করে যেতে পারতেন। কিন্তু উহার মূল্য কতটুকু হবে ভেবেই তা করেন নি। তিনি নুরি কোরানকে, যে কোরান কাগজ অথবা শিলালিপিতে কলম অথবা হাতুড়-বাটালে লিখা হয় সেই কোরান নয়, যে কোরান পবিত্র না হয়ে পাঠ করা তো দূরের কথা স্পর্শই করা যায় না (লা ইয়া মাস্সাহ ইল্লাল মুতাহহারন)

সেই নুরি কোরানকে নিজের জীবনের ওপর তফসির করেছেন। যে নুরি কোরান সাত হরফের দুশ্চর মध्ये নেই এবং সেই তফসিরের ফলে সারা পাক-ভারতে যে মুসলমানদের অস্তিত্ব অনুভব করি তার অধিকাংশই তাঁর নেয়ামতের দান। মুখের কথায় ‘শয়তান হতে আশ্রয় চাই’-এর যেমন কোনো মূল্য নেই তেমনি কাগজে লিখিত কোরান তফসিরের দ্বারা মানুষকে অনেক বিষয়ে অবগত করানো যায়, কিন্তু দীক্ষিত করা যায় না। যদি দীক্ষিতই করা যেত তবে দুনিয়াতে অনেক হিয়া বড় বড় তফসির করা হয়েছে, কিন্তু খাজা বাবার লিখিত কয়টি চিঠি ও কবিতা ছাড়া আর কিছুই নেই। তেমনি বাংলাদেশের মধ্যেও মুসলমান করে গেছেন বাবা শাহজালাল এবং তাঁর শিষ্যবৃন্দ। কোনো রাজা, জমিদার এবং আমাদের মতো বাক্যবাগীস আরবি জানা শিয়া ও সুন্নি পণ্ডিতরা মুসলমান করে যান নি। আমরা উভয়েই আমাদের লিখিত চিন্তাধারা দিয়ে মুসলমানদের মধ্যে ফেরকার ডেদাডেদ বানাতে ওস্তাদ। আমরা উভয়েই আমাদের এমন সব আজব বেমিল এবং অসংযত কথা ও লিখনী দ্বারা মুসলমানদের সর্বনাশের পথে ঠেলে দিয়ে মারহাবা কুড়িয়েছি। আমাদের লিখনীর ফসল জগাখিচুড়ি আর সেই খিচুড়ি পরিবেশন করে কী প্রকার রোগের যে জন্ম দিয়ে ফেলেছে। তাঁর হিশাব দিলে, আমাদের উভয়ের ছেঁড়া জুতার সুন্দর মালা পাবার পুরস্কার ঘোষণা করবেন। নানা মুনির নানা মতের মতো আমাদের চিল্লাচিল্লিতে মুসলমানের যত বড় ক্ষতি হয়েছে তা অন্য দল ও মতের দ্বারা এর শতাংশের একাংশও হয় নি। আমরা উভয়ে নিজেদের কুঁঠার নিজেদের পায়ে মারার বিদ্যা শিখেছি কিন্তু এলম্মে মারেফতের ধারে কাছেও যাই নি। কারণ উহাকে যে আগেই ফতোয়া মেরে দিয়েছি। আমরা এক ইসলামকে তেহাওরটি ইসলামে পরিণত করেছি। ইহা কি কম কথা? ইহা কি আমাদের বিদ্যা হাসেল করার কম সুন্দর নমুনা? অথচ যে সকল ওলি-দরবেশ, পীর-ফকিরেরা মুসলমান বানিয়ে গেলেন, তারা বলে আমাদের দৃষ্টিতে কোরানই ভালো করে বুঝতে পারেন নি। একেই বোধহয় বুড়ো বয়সে ভীমরতি ধরেছে বলে মনে হয়। জাহেরি ইলম দিয়ে ইসলামের তবলিগ হয় না। বাতেনি ইলম অর্জন করতে পারলেই হয় ইসলামের তবলিগ। জাহেরি ইলম দিয়ে মুসলমান মুসলমানকে তবলিগ করতে পারেন, কিন্তু একটা সম্পূর্ণ ভিন্ন মতের অনুসারীদেরকে ইসলাম গ্রহণ করানো যায় না।

হজরত মুজাদ্দের আল ফেসানি তাঁর মকতুবাত-এ লিখেছেন যে, মওলা আলি বলেছেন, যারা তাঁকে হজরত আবু বকর এবং হজরত ওমরের ওপর প্রাধান্য দেয় তারা মিথ্যুক এবং স্পষ্ট বিভ্রান্তির মধ্যে বাস করে।

আমি ভালো করেই জানি, আপনারা এই কথা মোটেই বিশ্বাস করবেন না। মনে করুন, ধরে নিলাম ইহা মওলা আলি বলেন নি, কিন্তু মুজাদ্দের আল ফেসানি তো বলেছেন। তাঁর মতো বিশ্বখ্যাত ওলির নাম আপনারা জানারই কথা। কিন্তু আপনারা সঙ্গে সঙ্গে তাঁকে ওলি বলা তো দূরের কথা আপনাদের আদিম চরিত্রের রূপটাই জাহির করে ফেলবেন। কিন্তু আপনারা তো জানেন না যে, বেলায়েতের সামনে নবুয়ত একটি বিস্ম এবং আখটি বিশেষ। হজরত মুসা (আ.) এবং হজরত খিজির (আ.)-এর ঘটনাগুলোর উপরই মুসা (আ.) নবি প্রাথমিক শর্ত ধৈর্যই ধারণ করতে পারলেন না।

বেলায়েতের প্রাণকেন্দ্র হজরত পাক (আ.)-কে প্রথমেই কিছু রসুল বলা হয় নি। প্রথমে বলা হয়েছে ‘আবদুহ’ তথা আল্লাহর প্রিয় বান্দা এবং ইহাই বেলায়েত এবং পরে বলা হয়েছে ‘রসুলুহ’ তথা আল্লাহর রসুল। আমি জানি, হাজারোবার যদি বোঝাতে চেষ্টা করি, তাতে কোনো ফল হবে না। কারণ, যারা সব কিছু বুঝে গেছেন, তাদেরকে আর নতুন করে বোঝানো যায় না এবং ‘শিবাজী তাজমহল বানিয়েছে’ যাদের নব আবিষ্কারের সাইনবোর্ড কাঁধে মরা কুকুরের মতো ঝুলছে, তাদেরকে বলার মতো কিছুই থাকতে পারে না।

আরব দেশ হতে বহু দূরে আফ্রিকার কালো আদমি, নিগ্রো বলে যারা আমাদের কাছে সুপরিচিত, সেই কান্সি হজরত বেলাল (রা.) চাবুকের আঘাতে রক্তস্নাত হয়েও হজুর পাকের (আ.) প্রেমের সম্পর্কে অস্বীকার করলেন না, বরং জীবনের বিনিময়েও প্রেমের সম্পর্ক যে সবচাইতে বড় সম্পর্ক, সেই আদর্শ আমাদের কাছে তুলে ধরলেন। আপন ঘরের সন্তানেরা করে বিরোধিতা আর যাদের সঙ্গে রক্তের কোনো সম্পর্ক নেই, যাদের সঙ্গে পরিচয় কিছুদিনের তারা কী করে প্রেমের সম্পর্কের কাছে জীবন বিলিয়ে দিতে পারে তারই বিস্ময়কর দৃষ্টান্ত ইসলামের ইতিহাসে ভরপুর।

আপন ঘরের সন্তান হয় কাফের। শুধু কি কাফের? হেন অকর্ম নেই যা তাদের দ্বারা করা হয় নি। অথচ দুরের সন্তানরা হয় প্রেমিক। যুদ্ধের ময়দানে নিজের রক্তমাংসের বুকটাকে ঢাল বানিয়ে তীরের আঘাতে আঘাত করে নিশ্চিত মৃত্যুকে করেছে আলিস্তন, তবু হজুর পাকের (আ.) পবিত্র দেহ মোবারকে একটি আঘাত যাতে না লাগে তার জন্য চলেছে প্রাণপণ চেষ্টা। ওহদের যুদ্ধের কোনো একটি বিশেষ পরিবেশে পর পর কয়েকজন রসূল-প্রেমিক জেনে শুনে আপন বুকটাকে বানিয়েছে তীরের আঘাত খাওয়া ঢাল, যার পরিণাম অবধারিত মৃত্যু। প্রেমের সামনে মৃত্যু কত তুচ্ছ, কত নগণ্য বলে বিবেচিত হতে পারে, তারই অঁবাক করা নমুনা রয়ে গেল স্থিতির ইতিহাসে। ইসলাম প্রেমের সম্পর্কেই হজুর পাকের (আ.) উত্তরাধিকার তথা নিজ বংশের বলে ঘোষণা করেছে। এই সম্পর্কের বাধন ঘর-বাহির, সীমার নৈকট্য এবং দূরত্বের দ্বারা হয় না। কারণ প্রেমের কোনো বাধাধরা আইন নেই। আইনের অভ্যন্তরে প্রেম থাকলে হজুর পাকের (আ.) বংশের ভেতর জঘন্য কাফের হতে পারে না। নবির পুত্র, নবির স্ত্রী তা হলে কাফের হতে পারে না, আর মূর্তিপূজারক আজরের পুত্র হজরত ইব্রাহিম (আ.) কখনো নবি হতে পারে না, হজরত নুহ (আ.)-এর পুত্র কেনান কখনো কাফের হতে পারে না এবং হজরত লুত (আ.)-এর স্ত্রীও কখনো কাফের হতে পারে না।

ধর্মের প্রকারভেদ সম্পর্কে আলোচনা

যত কথাই বলা হোক না কেন, যত ভাষার লালিত্য আর হৃদয়ের কণ্ঠকুনিকায় বহুরূপী সুর বিধূত হোক না কেন, যত কল্পনার আবেশের আবির্ভাব হোক না কেন, যত কাল্পনিক-মিশ্রিত আবেগ আর যন্ত্রণার মূঢ় অনুভূতি জড়িয়ে রাখা হোক না কেন, প্রেমের আসল আদি রূপটা মনে হয় ঊলঙ্গ হয়ে কোনোদিনও ধরা দিতে চায় না। বিচিত্র রহস্যের অবগুণ্ঠনে ঢেকে থাকা প্রেমের রূপটি ধরা দিচ্ছে বলে মনে হয়, কিন্তু সবটুকু যেন ধরা গেল না। তৃপ্তি পাওয়ার ভেতরও লুকিয়ে আছে অদৃশ্য অতৃপ্তি, একটা বোঁবা নেশার অতৃপ্ত পিপাসা। এই পিপাসার ভীষা নেই, কথা নেই, নেই কোনো শব্দ। অনুভূতির মাঝেও যেন হারিয়ে যায়। কত গভীরে, কত গভীরে যে প্রেমের অস্তিত্ব, ধরাটাই ভয়ঙ্কর কষ্টকর। এই গভীরতা মাপতে যেয়ে মানুষ তার আপন সন্তাকে পর্যন্ত অবহেলা করতে শেখে, অবহেলার চরমতম রূপটি অনেক সময় নিজেই তিলে তিলে বলি দিতে দিতে পেতে চায়। তখন পায় কি না জানি না। শুধু জানার মাঝে এতটুকুই জানতে পারলাম - জানতে পারলাম অতি প্রাচীন, অতি পুরাতন একটি একঘেয়ে নিয়ম নিশির খেমে খেমে চাপা কাল্পনিক সুর - পৃথিবীতে এলাম, পৃথিবী থেকে চিরবিদায় নিলাম, এটাই বোধহয় সত্য, এটাই বোধহয় আঁধার আকাশে তারার আলোর মতো সত্য, যেন পয়সার এপিঠ আর ওপিঠ। এই দুইয়ের মাঝখানে পথের পুলটা, যার দৈর্ঘ্য অনেক বড়, অনেক ঝামেলায় ভরা। অভিজ্ঞতার সুগ্রী ও বিশ্রী, রূপ আর অরূপের খেলাটাই চলে জন্ম আর মৃত্যুর মাঝখানে। এই মাঝখানের যে বিচিত্র পথটা এর দাম কত তুমি কি জান? মনে হয় এর দাম খুব বড় একটা শূন্য অথবা খুব বড় একটা দীর্ঘশ্বাস।

ইসলাম কী অপূর্বরূপে তার দর্শন প্রকাশ করেছে! আকাশ আর মাটিতে যা কিছু আছে সবাই ইসলাম গ্রহণ করেছে। আকাশ আর মাটি বলতে সমস্ত সৃষ্টিকে বোঝানো হয়েছে। তাই বলতে হয়, সমস্ত সৃষ্টিজগতই ইসলামকে ইচ্ছায় অথবা অনিচ্ছায় বরণ করে নিতে বাধ্য হয়েছে একমাত্র ধর্মরূপে। এই কথার উপর যাতে কোনো প্রকার হেয়ালি না থাকে এবং না থাকে কোনো প্রকার সন্দেহের অবকাশ, তাই স্পষ্ট ভাষায় ঘোষণা করা হলো : ওয়ালাহু আসলামা মান্ ফিস সাম্মাওয়াতে অল্ আরদ্ - অর্থাৎ 'আকাশ ও পৃথিবীতে যা কিছু আছে সবাই ইসলাম গ্রহণ করেছে।' তাই সমস্ত সৃষ্টিজগত সৃষ্টির গুণগান গাইছে তথা তসবি পাঠ করেছে তথা এবাদত করেছে তথা আত্মসমর্পণ করেছে। যেহেতু সমস্ত সৃষ্টিজগত আত্মসমর্পণ করেছে তথা ইসলাম গ্রহণ করেছে সেই হেতু সবাই মুসলমান। অন্যস্থানে ইসলাম ঘোষণা করেছে, ইউসাববেহ লিল্লাহে মা ফিস সাম্মাওয়াতে অমা ফিল্ আরদ্ - অর্থাৎ 'সমস্ত আকাশ এবং জমিনের যা কিছু আছে সবাই তসবি পাঠ করেছে তথা গুণগান করেছে।'

তবে কি মানুষ এবং জিনজাতিও সৃষ্টিজগতের ভেতরে? না বাহিরে? মানুষ এবং জিনজাতিও প্রথমে সৃষ্টিজগতের ভেতরেই থাকে তথা প্রথমে ইসলাম ধর্মকেই গ্রহণ করে, কিন্তু যাবনের প্রাপ্তে যখন এসে দাঁড়ায় তখন আমিতু নামক ষড়রিপু হতে আগত ছায়া তাকে ইসলাম হতে মনের অজান্তে দূরে সরিয়ে ফেলে। তাই মানুষ শিশুরূপে যখন একটি বিশেষ পর্যায়ে থাকে তখন সে মুসলমান। সেই শিশু যে কোনো মত ও পথের অনুসারীর ঘরেই জন্ম নিক না কেন। কিন্তু যখন ভালো-মন্দ বুঝবার পূর্ণ বুদ্ধি অর্জনের সময়-সীমার মধ্যে এসে পড়ে শিশুটি, তখন তার মধ্যে হতে ইসলামিও ধীরে ধীরে দূরে সরে পড়তে থাকে এবং একসময় সেই শিশুটি সম্পূর্ণরূপে ইসলাম হতে দূরে সরে পড়ে। এক কথায়, আমিতুর উদয় ইসলামের অস্ত। কারণ আত্মসমর্পণকে কিছুতেই মনে নিতে চায় না আমিতু। আমিতু সইতে পারে না আত্মসমর্পণ। তাই বিদ্রোহ ঘোষণা করে এই আমিতু। দুরন্ত বাধনহারা ষাড়ের মতো টেচাতে থাকে আত্মসমর্পণের বিরুদ্ধে বিভিন্ন ভাষার ভেক্কাবাজি আর কথার গোলক ধাঁধা দিয়ে। এই বিদ্রোহের দেয়ালটাই অন্ধকার। সৃষ্টির নিকট এগিয়ে আসার পর্দাই এই বিদ্রোহ। যার পরিণাম শাস্তি। এ শাস্তি অনুভূতির বিবেকও সহজে ধরতে পারে না। তাই ইসলাম ঘোষণা করেছে, অমা খালিকতুল্ জিন্না ওয়াল ইন্সা ইল্লা লিয়াবুদুনি - অর্থাৎ 'মানুষ এবং জিনকে আমার এবাদত করার জন্যই সৃষ্টি করা হয়েছে।' যেহেতু এবাদত না করার ক্ষমতা তথা সাময়িক ইচ্ছাশক্তি দান করা হয়েছে কেবলমাত্র দুটো প্রাণীকেই এবং সেই প্রাণী দুটো হলো মানব এবং জিন, সেহেতু উভয়কে মনে করিয়ে দেওয়া হলো এই বলে যে, তাদের ভুলে গেলে চলবে না, কারণ এবাদত করার জন্যই তাদেরকে তৈরি করা হয়েছে। সৃষ্টিজগতের মধ্যে এই কথা আর কাউকে বলা হয় নি (অবশ্য আমার জানা মতে) যেহেতু কোনো সৃষ্টিকেই সীমিত স্বাধীন ইচ্ছাশক্তি দেওয়া হয় নি, সেহেতু এ রকম আদেশ উপদেশ-অপরকে দেবার প্রশ্নই উঠতে পারে না।

তাই দুই হলো মাত্র দুই প্রকার : একটি আল্লাহর দুই আর অপরটি হলো মানুষের দুই। আল্লাহর দুই এক, অখণ্ড এবং অনন্ত, কিন্তু মানুষের দুই বহু, বিচিত্র এবং ক্ষণস্থায়ী। আল্লাহর দুইয়ের বদল হয় না তথা পরিবর্তন নেই, কিন্তু মানুষের দুইয়ের প্রতিদিন বদল হচ্ছে তথা পরিবর্তন হয়ে চলেছে। তাই মানুষের দুইকেই বলা হয় দুনিয়া এবং এই দুনিয়াতে বাস করাকেই বলে আমিতু নিয়ে বাস করা। এই দুনিয়া মানুষের মনের ভেতরের একটি নিজস্ব বানানো অবস্থা যা জীবিত অবস্থায় ফেলে দিতে না পারলে মৃত্যু নামক ঘটনা দিয়ে ফেলে দিতে একদিন বাধ্য করবে।

মৃত্যু-ঘটনা আবার দুই প্রকার : একটি জীবিত অবস্থায় ঘটে, অপরটি দেহবিনাশের দ্বারা ঘটে। জীবিত অবস্থায় মৃত্যু-ঘটনা ঘটাতে পারলেই আর মৃত্যু

নেই এবং ইহাকেই আমিত্বের মৃত্যু বলা হয় এবং এই মৃত্যুতে যে জীবন দান করা হয় সেই জীবনের আর মৃত্যু নেই, তথা অনন্ত জীবনের অধিকার লাভ করা, তথা আল্লাহর অখণ্ড দ্বীনের রাজ্যে প্রবেশ লাভ করা। মানুষের মনের ভেতরে আপন খেয়ালখুশি মতো বানানো অবস্থাকেই ইসলাম দুনিয়াতে বাস করা বুঝিয়েছে এবং এই প্রকার দুনিয়া বলতে পৃথিবীকে বোঝায় নি। আমরা অনেকেই দুনিয়া বলতে চট করে পৃথিবীকে বুঝে ফেলি। কিন্তু ইসলামি পরিভাষায় দুনিয়া এবং পৃথিবী বলতে দুইটি সম্পূর্ণ আলাদা দর্শন বোঝায়। তাই ইসলাম ঘোষণা করছে, আত্ তালেবুদ দুনিয়া মরুদুদ - অর্থাৎ 'যে দুনিয়া খুঁজে বেড়ায় সে শয়তান।' দুনিয়ার বিরুদ্ধে (পৃথিবীর বিরুদ্ধে নয়) কয়েক উজন কোরান পাকের আয়াত এবং কয়েক শত হজুর পাকের (আ.) বাণী তথা হাদিস আছে। আমরা দুনিয়া এবং পৃথিবী বলতে এক বুঝে নিয়ে এমন জগাখিচুড়ি পাকিয়ে বসি যে নিজের আত্মবিরোধী কথার প্যাচে নিজেই আটকা পড়ে যায় এবং তখনই আবোল-তাবোল বকাবাজি এবং গোজামিলের পাহাড় বানিয়ে বসি। অবশ্য ইহা আমাদের উপলব্ধির অভাবেই তৈরি হয়।

সেজদার প্রকারভেদ সম্পর্কে আলোচনা

কোরান পাক বলেছে, 'ওয়া নাজ্জু ওয়াশ শাজ্জার ইয়াসজ্জুদান' অর্থাৎ '(আকাশের) তারাপল্লো এবং গাছপল্লো সেজদা করেছে'। তা হলে সেজদার অর্থ কী? সেজদা বলতে কী বোঝায়? আমরা যাকে সেজদা বলে জানি তথা প্রচলিত কথায় যাকে সেজদা বলে সবাই মেনে নেই উহাই কি সেজদা? সেজদার অর্থ হলো আত্মসমর্পণ। নিজেকে সম্পূর্ণরূপে বিলিয়ে দেওয়া। আপন সত্তাকে পরম সত্তার কাছে নির্বাণ করা তথা বিলীন করে দেওয়া। আপন ইচ্ছায় তথা নিজের স্বাধীনতায় না চলাকেই সেজদা বলে। আকাশের তারা এবং জমিনের গাছপালা আল্লাহর অনন্ত বিধানে তথা আইনের মধ্যে সম্পূর্ণ দাসত্ব করেছে। ইহাদের আপন ইচ্ছা মতো, নিজের খেয়ালখুশি মতো চলাফেরার অধিকার নেই। আপন খেয়ালখুশি মতো না চলার অধিকার ইহাদের মতো সমস্ত ফেরেস্তাজাতিকেও দেওয়া হয় নি। এই অধিকার না থাকারাই সেজদা তথা আত্মসমর্পণ। সুতরাং সমগ্র সৃষ্টিজগত অনন্ত বিধানে তথা আইনের আওতায় আবদ্ধ। এই মহাবিধান তথা মহাআইন ভঙ্গ করা তথা অমান্য করে চলার অধিকার নেই এবং অধিকার দেওয়াও হয় নি। যেহেতু সমস্ত সৃষ্টিজগতের নেই কোনো নিজস্ব স্বাধীনতা, সেহেতু এরা সবাই সেজদায় আছে তথা আত্মসমর্পণ করেছে। সেজদার অর্থ আমরা প্রচলিত নিয়মে মাথা নত করাকে বুঝি, কিন্তু মাথা নত করাকে কোথাও সেজদা বলা হয় নি। 'শয়তানের ধোঁকাবাজি হতে সাহায্য চাই', হাজার বার মুখে পড়লেও শয়তানের ধোঁকাবাজি হতে যেমন রেহাই পাওয়া যায় না, ঠিক সে রকম হাজার বার মাথা এবং কপাল জমিনে রেখেও যে সেজদা আমাদের মাঝে প্রচলিত আছে সেই সেজদায় প্রকৃত তথা আসল তথা ইসলামে বর্ণিত সেজদা হয় না। কেবল জমিনে মাথা ঠোঁকাই সার, শয়তান হতে আশ্রয় চাইছি বলার মতো। মুখে শয়তানের শয়তানি হতে আশ্রয় চাওয়ার মূল্য যেমন শূন্য, তেমনি মাথা এবং কপাল জমিনে রেখে লৌকিক সেজদা তথা আনুষ্ঠানিক সেজদার মূল্যও তেমনি শূন্য।

মাথা নত করাটাকেই যদি সেজদা বলে ধরে নেই তবে গাছপালা কেমন করে মাথা নত করে সেজদা করে? চাঁদ, সূর্যজ আর তারা কেমন করে করবে সেজদা? অথচ এরা সবাই আল্লাহকে সেজদা করেছে বলে ইসলাম স্পষ্ট ঘোষণা করেছে। তবে এটা সত্যি যে, আসল সেজদাকে ধর্মবিধানের প্রয়োগপদ্ধতিতে পরিচয় করিয়ে দেবার জন্য আনুষ্ঠানিক সেজদার প্রচলন করা হয়েছে এবং লৌকিক সেজদার

প্রয়োজন আছে। যাতে মানুষ তার সত্তাকে সম্পূর্ণ আল্লাহর কাছে বিলীন করে দিতে পারে তারই প্রাথমিক শিক্ষা দেবার কৌশল সেজদা হলো মাথা নত করা। কারণ মাথা ঠিকই নত করে দিলাম লৌকিক সেজদার মতো, অথচ মনটি সেখান হতে দূরে সরিয়ে রাখলাম, তাতে কি সেজদা হবে? তাই মনটাই সেজদার মূল্য অংশ, মাথাটা নত করা সেজদার গৌণ অংশ। তাই আচার যখন তার মূল উদ্দেশ্য ও লক্ষ্য হারিয়ে ফেলে, কেবলমাত্র মাথা নত করলে উহার অর্থ এবং মূল্য কতটুকু থাকে তা আপনারাই বিচার করে দেখেন।

আদমের আনুগত্য গ্রহণ করতে তথা সেজদা দিতে আল্লাহ পাক ইবলিসকে বলেছিলেন। ইবলিস অপূর্ব যুক্তি-তর্কের অবতারণা করে এই সিদ্ধান্ত নিল যে, আদমের আনুগত্য গ্রহণ করা তথা আদমকে সেজদা করা অন্যায় এবং শেরেক তথা আল্লাহর অংশ স্বীকার করারই নামাস্তর। যেহেতু আল্লাহর অংশ স্বীকার করাই শেরেক এবং ইহা জঘন্য পাপ সেহেতু আদমকে সেজদা করা অন্যায় এবং স্পর্শ শেরেক। যেহেতু আদমকে সেজদা করা শেরেক সেহেতু ইবলিস জেনে-গুনে এই হুকুম তথা আদেশ পালন করতে পারে না। যেহেতু আদমকে সেজদা করার হুকুম যদিও আল্লাহ কর্তৃক দেওয়া হয়েছে এবং যেহেতু সেজদা করার হুকুম একটি অন্যায় (?) হুকুম সেহেতু ইবলিস এ রকম অন্যায় (?) হুকুম পালন করতে প্রস্তুত নহে। যেহেতু আল্লাহ পাক আগেই ঘোষণা করেছেন যে, তাঁকে ছাড়া সেজদা করা সরাসরি শেরেক, সেহেতু পূর্বঘোষণা অনুযায়ী আদমকে সেজদা করা আল্লাহ কর্তৃক পূর্বঘোষণাকে সরাসরি অমান্য করা হয় এবং সেহেতু ইবলিস আদমের আনুগত্য গ্রহণ করতে পারে না। যেহেতু ইবলিস তার নিজস্ব ধারণা ও নিজস্ব দর্শনের মাপকাঠিতে বিচার করে দেখলো এবং যেহেতু আল্লাহ পাককে একটি বারের জন্যও এই প্রশ্নটি করতে ভুলে গিয়েছিল যে, আর্য আল্লাহপাক, আমার মতো এবাদত-বন্দেগি কয়জন করেছে এবং তাই তোমাকে জিজ্ঞেস করছি যে, এই মাটির আদমের ডেতর কি কোনোকিছু রেখেছ? এবং যেহেতু এই প্রশ্ন যদি ইবলিস করেই ফেলতো তবে অবশ্যই আল্লাহ পাককে বলতে হতো যে, এই আদমের ডেতর আমি স্বয়ং লুকিয়ে আছি এবং তা হলে ইবলিস সেই মুহূর্তেই আদমকে সেজদা দিতো তথা আনুগত্য গ্রহণ করতো।

যেহেতু ইবলিস ফেরেস্তা নন এবং যেহেতু ইবলিস ধুম্রবিহীন অগ্নির সৃষ্টি জিন সেহেতু তার ডেতরে আমিতু তথা কর্তৃত্বাভিমান তথা খুদি তথা হাঙ্গি তথা অহং তথা বিবেক তথা ইগো আছে। যেমন মাটির তৈরি মানুষেরও আছে। কারণ, এই জিন এবং মানুষকেই আমিতু দিয়ে সৃষ্টি করা হয়েছে তথা সীমিত স্বাধীন ইচ্ছাশক্তি প্রদান করা হয়েছে। যদি ইবলিস এই আদম-রহস্য আগেই জানতে পারতো এবং যদি সেজদা দিয়েই ফেলতো তবে কি আদমকে দুনিয়াতে নিক্ষেপ করা হতো? এবং আদমের বংশবৃদ্ধির দ্বারা কি আমাদের মতো কোটি কোটি মানুষের জন্ম হতো? আমরা কি দুনিয়াতে কোনোদিন আসতে পারতাম? তবে কি ইবলিসের এই ঘটনার প্রতিক্রিয়াতেই আমাদের আগমন? দুনিয়া কি আমাদের জন্য একপ্রকার সিজ্জিন তথা কারাগার নয়? দুনিয়া কি আদম সন্তানদের জন্য বিরাট একটি মহাপরীক্ষা নয়? এই মহাপরীক্ষায় অকৃতকার্য হলে তথা ফেল মারলে কি জাহান্নামে যেতে হবে না? তবে এই কঠিন পরীক্ষার মুখোমুখি হলাম কার পাপে? ইবলিস না আদম? বেহেস্তে নিষিদ্ধ বৃক্ষের ফল তথা রূপক গন্ধম্ব আদম আর হাওয়া খেয়েছিলেন বলেই কি তাদের দুনিয়াতে আগমন এবং তাদেরই কি বংশধর এই মানব সন্তানরা নই? এই গন্ধম্ব খাবার তথা আল্লাহর হুকুম অমান্য করার দায়িত্বটা কার? আদম না ইবলিসের? ইবলিসের প্ররোচনায় পড়ে এবং হাওয়ার অনুরোধে ভুল করতে পারেন? তবে কি ইহা ইচ্ছাকৃত অথবা গুপ্ত এলমের আনুগত্যের বহিঃপ্রকাশ? তবে কি ইহা খিজিরের তিনটি কর্ণের মতো, যা মুসার মতো নবিও অনুধাবনই করতে পারেন নি?

যদি ধরে নেওয়া হয় যে, ইহা আদমের সীমালঙ্ঘন এবং যেহেতু কোরান পাকের ভাষায় ইহা আদমের সীমালঙ্ঘন, সেহেতু বেহেস্ত হতে দুনিয়াতে আগমন। এবং যেহেতু এই সীমালঙ্ঘনও একপ্রকার পাপ তথা অন্যায়, কারণ ইহাও আল্লাহর হুকুম অমান্য করা, সেহেতু দুনিয়াতে আগমনের শাস্তিটা আইনতঃ প্রাপ্য। যেহেতু আল্লাহ বলেছেন যে, যার-যার পাপের বোঝা সে-সেই বহন করবে এবং একজনের পাপের বোঝা অন্যের কাঁধে দেওয়া হবে না, অথবা অন্যে বহন করবে না এবং একজনের পুণ্য আর একজনকে দিয়ে দেওয়া হবে না অথবা একজনের পাপ অন্য আর একজনকে দিয়ে তার পুণ্যটা পাপী ব্যক্তিকে দেওয়া হবে না, অর্থাৎ এক কথায় যার-যার পাপ-পুণ্যের হিশাবি তাকেই দিতে হবে, অন্যজনকে দিতে হবে না এবং যেহেতু আদম এবং তার স্ত্রী হাওয়া খেয়েছেন নিষিদ্ধ গাছের ফল তথা রূপক ভাষায় গন্ডম এবং সেহেতু তাদের উভয়ের হুকুম অমান্য করার পাপটি আমরা তথা মানব সন্তানরা কেন বহন করবো? আমরা তো বেহেস্তে গন্ডম খাই নি, তবে আমরা কেন আদম এবং হাওয়ার পাপ বহন করার জন্য এই দুনিয়াতে কঠিন পরীক্ষা দিব? অথবা আমরা কেন এই কঠিন পরীক্ষার রাজ্যে এসে পরীক্ষার মুখোমুখি হব?

আমরা আবার আদম এবং ইবলিসের সেজদা সংক্রান্ত ঘটনার মধ্যে ফিরে যাই। যেহেতু কোরান পাক ঘোষণা করেছে যে, আদমকে সকলেই সেজদা দিলেন একমাত্র ইবলিস ছাড়া, এই 'একমাত্র ইবলিস ছাড়া' কথাটির দ্বারা স্পষ্ট বোঝা যাচ্ছে যে, তার উপরও সেজদা করার আদেশ দেওয়া হয়েছিল। ইবলিসকে আদেশ প্রদান না করা হলে 'একমাত্র ইবলিস ছাড়া' সবাই সেজদা করলেন কথার কোনো মানেই হয় না। শিক্ষক ক্লাসের সবাইকে দাঁড়াতে আদেশ করলেন এবং ইহাতে সবাই দাঁড়ালেন একমাত্র একটি ছাড়া। ইহাতে বোঝা যাচ্ছে যে, যে একমাত্র ছাত্রটি দাঁড়ায় নি তার উপরও দাঁড়াবার আদেশ হয়েছিল এবং যদি দাঁড়াবার আদেশ না হতো তবে 'একটিমাত্র ছাত্র ছাড়া' বলার কোনো মানেই হয় না। এই বক্তব্যের অবতারণা পুনরায় এ জন্যই করতে হলো যে, কেউ কেউ মনে করেন যে, ইবলিসকে সেজদা করার হুকুম দেওয়া হয় নি। যার যতটুকু বুঝবার শক্তি, সে ততটুকুই বুঝতে পারে, সুতরাং কোনো প্রকার মন্তব্য অশোভনীয়। উপলব্ধির বিভিন্নতা ও দর্শনের বৈচিত্র্য স্বীকারেই, সুতরাং কারো উপর কোনো প্রকার গালমন্দ করাটাই অশোভনীয়। যেহেতু আল্লাহ বলেন যে, তিনি নিজেই কাল তথা সময় তথা টাইম এবং এই কালকে গালমন্দ করতে বারণ করা হয়েছে, সেহেতু কোনো প্রকার অশোভন মন্তব্য করা সমীচীন নয় এবং প্রকৃত প্রস্তাবে গালমন্দ করার স্থানই নেই। আদম এবং ইবলিসের গুপ্তরহস্য অনুধাবন করতে পারলে গালমন্দ তো দূরের কথা, নীরবতা প্রদর্শন ছাড়া আর কোনো উপায় থাকে না। তা ছাড়া একজন মানুষের কাছে যে রূপটি একটি নিরৈক্য সত্য বলে তার নিজস্ব দর্শনে বিশ্বাস স্থাপন করে, সেই একই রূপটি অপর আর একটি মানুষের কাছে ভাড়া মিথ্যা বলে তার নিজস্ব দর্শনে বিশ্বাস স্থাপন করে। রূপ কিন্তু মূলতঃ একটিই, কিন্তু দর্শন হয়ে পড়লো দুটি এবং সম্পূর্ণ বিপরীত। একটি মানুষের জীবনবোধের কাছে যাহা সত্যরূপে ধরা দেয় তাহাই আবার অন্য একটি মানুষের জীবনবোধের কাছে ভাড়া মিথ্যা রূপে ধরা দেয়। এই দৃষ্টির বিভিন্নতার মধ্যে দ্বন্দ্বিক দর্শনের পূর্ণ স্বীকৃতি পাই।

চোখ দুইটি ইহার একান্ত নিজস্ব শক্তির দ্বারা কখনো কিছুই দেখতে পারে না, যে পর্যন্ত না আলোর মিলন হয় এবং সেই আলো সূর্যেরই হোক কিংবা নিশির কোনো প্রদীপেরই হোক, দর্শনের আকাঙ্ক্ষায় সাহায্য তথা অবলম্বন গ্রহণ করতেই হবে। অন্যথায় কোনো কিছু চোখে দেখা অসম্ভব।

মানুষ এবং জিন কেবলমাত্র এই দুটি প্রাণীকেই (আমাদের জানা মতে, কারণ অন্য কোনো গ্রহের জীবনের পরিচয় জানা নেই, যদিও কোরান পাক আকাশসমুহ এবং ভূমিসমুহের সকল জীবের রেজেক-দাতা বলে বেশ কয়েকবার ঘোষণা করেছেন। সেহেতু সেই সমস্ত গ্রহের জীবেরা মানুষ ও জিনের মতো ব্যক্তিগত স্বাধীনতা

পেয়েছে কি না, এবং পেয়ে থাকলে তাদের বিধান আছে কি না এবং বিধান থাকলে উহা কীরূপ বিধান - নানারূপ প্রশ্ন এসে দাঁড়ায়, কিন্তু যেহেতু উহাদের বিষয়ে আমরা এখন পর্যন্ত কিছুই জানতে পারি নি, সেহেতু আলোচনা অথবা সমালোচনার কোনো প্রশ্নই আসে না) সীমিত স্বাধীনতা দেওয়া হয়েছে এবং স্বাধীনতা পরিত্যাগ করে আল্লাহতে ফানা তথা বিলীন হবার উপদেশ প্রদান করা হয়েছে। যিনি আপন আমিত্ব ত্যাগ করে আল্লাহতে ফানা তথা বিলীন হয়েছেন সেই সাধারণের মধ্যে অসাধারণ তথা ওলি তথা মুর্শেদ তথা বান্দা নেওয়াজ তথা নর নারায়ণের আনুগত্য তথা শিষ্যত্ব গ্রহণের মাধ্যমেই আল্লাহতে ফানা হওয়া যায় এ কথা প্রত্যেক ওলিই একবাক্যে ঘোষণা করেছেন। তাই খাজা গরিব নেওয়াজ তার মকতুবাতে খাজা-তে বলেছেন যে, যার পীর নেই শয়তানই হলো তার পীর। সুতরাং আনুগত্য গ্রহণ করতেই হবে তথা সেজদা দিতেই হবে এবং ইহা রূপক সেজদা তথা মাথা নত করার মতো রূপক সেজদা নয়। কারণ, মাথা নত করা কোনো সেজদাই নয় এবং যেহেতু আল্লাহর ওলিকে আসল সেজদা দিতেই হবে তথা আনুগত্য গ্রহণ করতেই হবে, সেহেতু ওলির মধ্যে ফানা না হয়ে তথা ফানা ফিশ্ শায়েখ না হয়ে ফানা ফিল্লাহতে পৌঁছানোর প্রশ্নই আসে না। যার মধ্যে আল্লাহর জ্ঞাত নুর প্রকাশিত হয় তিনিই আল্লাহর ওলি। যেমন আদমের মধ্যে আল্লাহর জ্ঞাত নুর ছিল বলেই ইবলিসকে সেজদা করার আদেশ হয়েছিল, নতুবা সেজদার আদেশ প্রদানের প্রশ্নই অব্যাহত, যাহা ইবলিস বুঝতেই পারে নি। এবং না বোঝার দরুণ লাইন ছেড়ে বে-লাইনের কথাবার্তা বলে ফেললো। ইবলিস বলে ফেললো যে, সে আদম থেকে অনেক উত্তম কারণ আদম ঠনঠনে মাটিতে তৈরি আর সে ধোয়া ছাড়া সুক্ষ্ম আঙুরের তৈরি এবং এরূপ কথাবার্তা সত্যকে খোজার আন্তরিকতার অভাব এবং আত্মঅহঙ্কার প্রকাশের পরিষ্কার প্রমাণ।

আদমের মধ্যে যেহেতু আল্লাহর জ্ঞাত নুর বর্তমান, সেহেতু আদমকে আল্লাহর আকৃতিতে তৈরি করা হয়েছে। এতকাল শুনে আসছি, আল্লাহর আকার নেই। কিন্তু আল্লাহ নিজেই ঘোষণা করেছেন যে, আদম হলো তাঁর আকৃতি তথা সুরত। যেহেতু আল্লাহ ঘোষণা করেছেন যে আদম তাঁর আকৃতি তথা সুরত, সেহেতু আল্লাহর বিশেষ ধরনের আকৃতি তথা সুরত আছে বলে পরোক্ষভাবে ঘোষণাই করে ফেললেন যে, তিনি কেবলই নিরাকার নন, তাঁর আকারও আছে তথা সুরতও আছে এবং সেই আকারই হলো আদমের আকার। যেহেতু আদম আল্লাহর আকার বলে হজুর পাক (আ.) ঘোষণা করেছেন, এবং যেহেতু এই একই ঘোষণা হজুরত ইসা (আ.)-ও করেছেন, সেহেতু নিরাকার আল্লাহকে সাকাররূপে দর্শন লাভ হতে পারে, তথা দ্বিধার লাভ করতে পারে, আদমের মধ্যে এবং সেহেতু নিরাকার আল্লাহরই একটি সাকার রূপ হলো আদম।

এই আদম-আকৃতি সাধারণ মানুষের আকৃতি নয়। যে পর্যন্ত সাধারণ মানুষ তার ভেতরের বীজরূপী রূহকে পূর্ণ বৃক্ষে পরিণত করতে না পারবে তথা আল্লাহর জ্ঞাত নুরে নুরময় হতে না পারবে সেই পর্যন্ত তাকে সাধারণ মানুষই বলা হবে এবং যখনই পারবে তখনই এই সাধারণ মানুষকে সাধারণের মধ্য থেকেই অসাধারণ তথা মানুষের মধ্যেই আদম বলা হবে। আদম সাধারণের ভেতরই অসাধারণ। নরের মধ্যেই নারায়ণ, যাকে রবরূপ বলা হয়। আপন রব হতেই বিশ্বরবের পরিচয় মেলে। তাই বলা হয়, রাববুল আলামিন তথা বিশ্বরব। বান্দার মধ্য হতেই তিনি বান্দানেওয়াজ। ওয়াজে ইনসান হতেই তিনি ওয়াজহুল্লাহ তথা আল্লাহর চেহারা। সুতরাং নুরের বিকাশধারায় আদম দশের ভেতরে এক নয়, দশের বাহিরে আদম এগারো, তথা সাধারণের ভেতর থেকেও অসাধারণ। যেমন বেলায়েতের মধ্যমণি হজুর পাক (আ.) বললেন, 'আমি তোমাদের মতোই একজন মানুষ।' আমাদের

ডেতর থেকেও তিনি আমাদের মতো নন, কারণ তাঁর কাছে আল্লাহর ওহি নাফেল হতো। জৈবিক চাহিদার দিক দিয়ে হয়তো বা ধরে নিলাম আমাদের মতোই। তাই জাত নুরে নুরময় আদমকে সেজদা করতেই হবে নতুবা আল্লাহকে পাওয়া অসম্ভব। যদিও আমাদের অবাধ্য এবং ইচ্ছিরির জ্ঞান কখনোই আদমকে সেজদা করতে চায় না এবং যেহেতু অবাধ্য এবং ইচ্ছিরির জ্ঞানটাই ইবলিসের খান্নাসরূপী জ্ঞান, যেহেতু ইবলিস আমাদের ডেতরই তার পূর্ণরূপ নিয়ে বিরাজিত, সেহেতু আমরা ইবলিসের মতো আদমকে সেজদা না করে সোজাসুজি আল্লাহ পাককে সেজদা করতে ইচ্ছুক। এই সোজাসুজি আল্লাহকে সেজদা তাঁর কাছে গ্রহণযোগ্য নয়। গ্রহণযোগ্য হলো আদমের মাধ্যমে। ইবলিস এই আদমের মাধ্যমটাকেই অস্বীকার করে এবং যেহেতু ইবলিস আমাদের মধ্যেই বর্তমান সুতরাং আমরাও ইবলিসি জ্ঞান প্রয়োগ করে উহা অস্বীকার করি। তাই আল্লাহ পাক ইবলিসকে বলেছিলেন আদমকে সেজদা করতে। নতুবা এই রকম আদেশ সম্পূর্ণ শেরেক।

সেই ইবলিস এখন কোথায় আছে? প্রশ্নটি অতি মারাত্মক এবং বুঝবার জন্য গভীর চিন্তাসাপেক্ষ। ইবলিস বাহিরে নেই। ইবলিস আমাদের মতো মানুষের ডেতরই আপন মূর্তিতে বিরাজমান। মানুষ ছাড়া ইবলিসের নিজস্ব কোনো আকার নেই। মানুষ ছাড়া ইবলিস সম্পূর্ণ অস্বীকারবিহীন তথা নিরাকার। তাই মানুষ যেমন আল্লাহর রহস্য তেমনই ইবলিসের রহস্যও এই মানুষ। তাই ইবলিসের যত আকাম-কুকাম সব মানুষের আকৃতির মধ্যেই প্রকাশ পায় এবং এই মানুষ দিয়েই ইবলিসের যত আকাম-কুকাম করানো হয়। মানুষের দেহ এবং রক্তে ইবলিস এমন নিখুঁতভাবে মিশে যায় যে তাকে আর ধরবার উপায়ই থাকে না। তখন সে মানুষের আকৃতিতে ইবলিস। চিনে নিতে বড় কষ্টসাধ্য ব্যাপার হয়ে দাঁড়ায় যে, সে কি মানুষরূপী আদম না মানুষরূপী ইবলিস। সুতরাং এই মানুষরূপী ইবলিস কখনোই চায় না মানুষরূপী আদমকে সেজদা করতে তথা আনুগত্য গ্রহণ করতে, কিন্তু আল্লাহ পাক ঘোষণা করছেন যে, আদমের মাধ্যম ছাড়া আল্লাহকে পাওয়া যাবে না, তথা ফানা ফিশ্ শায়েখ না হয়ে, তথা আপন পীরের মধ্যে ফানা না হয়ে ফানা ফিল্লাতে যাওয়া যাবে না, তথা আল্লাহতে ফানা হতে পারবে না। তাই খাজা বাবা বলেছেন যে, যার পীর নেই শয়তান হলো তার পীর। কারণ শয়তান পীরকে তথা আদমকে সেজদা তথা আনুগত্য গ্রহণ করতে অস্বীকার করেছে যেমন আমাদেরই মধ্যে যারা নররূপী শয়তান তারা পীরকে তথা আদমকে সেজদা না দিয়ে তথা আনুগত্য গ্রহণ না করে সোজাসুজি আল্লাহকে পেতে চায় এবং এই চাওয়া যে ইবলিসের চাওয়ার সঙ্গে হুবহু মিল তথা সাদৃশ্য রয়েছে জান্নী জনেরা সহজেই বুঝতে পারেন এবং ইহাও বুঝতে পারেন যে মানুষ ছাড়া শয়তানকে পাওয়া যায় না তথা মানুষ ছাড়া শয়তান হয়ে পড়ে সম্পূর্ণ নিরাকার।

হজুর পাক (আ.) একবার সাহাবাদেরকে বলেছিলেন যে, প্রত্যেক মানুষের সঙ্গেই একটি করে শয়তান দেওয়া হয়েছে। এই কথা শুনে একজন সাহাবা হজুর পাককে (আ.) প্রশ্ন করেছিলেন যে, তা হলে কি আপনার সঙ্গেও একটি শয়তান? হজুর পাক (আ.) বলেছিলেন যে, হ্যাঁ, তাঁর সঙ্গেও একটি শয়তান দেওয়া হয়েছিল, কিন্তু তিনি সেই শয়তানকে মুসলমান বানিয়ে ফেলেছেন।

হজুর পাক (আ.) একবার সাহাবাদের বললেন যে, বেহেশ্তের সীমানা আসমান-জমিনে ব্যাপ্ত। তখন একজন সাহাবা প্রশ্ন করেছিলেন যে, তা হলে দোজখের স্থান কোথায়? সঙ্গে সঙ্গে অপূর্ব উত্তর দিলেন হজুর পাক (আ.) - রাত্রির অন্ধকার এলে দিন কোথায় যায় এবং দিন আসলে রাত্রি কোথায় যায়?

আমি তু তথা অহং তথা অহঙ্কারই আল্লাহতে বিলীন হওয়া তথা ফানা হবার পথের একমাত্র পর্দা তথা আবরণ তথা দেয়াল। এই অহঙ্কারের দরুণই ফেরেশতাদের নেতা আজাজিল শয়তানে পরিণত হলো। তাই কোরান পাক ঘোষণা

করছেন, ‘অহঙ্কারী ব্যক্তি বেহেস্তে যাবে না। তাদেরকে বলা হবে নরকে প্রবেশ করতে এবং সেখানে থাকতে। এটাই অহঙ্কারী মানুষদের পরিণতি।’

হজুর পাক (আ.) বলেন, ‘যার ভেতরে এক সিরিষা পরিমাণ অহঙ্কার আছে সে বেহেস্তে যাবে না।’

হজুর পাক (আ.) বলেন, ‘আমি কি নরকের অধিবাসীদের খবর তোমাদের দেব না? প্রতিটি অহঙ্কারী ব্যক্তি।’

হজুর পাক (আ.) বলেন, ‘আগুন যেমন কাঠ খেয়ে ফেলে অহঙ্কার তেমনি মানবীয় গুণগুলো খেয়ে ফেলে।’

হজুর পাক (আ.) বলেন, ‘অহঙ্কার সত্যকে বিনাশ করে এবং মানুষকে হেয় করে।’

হজুর পাক (আ.) বলেন, ‘একটি উট যদি সূঁচের ফুটো দিয়ে যেতে পারে তা হলে একটি অহঙ্কারীও বেহেস্তে যেতে পারবে।’ হজুর পাক (আ.) বলেন, ‘অহঙ্কারী লোকদের “ইউনুস” নামক নরকের কুঠরিতে নিয়ে যাওয়া হবে এবং নরকের আগুন তাদেরকে আক্রমণ করবে।’

হজুর পাক (আ.) বলেন, ‘যাকে কলুষিত নফস পথ ভুলিয়ে দেয়, সে তো মন্দ।’

সূত্রাং প্রতিটি মানুষকেই আপন অহং পরিত্যাগ করে আদমের আনুগত্য গ্রহণ করতে হবে তথা আদমকে সেজদা দিতে হবে। আদমের মধ্য দিয়েই আল্লাহতে বিলীন হতে হবে। ইহা আল্লাহর নীতিনির্ধারণী আইন এবং এই আইনের বদল নেই; তবে হজরত ইসা রুহুল্লাহর মতো যদি নীতিনির্ধারণী আইনের বদল কোনো কোনো ক্ষেত্রে করেই ফেলেন তবে উহা সম্পূর্ণ স্বতন্ত্র কথা এবং একান্ত বিশেষ শান এবং আল্লাহ পাক যে, ‘যা ইচ্ছা তাই করতে পারেন,’ ‘তিনি কারো মুখাপেক্ষী নন,’ ‘যাকে ইচ্ছা তাকেই নেয়ামত দান করেন’ - অবশ্য ইহাতে দুনিয়ার মালপানিকে প্রকৃতপক্ষে বোঝানো হয় নি, আবার দুনিয়ার মালপানিকেও বোঝানো হয়েছে, কারণ একদিক দিয়ে সাম্যবাদের সর্বপ্রথম ডাক শুনি ইসলামেই, আজ হতে প্রায় দেড় হাজার বছর আগে এবং অপ্রিয় হলেও অতি সত্য কথা যে, অন্য কোনো ইজমে এ ডাকটুকু অগ্রত শুনতে পাই নি।

প্রচলিত সাম্যবাদ ও ইসলামি সাম্যবাদের স্বরূপ

যদিও শতবর্ষ আগের মার্কসবাদকে সাম্যবাদ বলা হয়, আসলে ইহা সাম্যবাদের নামে অ্যাটমের মতো অতি সূক্ষ্ম ধোঁকাবাজি এবং এত সুন্দর নিখুঁত ভণ্ডামি যা চোখে ধরাই পড়ে না। আর এ রকম মারাত্মক ভণ্ডামি দ্বিতীয় একটা জন্মলাভ করেছে বলে তো মনে হয় না। এবং ভেটো-মারা হামবড়া ঝাড়ুর গুতো-মারা বিদ্যা ছাড়া আর কিছুই নয়। কারণ, মানবের আসল উদ্দেশ্যকে সরাসরি অস্বীকার করা হয় এবং এই রকম তথাকথিত সাম্যবাদীরাই সব কিছু বুঝে ফেলেছেন ভাবখানা ইঁচড়ে পাকার মতো প্রকাশ করেন। এদের ভাবখানা হলো, পেট ভরে খানা খেয়েছো তো আবার কীসের চিন্তা? আত্মা-টাত্মা বা প্রেম-ভালোবাসা এসব হলো একদম গুলমারা বিদ্যা। খাবে আর ফসল ফলাবে, এ ছাড়া আর কিছুই নেই। অনেকটা মানুষকে জানোয়ার বানানোর বিদ্যা বললেই ভালো মানায়। তবে ইহা অপ্রিয় হলেও অতি সত্য কথা যে, মার্কসবাদকে যদি কেবলমাত্র অর্থনৈতিক প্রয়োগব্যবস্থার একটি সাধারণ সূত্র বলে ধরে নেওয়া হয় এবং সেই অর্থনৈতিক সূত্রটিকে সুষ্ঠু ও সুন্দররূপে যদি প্রয়োগ করা যায় তবে পুঁজিবাদের মতুষ্টা বেজে উঠবে এবং ধনীদের রক্তশোষণ করার বিভিন্ন জাদুমাখা কৌশলগুলো একদম মার্চে মারা যাবে। তাই মালপানি যাদের আছে তারা এই অর্থনৈতিক সূত্রটির নাম শুনলে ভূত দেখার মতো ভয় পায়। পাবার কারণ হলো, গরিবের ঘাড়ের উপর কাঁঠাল রেখে কোষ খুলে

খাবার মজাটা আর থাকছে না। এই অর্থনৈতিক সূত্রটি অনেকটা অর্থনৈতিক সমতা এনে দেয় বলেই উঁচু-নিচু শ্রেণীগুলোকে ড্রেজার দিয়ে সমান করে দেবার প্রচেষ্টা চালায়।

কিন্তু ইসলামের সাম্য মার্কসবাদের চেয়ে অনেক গুণ সুন্দর এবং সর্বাত্মক। তা ছাড়া মার্কসবাদের কোনো নেতার কখনো খলিফা ওমর ফারুক (রা.)-এর মতো চাকরকে উটে চড়িয়ে নিয়ে যাবার কথা বাস্তবে তো দূরে থাক কল্পনাও করতে কষ্ট হবে। কারণ নাস্তিকের দ্বারা জংলী সাম্য আসতে পারে, কিন্তু নৈতিক এবং অধ্যাত্মবাদের ভিত্তির উপর দাঁড়িয়ে যে সাম্য আসে উহা আশা করাই যায় না। মার্কসবাদীদের নৈতিক মান এত নিচু পর্যায়ের যে, এক নেতার আদর্শ কিছুদিন পরেই অন্য নেতার কাছে গ্রহণীয় হয় না। নাস্তিক্যবাদের ভেতর এর চেয়ে কীই বা আশা করতে পারেন। দূর থেকে এই মার্কসবাদীদের রূপখানা আপনার খুব ভালো লাগবে, কিন্তু ভেতরে প্রবেশ করে যদি দেখতেন তবে বুঝতে পারতেন যে এদের নৈতিকতার মান কত নিচে নেমে আছে। এদের উপরটা অনেকটা বেদের মাথায় ফুলের নকসি আঁকা বাস্তব, যা দূর থেকে দেখতে আপনার ভালোই লাগবে, কিন্তু যদি একবার কাছে গিয়ে বাস্তবের ডালাখানা খুলতে বলেন তবে দেখতে পাবেন যে সদ্য বিষদাত তোলা কালসাপ ফোস ফোস করছে। তাই মার্কসবাদকে জ্ঞানোয়ার তৈরি করার সাম্যবাদ বললে সার্থক হয়। কারণ, অধ্যাত্মবাদকে এরা গ্রহণ করার প্রাথমিক শর্তটুকু মেনে নিতে পারে নি। কত বড় ঘাড়মোগড়া এরা!

দেড় হাজার বছর আগে ইসলামের সাম্য ধীরে ধীরে অনেকখানি অগ্রসর হয়েছিল সেই যুগের দৃষ্টিভঙ্গি দ্বারা বিচার করে, কিন্তু হজরত আমির মুয়াবিয়া (রা.) ইহার কবর রচনা করে গেলেন। 'যাকে ইচ্ছা তাকেই নেয়ামত দান করেন' এই কথার দ্বারা ধন-সম্পদও যে একটি তাঁরই বিশেষ নেয়ামত এবং এই ধন-সম্পদ কালে কালে বিভিন্ন পদ্ধতিতে যে ভাগ-বন্টন করার ব্যবস্থা করেছেন ইহাও তাঁর একটি বিশেষ শান। একজন অফুরন্ত ধন-সম্পদ পেয়েও ভোগবিলাসে রত না থেকে সাধারণ জীবনযাপন করে গেছেন এবং ইহা একটি ঐতিহাসিক নিষ্ঠুর সত্য কথা এবং ইহা আল্লাহর একটি বিশেষ শান। আবার একজন অফুরন্ত ধন-সম্পদ পেয়েও চরম ভোগবিলাসে নিজেই লাগামহীনভাবে ভাসিয়ে দিয়েছে এবং এর ফলে সমাজ জীবনে নেমে এসেছে অসহ্য যন্ত্রণা, ইহাও একটি ঐতিহাসিক নিষ্ঠুর সত্য কথা এবং ইহা আল্লাহর একটি বিশেষ শান। মানুষ যে অদৃশ্য শক্তির কাছে কত অসহায়, আবার সেই মানুষই যে অদৃশ্য শক্তির কাছে কত সহায় এই দুই বিপরীতের এক অপূর্ব দর্শনের অপূর্ব বৈপরীত্য ঐতিহাসিক সত্যে ভরপুর। কারো কাছে আল্লাহ প্রিয়, কারো কাছে অপ্রিয়, কারো কাছে অস্বীকারের অস্বীকার আবার কারো কাছে স্বেচ্ছাচারিতার খেলা। 'কিছুই নেই তিনি ছাড়া' এই সর্বস্ববাদ, এর সৌন্দর্য, বহু সম্পূর্ণ বিপরীতের খেলা চলছে তাঁর নব নব বিকশিত হবার ধারায় বলেই তিনি সর্বস্ব তথা আহাদ।

নাইজেরিয়ার জঙ্গলে গেরিলা পাওয়া যায় বলে বাংলাদেশের সুন্দরবনেও গেরিলা পাওয়া যাবে এই দর্শনে যারা বিশ্বাসী, তাদের দর্শনের সৌন্দর্যে সম্পূর্ণ আত্মবিরোধী ভাবের সমাবেশ না থাকতে পারে এবং দর্শনের ভাষার ছক্কা-পাজির মারপ্যাচে একদম নিখুঁত সত্য বলে মনে হতে পারে, কিন্তু ইহা হলো সম্পূর্ণ কেতাবি দর্শন যা বাস্তব জগতের সঙ্গে মেলাতে গেলে আত্মবিরোধের হুকে বাতিল বলে তারাই উড়িয়ে দেবেন এবং তাই এরূপ দর্শনকে কেতাবি দর্শন বলা হয়। এবং এরূপ কেতাবি দর্শনে বাস্তব জগতের এই দার্শনিকদের দর্শনের প্রতিফলন পাওয়া যায় না। অনেকটা কাজির গরু কাগজে লিখা আছে, কিন্তু গোয়াল ঘরে নেই-এর মতো অপূর্ব দার্শনিক মতবাদ। সুতরাং রাজতন্ত্রও তারই একটি বিকশিত রূপ, গণতন্ত্র, জাতীয়তাবাদ, সমাজতন্ত্র, কমিউনিজম, প্রিমিটিভ তথা আদিম কমিউনিজম, মাতৃতন্ত্রবাদ, কোনো

ইজম ছাড়া সময় ইত্যাদিও তাঁরই এক এক সময়ের একেক রকম এবং একই সময়ে বিভিন্ন প্রকার বিকশিত রূপ তাঁরই নিজস্ব রূপ। সুতরাং মতের অমিলটাই স্বাভাবিক এবং মিলটাই অস্বাভাবিক। ইহাই সর্বস্ববাদের সর্বস্ব পরিচয় এবং তাই তিনি কোরান-এর ভাষায় আহাদ তথা সর্বস্ব। এবং তিনিই যে আলা কুল্লি শাইয়িন কাদির - তথা 'সমস্ত বিষয়ের উপর তিনিই একমাত্র ক্ষমতাবান' ইহা তাঁরই অদ্বিতীয় গুণাবলি তথা লাসানি শান তথা যে শানের সানি নেই তথা দ্বিতীয় নেই।

মার্কসবাদের বকুনি দিয়ে যে থুথু নিক্ষেপ করলাম, না জানি অদূর ভবিষ্যতে সেই থুথু নিজের গায়েই এসে পড়বে। নিজের গায়ে পড়ার মণ্ডকাটাই বেশি। কারণ ইসলামের নামে শোষণবাদ চালু থাকলে যত দোহাই দিয়েই বাধ-ভাঙা স্রোতের উপর ধর্মের বাধ দেই না কেন, উহা বালির বাধের মতো ভেঙে খান খান হয়ে যাবে। তার কিছুটা আলামত যে আমরা সবাই বুঝি না এমন কথা নয়। আমরা নাকের উপর কয়টি ফেরেস্টা বসতে পারে তা নিয়ে অগড়া ও দল তৈরি করতেই ব্যস্ত এবং ফতোয়ার ছড়াছড়িতে একে অপরকে কাকের, মুনাকেক বানিয়ে মুসলমানশূন্য দেশ বানিয়ে ছাড়ি। ইহা আমাদের নৈতিক চরিত্রের বিরাট দোষ হয়ে দাঁড়িয়েছে। মুসলমানদের মধ্যে নিম্নতম কর্মসূচীর ভিত্তিতে এখনো আমরা একতায় আসতে পারি নি এবং ভবিষ্যতে পারবো কি না তাও জানি না। আমাদের অনৈক্য থাকবেই এবং এই অনৈক্যের সুবর্ণ সুযোগ গ্রহণ করে যখন মার্কসবাদ সশরীরে আস্তানা গেড়ে ফেলবে তখন আমাদের নাকি কান্নার সুর বেজে উঠবে। এই নাকি কান্নার মধ্যে অবশ্য সবাই শিয়ালের হক্কা হুয়া ডাকের মতো একত্র হব এবং তখন আর কোনো দলমত থাকবে না, ইহা ভালো করে জানি। আমাদের অবস্থা অনেকটা অপারেশন সাকসেসফুল কিন্তু রুগী পরপারের টিকিট কেটে বসে আছে-র মতো হবে। কোনো লাভ হবে না তখন। নিজেদের ভাগ্য নিজেরা পরিবর্তন করতে পারলাম না, কেবল দলাদলি আর ফতোয়া মারার স্টাইল আর কোনো কাজে আসবে না, আল্লাহ পাকও আমাদের ভাগ্য ফিরিয়ে দেবেন না। ধর্ম তখন আমাদের নাকি কান্নার পরিবেশে মহাপ্রস্থানের মহাপথে পাড়ি জমাবে। কারণ, আমি ভালো করেই জানি, আমার এই লেখা, আমার এই নাকি কান্না মুসলমান ভাইদের কানে গেলেও একতার মার্চে সমবেত হতে পারবো না।

কেবলমাত্র অর্থনৈতিক ব্যবস্থার সূত্রটি ধরে মার্কসবাদ এগিয়ে আসবেই। একে রুখতে হলে লাঠিসোটা দিয়ে নয়, বরং ইসলামের দেওয়া অর্থনৈতিক ব্যবস্থা যত শীঘ্র চালু করে। পাঁচ ওয়াস্ত পবিত্র নামাজের মধ্যে যে ইসলামের সাম্য দেড় হাজার বছর পূর্বে পরোক্ষভাবে প্রচার হয়ে আসছে এবং আজও সেই সাম্য সেই ধনী-গরিব কোনো ভেদাভেদ না রেখে একই কাতারে দাঁড়িয়ে আল্লাহ পাকের কাছে জানাই পূর্ণ আত্মসমর্পণের আনুষ্ঠানিক ভাব। কোনো ভেদাভেদ না রেখে সবার ডাঙের সানকিতে সেই সাম্য তাড়াতাড়ি প্রতিষ্ঠা করতে হবে, নতুবা জানোয়ার বানাবার সাম্য মার্কসবাদ ঐতিহাসিক সত্যরূপে আমাদের আঙিনায় হি হি করে হেসে হেসে আসতে বাধ্য। তখন ছালাও হারাবো, মাথায়ও হাত দিব। পাঁচ ওয়াস্ত নামাজের মধ্যে আমাদের এই গুরুত্বপূর্ণ শিক্ষা গ্রহণ করতে হবে। আমরা এই শিক্ষার গুরুত্ব দেখেও না দেখার ভান করছি, যার দরুণ এত অপূর্ব সুন্দর নামাজ পড়ার ব্যবস্থা, যা অন্য কোনো মতের মধ্যে নেই সেই সুন্দরতম ব্যবস্থাটিও আজ প্রাণহীন কাঠের মতো দাঁড়িয়ে আছে।

প্রস্রাব-পায়খানার মতো প্রকৃতির ডাকে আগে সাড়া দিতে বলেছেন ইমামে কেবলা তাইনে (আ.) তারপর নামাজ পড়তে বলেছেন। কারণ, তাতে নামাজের একাগ্রতা নষ্ট হতে পারে। সে রকম পেটের ক্ষুধা আর হাজার অর্থনৈতিক সমস্যায় জর্জরিত মানুষের কাছে মার্কসবাদ উকি-ঝুঁকি মারবেই এবং সুযোগ পেলোই। এবং আমাদের অবহেলায় সুযোগ তারা পাবেই। এবং একবার যদি আসতে পারে তবে

কুইনাইনের মতো ততো হলেও চোখের জলে গিলতে হবেই, তা যত কষ্টই হোক না কেন। কারণ, সমস্ত ফেরকা ও ফতোয়া ভুলে গিয়ে আমাদের মধ্যে দৃঢ় ঐক্য গড়ে তোলা অনেকটা সাত মণ তেলও হবে না আর রাধাও নাচবেন না-র মতো। মার্কসবাদের কুইনাইন অবশেষে বাধ্য হয়ে গিলতেই হবে এবং এই কুইনাইন গেলার সময় যে সকলে এক হয়ে যাব তাতে কোনো সন্দেহ নাই। কিন্তু সেই ঐক্য হবে খুবই বেদনাদায়ক এবং আমাদের নাকি কান্নার যে সুর বেজে উঠবে তাতে তবলের সঙ্গে তাল মিলিয়ে দেখবো কী সুন্দর আপনিই তাল মিলে যাচ্ছে। রাশিয়া একটার পর একটা করে দানবের মতো দেশগুলো গিলে খাচ্ছে। পৃথিবীর ম্যাপটার দিকে একটু নজর করে দেখুন তো? আর আমেরিকা? ‘অসভ্য’ বলে নতুন বধুর মতো অভিমানের সুরে গাল দিচ্ছে। ব্যস, ঐ পর্যন্তই। তারপর লম্বা লম্বা দুই তিনটি ডিগবাজি মেরে আপন ঘরে পুরাতন স্বভাব দেখিয়ে প্রবেশ। এখন হয়তো টের পাচ্ছি না। কারণ, বাতাস সে রকম গায়ে লাগে নি। যখন মার্কসবাদের শীতল বাতাস গায়ে লাগবে তখন হাড়ে হাড়ে টের পাব, আর তখন টের পেয়ে কোনো লাভ হবে না। কারণ, অপারেশন করতে কোনো ভুল হয় নি, তবে রুগী মারা গেছেন। তাই আসুন, এখনও সময় আছে, সব কিছু ভুলে গিয়ে এক হয়ে যাই এবং শোষণমুক্ত ইসলাম প্রতিষ্ঠা করি, কারণ ইসলাম একটি পূর্ণাঙ্গ জীবনবিধান।

পবিত্র কোরান-এর অনুবাদের স্বরূপ নিয়ে আলোচনা

একটি নতুন খবর আপনাদেরকে শুনতে চাই। খবরটি পুরাতন কিন্তু বেশিরভাগ মানুষের চোখে ধরা পড়েও ধরা পড়ছে না, তাই খবরটা নতুন করে বলতে হলো। আরবি ভাষা আপনার জ্ঞান না থাকলেও আপনি প্রাচীনকাল হতে আধুনিককালের বিশ-পঁচিশখানা কোরান পাকের অনুবাদ ও ব্যাখ্যা একসঙ্গে পড়ে দেখলেই দেখতে পাবেন, কারো অনুবাদ ও ব্যাখ্যার সঙ্গে মিল পাচ্ছেন না। কোনো কোনো স্থানে আকাশ-পাতাল ব্যবধান পাবেন, আবার কোনো কোনো স্থানে হুবহু মিল পাবেন। হুবহু মিলটা পাবেন সেখানেই, যেখানে দেখবেন কোরান পাকের আয়াতগুলো বুঝে ওঠা খুবই কঠিন। ‘খুবই কঠিন’ যেখানে, সেখানেই পাবেন সবার মধ্যে এক রকম ব্যাখ্যা ও অনুবাদ। এর কারণ কী? কারণ আর কিছুই নয়, ঠিক মতো বুঝে উঠতে না পারায় অন্য একটার অনুবাদ ও ব্যাখ্যা হুবহু মেরে দেওয়া তথা একদম চুরি করা। অবশ্য কোনো উপায় নেই বলেই এ রকমটা করতে অনেকটা বাধ্য হন। আবার অনেক সময় নিজের মতামত থাকা সত্ত্বেও উহা ইচ্ছা করেই বাদ দিয়ে অপরেরটা গ্রহণ করতে বাধ্য হয়েছেন। একটি ছোট্ট নমুনা তুলে দিলাম।

কোরান পাকে আল্লাহ তাঁর নিজের কথা ‘আমি বলছি’ আবার ‘আমরা বলছি’ দুই রকমেই পাবেন। এই দুই রকমকে প্রায় অনুবাদকারীরাই একরকম করে দিয়েছেন। অনুবাদকারীরা যেখানে ‘আমরা বলছি’ আছে সেখানে তার নিজস্ব ভাষার অনুবাদ করার সময় আমরা-কে আমি কেন অনুবাদ করলেন উহার এক-বস্তা পচা পাণ্ডিত্যের বুলি আপনাকে শুনিয়ে দেবেন। আল্লাহ পাক যেন আমি-কে আমরা বলতে গিয়ে কত বড় ভুলই না করে ফেলেছেন। তাই অনুবাদক তার পাণ্ডিত্যের ভাষায় আল্লাহকে কোনো প্রকার দোষারোপ না করে বুঝিয়ে দেবেন যে, আরবি ভাষায় অনেক সময় এই এই কারণে আমি-কে তথা একবচনকে আমরা তথা বহুবচনে ব্যবহার করা হয়। সুতরাং যেখানে আমরা শব্দটি আছে অনুবাদক পাঠকের সুবিধার জন্যই আমি করে ফেলেন। যাতে পাঠক শেরেক না করেন। আমরা থাকিলে শেরেকের ভয় আছে, সুতরাং পাঠককে শেরেক করা হতে রক্ষা করতেই হবে। আহা, কী বাক্বা দরদের বীহার, যেন উপচিয়ে পড়ছে! মুখের কথায় শেরেকের খে ভাজলে বোধ হয় আসল খে ভাজা হয়ে গেল। ‘আউজু’ বলে ‘আশ্রয়

চাই' শয়তান হতে বললেই বুঝি মুক্তি পাওয়া যায়! এ রকম হলে তো মাশাল্লাহ আমরা সবাই ইনসানে কাম্বেন।

এখন প্রশ্ন হচ্ছে, অনুবাদক কি কোরান পাকের আক্ষরিক অনুবাদের হবহ রাখলেন? অনুবাদক কি খোদার উপর খোদকারি করলেন না? আল্লাহ কি আমরা বাদ দিয়ে সবখানেই আমি বলতে পারতেন না? তবে আপনি কে এবং কোন অধিকারে আমরা-কে আমি অনুবাদ করলেন? এই অধিকার আপনাকে কে দিল? এত বড় উদ্ধৃত্য আর সাহস আপনি কোথা হতে পেলেন? ইহা কি সুন্নাহ সীমালঙ্ঘন নয়? মনের অজান্তে কি আপনি সীমালঙ্ঘনকারীরূপে বিবেচিত হবেন না? আপনি হাজারো যুক্তির সেতু দাঁড় করিয়ে বোঝাতে চান না কেন, তবু একটি প্রশ্ন যদি করা হয় যে, আল্লাহ কি সবখানেই আমি বলতে পারতেন না? আপনার ধারালো যুক্তিগুলো কি ঐ একটি প্রশ্নের কাছে হার মানবে না? তলোয়ার দিয়ে দাঁড়ি টাছার মতোই কি আপনার অনুবাদ জনতার হাতে তুলে দিচ্ছেন না? সাধারণ পাঠক বিশেষ করে আরবি ভাষা না-জানা সহজ-সরল পাঠকদের আমি শুধু এটুকুই বুঝিয়ে দিতে চাই যে, আমি এবং আমরা অতি সাধারণ বিষয়টাকেই অনুবাদকরা কী চমৎকার ওলোটপালট করে দিয়েছেন। এ রকমভাবে কোরান পাকের হাজার হাজার শব্দের অর্থকে যা মনে লেগেছে তাই করে রেখেছেন, সেগুলো পাঠকদেরকে কেমন করে বোঝাই - কেমন করে বোঝাই যে, গোজামিলের পাহাড় দাঁড় করিয়ে রাখা হয়েছে এবং এর থেকে প্রকৃত অর্থ উদ্ধার করা যে কত কঠিন বিষয় উহা কেমন করে পাঠক ভাইদেরকে বোঝাই? আমি এবং আমরা না হয় পাঠক ভাইয়েরা অতি সহজেই বুঝতে পারবেন, কিন্তু এরচেয়ে অতি মারাত্মক হাজারো গোজামিলগুলো একটি একটি করে আক্ষরিক অনুবাদ করে বোঝাতে গেলে উহা যে কত বড় বইয়ের আকার ধারণ করবে উহা সহজেই বোঝা যায়। এরচেয়ে সমগ্র কোরান পাকের আক্ষরিক অনুবাদ করাটাই সমীচীন এবং উহা করতে গেলে বহু আয়াত আছে যা এই অধম লেখক এখনো তফসির তথা ব্যাখ্যা করতে পারবে না এবং আক্ষরিক অনুবাদের নিচে 'আমি উহা বুঝিতে পারিলাম না' অনেকবার লিখে দিতে হবে। কিন্তু এ রকম কথা লিখতে গেলে সত্য কথার অপ্রিয় স্বীকৃতি হয়, কিন্তু পাঠকবৃন্দের নিকট মহাপণ্ডিত বলে বিবেচিত হওয়া তো দূরের কথা, অপদার্য বলে পরিচিত হবার সম্ভব ভয় আছে। আমাকে অপদার্য বলে গাল দেবে - ইহা কি কমটি কথা, ইহা রীতিমতো অপমানজনক কিছু একটা নয়? সুতরাং না বুঝলেও যা ইচ্ছে তাই গোজামিল মেরে দাও। যদি সময় সুযোগ এবং আল্লাহ পাকের রহমত হয় তবে ইনশাল্লাহ কোরান পাকের আক্ষরিক অনুবাদ যত শীঘ্র পারি আমরা করবো।

কোরান পাকের আর একটি আয়াতের নমুনা তুলে দিলাম। যেমন কোরান পাক বলছেন, লা ইয়ামাস্‌সাহ ইল্লাল মুতাহহারুন - অর্থাৎ 'কেহই উহা স্পর্শ করে না একমাত্র পবিত্র ছাড়া।' এখানে অনুবাদক মহা ফাঁপড়ে পড়ে যান। কারণ 'মাস্‌সাহ'-এর অর্থ হলো উহা স্পর্শ করা, উহা ধরা, উহা ছোঁয়া, সুতরাং ইহার শব্দের অর্থ বদলিয়ে না দিলে কোনো অপবিত্র অথবা অবিশ্বাসী যদি কোরান পাক স্পর্শ করে ফেলেন এবং বলে ফেলেন যে, তোমাদের কোরান তো স্পর্শ করলাম অথচ কোরান নিজেই বলছেন যে, অপবিত্র ইহা স্পর্শ করতে পারবে না - তা হলে তো অনুবাদক আর কোনো উত্তর দিতে পারবে না। তাই অনুবাদক নানা প্রকার কৌশল অবলম্বন করেন : কেহ অনুবাদ করেন পবিত্র না হয়ে স্পর্শ করা উচিত নয়; আবার কেহ অনুবাদ করেন, ওজু করে পাকসাক্ষ হলে কোরান পাক ধরা উচিত; আবার কেহ অনুবাদ করেন যে, অপবিত্র ব্যক্তির ইহার অর্থ বুঝতে সম্পূর্ণ অক্ষম ইত্যাদি। প্রথম দুটিতে 'উচিত' শব্দটি আমদানি করা হয়েছে এবং এই 'উচিতের' আমদানি-রপ্তানিটাই বেশিরভাগ অনুবাদক তাদের অনুবাদ ও ব্যাখ্যায় গ্রহণ করেছেন এবং তৃতীয়টিও অনেক অনুবাদক গ্রহণ করেছেন। অপবিত্র ব্যক্তি বলতে যদি অন্য মত ও

পথের লোকদের বোঝানো হয়ে থাকে তবে বহু ভিন্ন মতের অনুসারীরা কোরান পাকের অনুবাদ ও ব্যাখ্যা লিখেছেন এবং তাদের অনুবাদ ও ব্যাখ্যা আমাদের মত পবিত্র (?) -দের চেয়ে তুলনামূলকভাবে অনেক বেশি উন্নতমানের হয়েছে। এখন উপায়? অগত্যা আর উপায় নেই তাই গোজামিল দেওয়া পর্যন্তই সার এবং এইভাবেই সমগ্র কোরান শরিফের অনুবাদ ও ব্যাখ্যা গোজামিলের বস্তা বানিয়ে রেখেছেন।

সূরা আল মারেরের একস্থানে আছে : বিরাব্বিল মাশারেকে ওয়াল মাগারেবে - 'অগণিত পূর্ব দিক ও অগণিত পশ্চিম দিকের রব' এই অনুবাদের ব্যাখ্যা করতে গিয়ে প্রাচীনকাল হতে আধুনিককালের প্রায় সব অনুবাদকর্তা হুবহু একই ব্যাখ্যা দিয়ে গেছেন। কারণ, বিষয়টি খুবই কঠিন বলে এই রকম করা হয়েছে। এখন প্রশ্ন আসতে পারে, বিষয়টি কেন কঠিন এবং কেমন করে বিষয়টি কঠিন হলো? কেউ যদি প্রশ্ন করেন যে পৃথিবীর একটি পূর্ব এবং একটি পশ্চিম দিক থাকা সত্ত্বেও কেন অগণিত পূর্ব এবং পশ্চিম দিকের কথা কোরান পাকে বলা হলো? এই অগণিত পূর্ব এবং পশ্চিম দিকগুলো কোথায়? যেহেতু পূর্ব এবং পশ্চিম বলতে পৃথিবীতে একটি করেই দিক আছে সেহেতু এত অগণিত পূর্ব এবং পশ্চিম বলতে এখানে কী বোঝাতে চেয়েছে? প্রাচীনকাল হতে আধুনিককালে চান্দে যাবার পূর্ব পর্যন্ত মানুষের স্পর্শ ধারণা ছিল না যে, প্রতিটি গ্রহ এবং উপগ্রহের নিজস্ব একটি করে পূর্ব এবং পশ্চিম দিক আছে এবং কোনো গ্রহ এবং উপগ্রহের একটি নিজস্ব পূর্ব এবং পশ্চিমের সঙ্গে অপর যে কোনো গ্রহ এবং উপগ্রহের পূর্ব এবং পশ্চিমের কোনো মিলই নেই তথা এক কথায় যার যার পূর্ব ও পশ্চিম দিক তার একান্ত নিজস্ব দিক, যাহার অন্যটির সঙ্গে কোনো মিলই নেই এবং মিল না থাকাটাই স্বাভাবিক। কারণ, প্রত্যেকটি ভাসমান অবস্থায় ঘুরে বেড়াচ্ছে তার একান্ত নিজস্ব আয়তন নিয়ে এবং সেই আয়তন অন্যটির চেয়ে চাই ছোট হোক কি চাই বড় হোক। এবং সেহেতু সকলের মধ্যে মিল থাকাটাই অস্বাভাবিক। সব কয়টি গ্রহ সূর্যকে ঠিক একটি নির্দিষ্ট সময়ের মধ্যে ঘুরে আসে না। পৃথিবীর ঘুরতে যতদিন সময় লাগে অন্য যে কোনো গ্রহের ঠিক ততদিন লাগে না, তথা কমবেশি সময় লাগে, যদিও প্রতিটি গ্রহ এবং উপগ্রহ ঘুরে বেড়াচ্ছে।

এখন প্রশ্ন হলো, সূর্যের নামে পরিচিত সৌরজগতে কয়টি গ্রহ এবং উপগ্রহ আছে? তা সংখ্যায় যতই থাকে না কেন এবং দিনে দিনে যত সংখ্যার দিক দিয়ে বেড়ে চলুক না কেন এবং গ্রহ ও উপগ্রহ মিলে আমরা শ' দেড়েক পূর্ব এবং পশ্চিম দিক পাই এবং প্রত্যেকের পূর্ব এবং পশ্চিম তার একান্ত নিজস্ব দিক। একটি সৌর জগতে যদি দেড়শত পূর্ব এবং পশ্চিম দিক পাই তা হলে কতটি সৌরজগত আছে? যদি কেউ প্রশ্ন করে যে, এই তেরিশ হাজার কোটি সৌরজগতের কতটি ছেলে-মেয়ে তথা গ্রহ-উপগ্রহ আছে? তখনই বৈজ্ঞানিকেরা বলেন যে উহা অগণিত। তা হলে অগণিত গ্রহ ও উপগ্রহের অগণিত পূর্ব ও পশ্চিম দিক আছে এবং তা হলে কোরান পাকের ঘোষণা 'অগণিত পূর্ব ও পশ্চিম দিকের রব'-এর সত্যতার স্বাক্ষরকে কে অস্বীকার করতে পারে?

এই অতি ছোট আকৃতির ব্যাখ্যা পাঠক ভাইদের পড়তে অনুরোধ করছি। জগাখিচুড়ির বাহার এবং গোজামিলের ধাঁধায় চক্কু চড়কগাছ। আরবি জানা হিয়া বড় বড় কুই কাংলাই ভিরমি খায়, আর সাধারণ পাঠক তো কোন ছার! অতি দুঃখের সাথে বলতে হচ্ছে যে, এইসব অনুবাদকারী পণ্ডিতের দল, অসীম আল্লাহর অসীম জ্ঞানের সবটুকু পানি মনে করে এক চুমুকে খেয়ে বসে আছেন। ভাবখানা যেন, মাত্র এইটুকু! অসীম জ্ঞানের ভাণ্ড কোরান-এর একটি স্থানেও 'ইহা বুঝিতে পারিলাম না' অথবা 'ইহার অর্থ আমি জানি না' এ রকম একটি অকপট স্বীকৃতির নাম-গন্ধও যদি থাকে। কারণ অসীম আল্লাহর সবটুকু তারা বুঝে ফেলেছেন। সুতরাং ব্যাখ্যা দিতে আবার কিসের কষ্ট? দশের কথায় বলে প্রকৃত সাধুকেও ভণ্ড বনে যেতে

হয়। তাই তো খনার বচনটি আজও আমাদের মুখে মুখে ঘুরছে - ‘দশ চক্রে ভগবান ভূত’। এবং সত্যি বলতে কি হয়েছে তাই।

আর একটি হের-ফের করা অনুবাদ পাঠকের কাছে তুলে ধরলাম।

ইজা কামু ইলাস সালাতে কামু কুসালা ইউরাউনান নাসা অলা ইয়াজ কুরুনাল্লাহা ইল্লা কালিলা - অর্থাৎ ‘যখন তারা সালাতের দিকে উঠে দাঁড়ায়, খুবই অলসতার সঙ্গে দাঁড়ায়, মানুষকে দেখাবার জন্য। অস্তর তাদের আল্লাহকে স্মরণ করে না অল্প কিছু লোক ছাড়া।’

পাঠক ভাই, আপনি প্রায় অনুবাদেই একটি ছোট ভুল দেখতে পাবেন। ভুলটি হয়তো আপনার দৃষ্টিকে ফাঁকিও দিতে পারে, আবার একটি মনোযোগ সহকারে দেখলেই ছোট ফাঁকিটা আপনার চোখে ধরা পড়ে যাবে। ফাঁকিটা ছোট হতে পারে, কিন্তু এর অর্থ হয়ে পড়ে মারাত্মক ঘোলাটে। ‘ইজা কামু ইলাস সালাতে’ যার হুবহু অর্থ হলো ‘যখন সালাতের দিকে দাঁড়ায়’, কিন্তু এর হুবহু অনুবাদ না করে তারা অনুবাদ করেন ‘যখন সালাতের জন্য দাঁড়ায়’। ‘যখন সালাতের জন্য দাঁড়ায়’ যদি কোরান পাকে লিখা থাকত তা হলে ইহার হুবহু আরবি ভাষাটা হতো ‘ইজা কামু লে সালাত’। কারণ, আরবি ভাষায় ‘ইলার’ অর্থ হলো দিকে এবং ‘লে’ অর্থ হলো জন্য। এখন আপনিই বলুন, কোথায় ‘ইলা’ আর কোথায় ‘লে’। অথচ জোর করেই এ রকম হাজার হাজার উল্টাপাল্টা করে রাখা হয়েছে। অবশ্য পাণ্ডিত্যের অজুহাতে ব্যাকরণের ঘেঁষা মেঁষা আর চিলাচিলির দাঁত খিঁচুনির দর্শন মিলবে অনেক, আর বার বার চোখের কাছে আসবে ভ্রমি এবং তাতে ভুলের গর্তে পা রেখে বিপদে পড়তে পারেন। সম্ভবত এ রকম ভুলের গর্তে পা ফেলে এক ইসলামকে তেহাওর ভাগে ভাগ করা হয়েছে। আরও মজার কথা কি, কোনো ওলি-দরবেশ, পীর-ফকিরের দ্বারা কিন্তু এক ইসলামকে এত ভাগে ভাগ করার মহান কর্তব্য সাধিত হয় নি। এত ভাগে ভাগ করার সাধনার ফলটি আমরা পেয়েছি আরবি-জানা বড় বড় পণ্ডিতের মাধ্যমে। পীর-ফকির, ওলি-দরবেশরা মুসলমান বানিয়েছেন, আর আরবি-জানা পণ্ডিতেরা মুসলমানদেরকে তেহাওরটি ভাগে ভাগ করে দিয়েছেন।

লাগ ভেঙ্কি লাগের মতো আপনার মনে, মাথায় আর চোখে সুন্দর ভেঙ্কি লাগিয়ে দেবে শুদ্ধ আরবি-জানা পণ্ডিতেরা, অথচ অনুবাদ আর ব্যাখ্যাগুলো হবে লেজকাটা।

সালাত বলতে যদি নামাজ পড়াটাকেই বলা হতো তবে ‘যখন সালাতের জন্য দাঁড়ায়’ ইহাই হতো প্রকৃত অনুবাদ। কিন্তু তারা দাঁড়ায় সালাতের দিকে, এর কারণ, এই দাঁড়ানোটা হলো সালাতের দিকে অনুশীলন, যাকে আমরা ট্রেনিং নেওয়া হচ্ছে বলি। সুতরাং ইহা সালাত নয়, সালাতকে কামিয়াব করার প্রস্তুতি গ্রহণ করা মাত্র। দেহের বিভিন্ন ওঠা, নামা, বসা, হাত তোলা এবং মাথা নত করা ইত্যাদি অঙ্গভঙ্গিগুলো মোটেই সালাত নয়। কারণ, এই অঙ্গভঙ্গিগুলো যদি সালাতই হবে তবে ‘মানুষকে দেখাবার জন্য’ এই বাক্যটুকু কোরান পাক আমাদেরকে বলে দিতেন না। এই কথাটুকু বলার মধ্যে তেমন অর্থ বহন করতো না। কারণ, অঙ্গভঙ্গির মাধ্যমে ছাড়া মানুষকে কিছু দেখানো যায় না। আল্লাহর সঙ্গে যোগাযোগ করাকেই বলা হয় সালাত এবং এই সালাত তথা যোগাযোগকে করতে হয় কায়েম অর্থাৎ স্থায়ী। এই সালাত কায়েম করতে হয়, তাই বলা হয়েছে ‘ওয়াকিমুস সালাত’ অর্থাৎ (আল্লাহর সঙ্গে) যোগাযোগ স্থায়ী করতে - ‘একরা’ করতে নয়, অর্থাৎ পড়তে নয়। কারণ, ‘একরা সালাত’ অর্থাৎ সালাত পড় বলে কোরান পাকে একটি বারও বলা হয় নি। (তাই বলে কেউ যেন ভুল করে না বসেন যে, অধম লেখক পাঁচ ওয়াক্ত নামাজ পড়তে বারণ করছে। কারণ, এখানে নীতিনির্ধারণের আলোচনা হচ্ছে, প্রয়োগপদ্ধতির আলোচনা নয়)।

আল্লাহর কাছে দেহের হাজিরা দেওয়াটা হাজির হওয়া বলে বিবেচিত হয় না। মনের হাজিরা দেওয়াটাকেই আল্লাহর কাছে হাজির হওয়া বোঝায়। সুতরাং কেবলমাত্র দেহের হাজিরা দেওয়ার নামাজকে সালাত বলে গণ্য করা হয় না। কারণ, সালাত মনের সঙ্গে জড়িত এবং মন দিয়েই সালাতের কারবার। দেহ নিয়ে নয়। কারণ, দেহ মুসলমান এবং দেহের প্রতিটি অঙ্গ-প্রত্যঙ্গ মুসলমান, কিন্তু মনটি মুসলমান বানাতে হবে। তারই জন্য সমগ্র কোরান পাক একটি উপদেশাবলির বিরাট গ্রন্থ। তাই অমুসলমান মনটির মৃত্যুর পূর্ব পর্যন্ত মুসলমান দেহটিকে সাময়িক কর্তৃত্ব প্রদান করা হয়েছে। এই মুসলমান দেহটি দিয়ে মানবজাতির কল্যাণেও আসতে পারে আবার অকল্যাণেও নিয়োজিত হতে পারে - ইহাই একটি মনের সাময়িক স্বাধীন ইচ্ছাশক্তি। তাই মনের চেতনের সঙ্গে আল্লাহপাকের মহাচেতনের যোগাযোগ প্রতিষ্ঠা হলেই সালাতের আবির্ভাব হয় এবং তখনই হয় দুনিয়ার ষড়রিপুর মায়ার তৈরি অচেতনের তিরোভাব। মেরাজের অবগুষ্ঠন ধীরে ধীরে মুছে যেতে থাকে এই সালাতের কাছে এবং এই সালাতের যিনি সাথী তাকেই বলা হয় মোমিন। কারণ, মোমিনের সালাতই হলো মেরাজ। তা হলে প্রশ্ন আসে, যার সালাত কায়েম হয় নি তার কি মেরাজ হয়েছে? না। কারণ, তার সালাত হলো মানুষকে দেখাবার জন্য। মাত্র সামান্য কিছু লোক ছাড়া প্রায় সকলেই আল্লাহকে অন্তর দিয়ে স্মরণ করে না - এ কথা আমার কথা নয়, এ কথা স্বয়ং আল্লাহ পাকের কথা এবং স্পষ্ট ঘোষণা। সুতরাং অতি অল্প লোকেই কোরান পাকের গুপ্তরহস্য অনুধাবন করতে পারে এবং বাকি সবাইকে উহা বলে লাভ নেই। সবাই সত্যকে গ্রহণও করতে পারে না এবং সত্যকে উপলব্ধিও করতে পারে না, কেবলমাত্র অল্প কিছু লোক ছাড়া - ইহাই কোরান পাক আমাদেরকে বুঝিয়ে দিয়েছেন এবং বুদ্ধিমান ও জ্ঞানীলোকেরা এই কথার গুপ্তরহস্য বুঝতে পারেন।

ছয়টি রিপুর মৈকি মায়ার ঝাঁটা-খাওয়া সদাচঞ্চল জীবনটাই হলো বেইমানের জীবন। এই বেইমান জীবনের উপর যখন ইমানের প্রচণ্ড আঘাত পড়ে এবং এই ইমানের প্রচণ্ড আঘাতে যখন বেইমানের ঋণস্থায়ী রূপগুলো একে একে ধ্বংস হতে থাকে তখন সালাত আপন রূপ নিয়ে ধীরে ধীরে জীবনের উপর পূর্ণরূপে ধরা দেয়। সম্পূর্ণ ধ্বংস আত্মান জানায় সম্পূর্ণ নতুনত্বের। ছয়টি রিপুতে তৈরি তিনশত ষাটটি (চাক্ষু বংশরের হিশাবে) মূর্তি ধ্বংসকারীগণ হলো এই মোমিন। বৃৎসেকান্দ অর্থাৎ মূর্তি ধ্বংসকারীকেই বলে মোমিন। এই সালাতের গুরুত্ব কতটুকু তা সহজেই বোঝা যায়। নিজের পরিজনদেরকে সালাতের মূল্য জানিয়ে দিতে বলেছেন পাক কোরান : ওয়াম্মুর আহলাকা বিসসালাতে - অর্থাৎ 'তোমার পরিজনদেরকে সালাতের নির্দেশ দাও', অস্তাবির আলাইহা - অর্থাৎ 'তুমি নিজেও উহাতে নিরত থাক', লা নাস আলুকা রেজকা - অর্থাৎ 'আমরা তোমার কাছে রেজেক চাই না', নাহনু নারজুকুকা - অর্থাৎ 'আমরা তোমাকে রেজেক দান করি'।

ভুল করার চেয়ে 'আমি জানি না' বলে মেনে নেওয়া অনেক ভালো। কারণ, আপনার একটি ভুল জন্ম দেবে অগণিত ভুলের। পরিণতি হবে মারাত্মক এবং ভয়াবহ। এই ভুলের পথ দিয়ে আমাদের ভবিষ্যত বংশধরেরা এগিয়ে যাবে ভুল পথে, যার ফলে আসল লক্ষ্যে পৌঁছানো অধিকাংশের পক্ষে অত্যন্ত জটিল হয়ে পড়বে। এক ভুলের পেটে অনেক ভুলের সন্তান নেবে জন্ম এবং জন্ম দেবে বিভিন্ন দল ও মতের এবং এরই মধ্যে এক ইসলাম তেহাওয়ার ফেরকার জন্ম দিয়ে ফেলেছে। পাণ্ডিত্যের মান-সম্মান বজায় রাখতে গিয়ে এমন গোবর-গনেশী-মার্কী ভুলকে কেমন করে গ্রহণ করা হচ্ছে? সত্যি! ভাবতেও অবাক লাগে। সাধারণ পাঠকের পক্ষে এরকম ভুল ধরা অসম্ভব এবং এই ভুলের বিভ্রান্তির জন্য দায়ী কে বা কারা? কোরানাল ফাজরে অর্থাৎ 'ভোরের কোরান'-কে 'ফজরের তথা ভোরের নামাজ' অনুবাদ করা হয়েছে। হায় রে আমাদের কপাল! কোথায় ফজরের কোরান আর কোথায় ফজরের নামাজ!

বেহায়াপনারও একটা সীমা থাকা দরকার। মাতালের খিস্তির মতো এরা যা মনে লেগেছে তাই করে গেছেন। শুধু কি ফজরের কোরানকেই ফজরের নামাজ বলে চালিয়েছেন? কোরান পাকে উল্লিখিত মসজিদকেও অনুবাদে নামাজ বানিয়ে ছেড়েছেন এবং সেজদাকেও নামাজ বানাতে তাদের মন ও কলম খেমে যায় নি। বিবেক এক মুহূর্তের তরেও তাদের দংশন করে নি। বাংলা ভাষায় কোরান পাকের যত অনুবাদ হয়েছে, সবচাইতে জঘন্য অনুবাদ হয়েছে শূদ্ধেয় মাওলানা আকরাম খাঁ সাহেবেরটা। শূদ্ধেয় মাওলানা আকরাম খাঁ সাহেবেরটাকে ভুল বললেও সুন্দর মানায়, কিন্তু উহা একটি পণ্ডিত-পাগলের বস্তাপচা খিস্তি ছাড়া আর কিছুই নয়। আগাগোড়া সব মনগড়া অনুবাদ ও ব্যাখ্যায় ভরপুর। কিন্তু ইসলামিক ফাউন্ডেশনেরটা হলো তিন বস্তা ভুলের তুলি এবং উহা তিন খণ্ডে বাঙালিকে দিয়েছেন উপহার। তাও আবার এই অনুবাদের ফ্যাশনটা অতি টুচু মার্গের। একটি দুটি নয়, একেবারে হাতে-গোনা চৌদ্দজন মহাপণ্ডিতের মিলিত ফিসল। এই চৌদ্দ পণ্ডিতের নাম যদি একটি অনুবাদে থাকে তবে সাধারণ পাঠক তো দূরে থাক, হিয়া বড় বড় সমঝদারদেরও ভিরমি খাবার জোগাড়। শূদ্ধেয় জনাব মাওলানা বেলায়েত হোসেনের নামের আগে যে আশ্চর্যজনক মডেলটি তুলছে উহার নাম ‘শামসুল উলামা’ অর্থাৎ ‘উলামাদের সূর্য’। এই ‘উলামাদের সূর্যের’ মডেলটি দর্শন করলে কার বুকের পাটা আছে যে, প্রতিবাদ করবেন? বিদেশ হতে আগত হিয়া বড় আলোম শূদ্ধেয় জনাব মাওলানা কাশগড়ী সাহেবের নামও আপনি পাবেন। এই জাতীয় চৌদ্দটি রুই-কাতলার মতো বড় পদার্থের উপর প্রায় সকলেরই বিশ্বাস থাকার কথা। এনারা সবাই মিলে বহু গবেষণা করে ‘ফজরের কোরান’কে ‘ফজরের সালাত’ অনুবাদ করে আবার একখানা টিকায় তফসিরে কাশশাফ-এর দোহাই দিয়েছেন। তফসিরে কাশশাফ আল্লামা জমখশরির একটি বস্তাপচা অনেক আগের তফসির। সেই বস্তাপচা তফসিরে কাশশাফ-এর মতো অনেক তফসির আরবি, ফারসি এবং উর্দু ভাষায় আছে। সবচাইতে বেশি দুঃখ লাগে যখন হাকিমুল উম্মত নামক অতি মূল্যবান মডেল পাওয়া হজরত মাওলানা আশরাফ আলি খানভি সাহেবও ঐ একই ভুল করেছেন তাঁর তফসিরে।

সূরা বনি ইস্রাইলের ৭৮ নম্বর আয়াতটি এখন পাঠক ভাইদের কাছে তুলে ধরছি - আকিমুসসালাতা লিদুলুকিশ শামসে ইলা গাসাকিল্ লাইলে ওয়া কোরানাল্ ফাজরে। ইনুনা কোরানাল্ ফাজরে কানা মাহুদা।

অর্থাৎ, ‘সালাত কায়েম করো সূর্য চলে যাবার কারণে, রাতের আঁধারে ঢেকে যাবার কারণে এবং ফজরের কোরান-এর জন্য। নিশ্চয়ই ফজরের কোরান হলো প্রমাণিত।’

ইহার প্রচলিত এবং বিকৃত অনুবাদ করা হয় এইভাবে - ‘সূর্য হেলিয়া পড়িবার পর হইতে রাত্রির ঘন অন্ধকার পর্যন্ত সালাত কায়েম করিবে এবং কায়েম করিবে ফজরের সালাত। ফজরের সালাত পরিলক্ষিত হয় বিশেষভাবে।’ অনুবাদের চরিত্রই যখন বিকৃত তখন ব্যাখ্যার চরিত্র কেমন হবে? অধম লেখক এই আয়াতটুকুর ব্যাখ্যা দিচ্ছি : সূর্যকে এখানে একটি মানবজীবনের সঙ্গে তুলনা করে বলছে যে, সালাত কায়েম করো - কারণ যখন সালাত কায়েম হয়ে যাবে তখনই দেখতে পাবে প্রথম কোরান-এর প্রথম পরিচয়। সূর্য যেমন উদয় হয়ে ধীরে ধীরে পূর্ণতায় এসে পুনরায় অস্ত যেতে থাকে তথা চলে যেতে থাকে এবং একসময় রাতের আঁধার ঢেকে যায়, তিক একটি মানুষের জীবনসূর্যটারও ঐ একই গতি। বাল্যের জীবনসূর্যের উদয়ের মতো ধীরে ধীরে পূর্ণতায় এসে তথা পূর্ণ যৌবনে এসে পুনরায় বুড়ো হতে থাকে তথা চলে যেতে থাকে এবং একসময় মৃত্যুর আঁধারে ঢেকে যায়, সূর্য যেমন রাতের আঁধারে ঢেকে যায়। জীবনসূর্যটি যে থমকে দাঁড়িয়ে নেই। প্রতিটি মুহূর্তে এ যে চলে যাচ্ছে। কোথায়? এক ঘন অন্ধকারের মাঝে। তাই জীবনরূপ সূর্যের চলে যাবার

কারণে উপদেশ দেওয়া হচ্ছে সালাত কায়েম করতে। কারণ, সালাত তথা যোগাযোগ কায়েম তথা স্থায়ী হয়ে গেলেই আপন পরিচয় প্রথম মেনে তথা ডোরের কোরান-এর যে রহস্য উহার সঙ্গে প্রথম পরিচয় হয়। কোরান-এর সঙ্গে পরিচিত হবার কী সুন্দর এবং অপূর্ব ডাক দিচ্ছেন। এই কোরান কাগজ অথবা শিলালিপি অথবা চামড়া বা যে কোনো জিনিসের উপর কালির নকশা আঁকা কোরান নয়। কারণ, ইহা আসল কোরান-এর পরিচয় পাবার কতগুলো অন্ধরের বাধন। এই অন্ধরের বাধন, যেটাকে আমরা প্রায় সবাই কোরান বলে জেনে আসছি, উহা হলে, বিদ্যাশিক্ষার মাধ্যম ছাড়া অসম্ভব। অথচ একজনও নবি বা রসুল মাদ্রাসায় অথবা এই জাতীয় কোনো বিদ্যালয় হতে শিক্ষা গ্রহণ করেন নি। তাঁরা উম্মি, তথা অন্ধরের সঙ্গে পরিচিত নন। সুতরাং যাহার সঙ্গে নবি ও রসুলরা পরিচিত নন উহা কখনই একমাত্র ধর্মব্যবস্থা হিসাবে গণ্যই করা যায় না অর্থাৎ এই জাতীয় বিদ্যালয় হতে শিক্ষা না নিলেও আসল কোরান-এর সঙ্গে পরিচিত হতে পারবে। কারণ, আসল কোরান-এ কোনো অন্ধরের বালাই নেই। কারণ, উহা নুরি কোরান। তাই কোরান নিজেই ঘোষণা করেছে যে, পবিত্র না হয়ে তথা আমিত্ব ত্যাগ না করে তথা যোগাযোগকে স্থায়ী না করে তথা সালাত কায়েম না করে কেহই কোরানকে বোঝা তো দূরে থাক, কেবলমাত্র স্পর্শ করারও কারো ক্ষমতা নেই। (লা ইয়ামাসুহ ইল্লাল মুতাহারুন)। এরপরেও কি আমরা কাগজের লিখিত কোরানকে আসল কোরান বলে ভুল করবো? তাই অনেক সময় আমরা বিপাকে পড়ে যাই, যখন দেখতে পাই মাদ্রাসা অথবা বিদ্যালয়ে না-পড়া একজন নিরক্ষর (?) আল্লাহর ওলি বলে সুপরিচিত।

লিখাপড়া না জেনে আল্লাহর ওলি হওয়া যায় না - এই মারাত্মক ভুল কথাটি মাদ্রাসায় পাস-করা আলেমরাই এমনভাবে প্রচার করে ফেলেছেন যে, মিথ্যাটাই বার বার উচ্চারিত হবার দরুণ জনতার কানে সত্য বলে মনে হচ্ছে এবং জনতা তখন মারাত্মক ভুল করে বসেন। জনতা তখন মনে করেন যে, মাদ্রাসায় যখন পড়া হলো না তা হলে আর সাধনা করেই বা কী লাভ। এই যে মারাত্মক ভুল ধারণা, ইহার অবসান আমাদেরকেই করতে হবে, না হলে এক ইসলামের ভেতর ভেতর ভুল ভুল ও মতের ভুল ধারণার অবসান কোনোদিনও হবে না। মাদ্রাসার আলেম ভাইয়েরা এ রকম মূর্খ (?) মজুব, উলঙ্গ হয়ে পড়ে থাকা ওলিদেরকে ওলি বলা তো দূরে থাক, অহঙ্কারের বাণ ভুড়ে বিপথগামী বলতেও জিস্তা কাপে না - হায় রে বিদ্যার কচকচানি - তাই কমলিওয়াল (আ.) বলেন, আল এলমুল হেজাবুল আকবার - অর্থাৎ 'এলেম তথা বিদ্যা হলো (সত্যকে জানবার পথে) সব চাইতে বড় পরদা তথা দেয়াল।' এই সেই বিখ্যাত ভারতবর্ষ, তেত্রিশ কোটি দেব-দেবীর দেশ। এই মহাভারতে যিনি মুসলমান বানিয়ে গেলেন সেই সুমহান সুলতানুল হিন্দ খাজা বাবা তো আক্ষরিক কোরান-এর একটি তফসির করে যেতে পারতেন। সত্যকে পাবার জন্য ইহার প্রয়োজন কতটুকু গুরুত্ব বহন করে ইহা ভেবেই তিনি তা করেন নি। হিয়া বড় কোরান তফসির করলাম, মাহফিল জমিয়ে সাত রাত সাত দিন কোরান তফসিরের বিরাট আয়োজন করলাম, কিন্তু জীবনেও একটি অন্য ধর্মের মানুষকে মুসলমান বানাতে পারলাম না - আমার মূল্য কতটুকু? আমার মূল্য জিরো তথা শূন্য বললেও দাম দেওয়া হয়। জিরো মাইনাস ফাইভ তথা শূন্য হতেও পাঁচ বিয়োগ দিলে যা হয় সেই দামই আমার। একবার ভেবে দেখুন তো - একটা সম্পূর্ণ অন্য ধর্মের মানুষকে মুসলমান বানানো কত কষ্টসাধ্য ব্যাপার! ভেবে দেখুন তো খাজা বাবার কথা! কত বড় শক্তির অধিকারী হলে পাক-ভারতে লক্ক লক্ক হিন্দুদেরকে মুসলমান বানিয়েছেন। আর আমার মতো মাওলানারা? আরবি ভাষার জাহাজ বলতে পারেন। কোরান শরিফকে অন্ধরে অন্ধরে ভেঙে ভেঙে অনুবাদ করার জাদুকরি শক্তি অর্জন করেছি। হিয়া বড় মাহফিলের আয়োজন করে জনতাকে কোরান-এর অনুবাদ ও

ব্যখ্যা শুনিয়া চমক লাগিয়ে দিচ্ছি। বাহুর পর বাহুরা কুড়াচ্ছি কিন্তু সেই তফসিরের মাহফিলে কয়জন অন্য ধর্মের মানুষের আগমন হয়েছে? মাশালাহ! সেটা বলতে গেলে ভীষণ লজ্জা পাব। যদিও বড় বড় পীর-ফকিরদের চৌদ্দ গোষ্ঠি শেরেক-বেদাতের কাল্পনিক ফতোয়াবাজির আঘাতে জর্জর করে সাধারণ মুসলমান ভাইদের চোখ অন্যদিকে সরিয়ে নিচ্ছি। নিজের বিবেক ও ঐতিহাসিক সত্যকে ফাঁকি দিয়ে যাই।

গজনির সুলতান মাহমুদ সতের বার পাক-ভারত আক্রমণ করেছিলেন মুসলমান বানাবার জন্য নয় - সোমনাথের মন্দিরে রক্ষিত মালপানির লোভে। কোনো রাজা-বাদশা, উজির-নাজির, কোনো মাওলানা-মুফতি, কোনো আরবি ভাষা-জানা পণ্ডিত এদেশে মুসলমান বানায় নি। মুসলমান যারা বানিয়ে গেছেন, ইতিহাস যাদের কথা ঘোষণা করে, তারা হলেন, দাতা গঞ্জ বক্স, খাজা বাবা, শেখ ফরিদ, নিজামউদ্দিন আউলিয়া, খান জাহান আলি, শাহ জালাল, শাহ পরান, চাটগায়ের বাবা মহসিন আউলিয়া - আরও অনেক অনেক। আর আমরা তথা মাওলানারা? এক ইসলামকে ফতোয়া মেরে মেরে তিন কুড়ি তের টুকরা করে দিয়েছি। এটা কি কম বড় কথা? কত কষ্ট হয়েছে আমাদের!

আমার মতো মাওলানাদের মুখ দিয়ে খই ফুটতে থাকে। সাধারণ বিষয়ের কথা না হয় বাদই দিলাম, গুরুত্বপূর্ণ বিষয়ের উপর কোনো মন্তব্য রাখতেও বড় বিশেষ চিন্তা-ভাবনা করি না। কারণ, সব কিছু জেনে ফেলেছি, বুঝে গেছি, সূতরাং অত ভাবনা-চিন্তা কিসের? অথচ অতি সাধারণ একটি বিষয় নিয়ে একবার একদল শিয়া খাজা বাবার কাছে গিয়েছিলেন এজিদ্ সন্থকে মন্তব্য রাখতে। খাজা বাবা এই বলে শিয়াদেরকে বিদায় করে দিলেন যে, ইমাম হোসায়নের চিন্তায় তিনি এত বিভোর যে এজিদের কথা এক মুহূর্তও ভাবতে পারেন নি।

আমিদের অঙ্ককার যখন সালাত কয়েমের দ্বারা দূর হয় তখনই প্রথম পরিচয় হয় আসল কোরান-এর তথা নুরি কোরান-এর। এখানে আসল কোরান বলতে বাধ্য হলাম। যদিও আসল বললে নকল কথাটি এসে পড়ে। প্রচলিত ভুল ধারণার জন্যই কোরানকে আসল বলতে বাধ্য হলাম। না হলে কোরান একটিই। যেহেতু কোরান একটিই সেহেতু আসল এবং নকল বলার প্রশ্নই আসতে পারে না। যেহেতু কোরান কাকে বলে বলতেই আমরা প্রায় সবাই ভুল করে বসি, কারণ ভুল ধারণাটাই আমাদের ভুল প্রচারণার দরুণ হয়েছে, সেহেতু 'আসল কোরান' শব্দটি ব্যবহার করতে অনেকটা বাধ্য হলাম।

আসল কোরান-এর সঙ্গে যখন প্রথম হয় পরিচিত সেই পরিচয় কতই না মধুর। রাতের আঁধার কেটে যখন দিনের আগমন হয় এবং সম্পূর্ণ দিনটির প্রথম আগমনীর বার্তাকে আমরা দিনের ভোরবেলা বলি। সে রকম সম্পূর্ণ কোরানটির প্রথম আগমনীর বার্তাকে বলা হয়েছে ভোরের কোরান তথা ফজরের কোরান। সালাত কয়েম করো ফজরের কোরান-এর জন্য - কী অপূর্ব ভাষার লালিত্য! যারা মাদ্রাসায় পাঠ করেন নি অথবা অন্যকোথাও, তারা কী করে সালাত কয়েম করবেন? অথচ কোরান সবাইকে ডাকছে, সবাইকে বলছে প্রথম কোরান-এর দিদারের জন্য। প্রথম মানেই ভোরবেলার কোরান-এর জন্য। তাই ভোরবেলার কোরানকে পেতে চাইলে সবাইকে বলছে সালাত কয়েম করো তথা যোগাযোগ স্থায়ী করো। রাত পেরিয়ে যখন দিনের প্রথম আগমন হয় এবং সেই আগমনের সত্যতা যেমন যাচাই করার কোনো সাক্ষীর প্রয়োজন ও প্রশ্নই থাকে না এবং উহা আপন মূর্তিতে সত্যসহ আপনা আপনি প্রমাণিত, তিক সে রকমভাবেই সাধনার দ্বারা আমিদের অঙ্ককার পেরিয়ে আপন পরিচয়ের প্রথম পরিচয় লাভ করে, সেই পরিচয়ের আর একটি নামই হলো ফজরের কোরান - এই কোরান-এর পরিচয় যে লাভ করেছে তার আর সাক্ষী-প্রমাণের কোনো প্রয়োজন হয় না। কারণ, তার সাক্ষী

ও প্রমাণ সে যে নিজেই। তাই ফজরের কোরান হলো সত্যরূপে প্রমাণিত। আর আমিত্বের বাধনে যারা জড়িয়ে আছে, যারা ছয়টি রিপূর তাড়নার তাড়া খেয়ে রিপূর কোলে ঘুমিয়ে আছে, তারা কি এই ফজরের কোরানকে পারবে স্পর্শ করতে? কারণ, এই কোরান-এর ওজন যে সাংঘাতিক ভারী - তাই তো পাহাড়-পর্বত আর সাগর নিতে চায় নি কোরান-এর আমানত। মানুষ বোকা, তাই এর আমানত গ্রহণ করেছে। তাই হে মানুষ, তুমি যে কোরান-এর আমানত নিলে, তোমার যে জীবনসূর্য চলে যাচ্ছে মৃত্যুর আধারে, তাই কাসেম করো সালাতকে - সালাত কাসেম হলেই কোরান-এর সুপ্রভাত হবে এবং এই কোরান-এর সুপ্রভাতের জন্য তুমিই সত্যরূপে তোমার নিজের কাছে প্রমাণিত এবং তখনই তুমি কোরানওয়াল।

যে কোনো মানুষের জীবনে যদি 'ফজরের কোরান' তার রবের ইচ্ছায় তথা আল্লাহর ইচ্ছায় লাভ করতে পারেন তবে ইহাই তার জন্য 'মাকামে মাহমুদা'-তে তথা প্রশংসিত মাকামে স্থান পাবার সৌভাগ্য এনে দেয়। এখন সূরা বনি ইস্রাইলের আয়াতগুলো পড়ে দেখুন তো, মিল পান কি না।

ওয়া মিনাল্ লাইলে ফাতাহাজ্জাদ বিহি নাকিলাতাল লাকা - আছা আইয়াবে আসাকা রাববুকা মাকামাম মাহমুদা। (সূরা বনি ইস্রাইল : ৭৯)।

অর্থাৎ 'এবং রাত্রি হতে কিছু সময় সুতরাং উহাতে তাহাজ্জুদ কর - একটি লাভ তোমার জন্য - হয়তো অচিরেই এমনও হতে পারে যে, তোমার রব তোমাকে উত্তীয়ে নেবেন মাকামে মাহমুদাতে।'

কাগজ, পাথর এবং চামড়ার উপর লিখিত কোরান যদি কয়েক মণ হতে হাজার মণের মতো ওজনও হয় এবং উহা পাহাড়-পর্বতে যদি রাখা হয়, তাতে কি পাহাড়-পর্বত ধ্বংস হবে অথবা ভেঙে চূর্ণ-বিচূর্ণ হবে? না, তা হবার প্রশ্নই আসে না। তা হলে কোরান পাক এ কেমন কথা বলছে? কাগজের কোরানকেই যদি ধরে নিলাম ইহাই একমাত্র কোরান, তা হলে তো পাহাড়-পর্বত এবং সাগরের এরূপ অবস্থা হতেই পারে না। যেহেতু এরূপ অবস্থা, যাহা কোরান-এ বর্ণিত হয়েছে, হতেই পারে না সেহেতু কাগজের কোরান কোরান নয়, বরং ইহা আকস্মিক কোরান। নুরি কোরানই প্রকৃত কোরান এবং একমাত্র কোরান এবং ইহা আমিত্ব তথা স্বকীয়তা নামক অন্ধকার সালাত কাসেম দ্বারা দূর করে অর্জন করতে হয় এবং ইহা অর্জন যার হয়ে গেছে তার আত্মপরিচয় লাভ করা হয়ে গেছে।

মাওলানা আবদুল হাকিম এবং মাওলানা আলি আহসান কোরান-এর অনুবাদ ও ব্যাখ্যাটি এমনভাবে বিকৃত করে ফেলেছেন যে অবাক হতে হয়। কত প্রকার অনুবাদ ও তফসিরের দোহাই যে উনারা দিয়েছেন নিজেদের অনুবাদ ও ব্যাখ্যাকে সহি বলে প্রমাণিত করার প্রয়াসে! অথচ ইনারা ভাই গিরিশ চন্দ্র সেন রচিত অনুবাদের কঠোর এবং জঘন্য অপার্য সমালোচনা করেছেন। উহা এই উভয় পণ্ডিত কর্তৃক রচিত অনুবাদ হতে শতগুণে ভালো, যদিও ভাই গিরিশ চন্দ্র সেনের অনুবাদে হাজারো একই ভুল দেখা যায়। শুদ্ধেয় মাওলানা হাকিম ও আলি আহসান 'ভাই গিরিশ চন্দ্র সেন' নামটিকে জনৈক বলতেও লজ্জা পান নি। এইবার এই উভয় মাওলানার অনুবাদ হবহ তুলে দিলাম। পাঠকই ইহার বিকৃত করার নমুনাটা ভালোভাবে বুঝতে পারবেন। 'সূর্য অস্ত-পথে অবনমিত হইবার পর রজনীর অন্ধকার পর্যন্ত নামাজ প্রতিষ্ঠিত কর এবং প্রভাতে কোরান পাঠ কর, এবং প্রভাতের কোরান পাঠ সাক্ষীস্বরূপ হইবে।' 'ফজরের কোরান' কে 'কোরান পাঠ কর' - নতুন মাল আমদানি করা হলো। এই বাক্য মাল কোথা হতে আমদানি করা হলো - পাঠকের প্রশ্ন। ইহা তো গেল অনুবাদের শ্রী। এবার উভয় মাওলানা ব্যাখ্যা করতে গিয়ে পাঞ্জেশানা ফরজ নামাজের কথা এই আয়াত হতে 'সোনার খনি পেয়েছি' বলার মতো আবিষ্কার করে ফেললেন। এই আবিষ্কারের গাভীর বজায় রাখতে গিয়ে বলেছেন যে, এই পাঁচ ওয়াক্ত নামাজের আবিষ্কার তারা করেন নি। ইহার আবিষ্কার করেছেন

এত্যা বড় তফসিরে ইবনে আব্বাস, তফসিরে জরির, তফসিরে কবির, তফসিরে হাক্কানি ও তফসিরে মোহাম্মদ আলি। পাঁচ ওয়াস্ত নামাজ এই আটাত্তর নম্বর আয়াত হতে পেয়ে গেছেন। ইহারই নাম বোধহয় আমাদের দুর্ভাগ্য। আটাত্তর নম্বর আয়াতে পাঁচ ওয়াস্ত নামাজের কথায় যে কতখানি গোজামিল দেওয়া হয়েছে তার নমুনা তুলে ধরছি। এই সূরাটি তথা বনি ইস্রাইল সূরাটি মক্কাতে নাজেল হয়েছে এবং নাজেলের ধারাবাহিক নম্বর হিশাবে এই সূরার নম্বর হলো পঞ্চাশ এবং হজরত উসমানের দেওয়া ধারাবাহিক নম্বর হল সতের। আনুষ্ঠানিক পাঁচ অথবা (তাহাজ্জুদসহ) ছয় ওয়াস্ত নামাজ পড়ার আদেশ হিজরতের পর মদিনায় নাজেল হয়েছিল। যেহেতু আনুষ্ঠানিক পাঁচ অথবা ছয় ওয়াস্ত নামাজের আদেশ মদিনায় নাজেল হয়েছিল সেহেতু মক্কায় আনুষ্ঠানিক সালাত পালন করার আদেশ দেবার কোনো প্রশ্নই ওঠে না। যদিও আমরা মক্কায় অবতীর্ণ সূরাগুলোর মধ্যে সালাত কায়েম করার আদেশ অনেকবার পেয়েছি। কিন্তু এই সালাত কায়েম করার অর্থ নীতিগত সালাত, আনুষ্ঠানিক জমাতবন্দি সালাত নয়। এই নীতিগত সালাতের মতো জাকাত বিষয়টিও একই রকম নীতিগত জাকাত। আয়ের শতকরা আড়াই ভাগ বিশেষ কয়টি মানবকল্যাণের জন্য ব্যয় করার যে আদেশ দেওয়া হয়েছে, কোরান পাক ইহাকে জাকাত বলে নি। জাকাত বলতে মানবীয় আশ্রিতের অথবা মানবের স্বকীয়তার পরিপূর্ণ উৎসর্গ বোঝায় এবং এই কারণে সালাত এবং জাকাত একসঙ্গে ঘোষণা করার কথা প্রায় ত্রিশবারের মতো পাওয়া যায়। এই নীতিগত সালাত এবং জাকাত পাঁচ ওয়াস্ত নামাজও নয় এবং আয়ের শতকরা আড়াই ভাগ খাজনা আদায়ও নয়। শতকরা আড়াই ভাগ খাজনা, যাকে আমরা জাকাত বলে মনে করে থাকি, ইহার প্রচলন শুরু হয়েছে মদিনায় এবং এই প্রকার খাজনাওয়ালা জাকাতকে কোরান জাকাত নামটিও প্রদান করে নি, বরং সাদকা নাম দিয়েছে এবং যেখানেই খাজনার জাকাতের কথা পাবেন সেখানেই সাদকা শব্দটি অবশ্যই পাবেন, কিন্তু জাকাত শব্দটি একটি স্থানেও পাবেন না। পাঠক ভাই, ইহা অতি চমকপ্রদ। একটু গভীরে গিয়ে চিন্তা করে দেখুন তো কোথায় জাকাত আর কোথায় হলো সাদকা। কিন্তু মাশাআল্লাহ! ভুলের পাহাড় জাকাতের সৌন্দর্য ফেলে দেওয়া হয়েছে এবং লেজকাটা রূপটি মুসলিম সমাজে সত্যরূপে প্রতিষ্ঠিত হয়ে এখনো চলে আসছে। এই সাদকাকেই জাকাত নাম দিয়ে রাষ্ট্রীয় খাজনাগুলোর একটি খাজনার নামকরণ করা হয়েছে - অর্থাৎ সাদকাকেই খাজনাতে জাকাত নামে পরিচিত হয়েছে। দুই চোখই কানা অথচ পদ্মের মতো সুন্দর চোখের মালিক পদ্মলোচন নাম রাখা হয়েছে কানা ছেলের নাম। এখন চোখ না থাকুক - নাম তো রাখা হয়েছে পদ্মলোচন! জাকাত এবং সাদকার ভুলটা অনেকটা ঐ রকম। জাকাত নামের সাদকা মানুষের স্বকীয়তার জাকাত তথা উৎসর্গ নয় - ইহা মালের জাকাত। কারণ 'জাক্কা' শব্দ হতে জাকাত শব্দের উৎপত্তি। 'জাক্কা' অর্থ পবিত্রকরণ। সালাত এবং জাকাতের মতো কোরানকেও ঐ একই রকম অর্থে গ্রহণ করা হয়েছে। অথচ কোরান যে নুরি কোরান, কাগজের কোরান নয়, এ কথা আমরা জানবার সুযোগ পেলাম না। পাহাড়কে ভয়ে বিচূর্ণ অবস্থায় দেখার প্রশ্নই আসতে পারে না যদি নুরি কোরানকে কাগজি কোরান বলে ধরে নেওয়া হয় এবং সত্যিই যদি নুরি কোরানকে পাহাড় এবং সাগরে অথবা যে কোনো স্থানের উপর নিক্ষেপ করতেন তবে কী অবস্থা যে হতো উহার একটি নমুনা আমরা শুনতে পাই - শুনতে পাই যে, আল্লাহর নুরের অতি সামান্য একটু অংশ তুর পাহাড়ের উপর পতিত হবার পর তুর পাহাড়ের কী শোচনীয় অবস্থা হয়েছিল। অবশ্য কেউ যদি প্রশ্ন করেন যে, উহা তো আল্লাহর নুর এবং নুরি কোরান নয়, তা হলে অবশ্যই তার প্রশ্নের সঙ্গে আমিও একমত হতে বাধ্য হবো বিশেষ কয়টি কারণে। যদিও আগুনের শিখা আগুন হতে আলাদা নয়, তেমনি

নুরি কোরান আল্লাহর নুরের সঙ্গে একই সূত্রে বাঁধা এবং মোটেই অবাক হবার কিছু নয় যদি আল্লাহ সত্যি সত্যিই কোরানকে পাহাড়ের উপর নিক্ষেপ করতেন।

লাও আনজালনা হাজ্জাল কোরানা আলা জাবালিল্ লারাইতাহ খাশিয়াম মুতাসাদ্দেয়াম মিন খাশিয়াতিল্লা। অতিল্ কাল আম্মহালু নাদরেবুহা লিন্ নাসি লা আল্লাহম ইয়াতাকাকারুন - অর্থাৎ 'যদি আমরা এই কোরান পাহাড়ের উপরে নাজেল করতাম অবশ্যই ইহাকে দেখতে পেতে আল্লাহর ভয় হতে ভয়ে বিচূর্ণ অবস্থায়। এবং এসকল মেসালই আমরা মানবজাতির জন্য দিচ্ছি যেন তারা চিন্তা করে।' (সূরা হাসর : ২৯)।

এখানে একটি বিষয় লক্ষ্য করার মতো। আল্লাহ এই আয়াতে 'আমি নাজেল করতাম' বলেন নি - বলেছেন, 'আমরা নাজেল করতাম'। এই 'আমরা'কে প্রায় অনুবাদেই 'আমি' পাবেন। আর একটি কথা পাঠক ভাইদের লক্ষ্য করতে বলি যে, নাজেল করার সময়, হেদায়েত করার সময়, রেজেক বণ্টন করার সময়, রুহ ফুৎকারের সময় - ইত্যাদি কয়টি বিশেষ ক্ষেত্রে আপনি একবারও 'আমি' শব্দটি পাবেন না, অকের হিশাবের মতো 'আমরা' অবশ্যই পাবেন। ইহার সৌন্দর্য, এত বিস্ময়কর এই রহস্য যে, ইহার আলোচনা করতে গেলে তোহিদ একেবারে উলঙ্গ হয়ে পড়ে। ইহার আলোচনা আল্লাহ চাহে তো করা হবে - তবে এক কথায় প্রত্যেক আমরা-রূপী আল্লাহ আমি-আল্লাহর আমার দলের সদস্য এবং প্রত্যেকে পূর্ণ হেদায়াতপ্রাপ্ত। প্রকৃত প্রস্তাবে এই আমার দলের সদস্যরাই ধর্মে দীক্ষিত করেন। কারণ, কেহই সহজে চান না বাপ-দাদার ধর্ম পরিত্যাগ করতে। ধর্মমত পড়তে এবং গবেষণা করতে একজন সহজেই এগিয়ে আসে, কিন্তু উহাকে বরণ করার প্রশ্ন উঠলেই প্রচণ্ড আঘাতের প্রয়োজন। এই মানসিক প্রচণ্ড আঘাত এক পীর-ফকির ছাড়া আর কেউ দিতে পারে না - ধর্ম গ্রহণের ইতিহাস এই কথাই আমাদেরকে জানিয়েছে। আমার এই অনুবাদ ও ব্যাখ্যার যুক্তি যত সুন্দরই হোক না কেন, হোক না যত বড় অকাট্য দলিল প্রমাণের দ্বারা প্রমাণিত, কিন্তু ইহার মূল্য চারটি পয়সাও আমি দেব না। যদি কোনো ওলিয়ে কাম্মেল বলেন যে, ফজরের কোরান বলতে পাঁচ ওয়াক্ত নামাজের কথাই বলা হয়েছে, তবে অবশ্যই উহা আমি মেনে নেব। কারণ, আমার অনুবাদ ও ব্যাখ্যা আমিত্ব ও স্বকীয়তার মধ্যে থেকে করা, ওলিয়ে কাম্মেল যে রকম অনুবাদ ও ব্যাখ্যাই দিন না কেন, উহা যদি আমার মতো আমি-ওয়ালাদের কাছে পছন্দ ও যুক্তিসঙ্গত নাও হয় তাতে কিছুই যায় আসে না। কারণ, যত বড় বিদ্যার কচকচানিই আমাদের থাক না কেন, ওলিয়ে কাম্মেলের সামনে আমাদের কোনো মূল্য আছে বললেও অতীব লজ্জার কথা। আমাদের মূল্য আমরা এত বেশি দিয়ে ফেলি যার দরুণ ইসলাম ধর্মের এমন অবস্থা। আমরা জীবনে বোধ হয় একটি মুসলমানও বানাতে পারি নি, বরং মুসলমানদের মধ্যে দলাদলি আর ফতোয়া মারতে পারি, তা এই অধম লেখকের লিখা দেখলেও বোঝা যায়। কত বড় বাঙ্কা পণ্ডিত, এই অধম লেখকের লিখা পড়লেই পাঠক বুঝতে পারবেন। কিন্তু আসল পদার্থ তথা কাম্মালিয়াতের 'ক'-ও অর্জন করতে পারি নি। কাম্মালিয়াত অর্জন না করে কলম হাতে নিলে কোনো অধিকারে? যদি আল্লাহ পাক প্রশ্ন করেন তবে কোনো উত্তরই দিতে পারবো না, বরং চোখের জলে ক্লমা চাইতে হবে এবং ক্লমা পাব কি না তা-ও জানি না। কারণ, আল্লাহকে পাবার পথে বিদ্যা হল সবচাইতে বড় পরদা - ইহা অধম লেখকের কথা নয়, ইহা আহমদে মুখতারের (আ.) কথা। অধম লেখকের কলমের শক্তি কতটুকু, পাঠকমাত্রাই বুঝতে পারবেন এবং এই লিখনীর মায়াজালে এমনভাবে জড়িয়ে ফেলেছি যে, নিজের ষাঁড়ের মতো স্বকীয়তা হতে মুক্তি পাই কি না জানি না, যদি কোনো ওলিয়ে কাম্মেলের একান্ত দয়া হয় এবং নেক নজর থাকে এবং পদসেবা করতে পারি, তবে হয়তো ওলিয়ে কাম্মেলের নুরি বীর্যের যে ধারা প্রবাহিত হয়ে চলেছে উহা হতে ওলির ইচ্ছায় পেতে পারি। ওলিয়ে কাম্মেলের নুরি বীর্যের যে

ধারা প্রবাহিত হয়ে চলেছে উহাকেই বলা হয় কাওসার। এই কাওসার শব্দটি সমগ্র কোরান পাকে মাত্র একটিবার উচ্চারিত হয়েছে। কাওসার শব্দটি সাংঘাতিক গুপ্তরহস্য। ইহার প্রকৃত অর্থ প্রকাশ করা শরিয়তে অশোভনীয়। ইহা নুরি বীর্যের একটি প্রবহমান ধারা। প্রতিটি বীজের মধ্যে প্রতিটি গাছের স্বভাব-চরিত্র লুকিয়ে থাকে। নিম্নগাছের ছোট বীজটাতে নিম্নগাছের গুণাবলি সুপ্ত অবস্থায় আছে। আমগাছের বীজের মধ্যে আমগাছের গুণাবলি ঘুমিয়ে আছে। আমের ছোট বীজটির মধ্যেই বিরাট আমগাছটির সব কয়টি গুণাবলি লুকিয়ে আছে। যখন এই বীজটি চারাগাছ হতে ধীরে ধীরে বড় হতে থাকে এবং অবশেষে একটি বিরাট গাছে পরিণত হয় তখন বোঝা যায় যে, এই বিরাট গাছের সবগুলো গুণই ঐ ছোট বীজটির মধ্যে লুকিয়ে ছিল - ভাবতেও অবাক লাগে যে, এত বড় গাছটার সমস্ত গুণাবলি কেমন করে এতটুকু বীজের মধ্যে লুকিয়ে থাকে - যে গাছের কাঠ দিয়ে নানা রকম জিনিসপত্র তৈরি হয় - খাট, পালং, চেয়ার, টেবিল, আলমারি ইত্যাদি - এই ফার্নিচারের মূলেও সেই ছোট বীজটি। গাছের ফল দিয়ে নানা রকম উপাদেয় খাদ্য তৈরি হয় - আচার, আমট, মোরঝা ইত্যাদি - এই উপাদেয় খাদ্যের মূলেও ঐ একই বীজ - আবার ইহার শিকড় ও পাতায় তৈরি হয় রোগমুক্তির বিভিন্ন ঔষধ - মূলে ঐ একই ছোট বীজ। একবার একটু ভেবে দেখুন তো, একটি ছোট বীজের ক্রমবিকাশের ধারার বিভিন্ন রূপগুলো কত বিচিত্র এবং বিস্ময়কর!

সামান্য একটি বীজ হতে যেমন বিরাট একটি গাছের জন্ম, তেমনি এক ফোঁটা বীর্যের মধ্যে নিহিত কোটি কোটি অতি ক্ষুদ্র বীর্যকীট যাত্রা চোখে ধরা যায় না, সেই একটি বীর্যকীট হতে একটি বিরাট মানুষের জন্ম। এই বিরাট মানুষটির দেহটি প্রথমে এতই ছোট ছিল যে, উহা খালি চোখে দেখা যায় না - দেখতে হলে অণুবীক্ষণ যন্ত্রের মধ্যে চোখ রাখলেই বোঝা যায় এর আয়তন কতটুকু। সাধারণ বীর্য তথা শুক্রের প্রবহমান ধারাকে কাওসার বলা হয় নি। নূরময় বীর্য তথা শুক্রের প্রবহমান ধারাকেই বলা হয়েছে কাওসার। কী সুন্দর রূপকতার আশ্রয় নেওয়া হয়েছে - সাত বেহেশ্তের যাবতীয় নালাগুলো বলতে একটি নূরময় মানবদেহ এবং দেহের ভেতর নুরি বীর্য চলাচলের বিভিন্ন পথগুলোকে বোঝানো হয়েছে। একটি জ্যোতির্ময় দেহই যে বেহেশ্ত এবং একটি নয় সব কয়টি বেহেশ্ত তথা সাতটি বেহেশ্তের পূর্ণ অবস্থান, উহাকেই রূপক ভাষায় কাওসার বলা হয়েছে। এই রূপকতার মধ্যে সত্য উপলব্ধি করতে যেন ভুল না করি তার জন্য কী সুন্দর করে পৃথিবীর মাটির সুগন্ধি আছে এই বেহেশ্তের কাওসারে। এখন কেউ যদি প্রশ্ন করেন যে, বেহেশ্তের কাওসারের মধ্যে আবার পৃথিবীর যে মাটি তার গন্ধ কেন এবং সেই গন্ধ আবার সাধারণ গন্ধ নয় - সুগন্ধিযুক্ত গন্ধ? রূপক ভাষায় সত্যটিকে আরও স্পর্শ করা হয়েছে এই বলে যে, সেই কাওসারের পানির রংটা কিম্বা পানির মতো নয় - সাদা দুধের চেয়েও সাদা এবং হরিণের নাভি অপেক্ষা সুগন্ধী। আমরা জানি সাধারণ বীর্যের রং সাদা এবং গন্ধযুক্ত। তাই এখানে আমাদের মতো সাধারণ বীর্যের কথা বলা হচ্ছে না - বলা হচ্ছে অতি অল্পসংখ্যক মহাপুরুষের তথা ফানাফিলাহর পর্যায়ের গুলিদের বীর্যের কথা কারণ, তারা আমাদের মতো সাধারণত ভিত্তিগে গেছেন তাই তাদের বীর্যের রূপ দুধের চেয়েও সাদা। এই দুধের চেয়েও সাদা এবং মৃগনাভির চেয়েও সুগন্ধী বলতে আর একটি রূপকতার আশ্রয় নেওয়া হয়েছে, অর্থাৎ আমাদের মতো সাধারণ বীর্য এটা নয়। কারণ, এই বীর্যের ধারার মধ্যে মহাপুরুষ জন্ম নেয় - আমাদের মতো নিটিক-ফিটিক জন্মাবে না। আরে ভাই, দুনিয়ার জিন্দেগিতেও আমরা দেখতে পাই, সাধারণত প্রতিভাবানের ঘরেই প্রতিভাবান জন্মায়। যেমন গাছ তেমন তার ফল - এটা কাওসারের মতো উঁচু পর্যায়ের দর্শন নির্ণায়ক না হোক, কিম্বা আমাদের সাধারণ জীবনেও অনেকটা বাস্তব সত্য। কিম্বা দুঃখ হলো কি, চরম সত্য কথা কোরান পাকের যেখানেই প্রকাশ করেছে সেখানেই একঝুড়ি রূপকের চিকমিক

করা কাগজে মুড়ে দিয়েছেন - তাই আসল সত্যটি সহজে ধরাই যায় না। তাই প্রায় সব তফসিরকারেরাই বাধ্য হয়ে অনেকটা পাগলের মতো আবোল-তাবোল যা-ইচ্ছা-তাই লিখে দায় সারেন। অনেকটা আদম-হাওয়ার গন্ধম খাবার রূপকের মতো। প্রায় সবাই আবোল-তাবোল কথার পাহাড় তৈরি করেছেন - কিন্তু আসলে উহা হলো যোনমিলন। কারণ, গম দেখতে অনেকটা নারী জাতির লজ্জাস্থানের মতো। অসম্ভবপ্রকার শালীনতার আশ্রয় গ্রহণ করতে গিয়ে রূপকের সাহায্য নেওয়া হয়েছে আর তারই দরুণ অনেকেই এর আসল অর্থটা বুঝে উঠতে পারেন না।

তাই নুরি বীরের প্রবহমান ধারার একটি চিরস্থায়ী অমরত্বের বৈশিষ্ট্য আতা করলেন তথা দান করলেন - কে? 'আমি'-আল্লাহ নয়, 'আমরা'-রূপী আল্লাহ। একবচনে দান করেন নি - দান করেছেন আল্লাহ পাক বহুবচনে। যারা আল্লাহর দাস তাঁদেরকে নিয়ে তিনি 'আমরা'। একটি মোমবাতির আলো দিয়ে হাজার বাতি আলোকিত করা যায়, তাতে প্রথম মোমবাতিটির আলো এতটুকু কমবেশ না, বাড়বেশ না। হাজার বাতির আলোর নাম 'আমরা' আলো - কিন্তু বহুবচন ব্যবহার হলেও আলো আসলে এক এবং অদ্বিতীয়। হাজারের মধ্যেও তিনি, অগণিতের মধ্যেও তিনি, আবার একের মধ্যেও তিনি - কী অপূর্ব বিজ্ঞানময় সুন্দরম সত্যম, সেকেড টু নান।

এত বড় দান, যা সমস্ত কোরান পাকের সাতাশের হাজার নয়শত তেতাল্লিশটি শব্দের মধ্যে মাত্র একটি শব্দ - সেই আকাঙ্ক্ষিত শব্দটির নাম 'কাওসার' যাহা আতা করলেন অবশ্যই শব্দটি যোগ করে, সুলতানে আখিয়া (আ.)-কে আরবি ভাষার কোরান-এ এই বলে - ইননা আতোয়াইনা কান্ কাওসার - নিশ্চয়ই আমরা আতা করলাম আপনাকে কাওসার। এত বড় অমূল্য সম্পদ আপনি পেয়েছেন সুতরাং সালাত করুন আপনার রবের জন্য - এখানেও আরবি কোরান-এর ভাষার সৌন্দর্য অপূর্ব বিজ্ঞানময় কারণ, এখানে সালাত কায়েম করতে বলেন নি। কারণ, সুলতানে আখিয়া (আ.) সালাত কায়েমের বহু উর্ধ্বে, তাই বলা হচ্ছে ফাসাললে লে রবিবেকা এবং কোরবানি করুন তথা ওয়ানহার। একমাত্র উট ছাড়া অন্য কোনো পশুকেই এই কোরবানি করার মধ্যে সম্পূর্ণ রূপকভাবে গ্রহণ করা হয় নি। কেন? উটকেই এখানে কোরবানি করার প্রতীকরূপে কেন বলা হলো? এ আবার আরেক রহস্য। উটকে দাঁড়ানো অবস্থায় প্রথমে বর্ষা ফলক ছুঁড়ে মারতে হয় বুকে এবং কঠনালীতে। দাঁড়ানো অবস্থায় উটের বুক ও গলা দিয়ে রক্ত হ হ করে বেরিয়ে যেতে থাকে। ওহদের যুদ্ধে সুলতানে আখিয়ার (আ.) পবিত্র রক্ত ঝরেছে, অচেতন্য অবস্থায় পড়েছিলেন, কিন্তু শাহাদাত বরণ করেন নি। হোসায়েন মিননি, ওয়া আনা মিনাল হোসায়েন : সুলতানে আখিয়ার (আ.) কী বিস্ময়কর ঘোষণা - কী বিস্ময়কর মর্যাদার সর্বোচ্চশৃঙ্গ! নিরপেক্ষ দৃষ্টির নিরপেক্ষ দর্শনের পাল্লায় মণ্ডলা আলির চেয়েও উচ্চ মর্যাদার পূর্ণ ইজিত - সেই দানবীয় উচ্ছ্বাসের প্রেতনৃত্য নুরি বীরের পবিত্রতম পঞ্চধারার উপর যখন ইট-পাথরের তৈরি মসজিদের মিম্বরে অভাবনীয়, অচিহ্ননীয় অভিসম্পাত বর্ষণ করা হতো প্রতি জুম্মার নামাজের খোতবায় - ভাবতেও শরীর ঘুণায়, লজ্জায় রি রি করে ওঠে। সেই সময়ের সংগ্রহ করা এই সেই মূল্যবান হাদিসটি। যাদের মুখে মুসলমান শুনবে লক্ষ হাদিস তাদের মুখে শব্দ নেই কেন? যারা হাদিস সংগ্রহ করেছেন তারাও প্রাণের ভয়ে মাওলা আলির বর্ণিত হাদিস খুব বুঝে শুনেই গ্রহণ করতেন - হাল্কা মূল্যের কোনো প্রয়োগপদ্ধতির হাদিস না হলে। কারণ, তাতে দেহের মধ্যে মাথাটি নাষ্ট থাকতে পারে।

সুলতানে আখিয়ার (আ.) সাহাবাদের আমরা একই তাজিমের দৃষ্টিতে দেখি। ছোট-বড় মর্যাদা থাকলেও আমরা সবাইকে অতীব শ্রদ্ধার সহিত তাদের নাম নেই। আল্লাহ পাক নবিদের মধ্যে পার্থক্য করতে যেমন বারণ করে দিয়েছেন আবার উচু-নিচুও করে রেখেছেন তিনি নিজেই। আল্লাহ পাক আরবি কোরান-এ দিবালোকের

মতো স্পষ্ট ভাষায় সকল নবির চেয়ে হজরত মোহাম্মদ (আ.)-কে যে সর্বোচ্চ আসনে স্থান দিয়েছেন উহা প্রায় তফসিরকারকদের আজ পর্যন্ত নজরেই পড়ে নি। দলিল-প্রমাণের দ্বারা প্রমাণ না করে অনুবাদকারীরা গায়ের জোরে শ্রেষ্ঠত্ব প্রমাণ করতে চাইছেন। পার্থক্য এবং অনুবাদকারী শ্রদ্ধেয় ভাইদেরকে অনুরোধ করি সূরা আলে এমরানের একাশি নম্বর আয়াতটি মনোযোগ সহকারে অধ্যয়ন করতে। এই একাশি নম্বর আয়াতই হজরত মোহাম্মদ (আ.) যে সর্বশ্রেষ্ঠ নবি উহার জুলন্ত প্রমাণ। আরবি কোরান-এর আর একটিও আয়াত নেই সুলতানে আশ্বিয়ার (আ.) শ্রেষ্ঠত্বের এত সুন্দর অকাট্য দলিলরূপে বিবেচিত হতে পারে। অধম লেখকের সবচাইতে বড় দোষ হলো যে, সে সাংঘাতিকভাবে নিরপেক্ষ। ধর্মের সাইনবোর্ডে সে বিশ্বাসী নয়। কারণ, সাইনবোর্ড মনে আনন্দ দিতে পারে, কিন্তু সত্যের দেশে নিয়ে যেতে পারে না। সে কারো দিকে তাকিয়ে কিছু লিখতে জানে না - এতে পার্থক্য বেজার অথবা খুশি যাই হোক তাতে তার কিছুই যায় আসে না। তবে সংখ্যার দিক দিয়ে পৃথিবীতে হজরত ইসা (আ.) তথা জেসাস ক্রাইস্ট তথা যিশু খ্রিস্টের উন্নত সবচাইতে বেশি। উন্নত তথা অনুসারী কোনো নবির সবচাইতে বেশি বলে প্রমাণ করলে হজরত ইসার (আ.) নামই হবে প্রথম এবং যদি বেশি উন্নত যার তিনিই শ্রেষ্ঠ এই মানদণ্ডে বিচার করা হয় তবে হজরত ইসাকে (আ.) সর্বশ্রেষ্ঠ মর্যাদার আসন দিতেই হবে। কারণ সত্য অপ্রিয় হলেও সত্য।

আল্লাহ পাক যেমন নবিদের মর্যাদার উচু-নিচু নিজে করে নিজেই আমাদেরকে ছোট-বড় করতে বারণ করে দিয়েছেন, ঠিক সে রকম সরদারে হাশেমি, ইমামে কেবলাতাইন (আ.)-ও সাহাবাদের মধ্যে মর্যাদার উচু-নিচু করে নিজেই আবার তা বারণ করে দিয়েছেন। কারণ, ইলেকট্রিসিটি তথা বিদ্যুৎ মূলত এক, অথচ কিছু বাস্তবগুলো বিভিন্ন প্রকার এবং অথচ একক বিদ্যুতের ধারণ ক্ষমতার প্রকারভেদ থাকতে পারে এবং উচু-নিচু মর্যাদায় আলো ছড়ীতে পারে, কিন্তু বিদ্যুৎ এক এবং ইহার ভাগ করা যায় না, তাই ইহা আহাদরূপে বিরাজমান। নবিরাজ আহাদরূপে বিরাজমান, তাই 'নুফারেক' তথা পৃথক করা যায় না। তাই যে যার নবির শ্রেষ্ঠত্ব ঘোষণা করে। তার ব্যক্তিগত স্বাধীনতা ও দর্শনকে শ্রদ্ধাই জানানো। কারণ, মূলত নবিরাজ সবাই এক। সিরাজুম মুনিরার (আ.) মর্যাদার হাদিসগুলো পড়লে নিরপেক্ষ দৃষ্টিতে বিচার করলে দেখা যায় যে, ইমাম হোসায়েনকেই শ্রেষ্ঠত্বের তাজ মাথায় পরিয়ে দিয়েছেন, তারপর মওলা আলিকে, তারপর মা ফাতেমাকে এবং তারপর ইমাম হাসানকে এবং তারপর অন্যান্য সাহাবাদেরকে। (অবশ্য ইহা অধম লেখকের নিজস্ব মত এবং আমার মত ভুলও হতে পারে।) এদের মর্যাদার সামনে হজরত আবুবকর সিদ্দিক, হজরত ওমর ফারুক এবং হজরত ওসমান ধারে-কাছেও ভিড়তে পারবেন না। কারণ, পাক পাশ্চাতন কাণ্ডসারের দাতা, আর তাঁরা হলেন গ্রহিতা। বিজ্ঞানের জন্য এই একটি বাক্যই বুঝবার জন্য যথেষ্ট। ইহা অপ্রিয় হলেও সত্য কথা। কারণ, ইহা অধম লেখকের কথা নয় - স্বয়ং সরকারে দো আলমের (আ.) কথা। হোসায়েন মিননি ওয়া আনা মিনাল হোসায়েন - এই একটিমাত্র হাদিসই যথেষ্ট সর্বশ্রেষ্ঠত্বের প্রমাণের জন্য, যদিও আরও অনেক মর্যাদার হাদিস ইমাম হোসায়েনের উপর আছে। হাদিসটির বাংলা অনুবাদ হলো 'আম্মা হতে (হজরত মোহাম্মদ হতে) হোসায়েন এবং আমি (হজরত মোহাম্মদ) হোসায়েন হতে।' 'আম্মা হতে হোসায়েন' ইহা অতি সহজেই বোঝা যায় এবং ইহা স্বাভাবিক, কিন্তু 'হোসায়েন হতে আমি' ইহা খুবই সাংঘাতিক কথা এবং ইহা বোঝাতে গেলে মাথা ভোঁ ভোঁ করে ঘুরায় এবং ইহা খুবই অস্বাভাবিক মনে হয়। কারণ, হজরত মোহাম্মদ (আ.) কেমন করে হোসায়েন হতে, এই প্রশ্নের উত্তর কেউ জানে কি না জানি না, তবে অধম লেখক

ইহার রহস্য বহু চেষ্টা করে আজও পর্যন্ত কিছুই বুঝতে পারি নি - কেমন যেন সব গুপ্তরহস্যের ধুমুজালে ছেয়ে আছে।

‘ওয়ানহার’-এর মতো স্বয়ং হজরত মোহাম্মদ (আ.) কারবালার মাঠে হোসায়েন নামক পবিত্র নামের উপাধি ধারণ করে, নাভিমূল হতে মাথা পর্যন্ত মোহাম্মদি সুরত নিয়ে, মোহাম্মদের তরবারি হাতে নিয়ে, মোহাম্মদি পাগড়ি মাথায় ধারণ করে, অসত্যের বিরুদ্ধে আপোষহীন সংগ্রাম করে আলি আকবর, আলি আসগরসহ প্রায় সবাই বুক আর কণ্ঠে তরবারির আঘাতে পুতপবিত্র রক্ত মোবারক কারবালার উষ্ণ বালিতে ঝরিয়ে বরণ করলেন শাহাদাত। আনি মিনাল হোসায়েন - ‘আমি হোসায়েন হতে’ তবে কি কারবালার মাঠে ইমাম হোসায়েন শহিদ হন নি? তবে কি গণনায় দুইটি পবিত্র দেহে একই একমাত্র কাওসার? তবে কি কাওসারের মতো সর্বশ্রেষ্ঠ দানের প্রতিদান এই ফাসাল্লে লে রাব্বেকা ওয়ানহার তথা যেহেতু সর্বশ্রেষ্ঠ দান কাওসার (সেহেতু) সুতরাং আপনার রবের জন্য সালাত করুন এবং কোরবানি করুন? এই কারবালার প্রান্তরে যুদ্ধরত অবস্থায় যে বা যারা আপনার পাশ হতে কেটে পড়ে সে বা তারা কাওসার তথা নুরি বীর্যের প্রবহমান ধারার মহানৈয়ামত হতে বঞ্চিত, অর্থাৎ আপনাকে যারা এড়িয়ে যায় তারা নিঃসন্তান। এই ‘নিঃসন্তান’, এই আবতার তথা লেজকাটা শব্দটি আর একটি সাংঘাতিক গুপ্তরহস্যপূর্ণ কথা। কারণ, যারা হজরত মোহাম্মদ (আ.)-এর বিরুদ্ধে ছিল এবং আছে তাদের কি ছেলে-মেয়ে নেই? হ্যাঁ, সত্যিই তাদের কোনো সন্তান নেই। তাদের একেকজনের ডজন-ডজন ছেলে-মেয়ে থাকতে পারে, তবু তাদের কোনো সন্তান নেই। কেন? কারণ, সেইসব সন্তানদের মধ্যে নুরি বীর্যের প্রবহমান ধারা নেই - এই নুরি বীর্যের ধারা হতে তারা বঞ্চিত। সুতরাং তারা আকারে যদিও মানুষের মতো, কিন্তু প্রকৃতই তারা পশু। তাদের ভাগ্যে পশুজন্ম ছাড়া আর কী থাকতে পারে? যদিও মানুষের মতো হবহ দেখতে, তাই মানুষ বলে ভ্রম হয়। যারা মানুষ জন্ম দেয় নি, দিয়েছে মানুষরূপী পশু, তারা কি নিঃসন্তান নয়? তারা কি অপুত্রক নয়? এই পৃথিবীতে যত প্রকার আলাহর দান আছে তার মধ্যে কি সং পুত্র তথা নুরি বীর্যের পুত্র লাভ করা সর্বশ্রেষ্ঠ দান না? সুতরাং নিশ্চয়ই যে আপনাকে এড়িয়ে যায় সে নিঃসন্তান। এই ‘আপনি’ বলে ডাকছেন যে হজরত মোহাম্মদ (আ.)-কে, তিনি কে? তিনিই নুরে মোহাম্মদি রূপে বিকশিত হয়ে ছুটে চলেছেন নুরি বীর্য দান করতে। কাকে? যে বা যিনি আপন আমিতু তথা আপনি স্বকীয়তা পরিত্যাগ করে নুরে মোহাম্মদিতে ফানা তথা বিলীন হতে পেরেছেন তাকে এই মহানুরি বীর্য দান করতে। তাই প্রতিটি গুলিয়ে কামেলের মধ্যে এই নুরি বীর্য ধারণ ইয়ে আছে নুরে মোহাম্মদের একমাত্র কাওসার হতে।

মোহাম্মদ নামক নুরের মোমবাতি হতে যত হাজার নুরের মোমবাতির আলো ছড়িয়ে পড়ক না কেন উহা এককের মধ্যেই এক নুর। আলী এমরানের একাশি নম্বর আয়াতের ভাষায় নুরি মোহাম্মদি মোমবাতি হতে যে হাজার নুরি বাতি একই আলোয় আলোময় ইয়ে আছে তাদের আলোর সামনেও পূর্ববর্তী নবিদের মর্যাদা একই রকম। কারণ ‘হোসায়েন যেমন মোহাম্মদ হতে তুমনি মোহাম্মদও হোসায়েন হতে’-এর গুপ্তরহস্য যিনি উপলব্ধি করেছেন তিনি আর চেচামেচি করবেন না।

মণ্ডলা আলি এবং ইমাম হোসায়েনের মধ্যে মর্যাদার পার্থক্য নির্ণয় করা বোকামি এবং বেয়াদবি। কারণ নুরি সাগরের সবাই এক একটি নুরি মাছ। অবশ্য এই নুরি মাছের আয়তনে বড়-ছোট থাকতে পারে এবং কে বড় এবং কে ছোট ইহার গবেষণা না করে নিজে কেমন করে নুরি বীর্যের অধিকারী হয়ে নুরি মাছে পরিণত হতে পারবো সেই ফিকিরে থাকাই আমাদের অবশ্য এবং একমাত্র কর্তব্য। তবে যদি সাহেবে মেরাজ (আ.) মর্যাদার পার্থক্য করে যান, উহার কেবলমাত্র বর্ণনা দিতে পারি, কিন্তু মন্তব্য অশোভনীয়। আমিতুর আধারে থেকে এই বর্ণনা করতে গিয়েও ভুল এবং বেয়াদবির সমূহ বিপদের সম্ভাবনা আছে। তবে খুব সতর্ক এবং নিরপেক্ষ ইয়েই করতে হচ্ছে। আমরা হজরত সাহেবে মেরাজের (আ.) হাদিস হতে যা

পেয়েছি কেবল উহারই বর্ণনা করছি। যদিও প্রায় লোকেই জানেন যে, হজুর পাকের (আ.) সাহাবাদের মধ্যে সবচাইতে উচ্চ মর্যাদাসম্পন্ন হলেন মাওলা আলি। কয়টি হাদিসের গভীরতা দেখলেই উহা দিবালোকের ন্যায় স্পষ্ট হয়ে ধরা পড়ে। যেমন হজুর পাক (আ.) বলছেন, ‘আমি যার মওলা, কোনো সন্ধেই নেই আলিও তার মওলা’; আবার বলছেন, ‘আমি জ্ঞানের শহর, আলি তার দরজা’; এবং আবার বলছেন, ‘আলির মূল্য আমার কাছে ততটুকু, দেহের মধ্যে জীবনের মূল্য যতটুকু’; আবার বলছেন, ‘যে আলিকে সাহায্য করে সে আমাকে সাহায্য করে এবং যে আলি হতে মুখ ফিরিয়ে নেয়, সে আমা হতে মুখ ফিরিয়ে নেয়’; আবার বলছেন, ‘আলি আমার কাছে সে রকম, যে রকম মুসার কাছে হারুন, যদিও আমার পর নবি নেই’; আবার বলছেন, ‘যে আলির বিরুদ্ধে অস্বধারণ করে, সে আমার বিরুদ্ধে অস্বধারণ করে এবং যে আমার বিরুদ্ধে অস্বধারণ করে, সে আল্লাহর বিরুদ্ধে অস্বধারণ করে।’

হজরত ইমাম বোখারি সাহেব তার বোখারি শরিফ সংগ্রহ করতে যায়ে তিনি হাদিসের ব্যাখ্যা দিতে গিয়ে একস্থানে অতি স্পষ্ট ভাষায় হজরত মুয়াবিয়া (রা.)-কে কাকের ফতোয়া দিয়েছেন এবং তার প্রকাশ্যে প্রাণদণ্ড প্রদান করেছেন। যদিও হজরত মুয়াবিয়া (রা.)-এর অনেক পরে এই ফতোয়া দেওয়া হয়েছে। কারণ, তখন তিনি জন্মগ্রহণই করেন নি। অনেকটা ইংরেজ দার্শনিক রাসেলের দেওয়া মৃত্যুদণ্ডের ফতোয়ার মতো। আফ্রিকার সোমালিয়া নামক দেশে রক্ষিত ইমাম বোখারির ব্যাখ্যাসহ বোখারির ম্যামত ওয়ার্কসে হজরত মুয়াবিয়ার (রা.) বিরুদ্ধে এ রকম ফতোয়ার ইতিহাস জানতে পারি। অবশ্য এই ফতোয়াটি বাদ দেওয়া হয়েছে এবং আমার মতে বাদ দিয়ে ভালোই করা হয়েছে। কারণ, ইহাতে অশ্লীলতা এবং বিভেদের কাদা ছোঁড়াছুঁড়ি হবার ভয় আছে। কারণ ইমাম বংশ হলো করুণার কাওসার। গলায় ছুরি হাসিমুখে বরণ করে নিয়েছেন, তবু আল্লাহর কাছে ফরিয়াদ করেন নি। কারণ, ফরিয়াদ করলে বিরুদ্ধ দল সঙ্গে সঙ্গে ধ্বংস হয়ে যেত। আঘাতের বিনিময়েও প্রেম বিতরণ করাই ইমাম বংশের আদর্শ। নবি আর ইমাম ধ্বংস করতে আসেন না, তারা আসেন গড়তে, হাসিমুখে প্রাণ বলি দিয়ে প্রেমের মূল্যবোধকে দাঁড় করাতে। যিশু যদি নির্মম-নিষ্ঠুর আঘাতের বিনিময়ে হাসিমুখে মৃত্যুকে আলিঙ্গন করে ক্লম্বা করে দিতে পারেন তবে পাক পাজাতন কি সে রকম ক্লম্বা করতে পারেন না? তাদেরকে কি তবে মনের অজান্তে ভাবপ্রবণ হয়ে পৃথিবীর কাছে সূক্ষ্মভাবে খাটো করা হচ্ছে না? শুদ্ধেয় শিয়া ভাইয়েরা এই ব্যাপারে অতিরিক্ত উচ্ছ্বাস দেখাতে গিয়ে অনেকখানি খাটো করে ফেলেছেন অথচ তারা মনে করেন যে খুব একটা প্রেম প্রদর্শন করলাম। অবশ্য তাদের প্রেমের উপর কটাক্ষ করার ঐচ্ছ্য আমার নেই। কারণ, প্রত্যেকের মন্তব্য করার ব্যক্তি স্বাধীনতা আছে। একবার ভেবে দেখুন তো! অবশ্য বেয়াদবি না করে নিরপেক্ষ মন নিয়ে। হজরত ইব্রাহিম (আ.) তার আপন পুত্রকে কোরবানি করতে গিয়ে হাত থর থর করে কাঁপছে। মমতার কাছে উৎসর্গ হার মীনতে চাইছে। তাই কাপড়ে চোখ দুটো বেঁধে নিতে হলো, অথচ ইমাম হোসায়েন নামক হজরত মোহাম্মদ (আ.) করিবালার মাঠে একটি একটি করে সন্তানদের কোরবানি দিয়ে চলছেন। পা হতে মাথা পর্যন্ত একদম হবহ হজরত মোহাম্মদের সঙ্গে মিল আলি আকবরের, যার কণ্ঠস্বর শুনতে হজরত মোহাম্মদের (আ.) কণ্ঠস্বর বলে ভুল হয় - সেই সদ্য যৌবনপ্রাপ্ত আলি আকবর শহিদ হলেন। শহিদ হলেন দুধের শিশু আলি আসগর। তবু তো আল্লাহ পাকের কাছে করেন নি কোনো ফরিয়াদ। কোনো কাতর যাচঞা। ভেবে দেখুন তো, একটু চোখ বন্ধ করে চিন্তা করুন তো সেই কারবালার দৃশ্য। সেই পানির পিপাসায় ছাতি-ফাটা আলি আসগরের শহিদ হবার দৃশ্য। তুলনা করতে গেলে কি হজরত ইব্রাহিমের (আ.) কোরবানি প্রদীপ হাতে সূর্য খোঁজার মতো তুলনা হয় না? দেহের মৃত্যু প্রেমের জীবন। যুক্তির কবর প্রেমের প্রাণ। যে হাতের প্রেমের স্পর্শে প্রেম প্রজ্জ্বলিত হয়ে বিকিরণ করে প্রেম সেই

হাতে পার্থিব সম্মানের মৃত্যু হিম্মশীতল হয়ে বিকিরণ করে মহাক্সমা। সেই মহাক্সমার বেদিতে পুষ্পের অর্ঘ্য করতে গিয়ে কেবলই পুষ্পার্ঘ্য করতে পারে না, সঙ্গে চোখের অক্ষণ্ড মনের অজ্ঞাপ্তে দিয়ে ফেলে উপহার। ফুল তখন পাথর মনে হয়। মনে হয় তবে কি পাথর উপহার দিলাম? আবেগের ঢেউ তোলা উচ্ছ্বাসে নিজেকে সামলিয়ে নিতে পারেন নি হজরত ইমাম বোখারি। তাই কাকের আর মৃত্যুদণ্ডের ফতোয়া দিয়ে চরম ঘৃণা প্রকাশ করলেন হজরত মুয়াবিয়ার (রা.) বিরুদ্ধে।

সবচাইতে বেদনাদায়ক অপ্রিয় সত্য কথা হলো, যারা হজরত পাকের (আ.) সঙ্গে দৈনন্দিন সংসার জীবনের সঙ্গে ছিলেন নিবিড়ভাবে জড়িত, যারা রসুল পাকের (আ.) আপন পরিজন, তাঁদের মুখে বর্ণিত হাদিসের সংখ্যা যে তুলনীয় মুসলিম জাহান আশা করেছেন তার হাজারভাগের একভাগও নেই বললেই চলে। এটি অতি নগণ্য সংখ্যক হাদিস পাওয়া যায় যাহা প্রতিটি বিজ্ঞ মানুষকে অবাক করে এবং শত প্রশ্নের শত জিজ্ঞাসা হাঁ করে থাকে। যে কোনো মহাপুরুষ তার পরিবার পরিজন ও দেশের পরিবেশের প্রভাবকে অস্বীকার করতে পারেন না। বিশ্বমানবজাতির জন্য একজন মহাপুরুষ হলেও এই পরিবেশের প্রভাব কিছুটা প্রকাশিত হবেই। সুতরাং রসুল পাকের (আ.) পারিবারিক জীবনের সঙ্গে যারা ওতপ্রোতভাবে জড়িয়ে ছিলেন তাঁদের নিকট আমরা অনেক মূল্যবান হাদিস পেতাম। কিন্তু অত্যন্ত পরিতাপের বিষয়, ইহা হতে একদম নিরাশ হওয়া ছাড়া উপায় নেই। তা ছাড়া হজরত পাকের (আ.) হাদিসগুলো এমন এক সময় সংগ্রহ করার পরিকল্পনা নেওয়া হয়েছিল যখন জুম্মার নামাজের খোৎবায় নবিবংশের উপর এতটুকু করুণা প্রদর্শন করা তো দূরে থাক, বরং যাহা চিত্তাই করা যায় না, যাহা মনের মধ্যে ধারণা হতেও ঘৃণা এবং বিদ্বেষ করে, সেই অভিশাপ বর্ষণ করা হতো। নবির বংশের উপর অভিশাপ বর্ষণ করা - তাও আবার আল্লাহর ঘর বলে কথিত ইট-পাটকেলের মসজিদে (কারণ ইট-পাটকেলের মসজিদকে কোরান পাকের কোথাও মসজিদ বলা হয় নি। হুদয়ের ভেতর যে মানবসত্তা বিরাজমান উহাকেই আল্লাহর মসজিদ বলা হয়েছে) জুম্মার নামাজে যে খোৎবা পাঠ করা হয় সে খোৎবায়। যারা নামাজ পড়তে যেতেন তারা তো আমাদের মতোই মুসলমান, কিন্তু নবিবংশের উপর এই অভিশাপ বর্ষণ করা কেমন করে হজম করে নিতেন ইহা ভাবতে গেলে অবাকের চেয়েও বড় অবাক হতে হয়। উমাইয়া বংশের খলিফা নামধারীদের এহেন কীর্তিকলাপ সত্যই কলঙ্কিত করেছে ইসলামের ইতিহাস।

জনৈক নাস্তিক জাদরেল লেখক তাই হয়তো ইসলামের সাম্মে মুগ্ধ হয়ে আক্ষেপের সহিত মন্তব্য করতে বাধ্য হয়েছিলেন এই বলে যে 'যদি' আমরা মুয়াবিয়ার বিশ্বাসঘাতকতায় রাজত্ব প্রতিষ্ঠিত হয়ে জনসাধারণের বায়তুল মাল মুর্ফিমেয় খলিফা নামধারীদের পরিবার-পরিজনদের হাতে চলে না যেত, যদি খলিফা ওমরের "উটের পিঠে যতটুকু খলিফার বসে যাবার অধিকার ততটুকু চাকরের আছে" এই আদর্শ সর্বকর্মে বিরাজ করতো, তবে কার্ল মার্কস কোনো দিন গরিব সর্বহারার অর্থনৈতিক মুক্তির সনদ ক্যাপিট্যাল রচনা করার কল্পনাও অনুভব করতেন না। আজ হয়তো ইসলামের আলোতে মর্ত্যের মাটি মিথ্যার খুলি চুরমার করে দিত।'

আঘাতের বিনিময়ে আঘাত প্রদান করা হলো সামাজিক আইন, কিন্তু আঘাতের প্রতিদানে ক্ষমা করতে পারলে হয় প্রেম। কারণ, আল্লাহ পাক ছাড়া কিছুই নেই। সুতরাং প্রেমও তিনি, আঘাতও তিনি। তাই তিনিই পরম দয়ালু এবং চরম শাস্তিদাতা এবং চরম সত্য তিনিই দাতা, তিনিই গ্রহীতা, তিনিই আশেক, তিনিই মাগুক, তিনিই প্রেমের মধুমিলন, আবার তিনিই প্রেমের বিরূহে বিরহী। কারণ, তিনি ছাড়া কিছুই নেই। তাই তিনি আহাদ তথা অ্যাবসোলিউট তথা অখণ্ড একক। অবশ্য সামাজিক আইনের মানদণ্ডে হজরত মুয়াবিয়ার (রা.) দ্বারা মোহান্নদি ধর্মের যত বড় ক্ষতি হয়েছে এবং মওলা আলির বিরুদ্ধে সিকফিনের যুদ্ধে অস্বধারণ করে যে

কলকজনক অধ্যায়ের সূচনা করেছেন তাতে তাঁর উপর যে কোনো ধরনের শাস্তির ফতোয়া দেওয়া চলে এবং এই ফতোয়ার সঙ্গে আমিও একমত পোষণ করি।

যারা হজুর পাককে (আ.) আমাদের মতো সাধারণ মানবরূপে বিবেচনা করেন এবং কোরানি পাকের বাণী 'আনা বাশারুম মিসলেকুম'-এর দোহাই দিয়ে যা ইচ্ছা তাই প্রমাণ করতে চেষ্টা করেন, তাদের সঙ্গে অনেকেই একমত হতে পারেন এবং ইহাতে আপনাকে বলার মতো কিছু নেই, কারণ চিন্তার স্বাধীনতা অবশ্যই আপনার আছে, তবে আমি অধম লেখক এর মধ্যে থাকতে চাই না। কারণ জীবনে আমি কিছুই শিখতে এবং জানতে পারি নি। কেবলমাত্র একটি বিষয় ভালো করে জানলাম বলে অহঙ্কার করতে পারি এবং সেই বিষয়টি হলো, 'জ্ঞান অর্জনের শেষ জ্ঞানটির নাম কি তুমি জান? শেষ জ্ঞানটির নাম হলো - আমি জানি না, কারণ জ্ঞানের কোনো সীমা নেই এবং আল্লাহ পাকেরও কোনো সীমা নেই।'

দর্শনের ব্যাপকতাভিত্তিক আলোচনা

কবরে যাবার আগে মানুষের শেষ কান্নাটির নাম কি তুমি জান? সঙ্গীত তার নাম। কারণ, সব কিছু এলোমেলো চিন্তার বাঁধনে সঙ্গীত উপহার দেয় একটু বিশ্রাম, একটু জিজ্ঞাসার আড়ালে বেদনায় মিশ্রিত বুক হাল্কা করার চোখের জল, না হয় একটি দীর্ঘ নিঃশ্বাস। আমার কলমের দাগগুলো কারো মনে দাগ না কাটুক। কারণ, যুক্তি ও অভিজ্ঞতা আপনাকে উপহার দেবে ন্যায়ের আইন, কিছু প্রেম ও সত্য দিতে পারবে না।

চোখ খুলে দেখা এবং চোখ বুজে দেখা - এই দুটো দেখাকে আমরা ভাগ করে নেই। কারণ, খোলা চোখে দেখার নাম বাস্তব এবং চোখ বুজে দেখার নাম স্বপ্ন বা কল্পনা। বাস্তবকে বলি সত্য এবং স্বপ্নকে বলি অবাস্তব বা মিথ্যে। দর্শন কিছু একটি। নাম দিলাম দুটি। অনেকটা সঙ্গীতের সুরের মতো। শ্রবণ কিছু একটি। নাম দিলাম দুটি। একটি কান দিয়ে শোনা, অপরটি হৃদয় দিয়ে শোনা। বেদনা কিছু একটি। নাম দিলাম দুটি। চোখ দিয়ে জল পড়ার বেদনা একটি, আর অপরটি হলো অস্তরের ভেতর তুষের আগুন জ্বলার মতো বোবা বেদনা। একটি দেখা যায়, অপরটি দেখা যায় না। আঁট কিছু একটি। নাম দিলাম দুটি। সাদা চোখে আঁটের এক ভাব, আর হৃদয়ের অনুভূতিতে এক ভাব।

তবে কি প্রত্যেকটিরই বাহির এবং ভিতর আছে? তবে কি চোখের দেখাটা বাহির এবং চোখ বুজে দেখাটা ভেতর? তবে কি আমি দেখি না, আমার চোখ দেখে? চোখ হলো লাইটের বাস্তবের মতো। বাস্তব ফিউজ তথা অন্ধ হলে আলোকিত হবে না। আলোর ফোকাস বেরবে না। চোখ ফিউজ তথা অন্ধ হলে দেহেতে জীবন থাকলেও দেখা যাবে না। চোখ এবং জীবন উভয়টি ঠিক থাকলে দর্শন হয়।

মৃত্যু একটি অবস্থা বা পরিবেশ। একরূপ হতে অন্যরূপ ধারণ করে এই মৃত্যুর মাধ্যমে। মৃত্যু বলতে 'কিছুই নেই' (নন একজিসটেনস) নয়। মৃত্যু বলতে কোনো কিছু একদম নেই হয়ে যাওয়া বোঝায় না। একদম নেই কোনো কিছুই হয় না, হতেই পারে না - এটা বিজ্ঞানের এই পর্যন্ত জ্ঞানসাধনার যে ফল তারই সিদ্ধান্ত। তবে শত কিংবা হাজার বছর পর আবার কী রায় বা সিদ্ধান্ত বিজ্ঞান দেবে, না এই সিদ্ধান্তই বলবৎ থাকবে, তা আমি জানি না। কারণ, এরই মধ্যে কোনো কোনো বিষয়ের উপর যে পূর্বসিদ্ধান্ত ছিল উহা কোনো কোনো ক্ষেত্রে আংশিক আবার সম্পূর্ণ বদল হয়ে গেছে। জ্ঞানরাজ্যে 'এখানেই সব জ্ঞানের শেষ' - এক উল্লাস ছাড়া কেউ বলতে পারে না।

এক কথায় মৃত্যু হলো পরিবর্তন। মানুষ প্রথমে একটি সদ্যোজাত শিশু। ইহা একটি বিশেষ রূপ বা অবস্থা। বার বছর পর সম্পূর্ণ আর এক রূপ। কারণ, এখন সেই

সদ্যোজাত শিশুটি হাঁটতে পারে, দৌড়াতে পারে এবং কথা বলতে পারে। আমরা বলতে পারি যে, সদ্যোজাত শিশুরূপটির মৃত্যু হয়েছে তথা পরিবর্তন হয়েছে এবং বালকরূপ ধারণ করেছে। এ রকমভাবে একটা ধরা-বাঁধা গতিতে রূপ বদলাতেই থাকবে। অবশেষে একসময় সেই বালকটি বৃদ্ধের রূপ ধারণ করবে। এ আবার আর এক রূপ। বালকরূপের এখানে হয়েছে মৃত্যু তথা পরিবর্তন। বৃদ্ধরূপ হতে সেই সদ্যোজাত শিশুটির আত্মা যখন বিদায় নিল তথা মৃত্যু হলো তখন আর প্রাণটিকে দেখতে পাই না। আমরা কেবল এতদিন মাটির দেহটারই পরিবর্তন দেখে আসছি। ছোট থেকে কেমন করে আস্তে আস্তে বড় হলো, তারপর বুড়ো হলো - শুধু এই পরিবর্তনটাই দেখে এসেছি। প্রাণহীন দেহ আর চলতে পারে না এবং তখনই বুঝতে পারি যে, দেহটাই আসল বা মূল নয়। মূল যেটা এতদিন ছিল উহা আর নেই। উহা দেহ ছেড়ে চলে গেছে। দেহটির মাপ সাড়ে তিন হাত পেলাম, কিন্তু যাহা দেহ ছেড়ে পালিয়ে গেছে উহা কয় হাত? উহার মাপ কত? তবে কি উহা মাপের বাইরে? উহা কোথায় চলে গেল? এই প্রশ্নটির যে উত্তর উহার নাম অজ্ঞেয়বাদ। দেহের যাহা মূল, যাকে আমরা আত্মা বলি সেই মূলটি কিন্তু দেহতে দৃশ্যমান থাকা অবস্থায়ও চিনতে পারি নি যে উহা কী? দেহতে বিরাজ করা অবস্থায় যেহেতু চিনতে পারি নি সেই হেতু দৃশ্যমান জগতেও উহা ছিল সম্পূর্ণ অজ্ঞেয়। দেহ ছেড়ে অদৃশ্যমান জগতে বিচরণ করাটা তো স্বাভাবিকভাবেই অজ্ঞেয়বাদ। কিন্তু দেহের মধ্যে বিরাজ করে দৃশ্যমান জগতেও তাকে চিনতে পারলাম না তথা সেই অজ্ঞেয়বাদের অপবাদই রয়ে গেল। তা হলে অজ্ঞেয়বাদ বলে যে এত বাহাদুরি করছি সেই জ্ঞেয়বাদ বলে কি কিছু রইল? তা হলে কি জ্ঞেয়বাদ কথাটাই আমাদের কাছে অজ্ঞেয়বাদ তথা স্বপ্নের মতোই মনে হয় না? যে 'আমি'-কে নিয়ে এত হড়াহড়ি, এত সাজ সাজ রব, এত বানানো বিধান, সেই আমিটাই কি না রয়ে গেল অজ্ঞেয়বাদের অন্ধকারে। এমনকি এই দৃশ্যমান জগতে আমারই বিচরণ হচ্ছে বলে বিশ্বাস করি। তবে কি বিশ্বাসটারই নাম কুসংস্কার নয়? তবে সংস্কার কাকে বলবো? অবিশ্বাস? অবিশ্বাসের আর এক নাম কি স্বপ্ন নয়? তবে কি দৃশ্যমান জগতে বিচরণ করাটাও স্বপ্ন আর অবিশ্বাস? তবে বাস্তব কোনটি? তবে কি অসীমের (ইনফিনিট) একটি কার্যের অবস্থার মধ্যেই স্বপ্নের সৃষ্টি হয়? তবে কি অসীমের একটি কার্যের কারণে অবস্থার মধ্যেই বাস্তবের সৃষ্টি হয়? 'আমি'-টাই যেহেতু সকল অবস্থাতেই অজ্ঞেয়বাদের কলঙ্ক বহন করে চলছে সেই 'আমি'-টাকে চিনবার, জানবার জন্য যে সকল মহাপুরুষ আমাদের দেবে প্রয়োগ-পদ্ধতি তথা অ্যাপ্লাইড নলেজ, তাঁরা পৃথিবী গ্রহের যে কোনো দূরত্বের মধ্যে যে অবস্থাতেই থাকুন না কেন, উহা আমাদের গ্রহণ করতেই হবে। কারণ, সেই আমার প্রকৃত বন্ধু যিনি আমাদের শিক্ষা দেবেন কোরান পাকের একমাত্র শিক্ষা : আপনাকে চেন। তাঁকে নবি, রসুল, ওলি, পীর, মুরশিদ, দয়াল, অবতার, দার্শনিক, বিজ্ঞানী - তা যে নামেই ডাকা হোক না কেন সেই আমার প্রকৃত বন্ধু। কারণ, নিজেকে চেনার প্রয়োগপদ্ধতির আশায় যারা নিজেকে চেনার প্রয়োগপদ্ধতি না দিয়ে অন্য রাস্তায় যেতে বলে তারা যত বড় মহান, জ্ঞানী আর মহাপুরুষ রূপেই বিরাজ করুক না কেন, আমার কাছে ততটুকু গ্রহণীয় নয়। আমার ক্ষুদ্র বুদ্ধির নিরপেক্ষ চিন্তায় সবচাইতে সুন্দরতম নিজেকে চেনার প্রয়োগপদ্ধতি যার মধ্যে পাওয়া যায় তাঁর নাম হজরত মোহাম্মদ (আ.)। কিন্তু আপসোস! অবিকৃত কোরান পাকের এত বিকৃত আর মনগড়া নোংরা জাতিভেদের ব্যাখ্যায় সত্ব্বর্ণীকৃত কাগজের আবর্জনায় মাণিক ছাই-চাপা পড়ে গেছে।

সেই সদ্যোজাত শিশুরূপের মধ্যে যে 'আমি' তথা আত্মা একদিন এসেছিল এখন সে কোথায় গেল? সে এবার কীরূপ ধারণ করবে? এবার সে কোথায় থাকবে? যেখানেই থাক না কেন সেখানেই কি দিন-রাত্রির হিসাবে কোটি কোটি বছর থাকবে? না আরও বেশি? না আবার আমাদের মধ্যে ফিরে আসবে? আসলেও কোন

রূপ ধারণ করে আসবে? না আর আসবে না? ‘আমি’ নামক আত্মাটি আবার আসুক বা না আসুক, কিছু পৃথিবীতে দেহ নামক পদার্থের গঠনের মধ্যে যতদিন থেকে গেছেন সেইসব বাস্তব ঘটনাগুলো যা সে এককাল দু’চোখ ভরে দেখেছেন, শুনেছেন, অনুভব করেছেন সেগুলো কি তার কাছে এখন চোখ বুজে আমরা যেমন স্বপ্ন দেখি সেইরকম মনে হচ্ছে না? এই দেহ নিয়ে বাস করা জীবনটাকে ঘুম্নে স্বপ্ন দেখে জেগে ওঠার মতই কি তার কাছে মনে হচ্ছে না? আজ যা তার কাছে কঠিন বাস্তব বলে মনে হচ্ছে কাল তাই তার কাছে সম্পূর্ণ স্বপ্ন মনে হবে না? তাকে আমরা আর দেখতে পাই না। তার কারণ? দেহ নামক কবর হতে সে বিদায় নিয়েছে। (আসলে ইসলাম দেহটিকেই কবর বলেছে। মাটির গর্তকে কোথাও কবর বলা হয় নি। তবে সাধারণ মানুষ যদি বলে মাটির গর্তটাই কবর তবে আমি তাদের সঙ্গে একমত)। এমন অনেক কিছুই আছে যা চোখে দেখা না গেলেও সব সময় আছে। যে দধি আমরা খাই উহার সস্কন্ধে কি আপনি কিছু জানেন? অনুবীক্ষণ যন্ত্র দিয়ে দেখলে দেখতে পাবেন অগণিত পোকা কিলবিল করছে। এই বাক্সা দৃশ্য দেখার পর অনেকেই তওবা তওবা করে দধি খাওয়া ছেড়ে দিয়েছে। যেহেতু এই পোকাগুলো চোখে ধরা পড়ে না, সেই হেতু মনের উপর তেমন কোনো রেখাপাতি করে না।

যেহেতু দেহ হতে আমি বিদায় নিয়েছি এবং যেহেতু আমি আর চোখে ধরা পরছি না, সেই হেতু ‘আমি’ কে জ্ঞানার সীমানা যেন শেষ হয়ে গেল মনে হয়। জ্ঞানবার সীমানা দেবার অধিকার আপনার নেই, বরং বলতে শিখুন, ‘আমি জানি না।’ এখানে এসেই দেখতে পাই অনেক বিদ্বান ব্যক্তি ভগ্নামি করে বসেন। জানি না বলে অকপটে দার্শনিক সঙ্কেটিসের মতো খুব কম পণ্ডিতই স্বীকার করেছেন। পণ্ডিত ভাইদেরকে আবার অনুরোধ করবো, আপনারা ভুল করুন তাতে তেমন দোষ নেই, কিছু ‘এখানেই শেষ, আর নেই’ বলে ভগ্নামি করবেন না। আপনি মানুষ। ভুল আপনার স্বাভাবিক, কিছু ভগ্নামিটাই কি অস্বাভাবিক নয়? যেহেতু আপনি যা আপনার ক্ষুদ্র বুদ্ধি দিয়ে বুঝলেন উহাই সত্য তথা সহি, আর যেহেতু যা আপনি আপনার ক্ষুদ্র বুদ্ধিতে বুঝতে পারলেন না উহাই ভুল তথা জয়িফ বলে রায় অথবা সিদ্ধান্ত টানা ঔদ্ধত্য আর অহঙ্কার। সেই ঔদ্ধত্য আর অহঙ্কার বহু পণ্ডিতের মন-মগজে বিরাজ করতো বলেই হজরত মোহাম্মদের (আ.) বহু গোপন বিজ্ঞানময় রহস্যপূর্ণ বাণীগুলোকে অসত্য তথা জয়িফের অপবাদ দিয়ে ধ্বংস করে দেওয়া হয়েছে। ইসলামের ইতিহাস এই কথাই আমাদেরকে জানায়।

অনুবীক্ষণ যন্ত্রে দই-এর রূপ অসংখ্য পোকাকার একটি কিলবিল করার ভাণ্ডা যেখানে দেখতে পাচ্ছেন, সেখানে যন্ত্র ছাড়া খালি চোখে কি একটি পোকাও আপনি দেখতে পাবেন? তবে কি পোকা-টোকা নেই বলে সীমানা দিয়ে ফেলার অধিকার আপনার আছে? তা হলে ইহা স্পষ্ট বোঝা যাচ্ছে যে, চোখে না দেখার বাইরেও অনেক রহস্য আছে। অতি সাধারণ আর একটি উপমা দিচ্ছি। যেমন ধরুন, বেতারের কথা ও গান ইথারে ভেসে বেড়ায়। অথচ আপনি রেডিও নামক যন্ত্র ছাড়া সেই কথা সেই গানের সুর শুনতেই পান না। ইথারে ভাসা কথা ও গানের সুর বিশেষ একটি মাধ্যম ছাড়া শোনা যায় না। অথচ কত দেশের কত কথা ও গানের সুর আপনারই অতি নিকটে ভেসে বেড়ায়। যন্ত্রের মাধ্যমে যখন কথাগুলো শব্দ করে আপনার কানের পর্দায় ধরা দেয় তখনই বিশ্বাস করেন। যিনি কানে একেবারেই শুনতে পান না তিনি কি আমাদেরকে মিথ্যুক বলবেন? যেহেতু সে কিছুই শোনে না সেই হেতু কেহই শুনতে পায় না বলে যদি সিদ্ধান্ত টেনে ফেলে তবে আমরা কি সেই বধিরের জ্ঞানের বহর দেখে হাসবো না? আমাদের হাসি দেখে বধির যদি বলে, যেহেতু আমি শুনতে পাই না কিছুই সেই হেতু কী করে বিশ্বাস করবো যে, আমরা

শুনতে পাও? তোমরা শুনতে পাও বলে যে বিশ্বাস করতে বলে, উহা যদি আশ্রয়
রিকতা না হয়ে হঠকারিতা হয়?

সসীম (ফিনিট) কী করে অসীমের (ইনফিনিট) রহস্য বুঝবে? মানুষ কী করে
আল্লাহর রহস্য বুঝবে? দেহের ভেতর বিরাজিত 'আমি' কী করে 'অনন্ত আমি'র
রহস্য বুঝবে? এই কথাগুলির মধ্যেও কি ভেটো প্রয়োগ করছি না? ঔদ্ধত্যের
সীমানায় দেয়াল দিয়ে ফেলছি না? একটি দেহের মধ্যে যে একটি 'আমি' আছে সেই
আমিটার নাম রেখেছেন পিতা-মাতা অথবা অন্য যে কেউ। যাতে সেই বিশেষ
নামটি ধরে ডাকলে একটি দেহের একটি আমি বুঝতে পারে যে তাকেই ডাকা
হয়েছে। আসলে কি সেই বিশেষ নামটাই আমি? অন্যান্য কোটি কোটি ভিন্ন ভিন্ন
দেহেতে যে ভিন্ন ভিন্ন আমি বাস করছে, সেই আমিগুলি কি এক আমারই প্রকাশ,
না ভিন্ন ভিন্ন আমার ভিন্ন ভিন্ন প্রকাশ? এক একটি ভিন্ন ভিন্ন আমি নামক আখের
মধ্যে কি এক মিষ্টি আমারই প্রকাশ? ভিন্ন ভিন্ন করল্লার মধ্যে কি এক তেতোরই
প্রকাশ? ভিন্ন ভিন্ন সোনার অলঙ্কারের মধ্যে কি এক সোনারই প্রকাশ? ভিন্ন ভিন্ন
প্রদীপের মধ্যে কি এক আলোরই প্রকাশ? ভিন্ন ভিন্ন পদার্থের মাধ্যমে প্রদীপ
জ্বালানো যেতে পারে যেমন কেরোসিন, সরিষা, তিসি, ঘি, গ্যাস, বিদ্যুত ইত্যাদির
প্রদীপ, কিন্তু ভিন্ন ভিন্ন পদার্থের দ্বারা যে প্রদীপ ভিন্ন ভিন্ন শক্তির একটি সীমিত
মাত্রায় আলো ছড়ায়, উহা কি এক আলোরই প্রকাশ?

অসীম একটি মুহূর্তের তরেও থাকে না। ভবিষ্যত মুহূর্তে হয় বর্তমান আবার
বর্তমান মুহূর্তে হয় অতীত। অনন্ত ছুটে চলার গতির মধ্য দিয়েই নব নব রূপে তথা
আবর্তন-বিবর্তনের মাধ্যমে সসীমকে তথা আমাদেরকে প্রতিটি মুহূর্তেরও কোটি
কোটি ভুগ্মাংশে জ্ঞানবার, বুঝবার জ্ঞান দিয়ে অবাক করে চলছে। যত অবাক করে
দেয় সসীম, ততই অসীম যেন ক্ষুধার্ত সিংহের মতো নতনের শিকার খুঁজে বেড়ায়। এ
খোজার যেন আদি নেই অন্ত নেই। মানুষ যেমন ক্ষুদ্র বস্তু নিয়ে খেলার আনন্দে মগ্ন
থাকে, অসীমও মগ্ন হয় সসীমকে নিয়ে খেলার মগ্নে চলছে। প্রিয় তার প্রেমসীর
মান-অভিमानে পায় জটিল প্রশ্ন তুলে রাখা খেলা, না অভিলাষ।

নিজেকে কেমন করে চিনতে পারবো? প্রশ্ন করেন সসীম মানুষ। অসীমের উপদেশ
- মোহান্সদের প্রয়োগপদ্ধতি অনুসরণ করলে নিজেকে চিনতে পারবে। সসীমের প্রশ্ন
মোহান্সদের প্রয়োগপদ্ধতির অনুসরণ ছাড়া কি নিজেকে চেনার কোনো পথ নেই?
অসীমের উত্তর : মোহান্সদ বলতে তুমি কী বোঝ? মোহান্সদ কি একটি নামের
সীমায় বাধা? মোহান্সদ অর্থ হলো প্রশংসিত। ইসা, মুসা, ইব্রাহিম নাম না জানা দুই
লক্ষ চব্বিশ হাজার অবতার সবাই তোহিদের মধ্যে লীন হয়ে আছেন। আপন
প্রকাশের যে ধারা, সেই ধারাতে আমি আবরণী তথা পরদা গ্রহণ করি। নিজেকে
প্রকাশ করতে গিয়ে যেন পর্দাহীন হয়ে না পড়ি। মানুষ মোহান্সদ তো আমারই
আবরণী। যে আবরণীর মাঝে আমারই প্রত্যক্ষ খেলা উঠাই প্রশংসিত। আমিই প্রভু,
আবার আমিই দাস। আমার দাসত্বের যোগ্য আমিই, তাই আমার সেজদা আমিই
করি। কেবলমাত্র আমার এক এক রকম প্রকাশ ও বিকাশের এক এক রকম মর্যাদা
ফুটে উঠে।

অনেকের কাছে নিজের পরিচয়-জ্ঞানের অনুশীলনটাই একটা হেঁয়ালি ভাব, যার
দরুন মূল বিষয়টা বাদ দিয়ে ধর্ম পালনের নাম দিয়ে কতগুলো কণ্টকর আনুষ্ঠানিক
ক্রিয়া করে চলছি। মূল না থাকলে ইহা হয় মূল্যহীন। কিন্তু অদূর ভবিষ্যতে এর
সত্যতা এই বিজ্ঞানের মাধ্যমেই প্রমাণিত হতে পারে বলে আশা করি। কিছুদিন
আগেও মানুষের চোখে পা রাখাটা ছিল অসম্ভব ব্যাপার। অদূর ভবিষ্যতে আরও কত
রহস্যের পরদা খুলে যেতে পারে যা আমরা ভাবতেও পারি না। পুনর্জন্মের কথাই কি
প্রমাণ হবে, না অন্য কিছু অদেখা সত্য? পুনর্জন্মের মাধ্যমেই কি আত্মা পরমাআয়
লীন হবে? না আত্মা অগ্নি নামক কোনো গরম পদার্থের দ্বারা (ঠাণ্ডাও হতে পারে
অথবা এমন কিছু যা জানা নেই) শোধন করে বেহেশ্ত নামক পরিবেশ

(এনভায়রনমেন্ট) অথবা স্থানে (রিলম) ঢুকিয়ে দেবে? আমি জানি না - সত্য ও মিথ্যা, ন্যায় ও অন্যায়, ভালো ও মন্দ, সুন্দর এবং অসুন্দর, স্বপ্ন এবং বাস্তব এই শব্দগুলো অসীমের অবিরাম গতিতে ছুটে চলার মধ্য দিয়ে বিভিন্ন সময়ের, বিভিন্ন পরিবেশের, বিভিন্ন কার্যের, বিভিন্ন কারণের সমষ্টি ছাড়া আর কিছুই নয় কি না? ভাই-বোন অসীমের একটি বিশেষ পরিবেশের উপর ভিত্তি করে এবং বিশেষ কার্যের কারণেই বিবাহবন্ধনে আবদ্ধ হতো কি না আমি জানি না। পাঁচ ভাই মিলে একটি মেলেকে বিবাহ করা অথবা একটি যুবক অনেকগুলো বিবাহ করা অথবা বিবাহ ছাড়াই অবাধ যৌন মিলন কি একটি বিশেষ পরিবেশের উপর ভিত্তি করে একটি কার্যের বিশেষ কারণ কি না আমি জানি না। কাঁচা মাংস, ফলমূল খাওয়া, পাথরের অস্ত্র ব্যবহার, গুহায় বাস করা, রোগের কাছে অসহায় হওয়া, সূর্যের রূপ দেখে দেব-দেবীর আসনে বসানো ইত্যাদি কী অসীমের একটি পরিবেশে এক একটি কার্যের এক একটি কারণ ছিল কি না আমি জানি না। পৃথিবী গ্রহটার মাটি আর পানিকে শত শত খণ্ডে ভাগ করে, দেশ আর সাগর নাম দিয়ে, আইনের নামে সরকার তৈরি করে, একটি দেশের সঙ্গে আর একটি দেশের যুদ্ধ বাধিয়ে মানুষ মানুষকে খুন করে, খুন করার পুরাতন অস্ত্র হতে আধুনিকতম পদ্ধতি শিখে, অস্ত্র বিক্রি করে পুঁজি বাড়ানো, অন্যকে দারিদ্রের জোয়াল কাঁধে তুলে দিয়ে, সভ্য আর অসভ্যের দেয়াল দাঁড় করিয়ে অসীম এক একটি কার্যের এক একটি কেবল কারণই দেখিয়ে চলছে কি না আমি জানি না। পৃথিবীটাই যদি কোনোদিন একটি দেশ হয়, একটি সরকার অথবা সরকার ছাড়াই সাম্য বিরাজ করে এবং মানুষের কাছে যদি পৃথিবীটাই তার জন্মভূমি হয়, পৃথিবীর মানুষগুলোই তার ভাই এবং এই পৃথিবীর মানুষগুলোর ভালো করাটাই তার ধর্ম হয় - তবে সেদিন সামন্তবাদ, পুঁজিবাদ, সাম্রাজ্যবাদ, সম্প্রসারণবাদ, মানুষকে জংলী বানাবার কমিউনিজম ইত্যাদি ইজমগুলো কি ভবিষ্যত বংশধরদের কাছে স্বপ্নের মতো মনে হবে না?

আল্লাহর বর্ণিত রেজেক ও কেতাবের মূলতত্ত্ব

এক কথায় আল্লাহর আপন গুণাবলিকে রেজেক বলা হয়। যে ব্যক্তি নিজের ইচ্ছার ঘরে বাস করে, তথা আমিত্বের কাছে বিক্রি হয়ে যায়, তথা স্বকীয়তার বৃত্তে ঘূর্ণায়মান, তথা আপন মনের ইচ্ছায় চলে, তথা এক কথায় যারা দুনিয়াতে (পৃথিবীতে নয়) বাস করে, তাদের কাছে আল্লাহর গুণাবলি প্রকাশিত হবে না তথা রেজেকরূপে পাবে না। এই রেজেক পেতে হলে আত্মসমর্পণ করতে হবে। এই আত্মসমর্পণ প্রকৃতির নিয়মের কাছে নয় - আল্লাহর ইচ্ছার কাছে করতে হবে আত্মসমর্পণ। আপন স্থিতিই বন্ধন এবং বিস্থিতিই মুক্তি। আল্লাহর গুণাবলি রেজেকরূপে দান করার জন্যই তিনি প্রকাশিত হয়েছেন। এই প্রকাশের ধারার নামই কেতাব। এই কেতাব আল্লাহর জ্ঞাত হতে আগমন। সুতরাং কেতাব হতেই সমস্ত সৃষ্টির আগমন। প্রকৃতির নিয়মগুলো কেতাব হতেই বেরিয়ে আসে। সুতরাং সমস্ত সৃষ্টিটাই কেতাবের মধ্যে আছে এবং থাকবে। কেতাব আল্লাহর নুর হতে আসে এবং নুর আসে ইশক হতে। ইশকের অর্থ হলো প্রেম, ভালোবাসা, মহব্বত, লাভ। আল্লাহ নিজের প্রেমে নিজেই প্রেমিক। নডোমগুল এবং ডুমগুলের এবং এর বাহিরে যা কিছু আছে উহা আল্লাহর অখণ্ডরূপের একক প্রকাশ তথা আহাদ। তাই তিনি ছাড়া কিছুই নেই এবং থাকতে পারে না। তাই আর কেহ নেই যে আল্লাহ অন্যের সঙ্গে প্রেম করবে। অন্য কেউ থাকলে, তা সে যত ক্ষুদ্রই হোক না কেন, পৃথক অস্তিত্বকে মেনে নেওয়া হচ্ছে। এবং এই আলাদা কিছু আছে ধারণা করাই শেরেক তথা অংশীত্বের দর্শনকে মনের অজান্তে মেনে নেওয়া হচ্ছে। অথচ সৃষ্টিতে কোথাও অংশীত্বের দোষ

আরোপিত করা যায় না। লা মণ্ডজুদা ইল্লাল্লাহ - ‘কোনো কিছুই নেই তিনি ছাড়া’। সুতরাং নাস্তিবাদ বলে কিছুই নেই ইসলামে। নাস্তিবাদি থাকে মনের স্বাধীনতার পাশে ছায়ায়। এই ছায়াই মায়া এবং ইহা যে সত্যিই মায়া তা ধরা যায় মৃত্যু নামক ঘটনার দ্বারা। মৃত্যু-ঘটনা আবার দুই প্রকার : একটি মরার আগে মরে যাওয়া, অপরটি দেহবিনাশের সাধারণ মৃত্যুবরণ। প্রথমটা ব্যক্তিকেন্দ্রিক এবং দ্বিতীয়টি সার্বজনীন। ব্যক্তিকেন্দ্রিকটা সাধনায় সিদ্ধি লাভের প্রশ্নে এবং দ্বিতীয়টি প্রকৃতির নিয়মে আরোপিত হয়। প্রথমটির সাধনার প্রশ্নে পৃথিবীতে যত মহাপুরুষের আগমন এবং যত ধর্ম-উপদেশ। প্রথমটির সাধনার প্রশ্নে ধর্ম-উপদেশের বিভিন্ন প্রয়োগব্যবস্থা।

প্রয়োগব্যবস্থা এক নয় এবং এক হতেই পারে না। ইহা অনেক এবং অগণিত। বাংলাদেশের পোশাকে আর শীতের দেশের পোশাকে পার্থক্য থাকতেই হবে। উল্টাপাল্টা করলেই দেহের উপর আসবে প্রবল শাস্তি। সুতরাং প্রয়োগ-পদ্ধতির প্রশ্নে অনেক হতে বাধ্য। যারা প্রয়োগপদ্ধতিকেও এক মনে করে জোর করে চালু করতে চায়, তাদেরকেই কাঠমোলা, কাঠ পুরোহিত, কাঠ পাদ্রী এভাবে বিভিন্ন নাম দেওয়া যেতে পারে। আসলে এদের যদি এর রহস্যের কিছু জ্ঞান থাকত, তা হলে এই চেষ্টামেটির সৃষ্টিতে মানুষকে বিভ্রান্ত হতে হতো না মৌটেই। যেহেতু অন্য কোনো পৃথক সত্তায় সত্তাবান প্রাণী, অপ্রাণী এবং কোনোকিছুই নেই, সেহেতু আল্লাহ কার সঙ্গে করবে প্রেম? অতএব আল্লাহ নিজের প্রেমে নিজেই প্রেমিক। তাঁই প্রেমের যে আলোড়ন তোলা চেউ জেগে ওঠে উহা আল্লাহ হতেই আসে। সেই চেউয়ের প্রতিক্রিয়ায় (রিঅ্যাকশন) যাহা বিকশিত হয়ে পড়ে সেই বিকাশের নাম কেতাব। কেতাব হতেই প্রকাশিত এবং অপ্রকাশিত সৃষ্টি বেরিয়ে আসে। এই রহস্যময় সৃষ্টির এক-একটি নির্দেশন এক-একটি চিহ্ন এবং এই প্রকাশ্য প্রমাণিত চিহ্নগুলোকে না মানার তথা অস্বীকার করার কোনো উপায় থাকে না এবং এই চিহ্নগুলোকেই বলা হয় কেতাবের এক-একটি আয়াত। এই আয়াতের সঙ্গে সংযোগ করা যায় দুই ভাবে। নিজের ভেতর আমিকে রেখে এবং নিজের আমিকে সাধনার দ্বারা ত্যাগ করে নির্বাণ হয়ে। নিজের ভেতর আমিকে রেখে এই আয়াতের দর্শনকে সাধারণ দর্শন বলা হয়। এ রকম দর্শন কমবেশি সবার হয়ে থাকে, কিন্তু নিজের আমিকে সাধনার দ্বারা ত্যাগ করে যে চরম দর্শন লাভ হয় উহাকে অসাধারণ দর্শন বলা হয়। আয়াতের সঙ্গে এ রকম অসাধারণ দর্শন লাভ করলে মানুষ হতচেতন হয়ে পড়ে, তথা বাহিরের সাধারণ চেতনার হয় অবলুপ্তি এবং তখনই নিজের রহস্য দর্শন লাভ হয় এবং তখনই সাধক ঘোষণা করেন যে, তিনি আদিতেই মোমিন ছিলেন (আনা আউয়ালুল মুমিনিন)। দুনিয়ার কলুষিত মায়া রূপ আমিতু নিজের মধ্যে থাকা অবস্থায় এরূপ রহস্যের দর্শন লাভ হয় না। কারণ, কলুষিত মায়া রূপ আমিতু হল এরূপ সত্য দর্শন লাভের পথে সব চাইতে বড় পরদা তথা দেয়াল। আবার বলতে হচ্ছে, আল্লাহ নিজের প্রেমে নিজেই প্রেমিক। কারণ, তিনি ছাড়া যে কিছুই নেই। আল্লাহর প্রেমের যে আলোড়ন তোলা চেউ, সেই চেউয়ের বিকশিত রূপটির নাম কেতাব। সুতরাং তার সমস্ত সৃষ্টিজগৎসমূহ এই কেতাব হতেই আগত। সুতরাং যাহা কেতাবে নেই উহা কোথাও নেই, এমনকি কল্পনাতেও নেই। কারণ, এই কল্পনাও কেতাবেরই অন্তর্ভুক্ত। সুতরাং কেতাব সৃষ্টির মূলে হলো প্রেম, যাকে ইশক বলা হয়। ইশক তথা প্রেম অখণ্ড একক এবং অদ্বৈত। তবু বুঝবার খাতিরে প্রেমের আর একটি নাম হলো পার্থিব প্রেম। পার্থিব প্রেমের রূপটিও প্রায় একই রকম। মানুষও নিজের প্রেমে নিজেই মত্ত থাকে এবং এই প্রেমের যে চেউ জেগে ওঠে সেই চেউয়ের প্রতিক্রিয়াটাই স্তরে স্তরে ধীরে ধীরে গড়ে ওঠা মানবসভ্যতা। এই সভ্যতা একজনের প্রেমে নয় এবং একজনের প্রেমের প্রতিক্রিয়াও নয়। বহু মানবের বহু অতীত-বর্তমানের একটু একটু করে জমে ওঠা বিশাল প্রেম প্রতিক্রিয়ার প্রতিফলন রূপের নাম হলো মানবসভ্যতা। আমি নয়,

আমরা। এক নয় বহু। আমাদের মধ্যেই আমি এবং আমার মধ্যেই আমরা। একটি শরীরের মধ্যেও আমি। আবার বহু শরীরের মধ্যেও আমি। বহু শরীরে বহু আমি, কিন্তু আসলে এক আমি। বহু মোমবাতির মধ্যে বহু আলো, কিন্তু আসলে এক আলো। বহু বাষ্পের মধ্যে বহু বিদ্যুৎ, কিন্তু আসলে এক বিদ্যুৎ। বহু জলের কলসের মধ্যে বহু জল, আসলে এক জল। বহু আখের বহু মিষ্টি রসের মধ্যে এক মিষ্টি রস। বহু স্থানের বহু রকম গাভী, কিন্তু একই সাদা দুধ। বহু সোনার গহনার মধ্যে বহু সোনা, কিন্তু আসলে এক সোনা।

আল্লাহ বলছেন যে, তিনি নভোমণ্ডল এবং ভূমণ্ডলের সমস্ত জীবের রেজেক দাতা। ‘নভোমণ্ডল এবং ভূমণ্ডল’ এই সামান্য শব্দ দুটোর বিশালতা যে কত বড় উহার ধারণা করাটাও বিরাট কষ্টসাধ্য ব্যাপার। তবে মোটামুটিভাবে বলতে গেলে এ দুটো শব্দের বিশালতার সামনে আমাদের এই ছোট পৃথিবী নামক গ্রহটার আয়তন কথার কথায় একটা আপেলের সমান হতে পারে। পৃথিবী নামক গ্রহের সীমানা যেখানে শেষ আকাশের সীমা শুরু হয় সেখান থেকে। এই নিকটের আকাশের তুলনায় তার উপরের আকাশ আরও অনেক বড়। আরশে আজিম এ রকম আকাশগুলো হতে আরও বড়। আরশ, কুরসি, আকাশ, পৃথিবী এবং এই আকাশগুলোর মধ্যে যা কিছু আছে সব মিলেই হলো সৃষ্টিজগৎ এবং এই সৃষ্টিজগতের যেখানে শেষ সেখান হতে শুরু হলো ফেরেশতার জগত যাকে বলা হয় ‘আলমে মালাকুত’। সৃষ্টিজগৎকে একটি আপেলের মতো তুলনা করা চলে ফেরেশতাদের জগতের সামনে। আবার ফেরেশতাদের জগৎকে একটি আপেলের মতো তুলনা করা চলে রুহের জগতের সামনে। রুহের জগতকে বলা হয় ‘আলমে জাবরুত’।

নভোমণ্ডল এবং ভূমণ্ডলের শাব্দিক অর্থে যে জগৎ আল্লাহ বোঝাতে চেয়েছেন সেটা আমাদের মতো পৃথিবী নামক কুয়োট ব্যাঙ কী করে ধারণা করতে পারে? তাই আমার মতো কুয়োতে বাস করা ব্যাঙের পক্ষে কি বর্ণনা দেওয়াটাও সাজে? সুতরাং আল্লাহর কথায় স্পষ্ট বোঝা যাচ্ছে যে, আরও অসংখ্য জগৎই কেবল নেই সেই সঙ্গে অসংখ্য জীবও আছে এবং এই অসংখ্য জীবদের রেজেকদাতাও একমাত্র তিনি। তা হলে স্বাভাবিকভাবেই এই পৃথিবী নামক কুয়োতে বাস করা অধম লেখক এই অগণিত জগতের অগণিত জীবেরা দেখতে কেমন, তারা কি আমাদের মতন না অন্যরকম, তাদের জ্ঞান-বুদ্ধি কি আমাদের চেয়ে বহুগুণে বেশি না আমাদের চেয়ে অনেক কম, তাদের সঙ্গে আমাদের কোনোদিনও পরিচয় হবে কি না, তাদের ধর্ম এবং আমাদের ধর্ম এক কি না, আমাদের পৃথিবী নামক কুয়োতে বাস করা জীবগুলোর নানা প্রকার মত ও পথের বিভিন্নতার জটিলতার কি অবসান হয়ে সবাই এক ধর্মে এক আদর্শে লীন হতে পারবে না এবং উহা কী ইমাম মেহদি নামক কোনো মহামানবকে দিয়ে করানো হবে কি না, সেই রহস্যের প্রকাশিত রূপটি কি অন্য গ্রহের রহস্য, এবং হজরত মোহাম্মদ (আ.)-এর বুকে কেন জিব্রাইল নামক ফেরেস্টা অপারেশন করলেন এবং এই সিনাচাক যাকে ‘বুক অপারেশন’ বলে এরই কি-বা রহস্য - ইত্যাদি হাজারও প্রশ্ন আসে। কেন এত প্রশ্ন বুকের মধ্যে জন্মা হয়ে থাকে? এবং এর রহস্য কি কোনোদিনও ভেদ করা যাবে না? কথার সত্যকে প্রমাণিত সত্যরূপে জানতে হলে আমাদের পৃথিবী নামক গ্রহের প্রচলিত এবং অপ্রচলিত সবগুলো ধর্ম গভীর মনোযোগ সহকারে অধ্যয়ন করতে হবে এবং আপন ধর্মীয় সাইনবোর্ড ফেলে দিয়ে একদম নিরপেক্ষ মনোবল নিয়ে যাচাই করে দেখতে হবে তন্ন তন্ন করে। মুখের কথার আনুষ্ঠানিক নিরপেক্ষতার নামে নিরপেক্ষ দর্শন এখানে ভণ্ডামি বলে গৃহীত হবে। আন্তরিক এবং ইতিবাচক মনোবৃত্তির নিরপেক্ষ ভাবধারা নিয়ে কষ্ট পাথরে সোনা যাচাই করার মতো প্রতিটি বিষয়কে যাচাই করতে হবে। তারপর ভুল হোক আর শুদ্ধ হোক একটা আন্তরিক সিদ্ধান্ত গ্রহণ করতে হবে, এবং সেই সিদ্ধান্ত যদি

একান্তই ভুল হয় তবু আন্তরিকতার প্রশ্নে একদম প্রশ্রুত বলে দুষণীয় মনে করা হবে না। যদিও উহা বর্জনীয়, কিন্তু আন্তরিকতার সঙ্গে বর্জনীয়।

সময়ের একটি সুনির্দিষ্ট স্থানে দাঁড়িয়ে সবাইকে লিখতে হয় গবেষণামূলক রচনা। সুতরাং সময়ের গণ্ডিতে সেই রচনা স্থান করে নেয় একান্ত বাধ্য হয়ে। বিজ্ঞানী নিউটন একটি নির্দিষ্ট সময়ের উপর দাঁড়িয়ে এবং বৈজ্ঞানিক আলবার্ট আইনস্টাইনের বেলায়ও একই কথা প্রযোজ্য। আমি অধম লিখকও একটি সুনির্দিষ্ট সময়ের গণ্ডির বৃত্তে অবস্থান করে ধর্ম-দর্শন লিখছি, কিন্তু অন্য একটি সময়ে হয়তো অন্য কোনো লেখক দাঁড়িয়ে যা লিখবেন তা হবে অনেক উন্নত, অনেক গ্রহণযোগ্য এবং অনেক নতুন বৈজ্ঞানিক ভিত্তির উপর নতুন রূপে প্রতিষ্ঠিত। কারণ, আধুনিক বিজ্ঞান যেমন অবাক করা কম্পিউটার, রোবট এবং টেস্টটিউবে মানুষ তৈরি করার অপূর্ব কৌশল আবিষ্কার করেছে এবং আরও কিছুদিন পর যে আরও নতুন নতুন অভাবনীয় আবিষ্কার করবে, সেটা তো জলের মতো পরিষ্কার বোঝা যায়। এই বিজ্ঞানই এমন একদিন আসবে যেদিন কোন ধর্মের মধ্যে কতটুকু সত্যতা ধারণ করে আছে উহা পরিষ্কার প্রমাণ করে দিবে। এবং যেদিন এই বিজ্ঞান এ বিষয়ে অকাট্য প্রমাণ করে দিতে পারবে সেদিন সবাই বিনা বাক্যে সেই ধর্মটিকে অবিসংবাদিত সত্য বলে মেনে নেবে এবং সেদিনই একটিমাত্র শাস্ত্র ধর্ম বিরাজ করবে সমগ্র পৃথিবীতে।

এই প্রকৃতির বিধানগুলো (লস অব নেচার) আসে কেতাব হতে। তাই যাহা কেতাবে নেই তাহা কোথাও নেই। যাহা কেতাবে আছে উহাতে বিন্দুমাত্র সন্দেহের প্রশ্রুটাই অবান্তর। সন্দেহ মনের ছায়া, সুতরাং উহা মায়ী। সুতরাং মন যতদিন আছে ছায়াও ততদিন আছে এবং ছায়া যতদিন আছে মায়ীও ততদিন আছে। সুতরাং মনটাকে জ্বালাত দিতে হয়, কোরবানি করতে হয় তথা বিসর্জন দিতে হয় আল্লাহর মহামনের মধ্যে এবং ইহাই আমিত্বের বিনাশ, স্বকীয়তার বিলুপ্তি। সুতরাং মন কোরবানি দিলে ছায়া আর থাকছে না এবং ছায়া না থাকলে মায়ীও থাকছে না এবং তখনই আল্লাহর গুণাবলিতে সম্পূর্ণ নিমজ্জমান তথা ফানাকিল্লাহ এবং ইহাই হলো আল্লাহর অফুরন্ত রেজেকের অধিকারী হওয়া। কারণ, এই রেজেক লাভ হয়ে গেলে সময়সীমা (টাইম অ্যান্ড স্পেস) আর থাকছে না তথা অতীত, বর্তমান এবং ভবিষ্যৎ একাকার হয়ে যায়। তাই আরবি কোরান-এ তথা বড় সহিফায় আল্লাহর দেওয়া অনেক আদেশ যাহা নবিকে দেওয়া হয়েছে উহাতে আছে ‘আপনি কেতাবে দেখে নিন’-এর গভীর রহস্যটা। তাই আমরা নবিকে বলতে শুনি যে, তিনি দেয়ালের ভেতর যাহা দেখেন দেয়ালের বাইরেও তাহাই দেখেন। তিনি সামনে যা দেখেন, পেছনেও তাই দেখেন।

আল্লাহর রেজেক যিনি লাভ করেছেন, কেতাব তার হস্তগত। কেতাব যার হস্তগত কেতাবের মধ্যে যে বিশ্বপ্রকৃতির বিধানগুলো আছে তাও স্বাভাবিকভাবেই তার হস্তগত, আর প্রকৃতির বিধানগুলো যার হস্তগত তার ফলাফল ভোগ করাটাও স্বাভাবিকভাবেই হস্তগত। সুতরাং প্রকৃতির বিধানের মধ্যেই একটি মুরগি একটা ডিম্ব দিল। মনে করুন, ডিম্ব দিবার সময়কে ক নাম দিলাম। একুশ দিন পর বাচ্চাতে পরিণত হবার সময়কে খ নাম দিলাম এবং এই বাচ্চাটির এক বছর পূর্ণ হবার পর যখন সম্পূর্ণ মুরগিতে পরিণত হলো, অর্থাৎ ইহাও ডিম্ব দেবার মতো বয়সের অধিকারী হলো, সেই সময়টির নাম দিলাম গ। ক, খ, গ - এই তিনটি আলাদা সময় ও অবস্থা প্রকৃতির বিধানের মধ্যেই আছে। আল্লাহর রেজেক যিনি লাভ করতে পেরেছেন তিনি ডিম্বটির ক, খ, গ - তিনটি সময় ও তিনটি অবস্থান পরিষ্কার দেখতে পাচ্ছেন। কারণ, কেতাব তাঁর করায়ত্ত ও আজ্ঞাধীন হয়ে যায়। আল্লাহর প্রকৃত দাসের পূর্ণ অধীন এই কেতাব। কেতাবের নিয়মকে আপনার অধীন করে তোলার নামই হলো পূর্ণ কাম্বালিয়াত অর্জন করা তথা সাধনায় পূর্ণ সিদ্ধি লাভ করা। এখানেই অন্য সব সৃষ্টি হতে মানুষের শ্রেষ্ঠত্ব। তাই যার মধ্যে আমিত্ব আছে তার

পক্ষে এই কেতাব অধীন হওয়া তো দূরের কথা স্পর্শ করার ক্ষমতাও নেই (লা ইয়া মাসসাহ ইল্লাল মুতাহারুন)। যেহেতু আল্লাহর জ্ঞাত ও সেকাফের বিকাশের নামই কেতাব সেই হেতু কেতাবের বাইরে কিছু নেই। বৃহত্তম নক্স হতে আরম্ভ করে ক্ষুদ্রতম অণু পর্যন্ত সবই কেতাবে অবস্থান করে। আল্লাহর ইচ্ছার সঙ্গে নিজের ইচ্ছার মিলন হয়ে গেলে অর্থাৎ ফানা হলে আল্লাহ তাকে স্থায়িত্ব দান করেন অর্থাৎ 'বাকা'-এর অবস্থান দান করেন। ইহাকে বলা হয় ফানাকিল্লাহ এবং বাকাবিল্লাহ। এবং সাধক এখানেই কেতাব পরিচালনার ক্ষমতা লাভ করেন এবং কেতাব পরিচালনার যিনি কর্তৃত্ব লাভ করেন তিনিই বেহিশাব রেজেকের অধিকারী হন। আল্লাহর প্রেমে প্রেমিক না হলে আপন ইচ্ছাকে আল্লাহর ইচ্ছার সঙ্গে মিলানো যায় না। তাই যিশু খ্রিস্ট পবিত্র বাইবেল-এ বলেন, 'তোমার সবটুকু হৃদয় দিয়ে, তোমার সবটুকু প্রাণ ও তোমার সমস্ত মন দিয়ে তোমার প্রভু আল্লাহকে প্রেম করবে। এটাই মইৎ ও প্রথম আদেশ। আর দ্বিতীয় আদেশটি হলো, তোমার প্রতিবেশীকে আপনার মতো প্রেম করবে এবং এই দুইটি মাত্র আদেশের মধ্যেই সমস্ত বিধান ও ভাববাদী কেতাবও বুলছে। যিশু খ্রিস্ট পবিত্র বাইবেল-এ বলেন, 'যে কেহ নিজের আমিত্বকে উর্ধ্বে ওঠাতে চায় তাকে নত করা হবে আর যে কেহ নিজের আমিত্বকে নত করে দেয় তাকে উচুতে ওঠানো হবে। ধর্ম নিয়ে যারা ভগ্নামি করে দিক তাদের। কারণ, তারা মানুষের সামনে বেহেশ্বের দরজা বন্ধ করে দেয়। তারা নিজেরাও প্রবেশ করে না এবং যারা প্রবেশ করতে চায় তাদেরকেও প্রবেশ করতে দেয় না। চোর কখন ঘরে ঢুকে পড়বে ঘরের মালিক তা জানে না। যদি জানতে পারত তবে জেগে থাকত এবং ঘরে সিঁধ কাটতে দিত না। জেগে থাক ও এবাদত কর। আত্মা এবাদত করতে চায়, কিন্তু শরীরের মাংস দুর্বল। যারা খুন করার অস্থ হাতে নেয় তারাই খুনের অস্ত্রে খুন হয়। যিশু পথ দিয়ে যাবার সময় একটি ডুমুর গাছে কেবল পাতাভর্তি দেখতে পেলেন। কোনো ফল নেই দেখে যিশু গাছটিকে লক্ষ করে বললেন, আর কখনো তোমাতে ফল না ধরুক, আর সঙ্গে সঙ্গে গাছটি শুকিয়ে কাঠ হয়ে গেল এবং উহা দেখে ভক্তবৃন্দ অবাক হয়ে গেলেন। অবাক হবার কথাই। কারণ, শিষ্যদের তখনো কেতাব অধীন হয় নি। আর যিশুর কথা! কেতাব হস্তগত হওয়া তো তাঁর মতো নবির জন্য একদম মামুলি ব্যাপার। তাই যিশু তাঁর ভক্তদের লক্ষ করে বলছেন, 'তোমাদের আল্লাহতে বিশ্বাসে (ইমানে) এক সরিষা কণা সন্দেহ যদি না থাকে তা হলে ডুমুর গাছ তো মামুলি ব্যাপার, যদি একটি পর্বতকে বলো যে সাগরে গিয়ে পড়ো, তবে সেই আদেশও পালিত হবে এবং যা চাইবে তাই পাবে।'

যিশু খ্রিস্টের এই উপদেশের মাধ্যমে কেতাব এবং বেহিশাব রেজেকের পূর্ণ ইঙ্গিত পাচ্ছি। হজরত মোহাম্মদ মোস্তফার (আ.) আদেশ-উপদেশকে কয়জন গ্রহণ করতে পেরেছি? মনগড়া ব্যাখ্যা ও অনুবাদ করে মনগড়া মেকি ভালবাসি, তাই ফলটাও আসে মেকি। কোন নবি বড় আর কোন নবি ছোট - এইসব বাজে কথার বিকৃত, নোংরা আর ভেটামির গবেষণা করে নিজেকে চেনার অপূর্ব সময় ও সুযোগ হারালাম। অথচ কোরান পাক ধর্মকের সুরে নবিদের মধ্যে নুফাররেক তথা ছোট বড় করতে মানা করে দিয়েছেন। কারণ, তারা সবাই মিলে আহাদের তথা অখণ্ডতার সৌন্দর্যের উজ্জ্বলতম স্বাক্ষর।

ঞণ অক্ষ না জানলে ভাগ অক্ষ করা যায় না। কান টানলে মাথা আসবেই। রেজেকের কথা বলতে গেলে কেতাবের কথা আসবে। কেতাবের কথা আসলে বিজ্ঞানের কথা আসে। বিজ্ঞানের কথা আসলে আল্লাহর দীন ও মানুষের দীনের কথা আসে আর দীন আসলে মসজিদের কথা আসে। একটার সঙ্গে আরেকটা যেন হাতের পাচ আঙুল সাজানোর মতো। বাদ দিয়ে যেন কিছু বলার উপায় নেই। আল্লাহর আইনের দুটি দিক। একটি প্রকৃতির আইন (লস অব নেচার) অপরটি মানুষের চরিত্রের নিয়ন্ত্রণ আইন (কোড অব হিউম্যান কনডাক্ট)। প্রথমটির নাম

কেতাব এবং দ্বিতীয়টির নাম 'দ্বীনে এলাহি' তথা দ্বীন ইসলাম। দ্বিতীয়টির অনুসরণ করলে প্রথমটির জ্ঞান লাভ হয় তথা কেতাব জ্ঞানলাভ হয়। যে সকল আইন-কানুন আল্লাহ তাঁর নবিদের মাধ্যমে পাঠিয়ে দেন ইহাকে 'দ্বীনে এলাহি' বলা হয়। মানবীয় স্বকীয়তার পূর্ণ সমর্পণের ব্যবস্থাই হলো দ্বীনে এলাহির মূল বৈশিষ্ট্য ও সূত্র। দ্বীনে এলাহি মানবীয় সকল প্রকার স্বকীয়তার উপর তথা ব্যবস্থাটির উপর তথা মানবীয় সকল ক্রিয়াকর্মী দ্বীনের উপর প্রাধান্য লাভ করুক তথা মানুষের দ্বীনগুলো আল্লাহর দ্বীনের রঙে রাঙিয়ে নেওয়া হোক - এটাই আল্লাহর ইচ্ছা। এই জন্য কোরান বলছে, 'ইল্লা দ্বীনা ইনদাল্লাহিল ইসলাম' - অর্থাৎ 'নিজেকে সমর্পণের ব্যবস্থামূলক দ্বীনই আল্লাহর নিকট একমাত্র দ্বীন।' মানবচিহ্নিত দ্বীনগুলোতে যদি আল্লাহর নিকট আত্মসমর্পণের উপায় ও ব্যবস্থা না থাকে তবে মানুষের দ্বীনগুলোকে তখনই 'দুনিয়া' নাম দেওয়া হয়। কারণ দুনিয়া আল্লাহর পছন্দও নয় এবং মনোনীতও নয়।

অনেকেরই প্রশ্ন, ধর্ম ও বিজ্ঞানের মধ্যে বিরোধ আছে কি না? চিন্তা করলেই বোঝা যায় যে, ধর্মের সঙ্গে বিজ্ঞানের কোনো বিরোধ নেই। কারণ প্রকৃতির নিয়মগুলো শিক্ষা করাই বিজ্ঞান। আর প্রকৃতির সমস্ত নিয়ম কেতাবেরই বিষয়সমূহ। ধর্ম মানুষকে 'কেতাব জ্ঞান' শিক্ষা দেয়। এই শিক্ষার পূর্ণতা তখনই হয় যখন আল্লাহ তাঁর দাসকে 'কেতাব দান' করেন তথা কেতাবের উপর পূর্ণ কর্তৃত্ব প্রদান করা হয় এবং তখনই আল্লাহর দাস বেহিশাব তথা অফুরন্ত রেজেকের অধিকারী হন। সুতরাং ধর্ম শিক্ষা ও বিজ্ঞান শিক্ষার মধ্যে কোনো বিরোধ নেই। ধর্ম শিক্ষার মাধ্যমে যে কেতাব জ্ঞান লাভ হয় উহা সেই ব্যক্তির মধ্যে সীমাবদ্ধ, কিন্তু বিজ্ঞান শিক্ষার মাধ্যমে যে কেতাব জ্ঞান লাভ হয় উহা ব্যক্তির মধ্যে সীমাবদ্ধ নয়। শিক্ষালাভ করাটা প্রথমে সীমাবদ্ধ, কিন্তু পরে ব্যাপকতার মধ্যে ছড়িয়ে পরে। ধর্ম শিক্ষার মাধ্যমে যে কেতাব জ্ঞান লাভ হয় উহাতে প্রকৃতির যে কোনো আইনকে বদলিয়ে নিতে পারবেন, যদিও ইহা একান্ত ব্যক্তিকেন্দ্রিক এবং ব্যাপকতার প্রশ্ন এখানে অবান্তর। তবে ব্যাপকতার বিশাল অপ্রতিহত ক্ষমতা এখানে যতটুকু থাকে আধুনিক বিজ্ঞান শিক্ষার মাধ্যমে এখনো আমরা ততটুকু পাই নি। একই ব্যক্তির একস্থানে মৃত অবস্থায় দাফন করার আয়োজন হচ্ছে এবং অন্যস্থানে উক্ত মুরিদদেরকে নিয়ে খানা খাবার আয়োজন চলছে। এটাই ধর্মের মাধ্যমে কেতাব জ্ঞানদান। একই ব্যক্তি পাঁচ স্থানে একই সময়ে পাঁচটি মরা দেহ ফেলে গেছেন। সবাই দাফন করেছে একই ব্যক্তিকে। পরে জানাজানি হবার পর বোঝা গেল যে ইহা পীর-ফকিরের কারামত। আসলে এই কারামতই হলো ধর্ম শিক্ষার বিজ্ঞান। সুতরাং এই শিক্ষায় শিক্ষিতের সংখ্যা সাংঘাতিকভাবে নগণ্য তাই সমাজে ইহার গুরুত্ব বহন করা তো দূরে থাক, বরং ঠাট্টা-তামাশার বিষয় হয়ে দাঁড়িয়েছে এবং ইহাকে ভদ্রলোকেরা গাজাখুরি গল্প বলে হি হি করে হাসতে থাকে। হাসাটাই খুব স্বাভাবিক এবং ইহাতে উক্তদের মনে দুঃখ পেলোও বলবার মতো কিছুই নেই। তাই পীর-ফকির খাজা ও সম্মান হারানি বলেছেন যে, তিনি মানুষের অসহ্য ঠাট্টা-তামাশার উপর দাঁড়িয়ে প্রভুর প্রেমে নেচে চলেছেন। তাই উক্তদেরও দৃঢ় মনোবল নিয়ে এই ঠাট্টা-তামাশার উপর দাঁড়িয়ে সাধনা করতে হবে। এই ঠাট্টা-তামাশার ভয়ঙ্করতা দিনে দিনে চারদিক হতে এমনভাবে বেড়ে চলছে যে, অধিকাংশই ঠাট্টার শিকারে পরিণত হয়ে বরবাদ হয়ে যান। 'এমন এক সময় আসবে যখন ইমান ঠিক রাখাটা হাতে জুলন্ত কয়লা রাখার মতো অসহ্য হবে' - হজরত মোহাম্মদ (আ.)-এর বাণীটি মনে পড়ছে।

বিজ্ঞান শিক্ষার মাধ্যমে প্রকৃতির মহানিয়মের কিছু অংশ মানুষের ব্যবহারে আনতে পেরেছে। প্রকৃতির নিয়মকে বিজ্ঞান শিক্ষায় বদলাতে না পারলেও কোনো কোনো ক্ষেত্রে প্রকৃতির নিয়মকে বদলাতে সক্ষম হয়েছে। যেমন গর্ভে ধারণ করার বাচ্চাটিকে টেস্টটিউবে বানিয়ে দিচ্ছে। একজনের হৃৎপিণ্ড ফেলে দিয়ে আরেকটা

লাগিয়ে দিচ্ছে। একুশদিনের মেয়াদি ডিম ফোটানোকে একদিনের কিছু অংশে ফুটিয়ে দিচ্ছে। কৃত্রিম হীরা, মুজা, কাপড়, চামড়া বানাচ্ছে - ইত্যাদি।

ধর্ম শিক্ষা করলেই যে সকলে কেতাব জ্ঞান পাবে এটা মোটেই ঠিক নয়। বিজ্ঞান শিক্ষা করলেই যে সকলে বিজ্ঞানী হবে এটা মোটেই ঠিক নয়। বিজ্ঞানের ডিগ্রি নেওয়া ছাত্র বরিশালের স্বরূপকাঠির সবরি আন্নের মতো টুকরি টুকরি অনেক পাওয়া যায়, কিন্তু বিজ্ঞানী কয়টি পাওয়া যায়? ধর্ম শিক্ষার ব্যাপারেও ঐ একই প্রশ্ন। কারণ, মাদ্রাসায় পাশ করে কেহই নবি হন নি।

‘কেতাবের জ্ঞান’ অর্জন করতে হলে মনটিকে মসজিদ বানাতে হবে। মনের মসজিদে অবস্থান করতে না পারলে কেতাব জ্ঞান লাভ করা যায় না। ‘বিজ্ঞানের জ্ঞান’ অর্জন করতে হলে মনটিকে প্রজ্ঞার (ইনটুইশন) মসজিদ বানাতে হবে। প্রজ্ঞার মসজিদে ধ্যানস্থ না হলে বিজ্ঞানের জ্ঞান লাভ করা যায় না। উভয়ের জ্ঞান অর্জনের পদ্ধতির পরিবেশ অভিন্ন, কিন্তু গভীরতায় ভিন্ন। একজন আপন স্বকীয়তায় কোরবানির তাকোয়ায় রত, অপরজন আপন স্বকীয়তাকে সাময়িকভাবে ভুলে থেকে সাধনায় রত।

পৃথিবীর নিকটতম উপগ্রহ চাঁদে এই সেদিন পা রাখল মানুষ। হজরত মোহাম্মদ (আ.) সমস্ত সৃষ্টি অতিক্রম করে গিয়েছেন মেরাজে। সৃষ্টির বাইরে, যেখানে বিজ্ঞান কল্পনা করতে পারে না, সেই বস্তুহীন, স্থান কালহীন ‘লা মোকামে’ হজরত মোহাম্মদ (আ.) বিজ্ঞানের সাহায্যেই গিয়েছিলেন। ইহাই আল্লাহর মনোনীত বিজ্ঞান। এই বিজ্ঞান বলে হজরত মোহাম্মদ (আ.) পৃথিবীতে থেকেই শুধু আঙুলের ইশারায় চাঁদকে দু’টুকরো হতে বলেছিলেন এবং সেই আদেশ সঙ্গে সঙ্গে পালিত হয়েছিলো। দুনিয়ার বিজ্ঞান এরূপ শক্তি অর্জনের ধারণা এখনো করে নি, তবে ভবিষ্যতে কী হয় বলা যায় না। কারণ, জ্ঞানরাজ্যে ভেটো বলে কোনো কথা নেই।

লোকের মুখে শুনি যে চাঁদের ফাটল দেখে অলম্বিন, আর্মস্ট্রং এবং কলিস অবাধ হয়ে একসময় মুসলমান হয়ে যান। তারা যে মুসলমান হয়েছেন এ বিষয়ে সন্দেহ নেই, তবে চাঁদের ফাটল দেখে না অন্য কিছু বুঝে মুসলমান হয়েছেন উহা তারাই জানেন। খ্রিস্টান ধর্ম ত্যাগ করে তারা যে মুসলমান হয়েছেন ইহা বাংলাদেশে কোনো এক দৈনিক খবরের কাগজে প্রকাশিত হয়েছিল। কোরান-এ উল্লিখিত ‘হেকমত’, যার অর্থ বিজ্ঞান, কথাটির তাৎপর্য ও অর্থ না বুঝে প্রায় তফসিরেই গোজামিল দেওয়া হয়েছে। এমনিই তো প্রায় তফসিরই গোজামিলের এক-একটি আজীব বস্তা বানিয়ে রেখেছে, তার উপর ‘হেকমত’ কথাটির অনুবাদে ‘বিজ্ঞান’ শব্দ ব্যবহার না করে অন্য শব্দ ব্যবহার করতেও দ্বিধাবোধ করেন নি। কারণ, অনুবাদকারীরা মনে করেন যে, হজরত মোহাম্মদ (আ.)-এর সময়টি তো বিজ্ঞানের যুগ ছিল না। অবশ্য এ জন্যই এ রকম মনগড়া অনুবাদ করা হয়েছে। গোজামিলের আজীব বস্তা কেউ ইচ্ছে করে বানাতে চায় না। প্রত্যেকেই গোজামিল দেওয়াটা অন্তর থেকে ঘৃণা করেন, কিন্তু যার যতটুকু বুঝবার শক্তি অর্জন করা হয়েছে ততটুকু আন্তরিকতার সঙ্গেই তিনি ব্যবহার করেন এবং যা জানে ধরে না উহা নিরুপায় হয়ে অন্য আর একজন যা বুঝেছেন তারটা গ্রহণ করতে বাধ্য হন। তাই অনেক সময় অসহ্য হয়ে অধম লেখক গালাগালি দিয়েছি। আমার চেয়ে যিনি ভালো বুঝতে পেরেছেন তিনি আবার আমাকে গাল দেবেন - ইহা স্বাভাবিক এবং গালমন্দ হজম করার মানসিকতা তৈরি করতে হবে। কারণ, আল্লাহর সমস্ত সৃষ্টিজগৎ ছুটে চলছে। একস্থানে থেমে নেই। সরল রেখার মতো পথ দিয়ে সৃষ্টিজগৎ ছুটে চলে না। কোরান সরল রেখার গতির সমর্থন দেয় নি। দার্শনিক স্পিনোজার অনুমানটা তাই ঠিক হয় নি। বৃত্তাকারে সৃষ্টিজগৎ ঘূর্ণায়মান। তাই সূন্যতাল্লাহে লা তাবদীলা-র ঘোষণা দেওয়া হয়েছে। মেরাজে হজরত মোহাম্মদ (আ.)-এর গমন এবং আল্লাহ পাকের সঙ্গে মিলনের রূপটি বৃত্তাকার। দুই ধনুকের ব্যবধানে। একটি ধনুক অর্ধবৃত্ত। দুই ধনুকের দুই অর্ধবৃত্ত সমান এক বৃত্ত। যদিও বলা হয়েছে আরও নিকটে। এই আরও নিকটে

বাক্যটি দিয়ে উভয়ের ব্যবধান একাকার করে দেওয়া হয়েছে। এই একাকার করে দেবার প্রকাশিত স্থানটিকে নুরে মোহাম্মদি বলা হয়। অনেকে আবার ইহাকে নুরে মোহাম্মদি না বলে নুরে ইসা, নুরে মুসা, নুরে ইব্রাহিম নামও দিয়ে থাকেন। তা যে নামেই ডাকা হোক না কেন, সেই প্রকাশিত স্থানটিকে মুসলমানেরা নুরে মোহাম্মদি বলে এবং অপ্রকাশিত স্থানটিকে বলে আল্লাহ। তাই বলতে শোনা যায় যে, জাহেরিতে মোহাম্মদ বাতেনিতে আল্লাহ। বক্তাকারে সৃষ্টিজগৎ ঘুরছে, কোরান-এর এই ঘোষণাটির সমর্থন পেয়েছি জার্মান দার্শনিক হেগেলের দর্শনে।

এই অবিরাম ছুটে চলার গতির কোনো একটি নির্দিষ্ট স্থানে দাঁড়িয়ে কোনো কিছুর সিদ্ধান্ত গ্রহণ করা যায় না। অবশ্য সিদ্ধান্ত আমরা অসহায়ের মতো নিয়ে ফেলি, কিন্তু শত কি হাজার বছর পর উহার আমূল পরিবর্তন দেখতে পাই।

ইসলাম ধর্ম ও ব্যক্তিমালিকানা

কোরান এবং হাদিস শরিফের কোথাও ব্যক্তিমালিকানার স্বীকৃতি পেলাম না। অবশ্য ইহা আমি যতটুকু বিদ্যা অর্জন করেছি তারই একটি প্রকাশ মাত্র এবং ইহাই গ্রহণ করতে হবে - এমন ঔদ্ধত্যপূর্ণ আদেশ দিতে চাই না। তবে বেশির ভাগ শ্রদ্ধেয় আলেম ভাইয়েরা ইসলামে ব্যক্তিমালিকানা আছে বলেই ঘোষণা করেছেন, সুতরাং আমার বক্তব্য গ্রহণীয় নাও হতে পারে। যে কোনো চিন্তাশীল নিরপেক্ষ ব্যক্তিকে 'ইসলামে ব্যক্তিমালিকানা নেই' বললে অবাক বিস্ময়ে তাকিয়ে থাকে। আমার এই অধম প্রবন্ধে চিন্তাশীল ব্যক্তিবর্গের এবং শ্রদ্ধেয় আলেম ভাইদের চিন্তা ধারার পরিবর্তন আসবে কি না জানি না, তবে তারা যদি ব্যক্তিমালিকানার সপক্ষে কোরান হতে একটিমাত্র দলিল পেশ করে আমাকে দিতে পারেন তবে আমি খুবই খুশি এবং কৃতার্থ হব। কারণ, মানুষ মাত্রেরই ভুল করে এবং আমিও মানুষ, সুতরাং ভুল-ভ্রান্তির উর্ধ্বে আমিও নই এবং তাতে আমার ভুল সংশোধন করে নেব।

সমগ্র কোরান-হাদিস আমার ক্ষুদ্র বুদ্ধিতে তন্ন তন্ন করে খুঁজেও ব্যক্তিমালিকানার পক্ষে একটি কথাও পেলাম না, বরং তার বিরুদ্ধেই বলা হয়েছে। আমি ব্যক্তিমালিকানার বিরুদ্ধে যে সমস্ত বাণী পেয়েছি উহারই ক্ষুদ্র একটি অংশ প্রবন্ধকারে লিপিবদ্ধ করলাম।

আল্লাজি জাম্বাআ মালাও ওয়াদ্বাদা - কোরান শরিফের এই একটিমাত্র আয়াতকেই ব্যক্তিমালিকানার বিরুদ্ধে অকাট্য এবং সর্বশ্রেষ্ঠ দলিলরূপে পেশ করতে চাই। এই আয়াতের হুবহু অনুবাদ হলো 'জম্মা করে সম্পদ এবং গুণে-বেছে রাখে'। এখন সবচাইতে বড় প্রশ্নটি হলো, সম্পদ কাকে বলে? সম্পদ বলতে কী বোঝায়? সম্পদ বলতে কি কাগজের টাকা এবং ধাতুর তৈরি পয়সা বোঝায়? অর্থনীতির অতি সাধারণ বিদ্যাটুকুও যারা রপ্ত করেছেন তাঁরাও জানেন যে, কাগজের টাকা ও ধাতুর তৈরি পয়সা কেবলমাত্র সম্পদ আদান-প্রদান করার একটি সহজ উপায় ছাড়া আর কিছুই নয়। যেহেতু কাগজের টাকা ও ধাতুর তৈরি মুদ্রায় জিনিসপত্রের লেনদেন তথা আদান-প্রদান করতে হয় সহজ, সেহেতু ইহাকে মাধ্যম ছাড়া আর কিছুই বলা যায় না। তা হলে সম্পদ কাকে বলা হয়? জায়গা-জমি, বাড়ি-ঘর, খাদ্যশস্য, নিত্য প্রয়োজনীয় জিনিসপত্র, কাপড়-চোপড় ইত্যাদি যাহা জীবন ধারণ করতে প্রয়োজন হয় তাকেই মোটা কথায় সম্পদ বলে। অচল টাকা এবং অচল পয়সায় সারাটি দিন পই পই করে ঘুরেও আপনি কি এক টুকরো কাপড় সংগ্রহ করতে পারবেন, অথবা কেউ আপনাকে পেটের ক্ষুধা মেটাবার খাদ্যদ্রব্য দেবে, অথবা যে কোনো জিনিস? কেউ আপনাকে দেবে না। কারণ, সম্পদ বিনিময় করার মাধ্যমটি সম্পূর্ণ অচল হয়ে পড়েছে। এমনও পরিস্থিতির উদ্ভব হয়েছে যখন যুদ্ধের ভয়ঙ্কর আঘাতে নাগরিক জীবন সর্ববিষয়ে পর্যুদস্ত। জীবন বাঁচানোর প্রশ্নে সম্পদের অভাব, খাদ্যশস্যের ভীষণ

ঘাটতি, তখন কাগজের টাকা এবং ধাতুর মুদ্রার মূল্য অনেক ক্ষেত্রে এমন মূল্যহীন হয়ে দাঁড়িয়েছে যে, পরনের সাধারণ একটি লুঙ্গি, যার দাম খুব বেশি হলে ত্রিশ টাকার ঊর্ধ্বে নয় উহাই সাড়ে চার শত টাকায় খরিদ করতে হয়েছে। (দ্বিতীয় মহাযুদ্ধে বার্মার কোনো একটি বাজারে)। একবেলা পেট ভরে হোটেলে খেতে গিয়ে ছয় শত কুড়ি টাকা দিতে হয়েছে এবং তার দুদিন পরেই একবস্তা টাকা হোটেলের মহাজনকে তেল মেখে দিয়েও পেট ভরে খাওয়াতে পারবে না বলে হুমকি শুনতে হয়েছে। (দ্বিতীয় মহাযুদ্ধে জাপান যখন সিঙ্গাপুর আক্রমণ করে)। ফ্রান্সের প্যারিস শহরে তো এর চেয়ে বেশি টাকা দিয়েও মানুষ একমুঠো খাদ্যদ্রব্য সংগ্রহ করতে পারতো না। এখন নিজের বিবেককে প্রশ্ন করে দেখুন তো, কাগজের টাকা এবং ধাতুর তৈরি মুদ্রাই কি সম্পদ, না জায়গা-জমি, কাপড়-চোপড়, খাদ্যশস্য ইত্যাদিই সম্পদ? নিত্য প্রয়োজনীয় দ্রব্যসামগ্রী যদি আপনি টাকার বস্তা দিয়েও না পান তখন কি আপনি মনে মনে এই ভাববেন না যে, কাগজের টাকা, ধাতুর তৈরি মুদ্রা কখনোই সম্পদ হতে পারে না। তবে আপনি কি এখনও সম্পদ বলতে কাগজের টাকা ও ধাতুর তৈরি পয়সাকে মনে করছেন? না, কখনোই মনে করতে পারেন না। শুধু সম্পদ আদান-প্রদান করার একটি উপায় ছাড়া টাকা ও মুদ্রার কি আর কোনো মূল্য আছে? সম্পদ বলতে যে জায়গা-জমি, খাদ্যশস্য, কাপড়-চোপড় ইত্যাদি ব্যবহার্য জিনিসপত্রকেই বোঝানো হয়েছে, এতে কি আপনার এখনো কোনো সন্দেহ থাকতে পারে? যদি এগুলোকেই আপনি সম্পদ বলে মেনে নেন তবে এগুলো জমা করে রাখা তথা মজুদ করে রাখতে পারছেন না। কারণ, কোরান সম্পদ জমা করে রাখতে নিষেধ করছেন এবং নিষেধ অমান্যকারী হতাম্মা নামক জুলন্ত নরকের অগ্নিতে অবশ্যই বাস করবে বলে ঘোষণা করা হয়েছে। এখন প্রশ্ন হলো কতটুকু সম্পদ জমা করতে কোরান বারণ করেছে? কোরান-এ সম্পদের কোনো পরিমাণ দেয় নি, বরং বলা হয়েছে যে, যে জমা করে সম্পদ অর্থাৎ জমা করাটাই হতাম্মা তথা জুলন্ত অগ্নি অর্থাৎ যত ক্ষুদ্র সম্পদই হোক না কেন, উহা জমা করতে মানা করছে, তথা ব্যক্তির অধিকারে কোনো সম্পদই জমা করা বারণ করা হয়েছে হতাম্মার হুমকি দিয়ে। এখন প্রশ্ন হলো, সম্পদ ব্যক্তির অধিকারে যে কোনো পরিমাণ রূপেই জমা থাক, যদি জুলন্ত অগ্নির শাস্তি দেওয়া হয়, যদি ব্যক্তিমালিকানায় সম্পদ জমা করা জুলন্ত অগ্নি হয়, তবে ব্যক্তিমালিকানার স্বীকৃতি তথা প্রাইভেট প্রোপার্টির স্বীকৃতি কোথায়? কোরান-এর এই আয়াতে আমরা ব্যক্তিমালিকানার স্বীকৃতি তো দূরে থাক, বরং জুলন্ত আগুন রূপেই দেখতে পাই। কোরান কি একবার ব্যক্তিমালিকানার বিরুদ্ধে আবার অন্যত্র ব্যক্তিমালিকানার পক্ষে বলতে পারে? অবশ্য যুগের চাহিদা অনুযায়ী সম্পদ বণ্টনের নানা রকম ব্যবস্থা থাকবে এবং থাকতে পারে এবং আছে এবং থাকবে। সব যুগেই যে একই রকম অর্থনৈতিক ব্যবস্থা চালু থাকবে উহা অসম্ভব এবং উহা আল্লাহর সৃষ্টির প্রকাশের ধারার মধ্যে নেই। অনেকখানি সম্পদ একজনের আম্মানতে থাকতে পারে, তাই বলে যার আম্মানতে আছে উনি যদি নিজেকে সম্পদের মালিক বলে ঘোষণা করে তবে উহা সম্পূর্ণ কোরান-বিরোধী ঘোষণা। মানুষ অনেক কিছুর আম্মানতদার হতে পারে, কিন্তু কোনো কিছুরই মালিক হতে পারে না। আমার প্রবন্ধের সার বক্তব্য কিছু উহাই। আমার ভয় হয়, অবশেষে কী বলতে গিয়ে পাঠক কী বুঝে ফেলেন। অর্থনৈতিক ব্যবস্থা ইসলামের শরিয়তের একটি প্রধান আইন, কিন্তু উহা ইসলামের কখনোই মূলনীতি নয়। ইসলামের মূলনীতি হলো, নিজের আম্মিত্ব বর্জন করে আল্লাহকে ফানা হওয়া তথা নিজেকে চেনা। এখানেই ইসলাম এবং মানুষকে পশু বানাবার কমিউনিজমের মধ্যে বিরাট পার্থক্য। যেহেতু কমিউনিজমে মানুষের জৈবিক চাহিদার একটি নিরেট প্রয়োগ ও ব্যাখ্যা এবং আত্মা-টাকার ধার ধারীর প্রশ্ন তো দূরে থাক, বিশ্বাসই করে না তথা ‘আর কোনো জ্ঞান নেই’ বলে দরজা বন্ধ করে দেওয়া হয়েছে, সেই হেতু কমিউনিজম হলো মানুষকে পশু বানাবার

নতুন মতবাদ। অবশ্য গুরুদেব কার্ল মার্কস পোল্যান্ডের এহেন অবস্থা দেখলে কঁপবার যে দাঁতে দাঁতে লেগে জ্ঞান হারাতেন!

ব্যক্তিমালিকানার স্বীকৃতি যেহেতু ইসলামে নেই, সেই হেতু ব্যক্তির জন্ম করে রাখা পুঞ্জির প্রশ্নটিও অবান্তর। যেহেতু ইসলামে ব্যক্তির জন্ম করে রাখা পুঞ্জির প্রশ্নটি অবান্তর সেই হেতু সুদ বলে কোনো কিছু কল্পনা করাটাও ইসলামে নেই। ব্যক্তির হাতে পুঞ্জি থাকছে না, তাই সুদের প্রশ্নও আসছে না। যেহেতু ইসলামে সুদ হারাম তথা নিষিদ্ধ, সেই হেতু ব্যক্তির কাছে পুঞ্জি তথা মাল থাকার স্বীকৃতিও হারাম, তথা ব্যক্তিমালিকানায় কিছুই থাকছে না। মানুষকে জ্ঞানোয়ার বানাবার কমিউনিজমে ব্যক্তিমালিকানার মৌলিক স্বীকৃতি না দিলেও ব্যক্তিকে ভরণ-পোষণের জন্য যা রাষ্ট্র কর্তৃক নির্ধারিত করে দেওয়া হয় তার উপর ব্যক্তির পূর্ণ কর্তৃত্বকে মেনে নেওয়া হয়, কিন্তু ইসলাম সেটুকুরও স্বীকৃতি দেয় না তথা মেনে নেয় না। অর্থাৎ কোনো কিছুরই মালিক হওয়া তো দূরের কথা, এমনকি তার দেহ মন তথা সে-ও তার নয়, অর্থাৎ ব্যক্তি নিজেও তার নয় এবং সেই হেতু ব্যক্তি কোনো কিছুরই মালিক নয়। মানুষ আল্লাহর গোলাম। কিন্তু এই গোলামরূপে চলার পথে বিদ্রোহ ঘোষণা করে নিজের মন বা আইডিয়া। এই জন্য ইসলাম নিজের খেয়ালখুশি মতো চলাকেই কুফরি জিন্দেগি বলেছে এবং এই জিন্দেগিকে ‘নফসে আশ্বারা’ খেতাব দিয়েছে। ইসলামের ভেতর নিজের খেয়ালখুশি মতো চলার স্বাধীনতা নেই এবং থাকতে পারে না। কারণ, খেয়ালখুশি মতো চলাকেই ইসলাম ‘দুনিয়াতে’ বাস করছে বলে অভিহিত করেছে এবং এরূপ দুনিয়াতে যে ব্যক্তি বাস করতে চায় তাকে মরদুদ তথা শয়তান বলা হয়েছে। কারণ, শয়তান আল্লাহর ইচ্ছার কাছে আত্মসমর্পণ না করে নিজের ইচ্ছার কাছে আত্মসমর্পণ করেছিল, তথা নিজের প্রবৃত্তির গোলামি করেছিল এবং এই গোলামিকে ইসলাম জঘন্য জীবন বলে অভিহিত করেছে এবং এর পরিণাম জাহান্নাম তথা অনুশোচনার আগুনের শাস্তি। অনুশোচনার আগুন কথাটি অনেকেই ভালো করে বুঝতে পারেন না। কারণ জাহান্নামের আগুন কিছু কোনো ঘর-বাড়ি পোড়ায় না, জাহান্নামের আগুন কোনো কাপড়-চোপড় পোড়ায় না, কোনো কাঠ-কয়লা পোড়ায় না, এমনকি ইহা মানুষের দেহটিও জ্বালায় না। তবে জাহান্নামের আগুন কী জ্বালায়? ইহা কেবল একটি জিনিসই জ্বালায়। উহা কী জিনিস? উহা তথা জাহান্নামের আগুন শুধু মানুষের অন্তরকে জ্বালিয়ে-পুড়িয়ে একাকার করে দেয়। জাহান্নামের আগুনের কত বড় শক্তির অদৃশ্য উত্তাপ হলে, কতটুকু অন্তরে দাহ তৈরি হলে মানুষ অসহ্য হয়ে গলায় দড়ি দিয়ে কিংবা নানা রকম বিষ সেবনে আত্মহত্যা পর্যন্ত করে ফেলে ভাবতে গেলেও অবাক হতে হয়; আর অবাক হতে হয় কোরান-এর বিজ্ঞানময় ভাষার লালিত্য ও গভীর দর্শন দেখে। কোরান-এর গভীর দর্শন দেখতে পেয়ে ইউরোপের কিছু দলপ্রিয় দার্শনিকের হিংসায় যা-তা বলতেও বিবেকে বাধে নি।

আল্লাহর সমগ্র সৃষ্টিরাজ্যে এই রকম স্বাধীনতা কাউকে দেওয়া হয় নি (অবশ্য আমাদের জ্ঞান মতে)। সমগ্র সৃষ্টিরাজ্যে আল্লাহর গোলামি করছে - কেবল দুটো প্রাণী বাদে : একটি মানুষ, অপরটি জিন। এই দুটোকেই ব্যক্তি-স্বাধীনতা দেওয়া হয়েছে এবং সেই সঙ্গে এও বলা হয়েছে যে, তোমাদের ব্যক্তি-স্বাধীনতা সম্পূর্ণরূপে বর্জন করে আল্লাহর হয়ে যাও তথা দাস বা গোলাম হও। কারণ, সমগ্র সৃষ্টিরাজ্যে আল্লাহর গোলামি করছে এবং যেহেতু সকলেই আল্লাহর গোলামি করছে সেই হেতু সকলেই মুসলমান, কেবলমাত্র মানব এবং জিন নামক দুটো প্রাণীকে গোলামির বাধ্যকতায় না ফেলে স্বাধীনতা প্রদান করেছেন এবং সেই সঙ্গে এই স্বাধীনতার কুফরি হতে পরিব্রাণ পাবার জন্য কেবলমাত্র এ দুটো জাতিকেই এবাদত তথা গোলামি করার আজ্ঞান জানানো হয়েছে। যেহেতু সমগ্র সৃষ্টিরাজ্যই সৃষ্টির গোলামি করছে তথা এবাদত করছে তথা তসবিহ পাঠ করছে তথা জিকির করছে তথা

সেজদায় আছে তথা এক কথায় সমগ্র সৃষ্টিরাজ্য আল্লাহর এক, একক এবং অখণ্ড বিধান তথা দ্বীনে এলাহিতে বাস করছে, সেই হেতু সমগ্র সৃষ্টিরাজ্য মুসলমান তথা আত্মসমর্পণকারী। ব্যতিক্রম কেবলমাত্র মানব এবং জিন জাতির ক্ষেত্রে। যেহেতু মানব এবং জিন জাতিকে ব্যক্তি স্বাধীনতা প্রদান করা হয়েছে তথা নির্বাচনী ক্ষমতা প্রদান করা হয়েছে সেই হেতু স্রষ্টাকে আবেদন করতে হয়েছে, সাবধান করতে হয়েছে, ভয়ঙ্কর শাস্তির হুকুম দিতে হয়েছে এই বলে যে, তোমাদের ব্যক্তি স্বাধীনতাকে সম্পূর্ণ বর্জন করে তথা আমিত্বকে ধ্বংস করে তথা হান্ধি বা খুদিকে মিটিয়ে দিয়ে, তথা মরার আগে মরে, তথা নিজের স্বল্পস্থায়ী দ্বীনকে বর্জন করে স্রষ্টার একক, অখণ্ড দ্বীনে এলাহিতে আত্মসমর্পণ করতে, তথা এবাদত করতে। তাই কোরান ঘোষণা করেছে যে, তিনি কেবলমাত্র মানব এবং জিনকে এবাদত করার জন্যই তথা দাসত্ব করার জন্যই তৈরি করেছেন। যেহেতু মানব এবং জিনজাতির অনেকেই আল্লাহর দাসত্ব তথা এবাদত করতে নারাজ এবং নিজের স্বাধীন প্রবৃত্তির ইচ্ছায় চলতে চায় সেই হেতু কেবলমাত্র এই দুটো জাতিকেই 'এবাদত করবার জন্যই সৃষ্টি করেছে' বলে কোরানকে ঘোষণা করতে হয়েছে। কেবলমাত্র এই দুটি জাতি ছাড়া আর কাউকে কোরান 'এবাদত কর' বলে আবেদন করে নি। কারণ, সৃষ্টিরাজ্যে আর কোনো প্রাণীকেই নির্বাচনী ক্ষমতা দেওয়া হয় নি, তথা ব্যক্তি স্বাধীনতা দেওয়া হয় নি এবং সেই হেতু সমগ্র সৃষ্টিরাজ্য আল্লাহর একক বিধানে তথা আল্লাহর দ্বীনে বাস করছে এবং সেই হেতু তারা সদাসর্বদা এবাদতে রত আছে এবং সেই হেতু তারা সবাই মুসলমান। কেবল মানব এবং জিনকেই এর ব্যতিক্রম করে তৈরি করা হয়েছে এবং এই ব্যতিক্রম হেতু তারা কেউ ততক্ষণ পর্যন্ত মুসলমান তথা আত্মসমর্পণকারী হতে পারে না, যতক্ষণ পর্যন্ত নিজের নির্বাচনী ক্ষমতা তথা ব্যক্তির স্বাধীনতাকে বিসর্জন দিয়ে আল্লাহর দ্বীনের দাসত্বকে হাসিমুখে বরণ না করে। মনে থাকে যেন, এখানে বলা হয়েছে ইসলামের ভিতর ব্যক্তি স্বাধীনতা নেই। তা হলে প্রশ্ন আসবে, তবে কি ব্যক্তি স্বাধীনতা ইসলামের বাইরে? হ্যাঁ, ব্যক্তি স্বাধীনতার আর এক নাম আমিত্ব। সম্পূর্ণ আত্মসমর্পণের আগে এই আমিত্ব কিছু না কিছু থাকবেই। এখানে ইসলামের সর্বোচ্চ পর্যায়ের কথা বলা হয়েছে। কিছু প্রবৃত্তির বশবর্তী হয়ে যা ইচ্ছে তাই করে যাবেন, এটা ইসলাম স্বীকার করে না। তবে প্রয়োগপদ্ধতিতে স্বাধীন মতামত এবং দর্শন প্রদান করার পূর্ণ স্বাধীনতা আপনার আছে। আধ্যাত্মিক বিষয়ে বিভিন্ন চিন্তাবিদেদের বিভিন্ন মত ও দর্শনের সৃষ্টি হতে পারে এবং তা হয়েই থাকে। যেমন ইমাম গাজালি এবং ইমাম তাইমিয়ার কথা ধরা যাক। বিবেককে ফাঁকি না দিয়ে বিচার করলে ইমাম গাজালির দর্শন ইমাম তাইমিয়ার ঠিক বিপরীত। তাই বলে কি চট করে কাফের ফতোয়ার তরবারি বসিয়ে দেব? তবলিগ জামাতের প্রতিষ্ঠাতা শ্রদ্ধেয় মাওলানা ইলিয়াস সাহেবের বিরুদ্ধে অনেক রকম যা-তা ফতোয়া মারতে দেখে ভীষণ দুঃখ পাই। এই অল্পদিন আগে আল্লামা ইকবালকে কয়েক শত আলেম কাফের ফতোয়া দিয়েছিল এবং কবি কাজি নজরুল ইসলামকেও। ইসলামের মধ্যে দল তৈরি করে এক শ্রেণীর আলেম সমাজ যে কত বড় ক্ষতি করে চলছেন এবং এই ফতোয়ার কাদা ছোঁড়াছুড়ি করেই তো! আজ আমাদের এহেন রূপখানা দেখে পৃথিবী হি হি করে হাসে। সবাইকে যদি দার্শনিক হতেই হবে বলেন তা হলে বাজারের তরকারি, মাছ-মাংস বিক্রি করবে কারা? তারা না থাকলে আপনি চলবেন কেমন করে সেটা একবার ভেবে দেখেছেন তো? না, না ভেবেই ফতোয়া মেরে দেবেন? ব্যক্তি স্বাধীনতার দোহাই দিয়ে অর্থনৈতিক বৈষম্য তৈরি করা - ইহা কি মেনে নিতে চাইছেন? টোটাল সিনসিয়ারিটি তথা সম্পূর্ণ সত্যতার মাধ্যমে কোরান-হাদিস গবেষণা করতে হবে এবং এতে কার সঙ্গে কতটুকু মিলে বা মিলে গেল উহা বিচার্য নয়। ইসলামের রূপ ও দর্শন যা বুঝতে পেরেছি উহাই প্রকাশ করে গেলাম। আমার দর্শনই একমাত্র সত্যদর্শন এবং এর বাইরে আর কিছু নেই বলাকে

ধৃষ্টতা মনে করি। আমি মনে করি ভুল করা অনেক ভালো, জেনে শুনে ভগ্নামি করার চেয়ে। দার্শনিক ফ্রেডারিক নিটশে নাস্তিক, কিন্তু ইমানুয়েল কান্ট আন্তিক। চিন্তার রাজ্যে উভয়ের ব্যবধান আকাশ আর পাতাল। কিন্তু পশ্চিমা সভ্যতা উভয়কে দিয়েছেন সমান গণতান্ত্রিক সুযোগ, যা মানুষকে পশু বানাবার কমিউনিজম দেয় না। তাই চিন্তার রাজ্যের স্বাধীনতার প্রশ্নে সব কিছু বুঝে গেছেন মার্কস কমিউনিস্টদের সঙ্গে একমত নই।

আদম সন্তানেরা একই জাতি এবং একই সঙ্গে যদি মিলেমিশে চলার তাগিদ থাকে এবং সেই সঙ্গে হিংসা, মারামারি, জুলুম এবং অন্যায় অত্যাচার হতে দূরে থাকার তাগিদ দেওয়া হয়, তবে কি আমরা গভীরভাবে পর্যালোচনা করে দেখবো না যে, কিসের দরুন এই অনর্থক হিংসা-বিদ্বেষ মানবসমাজে মাথা চাড়া দিয়ে ওঠে এবং উঠতে চায়? নিরপেক্ষ দৃষ্টি দিয়ে যদি বিচার করা যায়, যদি বিবেককে ফাঁকি না দেওয়া হয় তবে দেখা যায় যে, এই ব্যক্তিমালিকানাটাই এক-এক সময় এক এক রূপ নিয়ে মানবসমাজকে অকথ্য নির্যাতন এবং বিশৃঙ্খলার মধ্যে নিয়ে ফেলেছে এবং এই নির্যাতন ও বিশৃঙ্খলার অভিশাপে সমাজ জীবনে নেমে এসেছে দিনের পর দিন এক ভয়ঙ্কর করুণ পরিস্থিতি এবং মানবসমাজের ভারসাম্য হিঁড়ে টুকরো টুকরো হয়ে যাচ্ছে এবং এরই দরুন পাপ তার সর্পিল গতি নিয়ে কী বিশ্রী এবং জঘন্যরূপে সমাজের আনাচে-কানাচে ফুটে উঠেছে দিনের পর দিন।

এই ব্যক্তিমালিকানার উচ্ছেদ করে আদম সন্তানেরা সকলে মিলে আল্লাহর মালিকানায় বিশ্বাস রেখে যদি চলতে পারে, তবেই সেদিন মানবজাতি পাবে সত্যিকার অর্থনৈতিক মুক্তি এবং সেদিনই মানবসমাজে বিরাজ করবে প্রকৃত সাম্য এবং ভ্রাতৃত্ব। এর আগে সাম্য আর ভ্রাতৃত্বের কথা বলাটা নিতান্ত ভগ্নামি করা ছাড়া আর কিছুই নয়। অবশ্য দুদিন আগে আর পরে হোক, এসব ভগ্নামি আস্তে আস্তে সমাজ জীবন হতে মুছে যেতে বাধ্য। কারণ মানুষ এখন বেশ বুঝতে পেরেছে যে, ব্যক্তিমালিকানাটাই যত অপকর্ম এবং বর্বরতার মূল।

ব্যক্তিমালিকানার উচ্ছেদ করে আল্লাহর মালিকানায় যদি কোনো গোষ্ঠী এগিয়ে আসে তবে তাদের জয় সুনিশ্চিত এবং অর্থনৈতিক দাসত্ব হতে মুক্তিও তারা সম্পূর্ণরূপে পাবে এবং সেই মানবগোষ্ঠীর সকলের মুখেই অর্থনৈতিক মুক্তির হাসি আলসিয়ে উঠবে।

এই ব্যক্তিমালিকানার খপ্পরে পড়ে লাখো লাখো গরিবদের ফুটপাথের ধারে রাত কাটাতে হয় জীব-জানোয়ারের মতো, অথচ ধনীদের বাড়িতে যে মোটর গাড়ির জীবন বলতে কিছুই নেই, সেই গাড়িটারও থাকার জায়গা হয় দালানের একটি সুরক্ষিত কামরায়। এই ব্যক্তিমালিকানার খপ্পরে পড়ে ধনী লোকটি তার ছেলেপুলে নিয়ে নান্না খায় মাখন আর হালুয়া-রুটি, আর অপর দিকে বস্তির কাদামাটির ঘরে, বৃষ্টি এলে ঝুপঝুপিয়ে জল পড়ে, তারই মধ্যে গরিব বেচারার পয়সার অভাবে চিকিৎসা করতে না পেরে কী করুণ উপবাস আর কী বুক ফাটা শিশুদের কান্না!

যেহেতু 'ব্যক্তিমালিকানা' যতদিন মানবসমাজে প্রচলিত থাকবে ততদিন পূজি থাকছেই এবং যতদিন পূজি থাকছে ততদিন শোষণ ও জুলুম থাকবেই, যেহেতু পূজিবাদের স্বীকৃতি ইসলামে নেই, সেই হেতু ব্যক্তিমালিকানার কোনো অস্তিত্বই ইসলামে নেই। আল্লাহর কাছে যত পাপই করা হোক না কেন, তার ক্ষমা লাভ করার আশ্বাস আপনি পেতে পারেন। কিন্তু যে অপরাধের ক্ষমা নেই সেটি হলো মানুষের উপর জুলুম ও শোষণ। কারণ, এ রকম শোষণ ও জুলুম আল্লাহর উপর নির্ভর ও বিশ্বাস হারাবার পরই করতে পারে এবং এই নির্ভর ও বিশ্বাস হারানোর অর্থই হলো শেরেক। আত্মকেন্দ্রিক অন্যায়কেও ব্যক্তিগত জুলুম বলা হয়েছে, কিন্তু সামাজিক জুলুম ও শোষণকে বলা হয়েছে অমার্জনীয় অপরাধ এবং এ রকম

অপরাধের ক্ষমা নেই। আল্লাহ যেহেতু মনে করেন যে, এই অপরাধ তাঁর কাছে করা হয় নি, করা হয়েছে মানুষের উপর, সেই হেতু ক্ষমা করে দেবার প্রশ্ন ও প্রতিশোধ নেবার প্রশ্ন উভয়ই নির্ভর করে তাদেরই উপর, যারা শোষিত এবং অত্যাচারিত হয়েছে।

যেহেতু শোষিত এবং অত্যাচারিত মানবদের উপর ক্ষমা অথবা প্রতিশোধ নেবার ইচ্ছাশক্তি প্রদান করা হয়েছে, সেই হেতু মানবজাতি যদি শোষক এবং অত্যাচারীকে ক্ষমা না করে তাদের বিরুদ্ধে জেহাদ করে প্রতিশোধ গ্রহণ করে, তবে আল্লাহর আইন মোতাবেকই ইহা করা হবে এবং এই শোষক ও জালেমের বিরুদ্ধে দাঁড়ানোকেই আল্লাহ 'জালেমকে সাহায্য কর' বলে আহ্বান জানিয়েছেন।

ইসলাম ব্যক্তিমালিকানা স্বীকার করে বলে যারা কোরান হতে উদ্ধৃতি পেশ করেন তাদের উদ্ধৃতিসমূহের মধ্যে ব্যক্তিমালিকানার কথাই বলা হয়েছে কি না সেটাই তুলে ধরতে চাই। তুলে ধরতে চাই, কীভাবে সহজ সরলমনা জনতাকে, কীভাবে কোরান হতে আগা মীথা-বাদ দিয়ে দু'একটি কথা তুলে ধরে ভুল পথে টেনে নিয়ে চলছে। কোরান-এর প্রতিটি কথা উহার সমস্ত ভবিধারার সঙ্গে ওতপ্রোতভাবে জড়িত। কোরান-এ সামান্য একটু কথার ব্যাখ্যা লিখতে গেলে প্রথমেই জনতাকে কোরান-এর বিশেষ বিশেষ শব্দ ও সংজ্ঞার সঙ্গে পরিচিত করানো উচিত এবং কোরান-এর দু'একটি কথার সত্যিকার আলোচনা করা অল্প কথায় একপ্রকার অসম্ভব।

কোরান-এর সূরা আনআমের ১৬৫ আয়াতে বলেছেন, 'এবং তিনিই, যিনি তোমাদেরকে উত্তরাধিকারিত্ব দিয়েছেন এবং কতককে অন্য কতকের উপর মর্যাদা দিয়েছেন তোমাদের পরীক্ষা করার জন্য সেই বিষয়ে যা তোমাদেরকে দেওয়া হয়েছে। নিশ্চয়ই তোমার রব শাস্তিদানে তুরাশ্বিত এবং নিশ্চয়ই তিনি ক্ষমাশীল দয়ালু।' কোরান-এর সূরা বনি ইসরাইলের ২১ আয়াতে বলছেন, 'দেখো কীভাবে আমরা দিয়েছি শ্রেষ্ঠত্ব কাউকে কারো উপর এবং নিশ্চয়ই পরকাল শ্রেষ্ঠত্ব ও মর্যাদার দিক দিয়ে অনেক বেশি।' কোরান-এর সূরা যুখরুফের ৩২ আয়াতে বলছেন, 'তারা কি রবের রহমত বিতরণ করে? আমরাই দুনিয়ার জীবনে বণ্টন করে দিয়েছি তাদের মধ্যে উপার্জনের উপায় উপকরণ এবং আমরাই তাদের কতককে কতকের উপর মর্যাদায় উন্নীত করেছি যাতে করে কতক কতকের উপর কর্তৃত্ব করে, কিন্তু তোমার রবের রহমত তো এর (সম্পদ) থেকে শ্রেষ্ঠ, যা তারা জমা করছে।'

কোরান-এর এই জাতীয় আয়াতগুলিকে অসাম্য এবং ব্যক্তিমালিকানার পক্ষে দলিলরূপে দাঁড় করানো হয়। কিন্তু একটু গভীর ভাবে লক্ষ্য করলেই আমরা দেখতে পাব যে, ইহাদের অর্থনৈতিক অসাম্য এবং ব্যক্তিমালিকানার স্বপক্ষে দলিলরূপে মোটেই দাঁড় করানো যায় না। আয়াত তিনটির ব্যাখ্যা হলো : হে মানব, তোমাদেরকে তোমাদের পূর্ববর্তীদের উত্তরাধিকারীরূপে পৃথিবীতে স্থান দান করেছেন এবং মর্যাদায় তোমাদের একজনকে অন্যদের উপর শ্রেষ্ঠত্ব দেওয়া হয়েছে। এই 'মর্যাদা' কথাটির দ্বারা বুদ্ধি, বিবেচনা, চিন্তাধারা, শারীরিক ও আধ্যাত্মিক শক্তি লাভ করাকেই বোঝানো হয়েছে। ধন-সম্পদের যে শ্রেষ্ঠত্ব তথা একজন আর একজনের উপর অর্জন করে থাকে, সে কথা মোটেই বলা হয় নি। তার কারণ হলো, ধন-সম্পদের শ্রেষ্ঠত্ব আল্লাহ কখনোই স্বীকার করেন না এবং ধন-সম্পদ উপার্জন করার শ্রেষ্ঠত্ব কখনোই রবের দান হতে পারে না। এই আয়াতে 'আল্লাহ' শব্দের ব্যবহার করা হয় নি, ব্যবহার করা হয়েছে 'রব' শব্দ। রব কখনোই ধন-সম্পদের ব্যতিক্রমকে মর্যাদার কারণ হিসাবে গ্রহণ করতে পারেন না। ধন-সম্পদ ছাড়া শ্রেষ্ঠত্ব লাভের অন্যান্য যে সকল উপায় রয়েছে সেগুলোর কথাই এই আয়াতগুলোতে উল্লেখ করা হয়েছে এবং বিশেষ করে নফসের তথা চিত্তবৃত্তির শ্রেষ্ঠত্বের মর্যাদাই এখানে বলা হয়েছে। কারণ এ মর্যাদাই রবের কাছে বিশেষভাবে গ্রহণীয়। মানুষকে তার রবের

কাছে যে পরীক্ষা দিতে হবে তা হবে এ দানগুলোর মধ্যেই। অর্থাৎ রবরূপে তিনি মানুষকে যত কিছু দান করে থাকেন এই দানগুলোর ব্যবহারের মধ্যে তাকে পরীক্ষা দিতে হবে। রবের সঙ্গে সংযোগের জন্য তিনি রবরূপে যে সব গুণাবলি দান করেন, যার দ্বারা রবের সঙ্গে সংযোগ করার অধিক সুযোগ পাওয়া যেতে পারে, সেই সকল সুযোগগুলো রবকে পাবার চেষ্টায় ব্যয় না করে দুনিয়ার আধিক্য পাবার চেষ্টা করলে পরীক্ষায় উত্তীর্ণ হতে পারবে না। তাই সঙ্গে সঙ্গে বলা হয়েছে, ‘নিশ্চয়ই তোমার রব শাস্তিদানে তুরাশিত।’ এবং যদি সংযোগ করার অধিকতর সুযোগ এবং অবলম্বনগুলোকে উপযুক্ত ব্যবহার কেউ করে, তবে নিশ্চয়ই তিনি হবেন সেই ব্যক্তির জন্য ‘ক্লমাশীল রহিম’। এখানে ‘ক্লমাশীল রহিম’ কথার ব্যাখ্যা একটু প্রয়োজন। আল্লাহ শুধু দুনিয়ার মধ্যে ‘রহিম’-রূপে আছেন - দুনিয়াতে নয়। দুনিয়াতে আল্লাহর রূপ হলো ‘রহমান’। দুনিয়ার মধ্যে ‘রহিম’ রূপে যে দিয়া তিনি ক্লমার পর দান করেন তা অপার্থিব। কারণ, ক্লমা অর্থই হলো মানবীয় গুণ ও ভাবধারা তথা আমিত্ব বা অহম হতে মুক্তিদান করে সম্পূর্ণ শুদ্ধ করে তোলা।

আলোচ্য আয়াতগুলোতে ব্যক্তিমানিকানা বা অধিকারের কথার কোনো ইঙ্গিত নেই। শুধুমাত্র এতটুকু বলা হয়েছে যে, পূর্ববর্তী লোকদের স্থলাভিষিক্ত হিশাবে মানুষ পৃথিবীর অধিবাসী হয়ে বাস করছে। প্রকৃতিগতভাবে একজনের উপর অন্য জনের যে শ্রেষ্ঠত্ব দান করেন, সেই দানগুলির ব্যবহারের মধ্যে রয়েছে মানুষের পরীক্ষা। অর্থাৎ নফসের তথা চিত্তবৃত্তির এ সকল শ্রেষ্ঠত্বের উপকরণের দ্বারা সে কি দুনিয়া সন্ধান করে, না রবকে সন্ধান করে, এটাই হবে একমাত্র বিচার্য বিষয়। প্রবৃত্তির সুখ-সম্পদ অথবা অন্য ব্যক্তি হতে অধিক অর্থ উপার্জন করার অপর নাম দুনিয়া উপার্জন করা। দুনিয়া উপার্জন ‘রব’-এর একান্ত অপ্রিয় বিষয়। কাজেই আর্থিক শ্রেষ্ঠত্ব বা প্রভুত্ব অন্যের উপর বিস্তার করার সহায়তা রব কখনোই করতে পারে না। যেহেতু দুনিয়া উপার্জন ইসলামে হারাম।

যে মর্যাদা এবং শ্রেষ্ঠত্বের কথা কোরান ঘোষণা করছে উহাতে বুদ্ধি, বিবেচনা, চিন্তাধারা, শারীরিক ও আধ্যাত্মিক মর্যাদা ও শ্রেষ্ঠত্বের কথাই বলা হয়েছে। এসব বিষয়ে মানুষের মধ্যে বিভিন্মতা এবং গুণগত পার্থক্য থাকবেই। যেমন ধরুন, রহিম নামক একটি মানুষ অধ্যাপক, করিম ইনজিনিয়ার, মতিন ডাক্তার, আবুল শ্রমিক এবং সেলিম কৃষক। কর্মক্ষেত্রে এই পাঁচজনের কাজ মোটেই এক নয়। কাজের বিভিন্মতা এবং গুণগত পার্থক্য এখানে স্পষ্ট ধরা পড়ছে। এই বিভিন্মতা এবং গুণগত পার্থক্য জীবন ধারণের বিভিন্ম সমস্যার উপর ভিত্তি করেই প্রতিষ্ঠিত হয়েছে এবং যতদিন মানবজীবনে বিভিন্ম সমস্যা থাকবে ততদিন কর্মেরও বিভিন্মতা থাকতে বাধ্য। এবং যতদিন কর্মের বিভিন্মতা থাকছে ততদিন মর্যাদা ও শ্রেষ্ঠত্বের প্রশ্নও থাকবেই। যে কোনো একটি কাজের কথাই ধরে বিবেচনা করলে আমরা দেখতে পাই যে সেই কাজের বিষয়ে একজন প্রচুর অভিজ্ঞতা এবং অনুশীলন করার ক্লমতা রাখে, পক্ষান্তরে অপর একজন সদ্য সেই কাজে যোগ দিয়েছে। এই দুয়ের মাঝে গুণগত পার্থক্য থাকবেই এবং থাকছে। এই দুয়ের মর্যাদা এক হতে পারে না। কারণ, মর্যাদার দিক দিয়ে এখানে একজন শিক্ষক অন্যজন ছাত্র। সে রকমভাবে সমাজ জীবনের বিভিন্ম সমস্যার অভাব পূরণ করতে গিয়ে এই পাঁচজনের পাঁচ রকম কাজ করতে হচ্ছে। এই পাঁচ জনের পাঁচ রকমের কাজের মধ্যে কোনো মিল নেই। এক-একজন এক-এক রকম সামাজিক সমস্যার দায়িত্ব পালনে রত, কিন্তু এই পাঁচজনকে যদি একসঙ্গে বসিয়ে পাঁচজনের হাতে একটি করে ঝাল মরিচ হাতে দিয়ে খেতে বলেন, তবে পাঁচজনেই ঝাল লাগছে অথবা মুখ পুড়ে যাচ্ছে বলে একই রকম বেদনার কথা আপনাকে জানাবে। এই পাঁচজনের মধ্যে কেউ মরিচ খেয়ে মিষ্টি লাগছে বলবে না। তার কারণ কী? কারণ হলো জৈবিক প্রয়োজনের (বায়োলজিক্যাল নিডের) বেলায় সবাই সমান বেদনা এবং আনন্দ অনুভব করে তথা

জৈবিক প্রয়োজনের বেলায় সবাই সমান। খিদে পেলে সবাই খেতে চাইবে এবং এখানে বিভিন্ন কার্যে রত পাঁচজনে একই জিনিসের জন্য সমান অভাব অনুভব করছে। ইসলাম এই বিভিন্ন কর্মে রত পাঁচজনের যেখানে একই রকম অনুভব, সেখানেই রেখেছে সাম্য। অর্থাৎ জৈবিক প্রয়োজনের বেলায় যেহেতু বিভিন্ন কার্যে রত পাঁচজন একই রকম অভাব অনুভব করছে, সেই হেতু ইসলাম জৈবিক প্রয়োজনের বেলায় সবাইকে সাম্যবাদের শিক্ষা গ্রহণ করতে বিশেষভাবে গুরুত্ব দিয়েছে এবং ইসলাম এটাও ঘোষণা করে দিয়েছে যে, এই জৈবিক প্রয়োজনের বেলায় সবাই যেখানে সমান অনুভব করছে সেখানে অসাম্য থাকতে পারে না এবং এই জৈবিক প্রয়োজনের বেলায় যারা অসাম্য তৈরি করতে চায় তথা বৈষম্য রাখতে চায় তারাই তাপ্ত পূজা করে, তথা কলুষিত বস্তুবাদের (কোরাপটেড মেরিটরিয়ালিজম) গোলামি করছে এবং ইহাই কুফরি জিন্দেগি এবং এদেরকে ইসলাম কাকের বলে ঘোষণা করেছে। জৈবিক প্রয়োজনের বেলায় বৈষম্য তৈরি করে মর্যাদা এবং শ্রেষ্ঠত্বের কথা কল্পনা করাটাও জঘন্য অপরাধ বলে ইসলাম বার বার উপদেশ দিয়েছে। ভাতের বাসনে পাঁচজন খেতে বসলে একই রকম এবং একই পরিমাণ না খেলেই যে অসাম্য হয়ে গেল তা নয়। বিভিন্ন কর্মে নিয়োজিত এই পাঁচজনের খাটুনি একই রকম হতে পারে না। মাটি যে ব্যক্তি কাটে এবং যে ব্যক্তি বসা কাজ করে, উভয়ের খাটুনি সমান নয় বলেই খেতে বসলে উভয়ের সমানই খেতে হবে, এ রকম কল্পনার সাম্যও ইসলাম প্রচার করে নি। খাটুনি অনুযায়ী যার যতটুকু অভাব পূরণের প্রয়োজন ততটুকুই শুধু তাকে দিতে হবে এবং ততটুকু তাকে গ্রহণ করতে হবে। যেহেতু জম্মা করাটাই জাহান্নামের আশ্রয়, সেই হেতু জম্মা করে রাখার প্রশ্নই আসতে পারে না। খলিফা আবু বকর, ওমর, আলি, মায়ীজ ইবনে জাবাল, আবু জর গিফারি - এই মহামান্য সাহাবারা নিজেদের ব্যক্তিগত জীবনধারণের বেলায় এবং অনেক সময় এমন কঠোর সাম্যনীতি অনুসরণ করছেন, যা যুগে যুগে মানুষের কাছে দৃষ্টান্ত হয়ে থাকবে। খলিফা ওমর যেভাবে জালুলার যুদ্ধে পাওয়া কাপড় জনসাধারণকে ভাগ করে দিয়েছিলেন তাহা আজকের যুগে কল্পনার সাম্যের মতোই মনে হয়। খলিফা আবু বকর মদিনাতে যখন কোনো এক যুদ্ধে পাওয়া সম্পদ এলো, তখন তিনি সেই সম্পদকে সমানভাবে ভাগ করে দিলেন। বড়-ছোট, দাস-দাসী, নারী-পুরুষ সবাইকে দিলেন সমান ভাগ। এতে আপত্তি করেছিলেন কেউ এবং বলেছিলেন, ইসলাম যারা আগে গ্রহণ করেছেন তাদের ভাগটা অন্যরকম করা হোক। কিন্তু খলিফা আবু বকর বজ্রকণ্ঠে এর বিরোধিতা করে বললেন, এটা হলো জৈবিক প্রয়োজন তথা খাদ্য সংক্রান্ত ব্যাপার - মর্যাদাভিত্তিক ব্যবহার এই ব্যাপারে হয় না। এ রকম অবিষ্মরণীয় বিস্ময়কর বহু ঘটনার সমাবেশ আমরা দেখতে পাই দেড় হাজার বছর আগে যখন বর্বরতার যুগ তার ডানা মেলে অনেকাংশে বিরাজ করছে। সেই যুগে সেই পরিবেশের ভয়ঙ্করত্বের মধ্যে সহসা এ রকম শিক্ষা ও মানবতার বাণী শুনি সাহাবাদের কণ্ঠে ও ব্যক্তিগত জীবনে। এ রকম হাজার হাজার মানবতার বাণী আজও পুরনো পুঁথির পাতায় লিখা আছে, কিন্তু তার আদর্শ ও শিক্ষা, আজকের মুসলমানদের মধ্যে নেই বলেই তো এত লাঞ্ছনা আর অপমান।

ইসলাম কোনো অর্থনৈতিক প্রয়োগব্যবস্থা দিয়ে যায় নি। যেহেতু ইসলাম অর্থনৈতিক প্রয়োগব্যবস্থা দিয়ে যায় নি সেই হেতু ইসলাম একটি পূর্ণাঙ্গ জীবন বিধান। যদি ইসলাম অর্থনৈতিক প্রয়োগব্যবস্থা দিয়ে যেতো তবে ইসলাম একটি পূর্ণাঙ্গ জীবনবিধান বলে দাবি করতে পারতো না। তার কারণ? কারণ হলো, আদিম যুগের অর্থনৈতিক ব্যবস্থা এবং আজকের আধুনিক যান্ত্রিক যুগের অর্থনৈতিক ব্যবস্থা কখনোই এক হতে পারে না। যেহেতু কোরান নিজেই দাবি করেছে যে, ইহা একটি বিশেষ যুগের জন্য নাজেল হয় নি, সেই হেতু কোনো একটি বিশেষ যুগের অর্থনৈতিক ব্যবস্থাও দিয়ে যায় নি। যেহেতু কোরান কোনো একটি বিশেষ যুগের অর্থনৈতিক

ব্যবস্থাপত্র দিয়ে যায় নি, সেই হেতু কোরান-এর বাণী সর্বকালের জন্য চিরন্তনরূপে বিরাজ করছে এবং সেই হেতু কোরান প্রতিটি বিষয়ের মূলনীতি দিয়ে গেছে এবং সেই হেতু সর্বকালের জন্য ইসলাম একটি পূর্ণাঙ্গ জীবনবিধান।

ইহুদি শব্দটির একটি ব্যাখ্যা দেবার প্রয়োজন মনে করছি। মীরজাফরকে যেমন বিশ্বাসঘাতকতার প্রতীক এবং প্রতিশব্দরূপে ব্যবহার করা হয়, তিক সেই রকমভাবে ইহুদিকে ধন জমাকারী তথা পুজিপতির প্রতীক এবং প্রতিশব্দরূপেই ব্যবহার করা হয় এবং এর ঐতিহাসিক কারণও আছে। কারণ, ইহুদিরাই ধনের প্রতি এত বেশি লোভী হয়ে পড়ে যে, তাদের ধর্মগ্রন্থকে পর্যন্ত তারা বিকৃত করে ছেড়েছে। আমাদের দেশে যেমন কৃপণকে 'সাহা' বলে গাল দেওয়া হয়, সে রকম ইহুদি বলতে এখানে যারা মাল জমা করে তাদের কথাই বোঝানো হয়েছে। মুসলমানের ঘরে জন্ম নিলেই সে মুসলমান হয় না ততক্ষণ, যতক্ষণ তার সার্বিক জীবনটা কোরান-এ বর্ণিত মুসলমানের মতো না হয়। হজুর পাক (আ.) এ রকম ইহুদিদের থেকেই মুসলমানদেরকে সাবধান থাকার উপদেশ দিয়েছেন। কারণ মুসলমানি মুখোশে এই সমস্ত ইহুদিরা দুই ইসলামের উপর যথেষ্ট কলঙ্ক লেপন করেছে এবং এখনো করে যাচ্ছে।

কোনো একটি প্রচারপত্রে দেখতে পেলাম কোরান-এর সূরা ইয়াসিনের ৭৬নং আয়াতটিকে ব্যক্তিমালিকানার পক্ষে দলিলরূপে ব্যবহার করেছে। উক্ত প্রচারপত্রটি ইসলামে ব্যক্তিমালিকানার স্বীকৃতি আছে বলে রায় দিয়েছে এবং ইহার ফলে কোরান-এর সত্যিকার ভাবধারা বিকৃত হয়ে পড়ে এবং আরবি ভাষা না জানা সরল প্রাণের লোকেরা বিভ্রান্তির মধ্যে পড়ে রীতিমতো হাবুডুবু খাচ্ছে। অথচ এই আয়াতে পশুর উপর মানুষের যে কর্তৃত্ব ও অধিকার দেওয়া হয়েছে কেবলমাত্র সে কথাটার এখানে উল্লেখ করা হয়েছে। ইহাকে ব্যক্তিমালিকানার নজিররূপে তথা উদাহরণরূপে কেমন করে যে দেখানো যেতে পারে তাহা বোঝাই মুশকিল। এক মানুষের উপর অন্য মানুষের অথবা একদল মানুষের উপর অন্য দলের কর্তৃত্ব পাবার নির্দেশ এই আয়াতের দ্বারা কেমন করে যে বোঝা যেতে পারে তাহা আবিষ্কার অথবা কল্পনা করাও যায় না। ব্যক্তিমালিকানার স্বার্থবাদী ভূত যারা দেখেন তাদের পক্ষে এইরূপ অদ্ভুত অর্থ আবিষ্কার করা সম্ভব হতে পারে।

যদি কেহ একান্তই এই আয়াতটিকে ব্যক্তিমালিকানার দিকে লাগাতে চান তা হলেও এই মালিকানা ব্যক্তিমালিকানা নয়। ইহা পশুর উপর সমগ্র মানবজাতির মালিকানা বা অধিকার বোঝায়। ব্যক্তিমালিকানার কোনো প্রশ্নই আসে না। আল্লাহর বিধান মতে আমরা সবাই এই অধিকার পেয়েছি পশুর উপর। একজনকে বঞ্চিত করে অথবা বাদ দিয়ে অন্যজনের অধিকার বোঝায় না। এই অধিকার সার্বজনীন। কোরান-এর আয়াত কয়টি নিম্নরূপ : (৭৬) 'তারা (অর্থাৎ লোকেরা) কি দেখে না যে, আমাদের হস্ত পরিচালনার দ্বারা যত সৃষ্টি আমরা করেছি তার মধ্যে গৃহপালিত পশু একপ্রকার সৃষ্টি, কাজেই তারা (অর্থাৎ লোকেরা) উহার মালিক হয়েছে? (৭৭) এবং উহাদিগকে আমরা তাদের অধীন (বশীভূত) করেছি। কাজেই উহাদের মধ্যে কতকগুলিতে তারা চড়ে এবং উহাদের কোনোটি ভক্ষণ করে। (৭৮) এবং উহাদের মধ্যে তাদের জন্য অনেক উপকার ও পানীয় (দুগ্ধ) আছে, তথাপি তারা কি কৃতজ্ঞ হবে না?'

মানুষকে পশুর উপর কর্তৃত্ব করার অধিকার আল্লাহ দান করেছেন। তাই মানুষ পশুর উপর কর্তৃত্ব করতে পারে। উহাদের উপর আরোহণ করে, মাংস খায় ইত্যাদি। যদি মানুষকে পশুর উপর মালিকানা অর্থাৎ অধিকার ও শ্রেষ্ঠত্ব দান না করতেন তা হলে পার্থিব জীবনে মানুষ পশুকে আপন ব্যবহারে আনতে পারতো না এবং পশু মানুষের বাধ্য থাকতো না। সে তার অধিকতর শারীরিক শক্তি দ্বারা এবং বুদ্ধি বেশি দেওয়া হলে উহা দ্বারা হয়তো মানুষের উপরই কর্তৃত্ব করতে চাইতো। পার্থিব

জীবনের একমাত্র শক্তিদানের নমুনা হতে মানুষের বোঝা উচিত যে, আল্লাহকে একমাত্র ইলাহ-রূপে (অর্থাৎ কর্তা, নেতা, অধিকারী রূপে) গ্রহণ করতে পারলে - অর্থাৎ দুনিয়ার মধ্যে - আল্লাহ মানুষকে সারা সৃষ্টির উপর পূর্ণ কর্তৃত্ব দান করবেন। পার্থিব জীবনে পশুর উপর কর্তৃত্ব দান উহারই একটি নমুনা মাত্র।

এই আয়াত তিনটি পরবর্তী আয়াতসমূহে কোরান যে ভাবধারা অঙ্কন করেছে তা নিম্নরূপ : পার্থিবজীবনে মানুষ আল্লাহকে ছেড়ে অন্যান্য ইলার সাহায্য সন্ধান করে এবং অন্যসব ইলার সাহায্য লাভে তৃপ্ত হয়ে থাকে। কিন্তু পরিণামে দেখা যাবে যে, আল্লাহ ছাড়া অন্য কেউ তাকে সাহায্য করতে পারে না, অথচ দুনিয়ার জীবনে অনেক ইলার সাহায্য নিয়েই সে তার জীবনযাপন করে থাকে। তাই মানুষকে সাবধান করবার জন্য আল্লাহ বলছেন যে, এ বিষয়ে কোরান কোনোরূপ কবির কল্পনাপ্রসূত একপ্রকার সাবধান বাণী নয়। কাজেই যারা জাঙ্গল ও জীবন্ত তারাই কেবল উপদেশ লাভ করে সাবধান হবে পরকাল ও দুীন সম্বন্ধে। আল্লাহ পাকই যে মানুষের জন্য একমাত্র সাহায্যকারী এবং সৃষ্টির উপর কর্তৃত্বদানকারী, তারই একটি নমুনা দুনিয়ার জিন্দেগিতেই তিনি দেখিয়েছেন গৃহপালিত পশুর উপর কর্তৃত্বদানের কথা উল্লেখ করে। কাজেই ব্যক্তিমালিকানার কোনোরূপ প্রসঙ্গই ইহা নয়।

কোরান-এর অনেক আয়াতে আল্লাহ বলেন, 'আমরা কাহাকেও বেহিশাব তথা অফুরন্ত রেজেক দেই এবং কাহাকেও আমরা তার রেজেক নির্দিষ্ট করে দেই।' আল্লাহর রেজেকের অর্থ যে কেবলমাত্র পার্থিব ধন-সম্পদকে বোঝানো হয়েছে তা মনে হয় না। বেহিশাব তথা অফুরন্ত রেজেক দান করেন ইহা কোরান-এরই ঘোষণা। যদি ধরে নিলাম আল্লাহর রেজেক বলতে একমাত্র পার্থিব সম্পদকেই বোঝানো হয়ে থাকে, তবে আল্লাহ তার বেহিশাব রেজেক দেবার অপ্রতিহত ক্ষমতা হতে মানুষকে জানোয়ার বানাবার কমিউনিজমের দেশে বঞ্চিত হয়ে পড়েন। ধরে নিলাম সারা পৃথিবীতে যদি কখনো সাম্য প্রতিষ্ঠিত হয় এবং সেই সাম্য ধর্মসহ অথবা ধর্মনিরপেক্ষ অথবা যে কোনো রকমেই সাম্য প্রতিষ্ঠিত হোক না কেন, উহাতে আল্লাহ তাঁর বেহিশাব রেজেক দেবার ক্ষমতা হতে কি বঞ্চিত হয়ে পড়েন না?

'বেহিশাব রেজেক' অর্থে যদি দুনিয়ার সম্পদকেই বোঝানো হয়ে থাকে তা হলে এমন কোনো ব্যক্তি আছেন যার ধনের ব্যবহার বিধির উপর আল্লাহ 'হিশাব' তথা কৈফিয়ৎ করবেন না? আল্লাহ প্রত্যেকের ধনের ব্যবহার বিধির উপর পাই পাই করে হিশাব নেবেন বলে অনেকবার আমাদেরকে জানিয়ে দিয়েছেন। কিন্তু যেখানে আল্লাহর বেহিশাব ধন-সম্পদ দেবার কথা বলা হয়েছে সেখানে আবার হিশাব চাইবার প্রশ্ন উঠলে কি আত্মবিরোধী ভাবধারার সমাবেশ হয়েছে বলে মনে হয় না, যদি দুনিয়ার একমাত্র ধন-সম্পদকেই 'আল্লাহর রেজেক' বলে ধরে নেই?

যদি ধরে নেই যে, একমাত্র দুনিয়ার ধন-সম্পদই আল্লাহর রেজেক, তা হলে প্রশ্ন আসবে, আল্লাহ এই ধন-সম্পদ কাহাকে বেহিশাব (?) দিলেন অথবা দিচ্ছেন অথবা দেওয়া হয়েছে? যদি ধরে নেই, পৃথিবীর বড় বড় ধনীদেব দেওয়া হয়েছে তা হলে 'যে জন্মা করে ধন-সম্পদ এবং গুণে বেছে রাখে' তার জন্য ওয়াইল নামক নরকের আগুনে জ্বলতে হবে বলার মাঝে কি আত্মবিরোধী ভাবের সমাবেশ হয় না? অথবা 'সূচের ছেদা দিয়ে উট ঢুকে যেতে যতটুকু অসম্ভব বলে মনে হয় তার চেয়ে অনেক বেশি অসম্ভব হবে একজন ধনবান ব্যক্তির বেহেস্তে ঢোকা' বলার মাঝে কি এখনো আপনি স্পষ্ট আত্মবিরোধী ভাবের সমাবেশ পাচ্ছেন না, যদি আল্লাহর রেজেক বলতে একমাত্র দুনিয়ার ধন-সম্পদকেই বোঝানো হয়ে থাকে?

দুনিয়ার ধনী লোক যত সম্পদশালীই হোক না কেন তার সম্পদ কখনো বেহিশাব হতে পারে না। তা ছাড়া বেহিশাব রেজেক বলতে যদি দুনিয়ার ধন-সম্পদই হয় তবে এমন একটি ব্যক্তি কি দুনিয়াতে আপনি দেখাতে পারবেন যার ধন-সম্পদের হিশাব নেই? বরং নিশ্চয়ই তার ধনের হিশাব-নিকাশ আছে এবং তা পরিমিত ও স্থান আর কালের সীমায় আবদ্ধ। সুতরাং উহা বেহিশাব তথা অফুরন্ত মোটেই নয়। কোনো

ব্যক্তিবিশেষের কথা তো আসতেই পারে না, বরং সারা পৃথিবীতে কতটুকু চাউল, গম ইত্যাদি হচ্ছে তারও হিসাবখানা আজকের বিজ্ঞানের যুগে আমরা প্রায়ই খবরের কাগজে দেখতে পাই। পৃথিবীতে কতটুকু চাউল, গম ইত্যাদি খাদ্যশস্য জায়গা-জমি, কাপড়-চোপড় এবং নিত্য প্রয়োজনীয় জিনিস তথা এক কথায় যাকে সম্পদ বলা হয়, সেই সম্পদগুলোর হিসাব দিতে গিয়ে যদি বিজ্ঞানীরা বলতো যে, এসমস্ত ধন-সম্পদ বেহিশাব তথা এর কোনোই হিসাব দেওয়া সম্ভবপর নয়, তবে বেহিশাব কথাটি একমাত্র দুনিয়ার ধন-সম্পদকে ‘আল্লাহর রেজেক’ বলে একদিক দিয়ে মনে করা যেত। কিন্তু পরক্ষণেই সেই একই বিজ্ঞানীদের মুখে বেহিশাব কথাটি শুনতে পাই তখনই, যখন এক সৌর জগত হতে অপর জগতের দূরত্বের প্রশ্ন আসে। দূরতম নক্ষত্রের দূরত্ব কতটুকু বলে যখন আমরা বিজ্ঞানীদেরকে প্রশ্ন করি তখন বিজ্ঞানীরা একবাক্যে সকলেই বলেন যে, নক্ষত্রের দূরত্ব হলো বেহিশাব তথা যার হিসাব দেওয়া সম্ভবপর নয়।

আল্লাহর রেজেকের অর্থ যদি দুনিয়ার ধন-সম্পদই হবে তা হলে আল্লাহ তার প্রিয়জনকে নিশ্চয় প্রচুর দান করবেন এই রেজেক, কিন্তু ইহা মোটেই সত্য নয়। বরং আল্লাহ তার প্রিয়জনকে এসব সম্পদ হতে দুনিয়ার জীবনে প্রায়ই একপ্রকার বঞ্চিত করে রাখতে ভালবাসেন। এ জন্যই আল্লাহ কোরান-এর সূরা যুখরুফের ৩৩ হতে ৩৫ আয়াতে এরূপ ভাব প্রকাশ করেছেন, ‘যদি সমস্ত মানুষের গতি একই দিকে হবার সম্ভাবনা না থাকত তা হলে আমরা কাকেরদেরকে ধন-সম্পদ, সোনা-রূপা এত প্রচুর পরিমাণে দিতাম যে, যার দ্বারা তাদের ঘুমাবার খাটিয়া, দালানের সিঁড়ি, দরজা, জানালা, ইট-পাটকেল ও কাঠ ইত্যাদির পরিবর্তে সোনা-রূপা ইত্যাদি পদার্থ দ্বারা তৈরি করে দিতাম।’ আল্লাহ এটাই আমাদেরকে বোঝাতে চেয়েছেন যে, বিশ্বাসীকেও দুনিয়ার সম্পদ কিছু দেবার সিদ্ধান্ত বা ব্যবস্থা করেছেন যেন সকল মানুষ অধৈর্য হয়ে দুনিয়ার ক্ষণস্থায়ী সম্পদের দিকে না যায়।

তবে আল্লাহর রেজেক বলতে কী বোঝানো হয়েছে? অথবা আল্লাহর রেজেক কাকে বলে? এক কথায় আল্লাহর গুণাবলিকে রেজেক বলা হয়।

ইসলামে জাকাত বিষয়ের আলোচনা

এবার আমরা কোরান-হাদিসে উল্লিখিত জাকাত বিষয়টির উপর সংক্ষেপে আলোকপাত করবো। সাধারণ মুসলমান নামে যারা সমাজের বুকে পরিচিত তাদের কথা তো বাদই দিলাম। কিন্তু যারা ইসলামকে নিয়ে রীতিমতো গবেষণা করেন তারাও জাকাত বলতে যে আড়াই টাকা মোটেই নয় এবং আড়াই টাকাকে কোরান-হাদিসের কোথাও জাকাত বলেন নি সেটাও বড়ই দুঃখজনকভাবে আমাদের কাছে একেবারেই অপরিচিত হয়ে রইল - যেন মহাকালের গর্ভে বিলীন হয়ে যাওয়া মূক্তোর আর সন্ধানই কেউ ক্ষ্যপার পরশমণি খোঁজার মতো খুঁজেও পেল না। যারা ‘ধনী-গরিব আল্লাহ বানায়’ বলে আল্লাহর উপর সমস্ত দোষ চাপিয়ে দিয়ে নিরপরাধ সেজে তথাকথিত সভ্যতার অনুশীলন আমাদের কলেজ-বিশ্ববিদ্যালয়ে পড়ান - তারাই দায়ী? এ রকম তথাকথিত সভ্যতার বাতাস সেবন করে যারা একবোঝা ডিগ্রির নরমুণ্ড গলায় পরে শিক্ষিত ও গবেষক বলে সমাজে পরিচিত, তাদের কাছে আসল বিষয়টি উদ্ধার করতে যাওয়া অনেক ক্ষেত্রে অরণ্যে রোদনের সামিল। বরং আসল বিষয়টাকে তারা এমনভাবে কবর-চাপা দিয়ে ফেলেছে যে, আসলটা মাথা উঁচু করে যদি কখনও উঁকি-ঝুঁকি মারতে চায় তখনই ভূত দেখে মারপিটের মতো ‘নকল-নকল’ বলে চোঁচিয়ে সমাজকে আরও বিভ্রান্তির অঁতল তলে তলিয়ে দেয়।

শতকরা আড়াই টাকা কাকো কোরান-হাদিস কোথাও জাকাত না বলে ‘সাদকা’ বলেছে। যেখানেই সম্পদের উপর করদানের প্রশ্ন, সেখানেই কোরান-হাদিসে ‘সাদকা’ শব্দটি ব্যবহার করা হয়েছে। অনুবাদকারীদের মধ্যে এই শব্দ-পরিবর্তন বিশেষভাবে লক্ষ্য করার বিষয়। কোরান শরিফ ঘোষণা করেছে যে, হজরত নুত, হজরত ইব্রাহিম এবং প্রত্যেক নবিই জাকাত দিয়েছেন। এখন প্রশ্ন হলো, হজরত নুতের জন্ম আজ থেকে বহু বছর আগে। অন্যান্য নবিরে তো আরও বহু পুরাতন। ইতিহাসই বলছে, মাত্র কয়েক হাজার বছর আগে পণ্যবিনিময় প্রথা তথা বারটার সিস্টেম তথা এক্সচেঞ্জ অব কমোডিটি ছিল এবং এই প্রচলন বেশ কিছুদিন মানবসমাজের বুকে পরিচিত ছিল। কিন্তু পণ্যবিনিময় প্রথার আগের ইতিহাসে আমরা দেখি আদিম সাম্যবাদ। এই আদিম সাম্যবাদ কয়েক হাজার বছর আগেই ছিল। এখন বিরাট প্রশ্নটি হলো, যখন পয়সারও প্রচলন ছিল না এবং পণ্যবিনিময় প্রথাও ছিল না তখন কোরান-এ বর্ণিত নবিরে কোন জাকাত দিয়েছেন, যদি জাকাতের অর্থ একান্তই মাল ও শতকরা আড়াইভাগ অথবা টাকা বলে প্রচার করা হলো? এতে কি আত্মবিরোধী কথার সমাবেশ হয় না? তবে কি শ্রদ্ধেয় আলেম ভাইয়েরা সোনার পাথরের বাটি এখানে খুঁজে পাচ্ছেন না? তবে যে সমস্ত তেলেসম্মতি গবেষকেরা ‘ডক্টরেট’ মুণ্ড গলায় বুলাবার লোভে সিক্ত, তারা হাতিটাকে নদীতে টেনে হেঁচরিয়ে ফেলে দিয়ে, নদীর রচনায় গবু দার্শনিকদের মতো ভাবগম্ভীর পরিবেশ সৃষ্টি করে পাণ্ডিত্যের বমি উদগীরণ করে। এই বমির গন্ধে সমাজের সহজ, সরল, কাঁচা গলা মোমের মতো মানুষগুলোকে এমনভাবে আক্লান্ত করে ফেলে যে, এরা আর সহজে কোনো প্রতিষেধক ঔষধ পায় না। আর যদি একান্ত ঔষধ মেলেই, তবে সেই ঔষধে প্রাণ বাঁচলেও, মরলে জাহান্নামে যেতে হবে বলে তেলেসম্মতি গবেষকেরা ভয় দেখিয়ে ফেলেছেন। মরে যাও তাতে কোনো দোষ নেই, কিন্তু এই জাতীয় ঔষধ খেয়ে বাঁচাও মহাপাপ বলে আশা দিয়েছেন তেলেসম্মতি গবেষকবৃন্দ।

তারপরের প্রশ্নটি হলো, প্রত্যেক নবিই যদি জাকাত দিয়ে থাকেন এবং জাকাতের অর্থ যদি মাল ও আড়াই টাকা হয়, তবে প্রথম মানব হজরত আদম (আ.) কাকে জাকাত দিলেন? বিবেককে আর ফাঁকি না দিয়ে এই প্রশ্নটির উত্তর দিবেন কি? কোরান বলছে, আল্লাজিনাহম লিজ্ জাকাত ফায়েলুন - অর্থাৎ ‘তারা (বিশ্বাসীরা) সদা-সর্বদা জাকাতের জন্য কর্মতৎপর থাকে।’ যদি জাকাত বলতে টাকার অথবা মালের ট্যাক্স বোঝায় তা হলে যে জাকাত দিচ্ছে তার আর সব সময় জাকাত নামক ট্যাক্স দেবার মধ্যে ডুবে থাকার প্রশ্নই আসে না। তা হলে সে অথবা তার পক্ষ হয়ে কেউ বাৎসরিক আয়ের হিসাবটা কিছু সময়ের মধ্যে করেই চুকিয়ে দেওয়া যায় এবং বছরের বাকি সময়টা নানা বিষয়ের উপর সহজেই মনোযোগ দিতে পারবে। সদা-সর্বদা জাকাতের জন্য কর্মতৎপরতায় নিমজ্জিত থাকার প্রশ্নই তা হলে এখানে উঠতে পারছে না। বিশ্বাসী হবার যে সংজ্ঞা কোরান দিয়েছেন তার মধ্যে এটিও একটি প্রধান শর্ত যে, বিশ্বাসী জাকাত দেবার জন্য সব সময় নিজেকে নিমজ্জিত রাখে। যদি জাকাত বলতে ট্যাক্স বোঝায় তা হলে ধরে নিলাম, একটি গরিব মানুষের সেই গুণটির সম্পূর্ণ অভাব আছে এবং যেহেতু জাকাত প্রদান করাটা বিশ্বাসী বলে গণ্য হবার জন্য একটি অন্যতম প্রধান শর্ত সেই হেতু সে বিশ্বাসী হবার শর্ত হতে কি বঞ্চিত হয়ে পড়ছে না? যদি জাকাত বলতে ‘গরিবের জন্য খাজনা’ বলে ধরে নেই তা হলে কোরান-এ একই কথাকে বার বার বলার মাঝে কি অবৈজ্ঞানিকতার অথবা গড়মিলের পরিচয় মেলে না? ‘সালাত’ তথা নামাজ সকলের জন্য অবশ্য পালনীয়, অথচ ‘জাকাত’ - কে বলা হয় শুধু মাত্র কিছু সংখ্যক লোকের জন্য। তাই নয় কি? তা হলে কেমন করে এই দুটো শব্দ বিজ্ঞানসম্মতভাবে সকলের জন্য বার বার আদেশ এবং সতর্ক থাকার জন্য একই সঙ্গে বসানো হলো, যদি একটি আদেশ শুধু কতকের জন্য হয়ে থাকে এবং অন্যটি সকলের তরে? এ রকম অবৈজ্ঞানিক শব্দচয়ন কোরান-

এর কোথাও নেই। আর যদি একাত্তাই ‘গরিবের জন্য খাজনা’-কে কোরান-এর জাকাত বলে ধরে নেই তা হলে সমগ্র কোরান-এর ভাবধারা ও দর্শনের মাঝে আত্মবিরোধী ভাবের সমাবেশ দেখা যায়, কিন্তু কোরান-এর কোথাও আত্মবিরোধী একটি উক্তিও নেই। বুঝবার ভুলের জন্যই আত্মবিরোধের জন্ম হয়। আত্মবিরোধ মনের মধ্যে অবস্থান করে, আক্ষরিক কোরান-এর পাতায় নয়। মনের এই আত্মবিরোধের ফলেই আমরা এক ইসলামকে তেহাওরটি ভাগ করে ফেলেছি। সবচাইতে দুঃখ লাগে মনে তখনই, যখন দেখতে পাই এমন একজন অনুবাদকারী পেলাম না যিনি অকপটে অনুবাদ গ্রন্থে অন্ততঃ একটিবারও যদি লিখতো যে, ইহার অর্থ বুঝতে পারলাম না। কী জঘন্য হামবড়া তৈরি মনোবৃত্তি! বস্তুবিজ্ঞানের নতুন নতুন আবিষ্কার আমাদের কুসংস্কার, অজ্ঞতার অন্ধকার, অনুমানে ঢিল ছোঁড়া, তৈরিমি আর ভণ্ডামির মাথায় প্রচণ্ড আঘাত হেনে এক সার্বজনীন চিরন্তন জ্ঞানরাজ্যে নিয়ে চলছে জোর করে, অথচ বুঝতেই পারছি না বস্তুবিজ্ঞানের শক্তি কত প্রবল, কত অজ্ঞেয় এবং এই বস্তুবিজ্ঞানই একদিন খলির লুকানো বিভ্রালটি বের করে ছাড়বে এবং পৃথিবীর মানুষগুলোকে সব কিছু পরিষ্কার বুঝিয়ে দেবে - কোনটা সত্য আর কোনটা মিথ্যা।

তা হলে জাকাতের কোরান-ই অর্থ কী? খুব সংক্ষেপে উত্তরটি হলো, মানুষ আল্লাহ হতে যা কিছু লাভ করে যথা ধন-সম্পদ, বিদ্যা-বুদ্ধি, চিন্তা-ভাবনা ইত্যাদি চিহ্নবৃত্তির সর্বপ্রকার গুণাবলি সকলই আল্লাহর দান। আল্লাহর এই সমস্ত দান ও অনুগ্রহগুলোকে তাঁরই নিকট উৎসর্গ করার নাম হলো জাকাত। তাই মানুষের যা কিছু আছে তা আল্লাহর সেবায় নিয়োগ করা ফরজ তথা অবশ্যকর্তব্য। তাঁরই দেওয়া চিন্তা-ভাবনা ও ধন-সম্পদ তাঁরই সেবায় তাঁরই নির্দেশ মতো উৎসর্গ করার নামই হলো জাকাত। মানবীয় আমিত্ব ও আপন ভাবধারা আল্লাহর নিকট বিলিয়ে দিতে হয়। আমিত্বকে নিজের মাঝে রাখলে তাঁর সঙ্গে সংযোগ হয় না। তাই আমিত্বের উৎসর্গ তাঁর সঙ্গে সংযোগের জন্য একাত্তাই প্রয়োজন। এ জন্য লক্ষ্য করবেন, জাকাত কথাটি কোরান শরিফে প্রায়ই সালাতের সঙ্গে মিলিয়ে প্রকাশ করা হয়েছে। যেমন : ‘ওয়াকিমুস সালাতা ওয়াতুজ্জ জাকাত’ অর্থাৎ ‘কায়েম করো (পড়তে বলা হয় নি তথা একরা সালাত বলে নি) সালাত এবং দাও জাকাত।’ সালাত শব্দের যত রকমেরই অর্থ করা হোক না কেন, আসলে সালাতের অর্থ হলো আল্লাহর সঙ্গে সংযোগ-প্রচেষ্টা। আল্লাহর সঙ্গে সংযোগ করতে গেলেই মানবীয় আমিত্বের বিসর্জন প্রয়োজন হয়। এ জন্য প্রায়ই সালাত এবং জাকাত একত্র করে উল্লেখ করা হয়েছে। মুসলিম রাষ্ট্র এই সাদকা খাজনারূপে আদায় করতো এবং এই খাজনার নাম ছিল জাকাত। এই সাদকাকে জাকাতরূপেই সকলে মনে করে আসছে। আর এই একই কারণে কোরান শরিফের জাকাত অর্থ ভুল করে সাদকার ভাবধারাতে গ্রহণ করার অভ্যাস চলতি হয়ে গেছে। যার ফলে কোরান-এর অর্থের মিল পাওয়া খুবই কঠিন হয়ে পড়েছে।

অতি সাধারণ একটি নমুনা তুলে ধরিছি। রাজধানীর বুকে ‘বিলেত’ নামে মনে করুন একটি বড় বাজার আছে। ‘বিলেত’ নামে যে একটি দেশ আছে এটা যার জানা নেই সে হয়তো ‘বিলেত বলতে কী বোঝ?’ বলে প্রশ্ন করলেই বাজারটির কথা মনে করিয়ে দেবে এবং এটা তার জন্য নিতান্ত স্বাভাবিক। সে রকম খাজনাটির নাম দেওয়া হয়েছিল জাকাত, আর এই জাকাত নাম দেবার ফলে আমরা এখন সাদকাকেই কোরান-এর বর্ণিত জাকাত বলে ভুল করে আসছি। তাই পাঠকের কাছে অনুরোধ রইলো, তারা যেন লক্ষ্য করেন যে, বাৎসরিক আয়ের আড়াই ভাগ আদায় করার নিয়ম-কানুন যেখানে লিখা আছে সেখানে সাদকা শব্দটি বসানো হয়েছে এবং দুই কি একবার ‘মাল’ শব্দটি বসানো হয়েছে। কিন্তু জাকাত শব্দটি বসানো হয় নি।

এবার আমরা আলোচনা করবো 'ফরাজেজি আইন' বিষয়ে কোরান কি বলছেন। আলোচনার আগে বলে রাখা ভালো যে, এই 'ফরাজেজি আইন' বিষয়টি এমনভাবে ঘোলাটে ও জটিল করে ফেলেছেন শ্রদ্ধেয় আলেম সমাজ যে তার তুলনা নেই। ব্যক্তির সঞ্চিত ধন-সম্পদ কীভাবে ব্যক্তিটি মারা গেলে বণ্টন করে দিতে হবে তার বিধি-ব্যবস্থাকে বলা হয় ফরাজেজি আইন। পুত্র-কন্যা, আত্মীয়-স্বজন, প্রার্থী-অপ্রার্থী কীভাবে সেই মৃত ব্যক্তির সম্পদ পাবে সেটাই বলা হয়েছে। প্রার্থী ও অপ্রার্থী বলতে এখানে মৃত ব্যক্তির অনাত্মীয়দের কথাই বলা হয়েছে, তথা যারা এক কথায় গরিব এবং অভাবী তাদেরও সেই সম্পদের উপর হক আছে এবং এই হককে কোনো ক্রমেই অস্বীকার করা যায় না। আর অস্বীকার করা যায় না বলেই শ্রদ্ধেয় আলেমেরা মহাফাপড়ে পড়লেন। যদিও এই বণ্টনব্যবস্থা কেন এবং কতদিনের জন্য দেওয়া হলো সেই মূলসূত্রের সঙ্গে একেবারেই সমাজকে পরিচালিত না করেই এবং উদ্দেশ্যমূলকভাবে বীদ দিয়েই তারা বিরাট ফাঁপড়ে পড়ে যান। তারা দেখতে পেল যে, যদি গরিব এবং অভাবীদের হককে সেই সম্পদের উপর স্বীকার করে নেওয়া হয় তা হলে তারাই মৃতব্যক্তির ধন-সম্পদের কিছু অংশের অধিকারী হয়ে যায়। তাই সব কিছু ডেবে-চিঙ্গে দেখার পর শ্রদ্ধেয় আলেমরা এক চমৎকার ফন্দি আবিষ্কার করলেন। সেই ফন্দিটি হলো, মৃত ব্যক্তির ধন হতে কিছু খাদ্যদ্রব্য গরিব আর অভাবীদেরকে দিয়ে দিতে হবে। তা হলেই গরিব আর অভাবীদের যা হক তথা পাবার ছিল তা সম্পূর্ণ মিটিয়ে দেওয়া হলো। চমৎকার শ্রদ্ধেয় আলেম ভাইদের ফতোয়া!

এ রকম খাসা খাসা ফতোয়া দিয়ে দিয়েই তো নায়েবে নবি দাবি করার দল শ্রদ্ধেয় আলেমেরা ইসলামের এক দেহে তিন কুড়ি তের তালির লেবাস পরিয়ে দিয়েছেন। আর ইসলামের গায়ে এত তালির জম্মার বাহার দেখে সার্কাস খেলার মার্ভের লোক হাসানো জোকার মনে করে। এই শ্রদ্ধেয় আলেমেরা ইসলামকে হেফাজত করতে গিয়ে শিয়াল পণ্ডিতের নমস্য সাধুতার পরিচয় দিয়ে ফেলেছেন, তাই জনতা ইসলামের নাম শুনলেই এই সমস্ত শ্রদ্ধেয় আলেমদের ছায়া মারাতেও ভয় করে।

যেহেতু মৃতব্যক্তির সঞ্চিত ধন-সম্পদ বণ্টন করার ব্যবস্থা ইসলাম দিয়েছে সেই হেতু ব্যক্তিমালিকানার স্বীকৃতি আছে বলেই স্পষ্ট প্রমাণিত হচ্ছে এবং এই স্বীকৃতিকে নিরপেক্ষ মনে বিবেককে ফাঁকি না দিয়ে বিচার করলে মেনে নিতেই হবে যে, ব্যক্তিমালিকানা ইসলামে আছে।

যেহেতু ইসলাম বলেছে, তুমি যা খাও ও পরিধান কর ইহা তোমার দাস-দাসীদেরকেও দিতে হবে, সেই হেতু দাসপ্রথার স্বীকৃতি আছে বলেই স্পষ্ট প্রমাণিত হচ্ছে এবং এই স্বীকৃতিকে নিরপেক্ষ মনে বিবেককে ফাঁকি না দিয়ে বিচার করলে মেনে নিতেই হবে যে, দাসপ্রথা ইসলামে আছে।

যেহেতু 'দাসপ্রথা ইসলামে নেই' বলে প্রতিবাদ করে সঙ্গে সঙ্গে বলবেন যে, এখানে দাস-দাসীর উপর যে ব্যবহারিক আদেশ রয়েছে সে আদেশ সর্বকালের জন্য আদেশ নয়। যতদিন দাসপ্রথার বিলুপ্তি না হচ্ছে ততদিন পর্যন্ত এই আদেশ সাময়িকভাবে কার্যকরী বলে ধরা হবে এবং যেহেতু কোরান-এর স্থানে স্থানে এবং বহু সংখ্যক হাদিসে দাস-দাসীকে মুক্ত করে দেবার আদেশ রয়েছে সেই হেতু দাসপ্রথা থাকে কোথায়? এবং যেহেতু দাসপ্রথা যেদিন সম্পূর্ণ বিলুপ্ত হয়ে যাবে এবং কোরান হাদিসের আদেশ অনুযায়ী দাসপ্রথা উচ্ছেদ করতেই হবে এবং সেদিন আর দাসপ্রথা সমাজে থাকবে না, সেই হেতু দাস-দাসীদের উপর মানবিক আচরণের আদেশগুলো, যাহা কোরান-হাদিসে দেওয়া হয়েছে, উহা থাকে কোথায়? যেহেতু 'যে ধন-সম্পদ জম্মা করে' তার জন্যই হতাম্মা তথা জুলন্ত আঙনে চিরদিন অবশ্যই জ্বলতে হবে বলে কোরান ঘোষণা করছে এবং ধন-সম্পদ জম্মা করাটাই যেখানে মারাত্মক শাস্তি পাবার কথা কোরান-হাদিসে অসংখ্যবার বলা হয়েছে সেই হেতু মৃত

ব্যক্তির সঞ্চিত ধন-সম্পদের বণ্টনব্যবস্থাটি যাহা কোরান-এ দেওয়া হয়েছে উহা থাকে কোথায়? এবং যেহেতু দাসপ্রথা চালু থাকা অবস্থায় দাসদের উপর কী কী রকম আচরণ করা হবে উহা বলে দেওয়া হয়েছে, সেই হেতু ধন-সম্পদ যতদিন ব্যক্তির হাতে জমা থাকার প্রথা চালু থাকবে ততদিন সেই ব্যক্তির মৃত্যুর পর অবশ্যই বণ্টনব্যবস্থাটিও থাকতে হবে এবং সেই হেতু ততদিন ব্যক্তিমালিকানার স্বীকৃতিও থাকছে। যেহেতু যেদিন থেকে দাসপ্রথা আর থাকছে না, সেদিন থেকে দাসদের উপর কী কী রকম ব্যবহার করতে হবে সেই প্রশ্নটিও আর থাকছে না। যেহেতু যেদিন থেকে ধন-সম্পদ জমা করার নিয়ম আর থাকছে না, সেদিন থেকে ধন-সম্পদ ব্যক্তির মৃত্যুর পর যে বণ্টন করার পদ্ধতি উহাও আর থাকছে না। এবং সেই হেতু ইসলামের অর্থনৈতিক চূড়ান্ত সিদ্ধান্ত যেখানে টানা হয়েছে, সেখানে ব্যক্তিমালিকানী মোটেই থাকছে না, এবং সেখানে থাকছে অর্থনৈতিক সাম্য।

ইসলাম প্রদত্ত অর্থনৈতিক ব্যবস্থা যদি সর্বতোভাবে মানুষের মধ্যে শ্রেণীভেদ ঘটিয়ে দিয়ে সাম্য আর দ্রাভূতের নজিরবিহীন দৃষ্টান্ত বিশ্বের বুকে স্থাপন করার কোনো দর্শন না দিয়ে যেত তবে ইসলামের অর্থনৈতিক ব্যবস্থাকে কখনোই সর্বশ্রেষ্ঠ অর্থনৈতিক ব্যবস্থা বলা যেত না। গায়ের জোরে বিশ্বের সর্বশ্রেষ্ঠ অর্থনৈতিক ব্যবস্থা বলা যেতে পারে না। গায়ের জোরে বিশ্বের জনতার কাছে গুরু হওয়া যায় না। একথাটি যারা মনে-প্রাণে বিশ্বাস করেন তারা কখনোই ইসলামের অর্থনৈতিক পদ্ধতিকে উপেক্ষা করতে পারেন না।

ইসলামে কোনো সাম্প্রদায়িকতার প্রশ্ন তো উঠতেই পারে না, বরং এর সম্পূর্ণ বিরোধিতাই করছে। কোরান এবং হাদিস শরিফ হতে তন্ন তন্ন করে খুঁজেও যদি আপনি একটিমাত্র প্রমাণও দাঁড় করাতে পারেন যে, রহিমের ছেলে করিমকে ইসলাম মুসলমান বলেছে এবং রামের ছেলে শ্যামকে ইসলাম হিন্দু বলেছে, টমের ছেলে হ্যারিকে ইসলাম খ্রিস্টান বলেছে, ইহদির ছেলেকে ইসলাম ইহদি বলেছে - তা হলে আমি মনে নেব যে, নিশ্চয়ই ইসলামে সাম্প্রদায়িকতা আছে এবং তা যত ক্ষুদ্র আকারেই থাক না কেন। কিন্তু অবাক হবেন, ইসলাম এরূপ অশোভন উক্তি কোথাও করে নি। ইসলাম মুসলমান হবার সংজ্ঞা দিয়েছে এবং এই সংজ্ঞার বাইরে যারা তাদেরকে মুসলমান বলা হয় নি। অথচ মিথ্যার পাহাড় দিয়ে এবং বানায়োট ব্যাখ্যার জগীখিচুড়ি পরিবেশন করে যুগে যুগে সবার ইসলামকে কিছু লোকের ব্যক্তিগত ইসলামে পরিণত করে রেখেছে। যারা ইসলামের সত্যসুন্দর রূপটি ধরতে পেরেছেন তারা এসব সংকীর্ণতা দেখে এ পথ ছেড়ে সুফিদের মধ্যে আশ্রয় নিয়েছেন এবং অনেকে রাজশক্তির প্রবল বাধা আসতে পারে বলে বাধ্য হয়েছেন। এদের সঙ্গে ঝগড়া করে এবং কলম না চালিয়ে আত্মদর্শনের সাধনার রাজ্য সুফিবাদের মধ্যে চলে গেছেন। ‘কুকুরদের জন্য হাড় রেখে দিলাম’ বলে সুফিবাদের উপর অমর গ্রন্থ মসনডি শরিফ রচনা করে জালালউদ্দিন রুমি সুফিবাদকে জ্ঞানীদের জন্য প্রতিষ্ঠিত সত্যরূপে রেখে গেলেন। এত মিথ্যার পাহাড়, ঢেউ-এর পর ঢেউ-এর মতো কেবল সেই হাদিস তৈরি করার সময় হতে চলে আসছে যে, সামান্য সত্য লিখনীর দ্বারা এত বড় মিথ্যের সমুদ্রের কাছে না দাঁড়িয়ে সুফিবাদকেই শ্রেষ্ঠ অবলম্বন হিসাবে বহু সত্যপ্রিয় মনীষী গ্রহণ করে নিয়েছেন।

ইসলামের ইতিহাসে আমরা দেখতে পাই, সাম্য-দ্রাভূতের বাস্তব দৃষ্টান্ত স্থাপন করার পথে দ্রুত তালে এগিয়ে গেলেও চরম আঘাত খেল হজরত মুয়াবিয়ার (রা.) কাছে। অনেকেই হজরত মুয়াবিয়া (রা.)-কে বর্ণচোরা মুনাকফে বলে অভিহিত করেন। যে বায়তুল মালের উপর জনসাধারণের সমান অধিকারকে মেনে নেওয়া হতো, সেই পবিত্র বায়তুল মালের আমানতকে হজরত মুয়াবিয়া (রা.) নিজের ব্যক্তিগত সম্পদ বলে ঘোষণা করতেও বিন্দুমাত্র লজ্জা অনুভব করেন নি। হজরত মুয়াবিয়া (রা.) ধর্মের বাহ্যিক আচার-অনুষ্ঠানের প্রতি অতিমাত্রায় জনতার কাছে গুরুত্ব প্রদানের জন্য নিয়োজিত করলেন বর্তনভুক্ত কিছুসংখ্যক আলেমদেরকে, যারা

ইহাকে নৈতিকতা-বিরোধী কাজ বলে ঘৃণা প্রদর্শন করলেন এবং বহু ক্ষেত্রে বিপুল শ্রু করার প্রস্তুতি নিতেছিলেন তাদেরকে নির্মমভাবে দমন করা হলো। আর নিযুক্ত করা হলো বেতনভূখ গুপ্তচর। এদের মাধ্যমে রাজ্যের অনাচে-কানাচে কোথাও যদি বিপুল দানা বাঁধার লক্ষণসমূহ প্রকাশ পেত তবে সেই সমস্ত সন্দেহসূচক বিপুলীদেরকে নির্মমভাবে করা হতো হত্যা। প্রয়োজন হলে ভোজের দাওয়াত দিয়ে ঘরের ভেতর এনে মেরে ফেলা হতো। হজরত মুয়াবিয়া (রা.) সাম্য আর দ্রাতৃদের ফেলে রাখা বাস্তব আদর্শের বুকে বসিয়ে দিলেন ডেগার। কিছু আফসোস! কত যুগ পেরিয়ে গেল, কিছু সেই আদর্শ আর মাথা তুলে দাঁড়াতে পারলো না।

ইসলামের আদর্শ প্রতিষ্ঠার তরে যখন হজরত মোহাম্মদ (আ.)-এর নয়নের মণি ইমাম হোসাইন এগিয়ে এসেছিলেন তখন হজরত মুয়াবিয়ার (রা.) সেই পেশাদারী তিন শত তথাকথিত আলেমের তাঁকে 'কাফের এবং বাগি' ফতোয়া দিতেও বিবেকে বাধে নি। তাই তো হজরত মোহাম্মদ (আ.) বিশ্বের মানবকে সাবধান করে দিয়ে বলেছিলেন, 'এমন দিন আসবে যখন আলেমদের স্বভাব জমিনের উপর সবচাইতে নিকৃষ্ট হবে।'

মসজিদ ঘরে ধনী-গরিব সমান আর খাবার সানকিতে একজন পোলাও-কোরমা আর একজন দু'মুঠো বাসি ভাত' - এটাই কি হজরত মোহাম্মদ (আ.)-এর সেই সাম্যগান, যে সাম্যগানে অবগাহন করে খলিফা ওমর ফারুক নিজে যতটুকু উটের পিঠে বসে জেরুজালেম গিয়েছিলেন ততটুকু তার চাকরকেও বসিয়ে নিয়েছেন? এটাই কি হজরত মোহাম্মদ (আ.)-এর সেই সাম্যগান, যে গানের সুরে মাতোয়ারা হয়ে হজরত আবু বকর বকর দেওয়া মধু-মিশ্রিত পানি পান করার পর গলায় আঙুল ঢুকিয়ে বমি করে ফেলে দিয়ে বলেছিলেন, 'কী জবাব দেব যদি আবু বকরকে প্রশ্ন করা হয়, লক্ষ লক্ষ জনতা কি সেদিন সে বেলায় তপ্তির সাথে পানি পান করতে পেরেছিল? সে খবর কি তুমি নিয়েছিলে? তবে কোন অধিকারে পানির সঙ্গে মধু মিশিয়ে পান করেছো?' এটাই কি হজরত মোহাম্মদ (আ.)-এর সেই সাম্যগান, যে গানে মুগ্ধ হয়ে মাওলা আলি বলেছিলেন, 'যেদিন প্রতিটি মানুষের এ রকম প্রাসাদে থাকার ব্যবস্থা করতে পারবো সেদিনই এই প্রাসাদে থাকার প্রশ্ন বিবেচনা করা হবে?'

যে ধন-সম্পদের দাম একটি মাছির একটি ডানার সমানও নয় বলে আল্লাহ আমাদেরকে বার বার জানিয়ে দিলেন, যে ধন-সম্পদের দাম একটি মরা-পচা-দুর্গন্ধযুক্ত ছাগলের বাচ্চার চেয়েও মূল্যহীন বলে হজরত মোহাম্মদ (আ.) আমাদেরকে বহুবার বহু রকমে উপদেশের পর উপদেশ দিয়ে গেলেন আর সেই ধন-সম্পদ নিজের অধিকারে রেখে কী করে যে আমরা আল্লাহ এবং নবির আদর্শে বিশ্বাসী বলে জাহির করি সেটা ভাবতেও মন লজ্জা ও ঘৃণায় ভরে ওঠে।

'বিশ্বের এমন কোনো প্রাণী নেই যার প্রয়োজনীয় সম্পদ আল্লাহ সৃষ্টি করেন নি', এত বড় নিশ্চয়তার বাণী কোরান আমাদেরকে দেওয়া সত্ত্বেও যদি কোনো ব্যক্তি অভিযোগ করে যে, তেরশত পঞ্চাশ সালের দুর্ভিক্ষে পঞ্চাশ লক্ষ মানুষ যে না খেয়ে মারা গেল, তারা যদি কেয়ামতের দিনে আল্লাহকে প্রশ্ন করে যে, এই অর্ধকোটি না খেয়ে মরা মানুষের প্রয়োজনীয় সম্পদ তখন কোথায় রেখেছিলে? যদি এ রকম প্রশ্ন করা হয় তবে কি তার জবাব আল্লাহ দিতে পারবেন না? আল্লাহ তার উত্তরে বলবেন, যারা তোমাদের এত লোকের খাদ্যসামগ্রী তোমাদের চোখের সামনে গুদামজাত করে রাখলো তাদের বিরুদ্ধে কি উপযুক্ত ব্যবস্থা গ্রহণ করতে বলা হয় নি? তোমাদের খাদ্যসম্পদ তোমাদের চোখের সামনে যারা গুদামজাত করে রাখে তাদের বিরুদ্ধে কিছু করার চেতনা কি তোমাদের মনে দোলা দেয় নি? যারা অনায়াস, শোষণ, জুলুমের বিরুদ্ধে নীরব দর্শকের ভূমিকা পালন করে তাদের জন্য সত্যিই দুঃখ হয়। তোমাদের সম্পদ যদি শোষকেরা শোষণ করে, তোমাদের চোখের সামনে অবৈধভাবে যদি গুদামজাত করে, তার জন্য কি আল্লাহ দায়ী, না তোমরা?

ইন্না আবওয়াবাল জান্নাত তাহতা জেলালে সাইয়ুফে - অর্থাৎ 'বেহেশ্বের দরজা নিশ্চয়ই তরবারির ছায়ায় নিচে' বলে কি শোষণ জুলুমের বিরুদ্ধে প্রতিবাদ করতে বলা হয় নি? উনসুর আখাকা জালেমান - অর্থাৎ 'সাহায্য কর জালেমকে' বলে কি তোমাদেরকে আবেদন জানানো হয় নি? উনসুর আখাকা জালেমান ওয়াল মজলুম্বা অর্থাৎ 'সাহায্য কর জালেমকে এবং মজলুমকে' হজরত মোহাম্মদ (আ.)-এর পবিত্র মুখনিসৃত এই বাণী সাহাবাদের মুহূর্তের তরে অবাক করে দিয়েছে। তাই অবাক চোখে একজন সাহাবা প্রশ্নই করে বসলেন, 'হজুর, যারা মজলুম, যারা অত্যাচারিত, নিশ্চেষ্ট, লাঞ্চিত, নিপীড়িত, পদদলিত তাদেরকে সাহায্য করা যায়, তাদেরকেই সাহায্য করার প্রশ্ন ওঠে, কিন্তু যারা অত্যাচারী, জালেম, মানুষের বুকের রক্ত মশার মতো আরামে বসে পান করে, মিথ্যার আগ্রয়ে ভানুমতির ডেক্কিবাজি দেখায়, হীন স্বার্থ চরিতার্থ করার ডুগডুগি বাজায়, গদির পুরনো পচা চামড়ার উগ্র গন্ধে যারা গদির চারপাশে চামড়া টাটা কুকুরের মতো ঘুর ঘুর করে বেড়ায়, তাদেরকে সাহায্য করার কথা বললে মানুষ স্বাভাবিকভাবেই অবাক হবে এবং প্রশ্ন করবেই। তাদেরকে সাহায্য করতে হবে বলে যখন আদেশ হলো তখন সবাই অবাক হয়েছিলেন। অবাক হয়েছিলেন হজরত মোহাম্মদ (আ.) এর সাহাবারা। তাই প্রশ্ন উঠেছিল, প্রশ্ন করতে হয়েছিল, কাইফা আনসুর জালেমা? অর্থাৎ 'কেমন করে জালেমদেরকে সাহায্য করবো?' হজরত মোহাম্মদ (আ.) বললেন, কুফ ফুহ আনিজ জুলমে - অর্থাৎ 'অত্যাচার করা হতে বিরত রাখ।'

জালেমকে কেমন করে জুলুম হতে বিরত করা যাবে? রুখে দাঁড়াও অত্যাচারী জালেমদের বিরুদ্ধে, যেন জালেম আর কোনোদিন জুলুম করতে না পারে এবং এই রুখে দাঁড়ানোটাই কি অত্যাচারী জালেমদেরকে সাহায্য তথা মদদ করা নয়?

হজরত মোহাম্মদ (আ.)-এর এই আদেশ-বাণীকে যদি আমরা একটু গভীরভাবে চিন্তা করে দেখি, যদি নিরপেক্ষ মন দিয়ে তথা বিবেকের দ্বারা বিচার করে দেখি, তবে নিশ্চয়ই আমরা এই সিদ্ধান্তেই উপনীত হব যে, জালেমদেরকে দুনিয়ার ইতিহাসে কোনোদিন আবেদন-অনুরোধ তথা যুক্তির মাধ্যমে বুঝিয়ে সর্বপ্রকার জুলুম পরিত্যাগ করতে পারে নি এবং আবেদন-অনুরোধের মাধ্যমে হয় না, বরং আরিও উগ্র আরও ভয়াল মূর্তি নিয়ে জালেম চরম অধীত হানার ষড়যন্ত্রে দিশেহারা হয়ে পড়ে। তারই জলন্ত নমুনা, তারই জলজ্যস্ত ঘটনাসমূহ স্বয়ং হজরত মোহাম্মদ (আ.)-এর সময়েও আমরা দেখতে পেয়েছি। দেখতে পেয়েছি হজরত মোহাম্মদ (আ.)-এর আবেদন-অনুরোধের প্রতিক্রিয়া এমন ভীষণ আকার ধারণ করলো জালেমদের মনে যার দরুন স্বয়ং হজরত মোহাম্মদ (আ.)-কে পর্যন্ত জেহাদ করতে হলো। জেহাদ করতে হলো সংঘবদ্ধ হয়ে জালেমের বিরুদ্ধে জীবন-মরণ সংগ্রামের লোহশপথ নিয়ে। জালেমের বিরুদ্ধে সংগ্রাম করতে গিয়ে হজরত মোহাম্মদ (আ.)-এর পবিত্র রক্ত-কণিকাও পবিত্র দেহ মোবারক হতে ঝরে উক্ষ বালিকে লাল রঙে পরিণত করেছে ওহদের যুদ্ধ ময়দানে।

দেড় হাজার বছর আগে হজরত মোহাম্মদ (আ.)-এর কাছে এসেও যারা মুনাক্ফি করেছে - যারা হজরত মোহাম্মদ (আ.)-এর একেবারে পরও ভণ্ড নবি সেজে, পোশাকি নবি সেজে লক্ক লক্ক মানুষকে ভুল পথে টেনে এনে জাহান্নামের লাকড়ি বানিয়েছে, তারা চিরতরে মানবসমীজ হতে মুছে যায় নি। তারা বেঁচে নেই কিন্তু তাদের প্রেতাত্মা ভর করে আছে আমাদের সমাজে। এই সমস্ত ভণ্ডদের ডাকে আজও কত সহজ-সরল-প্রাণের মানুষ ধোঁকা খাচ্ছে এবং ভুল পথে পা বাড়িয়ে দিচ্ছে তার সাবধান বাণী কালের ইতিহাস হয়তো দিয়ে যাচ্ছে এবং যাবে।

হজরত আবু বকর, হজরত ওমর ফারুক, হজরত ওসমান, হজরত আলি, হজরত আবু জর গিফারির চোখের সামনে মুসায়লামা লেবাসধারী ও ভণ্ড নবি সেজে যখন একলক্ক মানুষকে বিপ্লান্তির মধ্যে ফেলে দিয়েছিল তখন জানি না মহান সাহাবারা মুহূর্তের তরে মুখের পবিত্র ভাষা ভুলে গিয়েছিলেন কি না? জানি না - অবাক বিষ্ময়ে

বোবার মতো কিছুক্ষণ অনাগত কালের মুসলমানেরা এমনভাবে বিভ্রান্তির মধ্যে পড়ে যাবে বলে ভেবেছিলেন কি না?

জিজ্ঞাসার বিভিন্ন বিশ্লেষণের মরুভূমিতে উর্মির নৃত্যছন্দের ছায়া আবরণ দিতে অক্ষম। জীবনপ্রদীপ অসহ্য অভ্যন্তরীণ জ্বালায় বিবেক প্রশ্নের ধারালো বাণের আঘাতে উপলব্ধি করে মৃত্যুগ্রহণের অনিচ্ছার ছবি। ইচ্ছার তীব্রতা আত্মহত্যার দড়ি অবলোকনে ভীত হলেও ফাঁসির আসামীর মতো জন্মটুপি মাথায় এগিয়ে যেতে হয়। বেদনার মূর্তি তৈরি করে দুঃখ।

আত্মপরিচয় অপরিচিত রাজপথের পথিকের মতো হেঁটে চলে। কেউ প্রশ্ন করতে চাওয়া তো দূরে থাক, একটা মমতার চাহনিও পায় না তখন। ডিক্টরের চাওয়ার মতো মিনতির লুন আস্তান। নিজেকে আপন হাতে ডুবিয়ে দেয় অথৈ জলে। আশার অদৃশ্য আকাঙ্ক্ষায় যান্ত্রিক সভ্যতার মেকি অভিজ্ঞাতের অথৈ জলে যে তাকে জেনে-গুনে ডুবে যেতে হবে সেটা অভিজ্ঞতার আকা-বাকা পথে হোঁচট খেতে-খেতে বুঝতে পারে মর্মে-মর্মে। আর তখন? কেউ রূপ নেয় বিদ্রোহীর। জানে পরাজয় তার অবধারিত, তবু বিদ্রোহটাই তার প্রতিবাদ। কেউ রূপ নেয় ডাকাত-হাইজ্যাকার-চোর-ছ্যাচড়ে আর প্রতারণার সুন্দর সুন্দর বাণিজ্যে। এই বাণিজ্যের মধ্যে আছে আর এক বাণিজ্য। একটা মার খায় এই সমাজে আর একটা সুখের প্রাসাদ গড়ে তোলে। যান্ত্রিক সভ্যতার আধুনিক পৃথিবী পাহারা দেবার প্রহরীকে দিয়ে শান্তির বাণী শোনায়। অথচ পাহারাদারকে যদি পরীক্ষার হলে নিয়ে যাওয়া হয় তবে তুমি দেখতে পাবে রাজপথের দু'ধারের সারিবদ্ধ প্রাসাদের চমক আর ঠমক গড়েছে তারাই। আইনকে আইনের গলা টিপে মারতে দেখেছি, দেখতে হবে এবং কতদিন দেখতে হবে জানি না। কারণ, সবচেয়ে বড় জ্ঞান-বিজ্ঞানের যে শেষ কথা তার নাম 'জানি না'।

জেনে-গুনে উষ্ণতার ভয়কে আলিঙ্গন করে অনেকেই জ্বলন্ত আগুনের সামনে দাঁড়াতে পারে, তবু বর্ণচোরাদের বানানো ভণ্ডামির নরম তুলতুলে বিছানাটাকে করে ঘণা। কারণ, ঐ বর্ণচোরাদের নরম বিছানায় যদি একবার ঘুমিয়ে পরে তখন ওরা লোশ মনে করে আর তখনই ওরা জিভ বের করে শিয়ালের ঝক ঝক চোখে খুবলিয়ে খাবার বোবা বাসনায়।

কোরান-এর কতিপয় সূরার অনুবাদ ও ব্যাখ্যা

(ক) সূরা লাহাব

১. তাক্বাত্ ইয়াদা আবি লাহাবিউ ওয়া তাক্বা।
২. মা আগনা আনহ মালুহ ওয়াম্মা কাসাবা।
৩. সাইয়াস্লা নারান্ জাতা লাহাবিউ অম্ব্রাতুহ।
৪. হাম্মা লাতাল্ হাতাবে।
৫. ফি জিদিহা হাবলুম্ মিম্ মাসাদ্।

অনুবাদ

১. আবু লাহাবের হাত দুটো ধ্বংস হোক এবং উহা ধ্বংসই।
২. তার ধন ও তার উপার্জন তার কোনো উপকারেই আসে না।
৩. শীঘ্রই সে লেলিহান আগুনে জ্বলবে।
৪. আর জ্বলবে তার স্ত্রী জ্বালানি কাঠ বহনকারিনী।

৫. খেজুর পাতার দড়ি তার গলায় জড়িয়ে পড়বে।

ব্যাখ্যা

এই সূরাতে হজুর পাককে সত্য ও ন্যায়ের প্রতীক হিসাবে দাঁড় করানো হয়েছে। ঠিক তেমনি আবু লাহাবকে দেখানো হয়েছে অন্যায়-অবিচার এবং সত্যকে বাধাদানকারীর প্রতীকরূপে। সে সর্বদাই পার্শ্ব ও আধ্যাত্মিক (স্পিরিচুয়াল) সত্যের বিকাশের প্রতিবন্ধকরূপে দাঁড়িয়ে থাকে। আবু লাহাব জাতীয় মানুষ বাস করে জাহান্নামে (ফিউচার টেম তথা ভবিষ্যত কাল ব্যবহার করা হয় নি তথা জাহান্নামে যাবে বলা হয় নি)। তার স্বভাব ও কার্যকলাপগুলো নিজেরাই জাহান্নামে বাস করার খোরাক তথা ইন্ধন। আল্লাহর দ্বীনে প্রবেশ করার সঙ্গে সঙ্গে সে দেখতে পাবে যে, তার আমলগুলোর দ্বারাই তথা কার্যকলাপের দ্বারা সে জাহান্নামে তথা দুনিয়াতেই ছিল এবং দ্বীনে প্রবেশ করে স্থায়ীভাবে আবদ্ধ হয়ে গেল। কাজেই দেখা যায়, জালেম লোক জাহান্নামেই বাস করে। শুধু দৃষ্টি হতে পরদা সরে না যাবার কারণে আমরা উহা বুঝে উঠতে পারি না। এটুকুই যা প্রভেদ। এই কারণেই এই সূরার প্রথম আয়াতেই বলা হয়েছে, 'ওয়াতাব্বী' অর্থাৎ 'এবং উহা ধ্বংসই'।

সত্য ও অসত্য এই দুই বিপরীত ভাবের মধ্য হতে অসত্যের বিরুদ্ধে জেহাদের শিক্ষা দিচ্ছে কোরান। যেন আমরা অসত্য, অন্যায় হতে সাবধান থাকি এবং ভুলেও উহার প্রশ্রয় না দেই। যারা আবু লাহাবের মতো জালেম তারা ধ্বংস হোক তথা ধ্বংস করে দেবার মনোবল নিয়ে এগিয়ে চলার আদর্শকে আমাদের মনের উপর জাগ্রত প্রহরীর মতো স্থিতিমান রাখার মহান চেতনায় সজাগ প্রহরী হবার শিক্ষা দিচ্ছে কোরান। তারপর বলা হয়েছে যে, আবু লাহাব জাতীয় এক শ্রেণীর জালেমেরা ধ্বংসপ্রাপ্ত অবস্থাতেই আছে। যদিও আমরা তাহা দুনিয়ার কলুষ মাখানো দৃষ্টির জন্য বুঝে উঠতে পারি না। মজলুম জনতার জীবনপথে অন্যায়ের বিরুদ্ধে, জুলুমের বিরুদ্ধে, অসাম্যের বিরুদ্ধে সংগ্রাম করার যে বিরাট ও মহান শিক্ষা রয়েছে এই সূরার প্রথম আয়াতটি তারই একটি জুলন্ত নজির।

সমাজ জীবনে জালেমদেরকে অভিশাপ দেবার অর্থই হলো তাদের বিরুদ্ধে সংগ্রাম করার মনোভাব নিয়ে চলার নির্দেশ। ভুলেও যেন মুহূর্তের জন্য জালেমদেরকে প্রশ্রয় দিয়ে না ফেলি। এই জন্যই এরূপ অভিশাপ দেবার নির্দেশ রাখা হয়েছে। এখানে আবু লাহাব বলতে ব্যক্তি আবু লাহাবকে বোঝানো হয় নি, বরং শ্রেণী আবু লাহাবকেই বোঝানো হয়েছে, যে আবু লাহাবের উদয় যুগে যুগে মানবসমাজের প্রত্যেক অংশে বিভিন্ন রূপে ও গঞ্জে বিরাজ করে। তার এই অকল্যাণের মূর্তি আমরা দেখতে পাই সব রকম বৈষয়িক এবং আধ্যাত্মিক কর্মক্ষেত্রে।

ব্যক্তি আবু লাহাব এবং শ্রেণী আবু লাহাবদের ধ্বংস কামনা শুধু যে আমরা মানুষেরাই করবো তা নয়, বরং কোরান নিজেই এই ধ্বংস কামনা করে। অর্থাৎ, ইহা কোরান-এরই বিধান তথা বিশ্ব প্রকৃতির বিধান যে, এই আবু লাহাব শ্রেণীর লোকেরা ধ্বংসপ্রাপ্ত হয়েই চলছে, কিন্তু তা আমরা অন্ধ দুনিয়ার দৃষ্টির কারণে বুঝতে পারি না। আবু লাহাব শ্রেণীর যারা, তাদের সকল প্রকার কর্ম প্রচেষ্টা এবং উপার্জন ব্যর্থ। কারণ শীঘ্রই অর্থাৎ দুনিয়া সরে গেলেই তারা অনুশোচনার লেলিহান অগ্নিশিখায় প্রবেশ করবে।

তারপর আসলো তার স্বী-প্রসঙ্গ। যারা ভালবাসবে আবু লাহাব শ্রেণীর লোকদেরকে এবং তাদের সহযোগিতা করবে, তারাও এই একই শ্রেণীভুক্ত। যে কার্যাবলি ও আমল তারা করে সত্য ও ন্যায়ের বিরুদ্ধে, ঐগুলোই তাদের দোজখের ইন্ধন। দুনিয়ায় অবস্থানকালে এই ইন্ধনসমূহের জ্বালা দৃষ্টিগোচর না হলেও অতি শীঘ্রই দ্বীনে প্রবেশ করে তারা দেখতে পাবে যে তাদের ঘাড় সেই অগ্নির বোঝাই

বহন করছে। আর তাহা এমনভাবে তাদের গলদেশে দড়ির মতো জড়িয়ে পড়বে যে, উহা তারা ত্যাগ করতে পারবে না।

আবু লাহাব ও তার স্ত্রী সত্য ও ন্যায়ের প্রতীক হজুর পাকের (আ.) বিরুদ্ধে যে রূপ অন্যায় আচরণ করতো উহার মূলে ছিল হিংসা এবং কর্তৃত্বের মোহ। সকল যুগেই দেখা যায় যে এক শ্রেণীর লোক নিজেদের হীন স্বার্থ এবং ক্ষমতার কর্তৃত্ব রক্ষার জন্য সমাজসেবী কল্যাণকামী লোকদের বিরুদ্ধে হিংসামূলক আচরণ করে থাকে। যদিও তারা বেশ জানে যে, যাদের বিরুদ্ধাচরণ তারা করছে তারা প্রকৃতই মহান জনদরদী।

‘আবু লাহাবের হস্তদ্বয় ধ্বংস হওয়া’-র অর্থ অন্যায় শক্তির ধ্বংস কামনা করা তথা অন্যায় শক্তির বিরুদ্ধে জেহাদ ঘোষণা করা। অন্যায়কারী অনুতপ্ত হয়ে সংশোধিত হলে তার ধ্বংসের কোনো দরকার হয় না। সে আল্লাহর ক্ষমা ও রহমত লাভ করে তার তীব্র তথা অনুতাপ ও সত্যপথে প্রত্যাবর্তন করার কারণে। এই জন্য ‘আবু লাহাব ধ্বংস হোক’, এ কথা না বলে ‘আবু লাহাবের হাত দুটো ধ্বংস হোক’ এ কথা বলা হয়েছে। কারণ হাত দুটো শক্তির প্রতীকরূপে ব্যবহার করা হয়। যদিও আবু লাহাবের হাত দুটো ধ্বংস হবার সাথে সাথেই সেও ধ্বংস হয়ে গেছে এবং তার স্ত্রী, যে তার হাতকে অন্যায় করার ইচ্ছন যোগাতো, সেও ধ্বংস প্রাপ্ত হয়েছে। কারণ, পাপ কখনো ধারণারূপে বিরাজ করে না। পাপ আরোপিত হয় অথবা একক সত্তার বিবর্তিত খণ্ড সত্তা একমাত্র মানব ও জিন নামক জাতির অন্তরে। তাই পাপের ডিপো আবু লাহাব ও তার স্ত্রী ধ্বংস হয়েছে এবং ধ্বংস করে দিতে বলা হয়েছে।

মন্তব্য

‘ধ্বংস হোক আবু লাহাবের হাত দুটো এবং উহা ধ্বংসই’ কোরান পাকের এই বাণীতে কেউ যদি প্রশ্ন করে যে আবু লাহাব তো আর ইহজগতে নেই, দেড় হাজার বছর আগেই তার মৃত্যু হয়েছে, তবে তাকে আর ‘ধ্বংস হয়ে যাক আবু লাহাবের হাত দুটো’ বলার মাঝে কী সার্থকতা থাকতে পারে? কিন্তু এর উত্তর, ব্যক্তি আবু লাহাব নয়, আবু লাহাবদের শ্রেণীগতভাবে ধ্বংস হবার কথা ঘোষণা করা হয়েছে। ব্যক্তি মীরজাফরকে যেমন বিশ্বাসঘাতকতার প্রতীকরূপে আমরা ব্যবহার করি এবং তার ধ্বংস কামনা করি, সে রকম আবু লাহাবকে জালেম অত্যাচারীর প্রতীকরূপে ব্যবহার করে আবু লাহাবদের শ্রেণীচরিত্রকে ধ্বংস হয়ে যাবার কামনা করতে বলা হয়েছে। মহাপুরুষরা যেমন এক-একটি যুগে আগমন করে মানবতার আদর্শ ব্যাপকভাবে প্রচার করে যান এবং মানবতা প্রতিষ্ঠার তরে নিজের স্বল্প জীবনকে বিলিয়ে দিয়ে যান, সে রকম আবু লাহাবেরাও যুগে যুগে আগমন করবে এবং মানবতার বিরুদ্ধে মতবাদ তথা জুলুম অত্যাচারের বিন্যা বীয়ে দিয়ে যাবে। তাই এই আবু লাহাব শ্রেণীদের অত্যাচারের বিরুদ্ধে যেন আমরা তথা মজলুম জনতা সদা-সর্বদা সাবধানতা অবলম্বন করতে পারি তথা তাদেরকে সমুচিত শিক্ষা দিতে পারি তারই সংকল্প গ্রহণ করতে বলেছেন পাক কোরান তথা অত্যাচার, অবিচারের বিষবৃক্ষ যারা মানবসমাজে বুনো দেয় ও দিচ্ছে তাদের বিরুদ্ধে মানবসমাজকে এক্যবদ্ধ হয়ে সংগ্রামের আবেদন ও আদেশ দিয়েছেন পাক কোরান। আবু লাহাবদের বিরুদ্ধে রুখে দাঁড়াবার মাঝে আপাতদৃষ্টিতে নির্মম বলে মনে হলেও ইহা মোটেই নির্মমতা নয়, যদিও আবু লাহাবদের চোখে এবং যারা তাদের অত্যাচার করার লাকড়ি যোগাড় করে তথা আবু লাহাবদের সাহায্য ও সহযোগিতা করে তাদের দৃষ্টিতে ইহা নির্মম বর্বরতা এবং হিংসাত্মক কার্যকলাপ বলেই মনে হবে এবং মজলুম জনতাকে ভুল পথে পরিচালনা করার জন্য স্বী উজ্জারা, তথা আবু লাহাবদের পা-চাঁটার দল, উঠে পড়ে লাগবে।

ব্যক্তি আবু লাহাবকে অত্যাচার করতে সহায়তা করেছিল তারই স্বী উজ্জা তাই স্বী উজ্জাকেও ধ্বংসপ্রাপ্ত হতে হয়েছে তথা ধ্বংস করে দেওয়া হয়েছে এবং শ্রেণী আবু

লাহাবদের যারা ব্যক্তি আবু লাহাবের স্বী উজ্জার মতো অত্যাচার করার তরে সাহায্য ও সহযোগিতা করছে তাদেরকেও সমুচিত শিক্ষা দেবার উপদেশ দিচ্ছে পাক কোরান। শ্রেণী আবু লাহাবদের অত্যাচারের হস্তকে যারা সুদৃঢ় করার জন্য সর্বপ্রকার চেষ্টা চালায় তারা প্রত্যক্ষ আবু লাহাব না হলেও পরোক্ষভাবে একই শ্রেণীর এবং এই একই শ্রেণীভুক্ত বলেই ব্যক্তি আবু লাহাবের সঙ্গে স্বী উজ্জাকেও ধ্বংস হয়ে যেতে হয়েছে। স্বী যেমন স্বামী কৰ্মপ্রেরণায় উৎসাহ এবং সহায়তা করে সে রকম শ্রেণী আবু লাহাবকেও যারা অত্যাচার করার লাকড়ি যোগাড় করে তথা সহায়তা করে তারা তো স্বীর মতোই, যদিও আধুনিক ভাষায় এই শ্রেণীর স্বীদেরকে দালাল, বাটপার, পা চাটা কুকুর বলে থাকে এবং গ্রাম্য ভাষায় এদেরকে বলা হয় বেদের পোষা খাচার ডাহক।

অবশ্য আজকের এই আধুনিক যুগে স্বী উজ্জার মতো যারা শ্রেণী আবু লাহাবদের দালালি করে গোটা সমাজ জীবনকে একটা বিরাট ধ্বংসের পথে টেনে নিয়ে যাচ্ছে তাদেরকে চেনাও মজলুম জনতার পক্ষে ভীষণ কষ্টকর হয়ে দাঁড়িয়েছে। এই সমস্ত দালাল ডাহকেরা যে কত রকম পোশাক বদলাতে পারে এবং কত রকমে যে মজলুম জনতার দৃঢ় ঐক্যের মাঝে শত শত ফাটল তৈরি করে যার দরুন মজলুমের সংগ্রাম ও বিপ্লব সফলতা অর্জন করে বহুদিনের অধ্যবসায় ও কঠোর সাধনার পর। ডাহক-ধরা বেদে জানে যে, ঝোপ-জঙ্গলের স্বাধীন ডাহকেরা বেদের মুখ দেখে ধরা দেবে না। কারণ, ডাহক-ধরা বেদে এদের শ্রেণীভুক্ত ডাহক নয়। সে অন্য জীব তথা মানুষ। তাই বেদের মুখ দেখলে ঝোপের ডাহকদল পালিয়ে যায়। বেদে তখন মনে মনে ফন্দি আটে আর এই ফন্দির ফলস্বরূপ বেদে একটি ডাহককে খাচার পুরে আপন জনের মতো খাদ্য দিয়ে লালন-পালন করে। যখন খাচার ডাহক বেদের পোষ মেনে নেয় এবং বেদের শেখানো আকার-ইঙ্গিত রপ্ত করে ফেলে তখনই বেদের বুকে আশার সঞ্চার হয়। খাচার আবদ্ধ পোষা ডাহকটিকে নিয়ে বেদে তখন ডাহককুলের আড্ডাখানায় তথা ঝোপ-জঙ্গলের এক কোণে রেখে দেয় এবং চার ধারে পেতে রাখে মরণ ফাঁদ, যাকে ফালা বলা হয়। পোষা ডাহক মনিবের শেখানো আকার-ইঙ্গিতগুলো আপন মনে ঠোঁটের কোণে সুর করে ভাজতে থাকে। বেদে বহু দূরে চুপ করে লুকিয়ে থাকে। ঝোপের ডাহকেরা সহসা চমকে ওঠে, চমকে ওঠে তাদেরই দলের তাদেরই শ্রেণীভুক্ত আর একটি ডাহকের করুণ কান্নায়। বাচ্চা-কাচ্চা নিয়ে সুখের সংসার পেতেছে ডাহককুল ঝোপের ভেতর। তাই তারা সংসারের মায়া বোঝে, বোঝে অপরের বেদনা। নিজেদের সুখে তারা নিজেরাই গর্বিত, নিজেরাই আনন্দিত, সংসারের সকলে মিলেই তারা আনন্দের গান গেয়ে একে অপরকে সুখের কথা জানায়, কিন্তু সহসা কে এমনভাবে একাকী কেঁদে বুক ভাসাচ্ছে? কী তার ব্যথা? প্রশ্নের উত্তর খুঁজতে গিয়ে ডাহককুলের কিছুসংখ্যক ডাহক এগিয়ে আসে পোষা ডাহকটির কাছে। পোষা ডাহকটি তাদের দেখে কান্নায় যেন ভেঙে পড়ে। বুক ফাটিয়ে চিৎকার করে কাঁদতে থাকে। ঝোপের ডাহক অতি কাছে এসে যখন পোষা ডাহকটিকে মুক্ত করে দিতে চায় তখন সে বুঝতে পারে যে, মরণফাঁদের ভেতর সেও চিরদিনের তরে আটকে গেছে। পাখার ঝাপটা ঝাপটিতেও আর নিজেকে মরণফাঁদ হতে মুক্ত করতে পারে না। আর এমনি মুহূর্তে সম্পূর্ণ অন্য একটি জীবকে তথা বেদকে দেখতে পায়, যে তাদের পাগুলো দড়ি দিয়ে বেঁধে হাতের মুঠোয় পুরে নিয়ে যাচ্ছে, আর সঙ্গে খাচার পোষা ডাহকটিও। কত বড় প্রতারণা - কত বড় জঘন্য বাটপারি - কী বিশ্রী বিশ্বাসঘাতকতা! একই জাতের, একই শ্রেণীর, একই পালকে মোড়া দেহ অথচ কত ব্যবধান।

সাবধান করে দিচ্ছে পাক কোরান মজলুম জনতাকে। সাবধান করে দিচ্ছে স্বী উজ্জার মতো শ্রেণী আবু লাহাবদের, যারা বেদের পোষা ডাহকের মতো মায়াকান্না

কেঁদে মজলুম জনতাকে মরণফাঁদে ফেলতে চাইছে। যারা বেদের পোষা ডাহকের মতো মানবসমাজের মাঝে বিচরণ করে সাম্য-মৈত্রীর ভিৎ গড়ার সংগ্রাম আর মহৎ চেতনাকে বিকৃত করছে তাদেরকেই পাক কোরান অন্যত্র মুনাকফে বলেছেন। ঐ পোষা ডাহকের মতো একই পোশাকে সজ্জিত, একই পালকে মোড়া দেহ, গরিব সর্বহারার মতো মলিন বসনে আবৃত, গরিব সর্বহারার বেদনায় সে-ও কাঁদে, সে-ও প্রতিকার চায়, মুক্তি চায় - কিন্তু আবু লাহাব শ্রেণীকে উচ্ছেদ করে নয়, সমুচিত শিক্ষা দিয়ে নয়, বিপ্লবী চেতনায় জেহাদি মনোবল নিয়ে নয়। ধনী-গরিবকে একই বিছানায় কলেরা রুগীর সঙ্গে সুস্থ ব্যক্তিটিকে শান্তিতে নিশিাপন করার পণ্ডিতি দর্শনে, যুক্তি আর সূক্ষ্ম বচন তীর্ঘের বাগবিভূতির তেলেসম্মতি চিন্তাধারার জগা খিচুড়ি পাকিয়ে, ব্যক্তিমালিকানার (ব্যক্তি-আমানতের কথা বলে নয়) ডুগডুগি হাতে নিয়ে বাদর নাচানোর মতো শোষকদের শোষণ করার স্বাধীনতার উপর কবির রচনা করে নয়, ব্যক্তির মালিকানা উচ্ছেদ করে আল্লাহর মালিকানার স্বীকৃতি দিয়ে সকলে মিলে, রাষ্ট্রীয় আমানতের মাধ্যমে নয়।

ব্যক্তি আবু লাহাব, আবু জাহেল, এজিদ আর মারোয়ান ইহজগতে নেই। দেড় হাজার বছর আগে কালের কয়টি দিবসের নাটক মঞ্চের বিশ্রী অভিনয় মানুষের দৃষ্টি হতে মুছে গেছে, কিন্তু স্বতির পাতায় যুগে যুগে স্বাক্ষর হয়ে থাকবে কলঙ্কের আবর্জনা। কিন্তু ব্যক্তি আবু লাহাবদের প্রেতাশ্রা মানুষের দেহধারণ করে যুগে যুগে ভর করে থাকবে। তাই পাক কোরান আমাদেরকে শিক্ষা দিচ্ছে, সাবধান করে দিচ্ছে, সমুচিত শিক্ষা দিতে উৎসাহ দিচ্ছে এই ছোট্ট লাহাব সুরাটিতে।

ব্যক্তি মীরজাফর, মোহাম্মদি বেগ, ইয়ার লতিফ, উম্মি চাঁদ আর এই মর্ত্যে বিশ্বাসঘাতকতার অভিনয় করতে আসবে না, কিন্তু মর্ত্যের নাটক চলার গতির মাঝে তারা বিশ্বাসঘাতকতার অভিনয় কীভাবে করতে হয় তা অনাগত কালের নতুন মীরজাফর, মোহাম্মদি বেগ, ইয়ার লতিফ, উম্মি চাঁদদের শিক্ষাগ্রহণ করার ব্যবস্থা করে রেখেছে। তাই আজকের দিনে যারা মজলুম জনতার অধিকার প্রতিষ্ঠা করার বিরুদ্ধে মীরজাফরি করে বেড়াচ্ছে তাদেরকে হেদায়েত করতে বলছেন পাক কোরান।

আমরা শিক্ষা দিতে না পারলেও আল্লাহ এই পৃথিবীতেই এদেরকে দৃষ্টান্তমূলক শাস্তি দিয়ে যান, অথচ অনেকেই সেসব খবর রাখি না। বেইমান মীরজাফর কুঠি রোগে হাতের মাংস খসে পড়া গন্ধ বেরিয়েছিল এবং পেশাব করার সময় ঠাটা পড়ে মারা যান। মোহাম্মদি বেগ বদ্ধ পাগল হয়ে পথে পথে ঘুরে বেড়াত এমন কি পায়খানা নিয়ে নাড়াচাড়া করতো এবং অবশেষে একটি কুয়োতে ঝাঁপ দিয়ে আত্মহত্যা করে। ইয়ার লতিফ, জগৎ শেঠ, উম্মি চাঁদকে ঘুমন্ত অবস্থায় কে বা কারা নদীতে নিক্ষেপ করার পর লাশ ভেসে উঠে এবং পানির অধিবাসীদের পেটে দেহ সংকার হয়। লর্ড ক্লাইভের আত্মহত্যার কথাটা অনেকেই জানেন, কিন্তু ওয়ারেন হেসটিংস-এর করুণ এবং ভয়াবহ মৃত্যুর খবরটা অনেকেই মনে রাখার প্রয়োজন মনে করেন নি। জালেমদের এ রকম বহু নজির আল্লাহ পাক দুনিয়াতেই দেখিয়ে দিয়ে যান কোনো না কোনো উহিলাতে, নির্মম বোবা ধীরগতি অথবা দ্রুতগতির শাস্তি দিয়ে এবং অনেক নজির বোধ হয় আমাদেরও দেখার সৌভাগ্য হয়েছে।

(খ) সূরা হমাজা

১. ওয়াইলুলি কুলি হমাজাতিল লমাজাতিন।
২. আললাজি জমিআ মালাও ওয়া আদুদাহ।
৩. ইয়াহ সাবু আল্লা মালাহু আখলাদাহ।
৪. কাল্লা লাইউমবাজাল্লা ফিল হতামাতে।

৫. হুমা আদরাকার মাল হতামা।
৬. নারুল লাহি মুকাদ্দাত।
৭. আল্লাতিতাত তুলেউ আলল আলফিদাহ।
৮. ইল্লাহি আল্লাইহিম মুসাদাতুন।
৯. ফি আম্মাদিম মুম্মাদ দাদাহি।

অনুবাদ

হুমাজা : যারা দুর্নাম এবং অন্যায় করে বেড়ায়।

১. যারা অপরের দুর্নাম এবং অপকর্ম করে তাদের সবার জন্য দুঃখ।
২. যারা ধন জমা করে এবং তাহা গুণে বেছে রাখে।
৩. তারা মনে করে তার পুজি তাকে চিরদিন বাঁচিয়ে রাখবে।
৪. (না) তা নয়, নিশ্চয়ই তাকে হতামায় ফেলে দেওয়া হবে।
৫. কী দিয়ে তোমাকে বোঝানো যায় যে হতামা কী?
৬. (হতামা হলো) আল্লাহরই পঙ্কলিত আগুন।
৭. যাহা উদ্ভিত হয় অগ্নির উপর।
৮. নিশ্চয়ই ইহা তাদের উপর সতুপীকৃত অবস্থায় আছে।
৯. খাম্বের মধ্যে পরিবেষ্টিত।

ব্যাখ্যা

যারা ধন-সম্পদ সংরক্ষণ করে তা গুণে-বেছে তাদের মনমতো সাজিয়ে রাখে এই ভেবে যে, তাদের মাল তাদের সুখ-সম্পদকে চিরস্থায়ী করে তুলবে, তাদের জন্য আফসোস। এই ধন-সম্পদের জন্যই তারা অন্যের দুর্নাম এবং অপকর্ম করে বেড়ায়। কিছু ধন-সম্পদ তাদেরকে স্থায়িত্ব দিতে পারবে না, বরং উহা তাদের হতামায় নিক্ষেপ করবে। পুজিমোহ নিজেই হতামা। হতামা আল্লাহর রোষের জ্বলন্ত আগুন। এই আগুন মানবমনের সর্বপ্রকার কোমলতা, প্রেম-প্রীতি এবং সাম্য ইত্যাদি সদগুণগুলি পুড়িয়ে ফেলে। যার ফলে সমাজের উপর নেমে আসে বৈষম্যের দুঃখ এবং শ্রেণীভেদের তীব্র বেদনা। মানবসমাজে চরমরূপে দেখা দেয় অসাম্য এবং এই অসাম্যের পরিণামরূপে প্রেম-প্রীতির বন্ধন হয় শিথিল। বস্তুমোহ তাদের অন্তরে পশুর মতো হয় উদ্ভিত। নিশ্চয়ই এই বস্তুমোহ বিশ্রী রূপ ধারণ করে তাদের মনের উপর বোঝাই হয়ে থাকে। তাদের এই জঘন্য মনোভাবকে তারা খুঁটি দ্বারা ঘেঁড়াও করে সংরক্ষিত করে রাখে। কিছু প্রকৃতপক্ষে তারা আল্লাহর রোষের আগুনকেই নিজেদের উপর বড় বোঝা করে সংরক্ষণ করে রাখে। এই সুরার সারমর্ম হিসাবে একটি কথা অতি সুন্দর ও সচ্ছ হয়ে ফুটে ওঠে। উহা হলো, পুজিবাদ ও হীন স্বার্থবাদ সমাজে সর্বপ্রকার অকল্যাণের মূল। 'যারা ধন জমা করে রাখে এবং তা গুণে বেছে রাখে' এই সুরার দ্বিতীয় আয়াতটি অতি সুন্দর এবং স্পষ্ট ইঙ্গিত দিচ্ছে প্রাইভেট প্রোপার্টি তথা ব্যক্তিমালিকানার বিরুদ্ধে। প্রাইভেট প্রোপার্টি তথা ব্যক্তিমালিকানাটাই মানবচরিত্র এবং সাম্যবাদকে বিকৃত এবং বিশ্রী করে তোলে। তাই কোরান-এর এই সুরাটি প্রাইভেট প্রোপার্টি তথা ব্যক্তিমালিকানাটাকেই প্রজ্বলিত অগ্নির সর্বপ্রধান ইন্ধনরূপে বর্ণনা করেছে।

মন্তব্য

এই সুরাটি বস্তুবাদকে কেন্দ্র করে যে পাশবিক হীন স্বার্থবাদের গন্ধে গড়া পুজিবাদ, সেই পুজিবাদের উপর একটি চরম আঘাতরূপে প্রকাশিত হয়েছে। এ রকম বস্তুমোহ মানব অন্তরের গুণরাজিকে ধ্বংস করে তথায় প্রতিষ্ঠিত করে একপ্রকার কঠোর পুজিবাদ ও হীন স্বার্থবাদ। এবং এই পুজিবাদের সমর্থনে তারা সর্বপ্রকার অপবাদ এবং কলাকৌশলের ভণ্ডামির সাহায্যে অন্যায়ের রাস্তাকে আরও বড় করে তোলে।

এবং এরই ফলে শ্রেণী বৈষম্যের উগ্রতা জনসমাজের বুকে মহাপ্রাণিতর স্পর্শে গড়া সাম্যবাদে অনেক ফাটল তৈরি করে। 'ওয়াইল্ড' শব্দটির অর্থ ধ্বংস। আল্লাহর দৃষ্টিতে তারা সত্যিই ধ্বংসের পথে হেঁটে চলেছে, যদিও তারা মনে করে এই পুঁজিবাদের হীন স্বার্থবাদকে শক্ত বেড়া ও খুঁটি দ্বারা নিরাপদ করে রেখেছে। খুঁটি ও বেড়া মানুষের থাকার ঘরকে যেমন রোদ-বৃষ্টি এবং ঝড় হতে নিরাপদ রাখে সে রকম তুলনার সাহায্যে আল্লাহ তাদের পুঁজিবাদের হীন স্বার্থ সংরক্ষণের বিশ্রী মনোভাবের তুলনা দিয়েছে। বঞ্চিত গণসমাজ যদি সাম্যবাদের ন্যায়দণ্ড দ্বারা চুরমার করতে না-ও পারে তবুও কিছু মৃত্যুঘটনা তাদের মেকি নিরাপত্তার প্রাচীর ভেঙে চুরমার করে দেবে।

নিজের স্বার্থটা নিজের কাছে এত প্রবল এবং এত বড় বিশ্রীকর যে এর সামনে সর্বপ্রকার আদর্শবাদ খেঁই হারিয়ে ফেলে। যুক্তিহীন স্বার্থবাদের গতিপথে চোরা খাদ তৈরি করে। যুক্তিবাদের ঢাক-ঢোল যত রকমেই পেটানো হোক না কেন উহা আসলে কিছু সম্পূর্ণরূপে মানুষের মানবিক দাবিকে ফাঁকি দেবার সূক্ষ্ম অঙ্কবাদ। স্বার্থটাই হলো অঙ্ক। অঙ্ক আলো (আল হক তথা একমাত্র সত্য তথা দি'ঈখ) দেখতে পায় না। আলোর স্নিগ্ধরূপ তাকে মহীয়ান করে তুলবে কেমন করে? পবিত্র কোরান এই রকম অঙ্কত্ববাদকেই আন্মিত্ব বলে ঘোষণা করেছে। আন্মিত্বের আধারে বাস করাটাকেই আবার পবিত্র কোরান পাপ বলেছে। সুতরাং হীন স্বার্থবাদই অঙ্কত্ববাদ। তাই পাপকে তাড়াবার চেষ্টায় যে রত, সেই পাপই তাকে আচ্ছন্ন করে ফেলে এবং সেটা তার নিজের স্বার্থে, না হয় পারিবারিক স্বার্থে, না হয় দলীয় স্বার্থে, না হয় খণ্ড একটি ভূমিতে বাস করা কতগুলো মানুষের স্বার্থে। এই স্বার্থটা কখনো সার্বিক মঙ্গলের পথ দেখাতে এবং আদর্শ দিতে পারে না। তাই এই হীন স্বার্থটাই অঙ্কত্ববাদের পুজারি। সুতরাং অখণ্ড ভালোর জন্য পাপের বিরুদ্ধে সংগ্রাম তার মোখিক, অর্থাৎ মুখে মুখে এবং ইহা গোণ এবং হীন স্বার্থটা তার আন্তরিক অর্থাৎ ভেতরে ভেতরে এবং ইহা মুখ্য। হীন স্বার্থটি যে সম্পূর্ণরূপে অঙ্কত্ববাদের উপর প্রতিষ্ঠিত এবং অখণ্ড ভালোকে বর্জন করে পাপকেই বহুদূর দিয়ে নিজের মধ্যেই ঘুরানো হচ্ছে এবং ইহা তখনই পরিষ্কাররূপে মানুষের কাছে প্রকাশিত হয়ে পড়ে যখন পাপের বিস্তৃত চক্রটি মানুষের কাছে ধরা পড়ে যায়। কালির কলমে আর চামড়ার মুখের চাতুর্যপূর্ণ ভাষা দিয়ে যুক্তির সেতু রচনা করে, কিছু বালির ভাগ এত বেশি মেশানো হয় যে, যার ফলে সার্বিক মঙ্গলের পা-খানা পড়তেই মেকি যুক্তির সেতু তার অস্তিত্ব হারাতে থাকে। সূক্ষ্ম হতে অতি সূক্ষ্মরূপে হীন স্বার্থটা যখন বিরাজমান তখন স্থূল দৃষ্টির কাছে ধরা পড়ে না। তাই বই মানুষের সূক্ষ্ম হীন স্বার্থের প্রভাব থাকলেও উহা নিঃস্বার্থবাদ, সুতরাং আপাত যুক্তিসংগত। সাদা চোখে পানির মধ্যে ভেসে বেড়ানো রোগ-জীবাণু ধরা পড়ে না, কিছু অণুবীক্ষণ যন্ত্রের সাহায্য নিলে চোখ দুটো বোকা বনে যায়। মনের ভেতর হীন স্বার্থটা ভেসে বেড়াচ্ছে কি না ইহার প্রমাণ দিতে হলে বিশ্বের মানব নামক অণুবীক্ষণ যন্ত্র দিয়ে পরীক্ষা করতে হবে। মহাপুরুষ রসুলুল্লাহ (আ.)-এর দেওয়া অনুবীক্ষণ যন্ত্রটির নাম হলো এই, 'কেহই মুসলমান হতে পারে না, যে পর্যন্ত সে যা পছন্দ করে নিজের জন্য তা সে পছন্দ করে অপরের জন্য' এবং এই অণুবীক্ষণ যন্ত্রটি দিয়ে নিজের হীন স্বার্থটা নিজের মধ্যে ঠিকিঝাঁকি মারছে কি না তা পরীক্ষা করে নিতে হবে।

আমি নামাজ পড়ছি, রোজা রেখে চলছি, পণ্ড কোরবানি দিচ্ছি - কিছু সবচাইতে বড় প্রশ্ন হলো, আমি কি মুসলমান হতে পেরেছি? তেহামা পর্বতের মতো নেকির পর্বত বানালেও 'পুঁজি' সংগ্রহের লালসা থাকলে আমাকে দোজখে যেতে হবে - এইটা ইসলামের স্পষ্ট ঘোষণা। কোনো এক সাহাবি রসুলুল্লাহ (আ.)-কে প্রশ্ন করেছিলেন, এ রকম ধনলোভী ব্যক্তি কি নামাজ পড়ে না? রসুলুল্লাহ (আ.) সাহাবিকে তথা আমাদেরকে বুঝিয়ে দিলেন যাতে সে বিষয়ে সাবধান হতে পারি -

‘শুধু নামাজ কেন, নফল নামাজও আদায় করেছে, রাত জেগে তাহাজ্জুদ নামাজও পড়েছে এবং রোজাও রেখেছে, তবু তাকে এই পুঁজি সংগ্রহের লালসাই নরকে ফেলে দেবার মূল কারণ হয়ে দাঁড়াবে।’ গাছের গোড়া কাটা, কিন্তু সে দিকে নজর না দিয়ে গাছের মাথায় পানি ঢেলে চলছি। কিন্তু এ প্রশ্নটি কি মনের মাঝে ভেসে ওঠে না, গাছটি কি বাঁচবে? ফরজ হলো অবশ্য কর্তব্য, যা না করলে শাসিত্য দেবে, কিন্তু ফরজের চেয়েও ইমানের ভিত্তি কি বড় নয়? ইমানের ভিত্তির দিকে নজর না দিয়ে নামাজ, রোজা এবং পণ্ড কোরবানির মতো প্রয়োজনীয় জিনিসগুলির একটি পয়সাও দান থাকে না। যে রকমভাবে গাছের গোড়া কাটা থাকলে গাছের মাথায় পানি ঢালা, আলো এবং বাতাস পাবার দিকে লক্ষ রাখার মতো প্রয়োজনীয় জিনিসগুলোর একটি পয়সাও দান থাকে না। কারণ, গোড়া-কাটা গাছের মাথায় যত পানি ঢালানো হোক না কেন উহা বাঁচতে পারে না। এবং এ রকম অবস্থায় পানি ঢালার কোনো মৌলিক অর্থই থাকতে পারে না। সোনা খাটি কি মেকি নিলেন তার প্রমাণ কি কণ্ঠি পাথরে যাচাই করে নেওয়া হয় না? দামি হীরে বলে যাচাই না করে মেকি কাঁচের বলসানো মোনাকেকি রূপটি মরে যাবার পর যদি ধরা পড়ে তবে অনুশোচনায় গুমড়ানো কান্নার সিঁচ জল কি সম্পূর্ণ বিফলে যাবে না?

একজন বিলাসিতার চেউয়ের মাঝে দোল খায় আর একজন বাঁচা-মরার করুণ প্রশ্ন নিয়ে একমুঠো ভাতের জন্য মানুষের দোরে দোরে পাগলের মতো ঘুরে ফিরছে। বিংশ শতাব্দীর ধনতান্ত্রিক দেশগুলোতে মানবতার যে জঘন্য অপমান করা হচ্ছে তার বিশ্রী দৃষ্টান্তগুলো মানবপ্রেমিকদেরকে দিশেহারা করে তোলে। ধনতন্ত্রের দেশে মানুষের দ্বারে মানুষ তার বেঁচে থাকার ফরিয়াদ জানায়। ছোট ছোট ছেলেমেয়ে নিয়ে একটি মানুষকে মাথা গোঁজার ঠাইস্বরূপ একটি কুটির দেওয়া হয় না, অথচ আর একটি তারই মতো রক্ত-মাংসের দেহে গড়া মানুষ তার প্রাণহীন যন্ত্রদানব ট্যাকসিখানাকে উটের তৈরি দামি ঘরে রেখে দেবার কত সুন্দর ব্যবস্থাই না করে রাখে। আল্লাহর সৃষ্টির শ্রেষ্ঠ জীব আশরাফুল মাখলুকাতে রাত কাটাবার স্থান পুঁজিমোহে আচ্ছন্ন ব্যক্তিটি আকার-ইঙ্গিতে রাজপথের ফুটপাথ দেখিয়ে দেয়। প্রশ্ন করলে বলে ‘আল্লাহ আমাকে ধন-মান আর ইজ্জত দিয়েছে আর তোমাকে কিছুই দেয় নি।’ ধনতন্ত্রের দেশে ধনের মর্যাদা মানুষের জীবন হতে অনেক বেশি মূল্যবান। কোটি কোটি মানুষের বাঁচা মরার করুণ প্রশ্নটির দাম ধনতন্ত্রের পুঁজিপতিদের কাছে একটি কানাকড়িও নয়। প্রাসাদের কক্ষে প্রাণহীন জড় মোটর গাড়ি ঘুমাবার স্থান পায়, কিন্তু অবহেলিত মানুষ পথের ধারে ছোট ছোট ছেলেমেয়ে নিয়ে হাড়-কাঁপা শীতে ভোর কখন হবে ভাবছে। এই কি ইসলামের নামে ইসলামি শাসনব্যবস্থা? উঠের পিঠে চাকরকে বসিয়ে হজরত ওমর (রা.) রশি ধরে গরম বালুর উপর হেঁটে জেরজালেম গিয়েছেন। বিংশ শতাব্দীর তথাকথিত ধনতন্ত্রে গড়া মেকি সভ্যতা হজরত ওমর (রা.)-এর সাম্যবাদকে অচল বলে উপহাস করছে। হজরত ওমরের (রা.) আদর্শ আজকের পৃথিবীতে বাস করা মেকি মুসলমানেরা বেদাত, নাজায়েজ, শেরেক এবং কুফরি ফতোয়া দিয়ে হজরত ওমরের (রা.) চোখের জল আর বোবা চাহনিকে কি উপহাস করছে না? তাই আমাদের ভালো করে মনে রাখতে হবে যে, অবহেলিত মানুষের দাবি প্রতিষ্ঠা ততদিন পুঁজিপতির কাছে না বা করতে চায় না, যতদিন প্রত্যেক সংগ্রামে নেমে না আসবে, জেহাদ ঘোষণা না করবে, যতদিন ঐক্যবদ্ধ সংগ্রামকে একমাত্র নীতি হিসাবে গ্রহণ করে এগিয়ে না আসে। হাজার বছরের ইতিহাস বাস্তব সাক্ষী দিচ্ছে - সংগ্রামই বন্যতাকে দূর করে, বিষের সাহায্যেই বিষের ক্রিয়াকে ধ্বংস করে এবং এই সংগ্রামকে বর্বরতা না বলে রসূলুল্লাহ (আ.) ‘সাহায্য কর অত্যাচারীকে’ বলে বিশ্বের অবহেলিত জনতাকে আহ্বান জানিয়েছেন।

ইমাম হোসায়েন কারবালার রণপ্রান্ত্রে অত্যাচারীর বিরুদ্ধে সংগ্রাম করে উম্মতে মোহাম্মদিকে শিক্ষা দিয়ে গেলেন, ‘খবরদার, অত্যাচার-অসাম্যের বিরুদ্ধে মাথা নত

করে থেকে না। শির দিও মুসলমান, তবু অসাম্যের শাসনকে মাথা পেতে মেনে নেবার জন্য মোনাফেকি জীবন ধারণ করো না। যে পর্যন্ত তোমরা অত্যাচার-অসাম্যের বিরুদ্ধে ঝাঁপিয়ে না পড়বে সে পর্যন্ত আল্লাহ তোমাদের উপর হতে অত্যাচার আর অসাম্যের বিষ দূর করবেন না।’ বদমাইশ এজিদের সেনাপতি সাদ ইবনে আস কারবালার রণপ্রান্ত্রে ইমাম হোসায়েনকে এজিদের বশ্যতা স্বীকার করে নেবার অনুরোধ জানাবার পর ইমাম হোসায়েন সেনাপতিকে দৃঢ় কর্তে বললেন, ‘হোসায়েনকে সারা পৃথিবীর অধিশ্বর করে দিলেও, হোসায়েনের দেহের উপর মাথা থাকা পর্যন্ত অত্যাচার অসাম্যের বিরুদ্ধে কখনই মাথা নত করে থাকবে না।’

কলুষিত পুঁজিপতিরা হলো ইসলামের দৃষ্টিতে অর্থাৎ কোরান-হাদিসের মাপকাঠিতে অপরাধী, অর্থাৎ পবিত্র কোরান ঘোষণা করছে, তারা জাহান্নামে আছে এবং জাহান্নামে থাকবে। ইসলাম বঙ্গকঠিন বাণীতে বিশ্ববাসীকে সাবধান করে দিচ্ছে, ‘সূচের ছেদা দিয়ে বিরাট একটা উট ঢুকে যাওয়াটা আমাদের বিশ্বাসকে যতখানি অবাক করে দেয় এবং বিবেক অসম্ভব বলে বিদ্রোহ করে, তার চেয়েও অনেক বেশি অসম্ভব হবে একজন পুঁজিপতির বেহেস্তে প্রবেশ করা।’ পুঁজিপতিদের বিভিন্ন ভাষার শৈলিতে পবিত্র কোরান-হাদিস প্রবল ঘৃণা প্রদর্শন করেছে এবং তাদের বিরুদ্ধে সংগ্রাম করতে বলেছে। তবু অতি দুঃখের সাথে বলতে হচ্ছে, মুসলিম ভূখণ্ডগুলো হতে এবং আরও বেশি বেদনা লাগে, তথাকথিত কতগুলো দল ইসলামের মুখোশ লাগিয়ে ব্যাঙের ছাতার মতো গজিয়েছে যারা ইসলামের ভেতর প্রাইভেট প্রোপার্টি তথা ব্যক্তিমালিকানা এবং পবিত্র জাকাতের অর্থ শতকরা আড়াই টাকার খসবু পায়। এদেশের বুকে এ রকম তথাকথিত সংঘ অনেক গজিয়ে উঠেছে। সার্কাসের মার্চে চুনকালি মুখে মেখে লোক হাসাবার তরে যে রকম জোকার তার অঙ্গভঙ্গির সাহায্যে জোকারি করে বেড়ায়, সে রকমভাবে পৃথিবীর জনতার মধ্যে এই ভণ্ড দলগুলি লাফালাফি করে জনতাকে খুব হাসাচ্ছে। এই হাসাবারও কিছু প্রয়োজন আছে এবং এই প্রয়োজনকে ততখানি অস্বীকার করা যায় না যতখানি সার্কাসের মার্চে একটি জোকারের প্রয়োজন।

ইসলাম ধর্মের গতিধারার উপর যুগে যুগে এজিদ আর মারোয়ানের মতো ধর্মের মুখোশ লাগিয়ে নেতাদের অশুভ আগমন এবং ইসলাম ধর্মকে কোশলে ধ্বংসসূত্রে পরিণত করার পরিচয় আমরা ইতিহাসের বাস্তব পৃষ্ঠায় পাই। প্রথম খলিফা হজরত আবু বকর সিদ্দিক-এর খিলাফত পাবার পর আবু সুফিয়ান ইসলাম ধর্মকে ধ্বংসসূত্রে পরিণত করার হীনপ্রচেষ্টায় মওলা আলিকে খেলাফতের প্রকৃত দাবিদার বলে খেলাফতের বিরুদ্ধে বিদ্রোহ করার উদ্যনি দেওয়া হয় এবং মওলা আলিকে সৈন্য ও রসদ দিয়ে পুরামাত্রায় সাহায্য করার আশ্বাসও আবু সুফিয়ান দিয়েছিল, কিন্তু মওলা আলির প্রচণ্ড ধমক খেয়ে আবু সুফিয়ান নীরব রইলো। মওলা আলি আবু সুফিয়ানকে ধমক দিয়ে বলেছিলেন, ‘তুমি এতকাল হজুর পাকের (আ.) ঘোর শত্রুতা করেও তৃপ্ত হও নি? আবার সেই হীন প্রচেষ্টা আমার মাধ্যম দিয়ে করাতে চাও?’ বাটপার এজিদের মতো কায়েমি স্বার্থবাদীরা সুযোগ খুঁজে বেড়াচ্ছে পবিত্র ইসলাম ধর্মের মুখোশ লাগিয়ে। জনসাধারণ ভালো করেই জানে, যদি এই সকল ইসলামের মুখোশধারী দলগুলো কোনোদিন ক্রমতায় আসতে পারে তবে সেদিন হজুর পাকের (আ.) প্রচারিত ইসলাম প্রতিষ্ঠিত না হয়ে বাটপার এজিদের ইসলামই প্রতিষ্ঠিত হবে। এই সমস্ত ধূর্ত দলগুলোর প্রচারণায় আজ মুসলিম সমাজের সরল মুসলমানগুলোর কাছে ইসলামের লেবাসধারী অনেক বাটপার পেয়ে আসছে সম্মান, কিন্তু ইনশাল্লাহ এমন দিন হয়তো আসবে, যেদিন জনসাধারণ বুঝে নিতে পারবে যে সাহাবি হবার সংজ্ঞাটি কত শক্ত আর কঠিন।

কলুষিত (কোরাপ্টেড) পুঁজিপতিরা মানবজাতির বিস্তৃত বুকটাতে বুলেট-বেলোনেটের আঘাতে তাজা রক্তের স্রোত বইয়ে দিয়ে, অবহেলার কাদা ছুঁড়ে,

ভাষাহীন দুর্দশা আর দীনতার বোবা বেদনার যন্ত্রণা দিয়ে ধর্মের টুপি পরে মানবজাতির কাছে মানবতার তব্ব-মব্ব জপে চলছে। এই সমস্ত কলুষিত পুঁজিপতিদের ধর্মের টুপি পরা ভদ্ররূপটি তখনই মানবজাতির কাছে নগ্ন হয়ে প্রকাশিত হয়ে পড়ে যখন তাদের শোষণের স্বার্থবাদের উপর আঘাত পড়তে চায়। তাদের এই নিখুঁত কপটতা এবং জঘন্য বর্বরতার জন্য ইসলাম আন্তরিক ঘৃণা করে। ইল্লা আবওয়াবাল জান্নাতে তাহতা জেলালিস সমুফে - অর্থাৎ 'নিশ্চয়ই বেহেশ্তের দরজা তরবারির ছায়ায় নিচে।' তাই ইসলাম মানবজাতিকে সাবধান করে দিয়েছে, কলুষিত পুঁজিপতিরা মানুষ খুন করার বিকটাকৃতির আদিম দানব। মানুষের মাথার খুলি দিয়ে বিলাসিতার পীন-পেয়ালা তৈরি ছাড়া কলুষিত পুঁজিপতিরা বিকৃত ভোগের তৃপ্তি পায় না। মানবজাতির ইতিহাসে হীন স্বার্থবাদের পাশবিক পরিচয় কলুষিত পুঁজিপতিরা যেভাবে দিয়ে যায়, তার তুলনা হিংস্র জানোয়ারের সাথে দিতেও ইসলাম ঘৃণা করে। বেচে থাকার সম্মানিত অধিকার নিয়ে যে সাম্যবাদের আদর্শ প্রতিষ্ঠা করতে ইসলাম বার বার আহ্বান জানিয়েছে, ইসলামের এই সত্যটুকু অস্বীকার করে কলুষিত পুঁজিপতিরা মানবজাতিকে মরে যাবার পর বেহেশ্তে ইর-গেলমান নিয়ে আরামে থাকার নিশ্চিত আশ্বাসের বাণী শোনায়ে, অথচ নিজেদের হীন স্বার্থবাদের দর্শনটাকে দুনিয়ার বুকে কৌশলে বজায় রেখে চলেছে এবং আপ্রাণ চেষ্টা চালায়। মরে যাবার পর বেহেশ্ত পাবার উগ্র মোহে জনসাধারণ নিজেদেরকে আচ্ছন্ন করে জীবনের অতি সাধারণভাবে বাঁচার অধিকার ধাপে ধাপে নিচের দিকে নেমে যায় এবং ঠিক সেই হারে বাটপারেরা মরে যাবার পর বেহেশ্তের সুখ-ভোগ না চেয়ে মর্যে ভোগস্বর্গ বানায়। এইভাবে সম্পদ আর শক্তির একক অধিকার তখন বাটপারদের মধ্যে সীমাবদ্ধ হয়ে পড়ে। জনসাধারণ আকাশে বেহেশ্ত তৈরি করতে নেশা-খাওয়া মাতালের মতো ব্যস্ত হয়ে পড়ে, কিন্তু নেশা কেটে গেলে নর্দমার কাছে নিজের দেহটা পড়ে আছে দেখে যখন ভীষণ লজ্জা অনুভব করে সে রকম লজ্জা নিয়ে জনগণের মনে ধুম্মায়িত বিদ্রোহ জেগে ওঠে এবং এই বিদ্রোহটি প্রথম অবস্থায় নিজের মনের বিরুদ্ধে বিদ্রোহ ঘোষণা করে এবং পরে মাঝে মাঝে ক্ষুদ্র ক্ষুদ্র জনতার ছিটেফোঁটা বিদ্রোহ দেখা দিলেও কলকজার আসল বোতামটা বাটপারদের হাতে থাকতে তেমন আশাপ্রদ ফল ফলে না। কেননা, এই বাটপারদের বন্যশক্তির মোহহস্তে নিশ্চেষ্ট করার জিঘাংসা চরিতার্থ করার দরুণ মুক্তির স্বল্পস্থায়ী স্বপ্নগুলো মিলিয়ে যেতে চায় এবং এরই ফলে পাপ হতে পরিগ্রাণ পাবার মনোবলের মাঝে ভাঙন আর ফাটলের অপূরণীয় ফাঁক সৃষ্টি হয়। ইসলাম এই শরিয়ত তথা সামাজিক তথা প্রাথমিক সংগ্রামকে পাপের বিরুদ্ধে সংগ্রাম বলে ঘোষণা করেছে। বাটপারেরা হলো সমাজ জীবনের বিষপাপ। অথচ ভালোতে (কংক্রিট গুড) পাপের অনন্তিত্ব আধার দূর করে বিরাজ করতে হলে সমাজ জীবনের বিষপাপকে প্রাথমিক সংগ্রামের দ্বারা অথচ ভালোকে পাবার যে পথ সেই পথে সবে হেঁটে চলেছে বলে ইসলাম ঘোষণা করেছে।

ইসলাম স্পষ্ট ভাষায় বলে দিচ্ছে, তুমি কি সেই ব্যক্তিটিকে দেখেছ যে ইসলামকে প্রথমেই অস্বীকার করে? সে তো সেই ব্যক্তিটি যে ইসলামের দেওয়া সাম্যবাদকে অস্বীকার করে। সুতরাং ইসলামের প্রাথমিক দৃষ্টিভঙ্গির দর্শনে যারা ইসলামকে মানবসমাজে তুলে ধরতে চেয়েছেন অর্থাৎ মানবসমাজের অসহ্য বৈষম্য আর বাটপারদের চেহারাখানা জনসমাজের কাছে তুলে ধরতে আপ্রাণ চেষ্টা চালিয়েছে এবং ইসলামের সাম্যবাদ মানবসমাজে প্রতিষ্ঠা করার বাসনা নিয়ে এগিয়ে চলেছে, তাদেরকে আমরা অথচ ভালোর পথে সবে হেঁটে যাচ্ছে বলে মনে নেব। এরাই হলো পাপের বিরুদ্ধে ইসলামের দৃষ্টিতে প্রাথমিক সংগ্রামী এবং মুক্তি-সাম্য-ভ্রাতৃত্বের পুজারি হবার যে সংজ্ঞা দেওয়া হয়েছে সেই সংজ্ঞায় প্রাথমিক দলভুক্ত মুসলমান।

হোমিওপ্যাথি ঔষধের আবিষ্কারক হ্যানিম্যান যদি মুসলমান না হন তবে তাঁর দেওয়া ঔষধে রোগ সারে না বলে ফেলে দেওয়াটি কি নিতান্ত বোকামির পরিচয় দেয় না? মাইক বিধমী আবিষ্কার করেছে বলে কি মাইকে আজান দেওয়া, কোরান তফসির এবং ওয়াজ করা ইত্যাদি হারাম বলে মাইক ব্যবহার করবেন না? যদিও এ বকম ফতোয়া দেওয়া হতো। পেনিসিলিন ঔষধের আবিষ্কারক আলেকজান্ডার ফ্লেমিং খ্রিস্টান বলে কি তার পেনিসিলিন ব্যবহার করার মাঝে নিষেধ আছে? বিশ্বাস একান্ত ব্যক্তিগত, কিন্তু আবিষ্কার সার্বজনীন এবং গ্রহণযোগ্য। ধর্মের নামে ভণ্ডাদের জন্য দুঃখ হয়, কারণ তারা তো নিজেদের চোখে তুলি পরে কলুর বলদের মতো দোড়াচ্ছে এবং মানবসমাজকে সেই একই তুলি জোর করে পরিয়ে দিচ্ছে। তাই মানুষের ইশজ্ঞান মানুষকে পথ দেখিয়ে দিচ্ছে, মানুষের সামাজিক নীতাকার অসহনীয় পরিবেশ এবং যে কোনো সময় ফেটে পরতে পারে বোমার মতো সামাজিক বিপ্লব এবং সে বৈপ্লবিক পরিণাম কলুষিত পুঞ্জিপতিদের বিরুদ্ধে বিক্লিষ্টভাবে মুক্তির সরলপথ দেখায়, অর্থাৎ ইসলামের দেওয়া অর্থনৈতিক ব্যবস্থায় প্রতিষ্ঠিত ইসলামি সাম্যবাদ প্রতিষ্ঠার যাত্রা শুরু হয়।

কাজ করার সাধনা ছাড়া অখণ্ড ভালোতে বাস করছি বা করতে চলেছি বলার অধিকারকে ইসলাম ভণ্ডামি করা হচ্ছে বলে জানিয়ে দিচ্ছে এবং অধিকার না পেয়ে কাজ করে যাওয়াটাকে ইসলাম নিছক গাধার-বোঝা-বইছে বলে উপহাস করছে। সত্য, ন্যায় ও নৈতিকতার পথটাই হলো পুলসেরাতের বর্ণিত ধারালো এবং সুক্ষ্মপথ। এই পথের চারপাশ ঘিরে আছে অনন্তিত্য পাপের আধার। তাই যে কোনো দুর্বল মুহূর্তে পাপের আধার বাসা বাঁধতে পারে। ওহদের যুদ্ধের মাধ্যমে পার্থিব সম্পদটি যে কোনো এক দুর্বল মুহূর্তে সত্য, ন্যায় ও নৈতিকতার আদর্শকে তুলিয়ে দিয়ে পাপের গ্রাসে পরিণত হতে পারে তার জুলন্ত ইঙ্গিত রসুলুল্লাহ (আ.) বিশ্বমানবসমাজকে দিয়েছেন। আমরা যুক্তিসঙ্গতভাবে বিশ্বাস করি - এই ওহদের যুদ্ধ আমাদেরকে মূল্যবান শিক্ষা দিচ্ছে যে, সত্য, ন্যায় ও নৈতিকতার আদর্শকে জীবনের প্রতিটি ক্ষেত্রে ব্যবহার করতে হবে এবং সর্বনাশের প্রসারিত আঘাত অখণ্ড ভালোর পবিত্র দেহে গিয়ে লাগার বিপদ আছে।

‘যারা ধন জমা রাখে এবং তা গুণে-বেছে রাখে’ - কোরান-এর এই কয়টি কথা একটু চিন্তা করলেই অতি সুন্দর এবং স্পষ্ট ইঙ্গিত পাওয়া যায় যে, প্রাইভেট প্রোপার্টি তথা ব্যক্তিমালিকানার বিরুদ্ধেই বলা হয়েছে। ব্যক্তিমালিকানাটাই মানব চরিত্র এবং ইসলামি সাম্যবাদকে বিকৃত এবং বিশী করে তোলে এবং এরই ফলে সামাজিক অনাচার এবং বৈষম্য দেখা দেয়। তাই কোরান প্রাইভেট প্রোপার্টিকে প্রজ্বলিত অগ্নির সর্বপ্রধান ইন্ধনরূপে বর্ণনা করেছে।

প্রাইভেট প্রোপার্টি বলতে কিছু না কিছু ধন-সম্পদের উপর কর্তৃত্ব করা বোঝায় এবং সম্পত্তির কর্তৃত্ব মানুষের আমিত্ব এবং পৃথিবীর উপর স্বার্থ রক্ষার ইবলিসি ইঙ্গিত বহন করে। তাই এখানে ব্যক্তির অধিকারকে তথা নিজের অধিকারে ধন জমা রেখে দাতা সেজে ঋণার্তকে খাদ্য দান করার ছওয়াব হাসেল করতে বলা হয় নি অর্থাৎ প্রাইভেট প্রোপার্টির স্বীকৃতি দেওয়া তো দূরে থাক, বরং ইহা আমিত্ব এবং দুনিয়ার মোহে জড়িয়ে পড়ার একটি প্রধান কারণ বলে ইহাকেই (প্রাইভেট প্রোপার্টিকে) হতাম্মা অর্থাৎ জাহান্নামের প্রজ্বলিত অগ্নি বলা হয়েছে।

‘ধন জমা করে’ বাক্যটির অর্থ কি? আপনি নিজেই একটু তলিয়ে দেখুন তো! আপনি কি ধন বলতে ধাতুনির্মিত মুদ্রা ও কাগজের টাকাকে মনে করছেন? আপনি তা কখনোই মনে করতে পারেন না যদি অগ্রতঃ অর্থনীতি সত্ত্বে আপনার কিছুটা ধারণা থেকে থাকে। কারণ, আপনি জানেন, ধাতুতে বানানো মুদ্রা এবং কাগজের টাকা হলো ধন বিনিময় করার একটি সহজ মাধ্যম। সতরাং ধন জমা করে রাখা এবং তার হিসাব রাখাটার অর্থ হলো নিজের অধিকারে কমবেশি সম্পদ রেখে দেওয়া এবং সেই সম্পদ যাতে নিজের হাতছাড়া না হয় তার জন্য সবসময় সেদিকেই

মনোনীবেশ করা এবং ইহাকেই অন্য ভাষায় বলা হয় প্রাইভেট প্রোপার্টি তথা ব্যক্তিমালিকানা। যেহেতু এই প্রাইভেট প্রোপার্টিকেই যখন কোরান ‘প্রজ্বলিত অগ্নি’ বলে সাবধান করে দিচ্ছে সেই হেতু প্রাইভেট প্রোপার্টির গন্ধ ইসলামের কোথায় আছে? কোরান শরিফের ভিতর এমন কোনো বাণী নেই যার ভেতর প্রাইভেট প্রোপার্টির সমর্থন খুঁজে পাওয়া যায়, বরং বহু বাণীতে ইহাকে প্রজ্বলিত অগ্নি, জাহান্নাম, কঠিন শাস্তির ইন্ধনরূপেই বর্ণনা করা হয়েছে। জানি না নাস্তিক কমিউনিষ্টরা সর্বহারাকে যদি পরিধানের কাপড় এবং পায়ে জুতো সরকারিভাবে ব্যবহার করতে গিয়ে যদি বলে, ‘এই কাপড় এবং জুতোর ব্যবহারের মধ্যে অগ্নিত তুমাকে সর্বময় অধিকার দেওয়া হলো’ তা হলেও ইহা আমাকে অকপটে স্বীকার করতে হবে যে, ইসলাম সেই কাপড় এবং জুতার উপরেও কাউকে সর্বময় অধিকার দেয় নি। সর্বহারা তো বাদ, যে কেই যদি সেই কাপড় এবং জুতার অপব্যবহার করে তবে তারও কৈফিয়ত দিতে হবে - ইহাই ইসলামের বিধান। কারণ, সর্বময় ক্ষমতার অধিকার এবং আসমান ও জমিনের একমাত্র মালিক হলেন আল্লাহ। কোরান ঘোষণা করছে, ‘তুমি কি জান না, আসমান এবং জমিনের মালিকানা আল্লাহরই।’ (সূরা মায়েদা : ৪০)।

পুনরায় কোরান এই কথা ঘোষণা করছে যাতে আমরা নিজেদেরকে মালিকের আসনে না বসাই; কারণ আমরা মালিকানার কর্তৃত্ব গ্রহণ করলেই মাথা চাড়া দিয়ে উঠবে মানবসমাজের বুকে অসাম্য, জুলুম আর শোষণের বিভীষিকা। কোরান বলছে ‘আসমান এবং জমিনে যা কিছু আছে, যা কিছু ইহাদের উভয়ের মধ্যে আছে এবং যা কিছু মাটির নিচে আছে, সবই তাঁরই (আল্লাহরই)।’ (সূরা তোয়াহা : ৬)। তাই বড় হোক কিংবা যত ক্ষুদ্রই হোক, কোনো জিনিসেরই মালিক মানুষ হতে পারে না। মানুষ হতে পারে শুধু মানবজাতির সর্বপ্রকার মঙ্গলসাধনের অম্মানতদার। পানির পিপাসায় নিজের জীবন হয়তো চলে যেতে পারে - তবু সেই পানি হাতে নিয়ে যে ব্যক্তি ভাবতে পারে যে তার মতো পিপাসার্ত অনেকেই যুদ্ধময়দানে পড়ে আছে, তাদের পিপাসা হয়তো আমার চেয়েও বেশি, তাই আগে তাদেরকে পানি পান করতে দাও। এমনভাবে সকলের তৃষ্ণার্ত তাঁদের কাছে পানি পেয়েও যারা অপরের তৃষ্ণার কথা মনে করে পানি পান করেন নি এবং পরিশেষে সবাইকে একে কাল করতে হয়েছে। এ রকম নজিরবিহীন দ্রাচ্য আর সিমেন্টেড ইউনিটি যাদের চরিত্রের আমলে সালেহা তথা ‘অপরের সুখ-দুঃখ নিজের মতো মনে করে বরণ করে নেওয়া’ ছিল তাদেরকে যত সমালোচনাই করা হোক না কেন তবু বিশ্বের মানবকে মূহূর্তের তরে অবাক করে দেয়। আর যারা মুসলমান তাদের চোখ দুটো মূহূর্তে অন্ধসিদ্ধ হয়ে উঠে। প্রাইভেট প্রোপার্টির জঘন্য অপবাদ কোরান-হাদিসের উপর চাপিয়ে দিয়ে বিকৃত ব্যাখ্যা করে যারা ইসলামের সৌন্দর্যের মুখে কালি লেপে দিয়ে হীন স্বার্থসিদ্ধি করে, যারা আল্লাহ যা নাজিল করেন তার বিকৃত ব্যাখ্যা দিয়ে আসল সত্যটিকে মানুষের চোখে ফাকি দেবার জন্য ঢেকে রাখে, তাদেরকে কোরান সোজা শাস্তিভঙ্গকারী, জালেম এবং সবশেষে কাকের বলে ঘোষণা করছে। কোরান ঘোষণা করছে, ‘আর সেই সব লোক হতে দূরে থাকো যারা আল্লাহর নামকে বিকৃত করে দিচ্ছে, শীঘ্রই তারা তাদের কর্মের প্রতিফল পাবে।’ (সূরা আরাফ : ১৮০)। কোরান পুনরায় বলছে, ‘তবে কে আছে তার চেয়ে অধিক অত্যাচারী যে আল্লাহর বিরুদ্ধে মিথ্যা বানিয়ে নেয়?’ (সূরা কাহাফ)।

কোরান বলছে, ‘আল্লাহ যা নাজিল করেছেন যারা সেই অনুসারে বিচার করে না, তারাই শাস্তি ভঙ্গকারী।’ (সূরা মায়েদা : ৪৭)। একই কথা আবার কোরান বলছে, ‘আল্লাহ যা নাজিল করেছেন যারা সেই অনুসারে বিচার করে না তারাই কাকের।’ (সূরা মায়েদা : ৪৪)। আবার কোরান ঘোষণা করে, ‘আল্লাহ যা নাজিল করেছেন যারা সেই অনুসারে বিচার করে না, তারাই জালেম।’ (সূরা মায়েদা : ৪৫)।

সমাজের যত অকল্যাণ এবং সমাজের বুকের উপর দাঁড়িয়ে ধূর্তশিরোমণি সেজে যত ভানুমতির ডেক্সিবাজি দেখানো হয় তাতে ইসলামের চিহ্নাধারার সৌন্দর্য দিনের পর দিন বহাল তবীয়তে না থেকে বরং রাজযক্ষ্মা রুগীর মতো ধীরে ধীরে মাটির গর্তের দিকে এগিয়ে যাচ্ছে। ভাবলে অবাক হই, কত বড় ডেক্সিবাজের দল এরা! কোরান-হাদিসের দর্শনকে পর্যন্ত উল্টো করে দেয়। এই ধূর্তশিরোমণি এবং লম্পট-বার্টপাররা বলে, প্রেমের দ্বারা, পরকালের ভয় দেখিয়ে, নরকের যন্ত্রণার কথা শুনিয়া সমাজ হতে অন্যায় দূর করতে কোরান-হাদিস বলেছে। এত বড় ডাहा মিথ্যা কথাটা পর্যন্ত বাজারে বেশ চানু হয়ে গেছে এই সমস্ত ভণ্ডদের গোয়েবেলসের ধারায় মিথ্যা প্রচারণায়। অথচ কোরান-হাদিস এদের বিরুদ্ধে সংগ্রাম করে যাবার জন্য উপদেশ আর উৎসাহ দিচ্ছে। আমরা কি বিশ্বের মানবজাতিকে বজ্রকণ্ঠে প্রতিবাদ করে বলবো না, ইসলাম ধর্মের উপর এই সমস্ত ডাहा মিথ্যা এবং বিকৃত ভাবধারা কোরান-এর কোথাও নেই?

প্রাইভেট প্রোপার্টি তথা ব্যক্তিমালিকানার পক্ষে সূরা ইয়াসিনের ৭১, ৭২ এবং ৭৩ এই তিনটি আয়াতকে দলিলরূপে অনেকেই ব্যবহার করে থাকেন। অথচ এই আয়াতে পশুর উপর মানুষকে যে কর্তৃত্ব ও অধিকার দেওয়া হয়েছে শুধুমাত্র সেই কথারই উল্লেখ রয়েছে। ইহাকে ব্যক্তিমালিকানার নজিররূপে কেমন করে যে দেখানো যেতে পারে তাহা বোঝাই মুশকিল। এক মানুষের উপর অন্য মানুষের অথবা একদল মানুষের উপর অন্যদলের কর্তৃত্বপ্রাপ্তির নির্দেশ উল্লিখিত আয়াতের দ্বারা কেমন করে যে বোঝা যেতে পারে তাহা আবিষ্কার করা যায় না। ইসলামি সাম্যবাদের বিরুদ্ধাচারণের উদ্দেশ্যে, ব্যক্তিমালিকানার স্বার্থবাদী ভূত যাদের মাথায় চড়ে বসে আছে তাদের পক্ষে এরূপ অদ্ভুত অর্থ আবিষ্কার করা সম্ভব হতে পারে। যদি কেউ একান্তই এই আয়াত শরিফকে মালিকানার দিকে লাগাতে চান তাহা হলেও এই মালিকানা ব্যক্তিমালিকানা নয়। ইহা গৃহপালিত পশুর উপর মনুষ্যজাতির মালিকানা বা অধিকার। ব্যক্তিমালিকানার কোনো প্রশ্নই আসে না। আল্লাহর বিধান মতে সবাই এই অধিকার পেয়েছে পশুর উপর। একজনকে বঞ্চিত করে অথবা বাদ দিয়ে অন্যজনের অধিকার বোঝায় না। এই অধিকার সার্বজনীন। আর একটি বিষয় প্রথমেই জেনে রাখতে হবে যে, সম্পদ জমাকারীর ইসলামি সংজ্ঞাটি কী, অর্থাৎ সম্পদ জমা করে রাখে বলে কার উপর ইসলাম অভিযম্পাত বর্ষণ এবং কাফের-মোনাফেক বলে অভিহিত করছে? ইসলাম ধর্ম তাকেই সম্পদ জমা করছে বলে অভিহিত করছে যার জীবন ধারণের একান্ত প্রয়োজনীয় ব্যয় বাদেও কিছু সম্পদ জমা থেকে যায়। তাই হজুর পাক (আ.) এ রকম সম্পদ জমাকারী সন্তুষ্ট বলেছেন, 'সম্পদ জমা করে যে লোক, সে আল্লাহর দূরবর্তী, বেহেশ্তের দূরবর্তী, মানবসমাজের দূরবর্তী এবং দোজখের নিকটবর্তী।' (তিরমিজি)। হজুর পাক (আ.) আরও বলেন, 'বার্টপার, সম্পদ জমাকারী এবং নিষ্ঠুর ব্যক্তি বেহেশতে যাবে না।' (তিরমিজি)। হজুর পাক (আ.) পুনরায় বলেন, 'আম্মার মনে হলো যে আম্মার কাছে একটুকরো সোনা আছে। ইহা (এই সোনা) আম্মাকে ধরে রাখুক আমি ইহা মোটেই পছন্দ করি না। তাই ইহা বণ্টন করে দেবার আদেশ দিয়েছি।' (বোখারি)। হজুর পাক (আ.) বলেন, 'মণ্ডজুদদার অভিশপ্ত।' (ইবনে মাজা)। হজুর পাক (আ.) বলেন, 'যে খাদ্যশস্য চল্লিশ দিন মণ্ডজুদ রাখে আর তা পরে বিলিয়ে দেয় (গরিবকে) তা তার পাপের প্রায়শ্চিত্ত হবে না।' (রাজিন)। হজুর পাক (আ.) বলেন, 'যারা মুসলমানগণের ক্লতি করে তাদের খাদ্যশস্য মণ্ডজুদ করে রাখে আল্লাহ তাদেরকে কঠিন রোগ ও দরিদ্রতা দিয়ে কষ্ট দেবেন।' (ইবনে মাজা)।

হজুর পাক (আ.) বার বার আমাদেরকে সাবধান করে দিচ্ছেন এই জন্য যে, আমরা যেন ইসলামি সাম্রাজ্যের আদর্শ হতে শয়তানের প্ররোচনায় পড়ে অসাম্য, বৈষম্য, শোষণ নিজের অধিকারে সম্পদ জমা করে রাখার জঘন্য কর্মে লিপ্ত না হই।

হজুর পাক (আ.) একদিন ঘটনাচক্রে হজরত বেলালের নিকট গিয়ে দেখতে পেলেন যে, তার সামনে একঝুড়ি খেজুর। তিনি তখনই বেলালকে জিজ্ঞেস করলেন, 'হে বেলাল, এগুলো কী?' বেলাল উত্তর দিলেন, 'আগামী কালের জন্য আমি ইহা জমা করে রেখেছি।' তিনি বললেন, 'বিচারের দিন দোজখের আগুনের বাষ্প কি দেখতে ভয় কর না?' (বাইহাকি)।

মাত্র একঝুড়ি খেজুর জমা করে রাখাটাকে হজুর পাক (আ.) দোজখের আগুনের বাষ্প বলে হজরত বেলালকে সাবধান করে দিলেন, আর আমরা এখন কোথায় কোন পতনের বিপদে দাঁড়িয়ে আছি একবার নিরপেক্ষ মনে বিচার করে দেখুন তো! অন্যের কথা বাদই দিলাম, ব্যক্তি আমিটাকেই একবার বিচারের কাঠগড়ায় দাড় করালে কী রায় আশা করতে পারি? আমার নিজের পাপ দিয়েই তো অন্যের পাপ মেনে যাই, তার পরিণতির শোচনীয় অবস্থাটার কি ব্যাখ্যা দিতে হবে? জলজ্যান্ত সত্যের উলঙ্গ প্রকাশের ধারাকেও আপন অন্ধ স্বার্থের খাতিরে বাঁকা পথে জোর করে টেনে নিয়ে যাই, আর যদি একান্তই না নিতে পারি তা হলে চিরন্তন একখানা অপবাদে গালি দিয়ে যাই - 'এই হাদিসগুলো না একদম বানানো হাদিস তথা জয়িফ হাদিস।' কিন্তু আমরা জেনেও না জানার ভান করতে বাধ্য হই ঐ স্বার্থের ঝুড়িটার দিকে লোলুপ দৃষ্টিতে তাকিয়ে। কিন্তু এটা যে অবিসংবাদিত সত্য কথা - 'সত্যের থাকে না কোনো পোশাক। পা থেকে মাথা পর্যন্ত সত্য চিরদিন থাকে উলঙ্গ।' চমক দিয়ে উঠে রক্তপানের চরিত্র তরবারির দেহে। পিপাসার পেটকের মতো ঢক ঢক করে পান করতে চায় তরবারি। চমক দিয়ে উঠে চৈতালি প্রখর সূর্যের মতো উলঙ্গ ছবি সত্যের চরিত্রে। পিপাসার পেটকের মতো ঢক ঢক করে গিলে ফেলতে চায় মিথ্যার ঘুট ঘুট অন্ধকার দিয়ে বিছানো শয্যা। কারণ, সত্য সাংঘাতিকভাবে ঘৃণা করে আসছে মিথ্যাকে, যেমন গ্রে হাউন্ড কুকুরগুলো ঘৃণা করে মানুষকে। চিত্তা বাঘগুলোকে।

কত প্রকারেই না আমাদেরকে সম্পদ যাতে কোনো ক্রমেই জমা না করি তার আদেশ-উপদেশ হজুর (আ.) দিয়ে গেছেন। মাত্র একঝুড়ি খেজুর একটি দিনের জন্য রাখার বাসনা হওয়াতে হজুর পাকের (আ.) প্রেমিক সাহাবা হজরত বেলালকে পর্যন্ত সাবধান বাণী শুনতে ইলো, যে হজরত বেলাল একদিন আবু উসামার নিষ্ঠুর প্রহারের তলেও হজরত মোহাম্মদ (আ.) নামটি উচ্চারণ করতে এক মুহূর্তের তরেও ভুলে যান নি। কত সহস্রবার যে হজুর পাক (আ.) সম্পদ জমা করা তথা ব্যক্তিমানিকানার বিরুদ্ধে, বৈষম্যের বিরুদ্ধে, শোষণের বিরুদ্ধে, সর্বপ্রকার জুলুমের বিরুদ্ধে জেহাদ করতে, সংগ্রাম চালাতে আবেদন-নিবেদন করে গেছেন তার ইশেব নেই। অথচ আমরা গাছের মূল কেটে ফেলে মাথায় পানি ঢেলে গাছ বাঁচানোর কতই না কথার তুবড়ি আর বস্তাপচা বুলি ঝাড়ছি তার ইয়ত্তা নেই। হজুর পাক (আ.) বলেন, 'সম্পদ জমা করে রাখা দোজখের একটি গাছ। যে ব্যক্তি সম্পদ জমা করে রাখে, সে দোজখের একটি ডাল ধরে আছে। ডালটিও তাকে ছাড়বে না যে পর্যন্ত সে (ডালটি) তাকে দোজখে দাখিল না করে।' (বায়হাকি)। একদিন হজুর পাক (আ.) কাবা শরিফের ছায়ায় বসে ছিলেন, তখন হজুর পাক বললেন, 'কাবার প্রভুর শপথ! তারা ক্রটিগ্রস্ত। আবু জর গিফারি বললেন, 'আমার পিতা ও মাতা আপনাদের জন্য কোরবান হোক। তীরা কে?' হজুর পাক বললেন, 'যারা ধন-সম্পদ অধিক করে, কেবল ঐ লোকজন ছাড়া যার সামনে থেকে, পেছন থেকে, ডান হাতে, বাম হাতে বলে এইভাবে, এইভাবে, এইভাবে খরচ করে। তাদের সংখ্যা অল্প। (বোখারি এবং মোসলেম শরিফ)।

হজুর পাক (আ.) যেভাবে খরচ করার নমুনা দেখালেন সেভাবে যদি ধরে নিলাম কেউ তার সঞ্চিত সম্পদ বিলিয়ে দেয় তবে তার কাছে যে কী থাকবে তা বুঝতে কারো কষ্ট হবে না। অর্থাৎ সম্পদ যাতে অতি সামান্য পরিমাণে কেউ জমা না রাখতে পারে সে কথাই ঘুরে-ফিরে বিভিন্ন রকমে বলেছেন। সম্পদ জমা করার বিরুদ্ধে (প্রাইভেট প্রোপার্টির তো প্রশ্নই উঠতে পারে না) হজুর পাক (আ.) কত রকমেই না আমাদের আদেশ দিচ্ছেন। হজুর পাক (আ.) বলেন, ‘যে ব্যক্তি সোনা মণ্ডজুদ করে তার উপর অভিসম্পাত এবং যে ব্যক্তি রূপা মণ্ডজুদ করে তার উপর অভিসম্পাত।’ (তিরমিজি)। আমাদের অন্ততঃ এটুকু নিশ্চয়ই জানার কথা যে, হজুর পাক (আ.) একমাত্র কাফের এবং মোনাফেকদেরকেই অভিসম্পাত বর্ষণ করেছেন। এখন একটু তলিয়ে দেখুন তো সোনা আর রূপার মণ্ডজুদদারদের কি অভিসম্পাত বর্ষণ করা হয় নি? হজুর পাকের (আ.) বর্ণিত হাদিসগুলো ভাষা এবং ভাবের দিক দিয়ে এত সুন্দর, এত গভীর যে তার একটি নমুনাস্বরূপ নিচে দেওয়া হলো। হজুর পাক (আ.) বলেন, ‘দোজখে ঢুকানো হবে না সেই ব্যক্তিকে যার ডেতর এক তিল পরিমাণ ইমান আছে এবং বেহেস্তে ঢুকানো হবে না সেই ব্যক্তিকে যার ডেতর এক তিল পরিমাণ অহংকার আছে।’

মাত্র একটি ‘এবং’ শব্দ যোগ করে দিয়ে কী সুন্দর ভাবের সমন্বয় সাধন করা হয়েছে। আশা করি পাঠকম্বায়েই এই হাদিসটুকুর গভীর রহস্য অনুধাবন করতে পারবেন। শুধুমাত্র কাফের এবং মোনাফেকদেরকেই অভিসম্পাত বর্ষণ করা হয়েছে, তা হলে সোনা-রূপার মণ্ডজুদদারদেরকে কী বলতে চান? এই সব মণ্ডজুদদারদেরকেই লক্ষ্য করে কোরান বঙ্গবক্তার কণ্ঠে ঘোষণা করেছে, যাতে পৃথিবীর বুকে শোষণ এবং বৈষম্যের গ্লানি মানবজীবনে প্রবেশ করে মানব সমাজকে এক নিদারুণ সমস্যায় না ফেলে।

কোরান বলছে, ‘আর যে ব্যক্তি সম্পদ জমা করেছে এবং পরকালের কোনো ধার ধারে না এবং ভালো কাজকে মিথ্যা জানে, তার জন্য দুঃখের পথকে আমি নিশ্চয়ই সহজ করব যাতে সে শীঘ্র দোজখে পৌঁছতে পারে এবং যখন সে দোজখে পড়বে তখন তার ধন-দৌলত (যা সে নিজের ব্যক্তিগত সম্পদ মনে করেছে) কোনো কাজেই আসবে না।’ (সূরা লাইল : ৮ - ১১)।

কোরান বলছে, ‘না, না, মানুষ সত্যিই সীমালঙ্ঘন করে এই জন্য যে, সে নিজেকে ধনবান মনে করে, কাহারও ধার ধারতে চায় না এবং পরোয়া করে না।’ (সূরা আলাক : ৬ - ৭)। কোরান বলছে, ‘লোক হতে তুমি অহংকার করে মুখ ঘুরিয়ে নিও না, কিংবা দুনিয়াতে অহংকার করে চলো না, নিশ্চয়ই আল্লাহ অহংকারী লোককে ভালবাসেন না।’ (সূরা লোকমান : ১৮)। কোরান বলছে, ‘অতএব অসহায়দের উপর তুমি কখনো জুলুম করিও না এবং যে (বঁচে থাকার জন্য অধিকার আদায়ের আশায় চায় তাকে ধমকিয়ে দিও না ও তার প্রতি খারাপ ব্যবহার করিও না।’ (সূরা দোহা : ৯)।

কোরান বলছে, ‘কিন্তু সেদিন অত্যাচারীদের ওজর-আপত্তি তাদের কোনো উপকারেই আসবে না এবং তাদের অনুতাপও (তওবা) কবুল করা হবে না।’ (সূরা রুম : ৫৭)। কোরান বলছে, ‘এই জালেমেরা স্পষ্টই পথভ্রষ্ট (কাফের) হয়ে রয়েছে।’ (সূরা লোকমান : ১১)।

কোরান বলছে, ‘এবং তাদের সহিত যুদ্ধ করতে থাক যতক্ষণ না জুলুম দূর হয়।’ (সূরা বাকারা : ১৯৩ আয়াতের কিছু অংশ)।

Rv†jg†i ††gv K†i ††j† Ges Rv†jg†i R†jg n†Z mvgwqK ††nvB ††c†j†
meK††j† Rb† Dnv †K†††gv†UB ††bivc† bq† !††† c††qv†\$†i Kv†% Rv†jg কিছুরূপের
জন্য চুপচাপ থাকলেও ডেতরে ডেতরে জুলুম করার নিখুঁত পদ্ধতি বের করার জন্য
তারা ফন্দি করতে থাকে। এ জন্য কোরান পাক আমাদেরকে সব সময় জালেমদের

উপর कड़ा नज़र রাখते বলেছে। ইসলামের ধারাবাহিক ইতিহাস পড়লেই এ কথাগুলোর মূল্য এবং গুরুত্ব বোঝা যায়।

জালেমের অত্যাচারে মজলুম জনতার যে রক্ত শোষণ করা হয়েছে, মজলুম জনতার উপরে যে অত্যাচারের রোলার নির্মমভাবে চালিয়ে যাওয়া হয়েছে, তাদেরকে সে রকমই শাস্তি দিতে হবে, যে রকম তারা মজলুম জনতার উপর নির্মম অত্যাচার চালিয়েছে, এবং সেই শাস্তি দেবার মাঝেই আছে মজলুমের জীবন ফিরে পাবার, এবং জালেমদেরকে শাস্তি দেবার মাঝেই আছে হত্যা ও রক্তপাত হতে নিজেদেরকে রক্ষা করা, যদিও আপাতঃদৃষ্টিতে জালেমকে শাস্তি প্রদান করাটা আমাদের চোখে একপ্রকার নির্মম বলেই ঠেকেছে, কিন্তু কোরান জালেমকে শাস্তিদান করার মাধ্যমে যে নির্মমতা ফুটে ওঠে উহাকে নির্মম বলে আখ্যা না দিয়ে বলছে, এই শাস্তিদানের মাঝেই আছে মজলুমের জীবন ফিরে পাবার উজ্জ্বল ভবিষ্যৎ। তাই কোরান বলছে, 'হে জ্ঞানের অধিকারীগণ, তোমাদের জন্য খুনের পরিবর্তে খুনের (মধ্যে) রয়েছে জীবন, যেন তোমরা (হত্যা ও রক্তপাত) হতে নিজেদের রক্ষা করতে পার।' (সূরা বাকারা : ১৭৯)।

ইসলাম বলছে : যারা জালেম, যারা অত্যাচারী - তারাই পথভ্রষ্ট, তারা কাফের আর মোনাফেক। তাদেরকে আল্লাহ পথ দেখান না। তারা মানুষকে প্রতিম বানিয়ে, প্রতিমের রক্ত শোষণ করে সুখে থাকার জন্য তৈরি করে বড় বড় প্রাসাদ। কিন্তু শোষণের দ্বারা গড়ে তোলা যে প্রাসাদ, তার প্রতিটি ইট জালেমের হৃদয়ে স্থায়ী শাস্তির স্বপ্নকে আঘাত করে ভীষণভাবে। তারই দরুন জালেমের মন সব সময় অস্থির আর সন্দ্বিগ্ন থাকে। শাস্তির রূপে গড়া প্রাসাদের প্রতিটি কক্ষের দেয়াল জালেমকে 'শোষণ করছে প্রতিমের রক্ত' বাক্যটি বোবা ভাষায় প্রতিধ্বনিত করে, আর তারই দরুন জালেম প্রতিটি ক্ষণে অনুভব করে অদৃশ্য অথচ তীব্র পাজুর-ফাটা আঘাত। কোরান কত সুন্দর করেই না জালেমের মর্মবেদনার ছবি ফুটিয়ে তুলছে, 'আর আল্লাহ কখনোই জালেমদেরকে পথ দেখান না। যে (শোষণের দ্বারা গড়া বিলাসী) প্রাসাদ তারা নির্মাণ করেছে তারই দরুন তাদের মন সব সময় সন্দেহে ভরা থাকবে যে পর্যন্ত না তাদের হৃদয় টুকরো টুকরো করে কাটা হয়।' (সূরা তওবা : ১১০)।

কেন এ জালেম বেইম্মানদের ভীষণ বুক দুর্ক দুর্ক করে কেঁপে ওঠে? যাদেরকে অত্যাচার করে, শোষণ করে, অকথ্য নির্যাতন করে, অর্থনৈতিক ডেক্সিবাজি দেখিয়ে, সম্পদের কেন্দ্রীভূত করার মিঠা অশ্বের আঘাত দিয়ে মানবতাবিহীন নেপথ্যে পরিণত করে যে সরল জনতাকে প্রতিমের শ্রেণীতে ভিড় করাচ্ছে, তারা কি নীরব দর্শকের ভূমিকা পালন করে যাবে? তারা কি ভাগ্যের লিখন এই ছিল বলে সান্ত্বনা খুঁজবে?

অত্যাচার, জুলুম, শোষণ আর নির্যাতন যদি বোবার মতো শুধু নীরবে দাঁড়িয়ে সয়ে যাও, যদি এর বিরুদ্ধে প্রতিবাদমুখর না হও, যদি গোপন করে রাখো অত্যাচারীর বিরুদ্ধে প্রতিবাদ করার আল্লাহর দেওয়া স্পষ্ট প্রমাণগুলোকে, যদি লুকিয়ে রাখ আল্লাহর পথে চলার যে নির্দেশ যাহা কেতাবের ধারাসমূহে 'আমরা'-রূপে তোমাদের কাছে খোলাসা করে দিচ্ছে আবর্তন-বিবর্তনের মাধ্যমে, তবে তোমাদের ধ্বংস হয়ে যাবার অভিশাপ আল্লাহ কর্তৃক নিশ্চয়ই বর্ষিত হবে এবং তাতে নিজেদের ধ্বংস নিজেরাই ডেকে আনবে।

নীরব দর্শকের মতো যাতে আল্লাহর নির্দেশগুলো তোমরা গোপন করে না রাখ তারই জন্য কোরান তোমাদেরকে সাবধান করে দিচ্ছে, 'যারা গোপন করে রাখে স্পষ্ট প্রমাণগুলো এবং আল্লাহর পথে চলার নির্দেশগুলো যাহা আমি পাতিয়েছি তোমাদের জন্য আর যাহা (একবারে) খোলাসা করে আমরা দেখিয়ে দিয়েছি আমাদের কেতাবে তাদের উপর আল্লাহর অভিশাপ এবং যাদের অভিশাপ দেবার ক্ষমতা আছে।' (সূরা বাকারা : ১৫৯)।

পৃথিবীর বুকে সাম্র্য, শাস্তি, শৃঙ্খলা যাতে বজায় থাকে, আর যত প্রকার অপকর্ম, অন্যায় এবং ক্রটি যারা তাদের শয়তানি বুদ্ধির জোরে করে বেড়ায় এবং পৃথিবীর বুকে অশান্তির বন্যা নামিয়ে দেয়, আল্লাহ যত বড় কঠিন শাস্তি দিতে আমাদেরকে আদেশ করছেন তা শুনলে সত্যই অবাক হতে হয়। একতিল পরিমাণ মায়ামমতার প্রশ্ন ওঠাই অবান্তর করে রাখা হয়েছে আল্লাহর প্রতিটি আদেশের মাঝে যারা পৃথিবীতে অন্যায়-অত্যাচার করে বেড়ায়। এই জালেমের দলকে সমুচিত শিক্ষা দেবার আদেশ দিয়েছেন আল্লাহ। এদের অপকর্ম যাতে ভূ-পৃষ্ঠে রোগজীবাণুর মতো সংক্রামক না হয় তার দরুন জালেমদেরকে পৃথিবীর বুক হতে চিরতরে মুছে দিতে আদেশ করছেন। জালেমের প্রতি উদারতা আল্লাহ কোথায় দেখান নি। কারণ, উদারতার প্রশ্ন এখানে অবান্তর। উদারতা প্রদর্শন করার অর্থ হলো জালেমকে সাহায্য করা এবং জালেমের সাহস বাড়িয়ে দেবার ভূমিকা গ্রহণ করা। আমরা যেন মুখেই শুধু আল্লাহর এবং রসুলের আদেশ পালন করে না যাই, বরং উহা কার্যক্রে প্রয়োগ করতে হবে এবং তাহীদের মূল শিক্ষাই হলো মুখ এবং কার্যক্রে প্রয়োগ করা। নিজে মধুপান করার অভ্যাস ত্যাগ করে অপরকে মধুপান ত্যাগ করতে বলার আদর্শই ইসলাম এবং ইহার ব্যতিক্রমকেই উদারতাবাদ বলা হয়। মুখে জেহাদের বুলি কপচানো, কিন্তু কার্যক্রে উদারতাবাদ প্রয়োগ করা; অন্যকে জেহাদ করতে বলা, কিন্তু নিজের বেলায় প্রয়োগ করা হয় উদারতাবাদ এবং ইহাকেও কি এক প্রকার মোনাফেকির লক্ষণ বলা যায় না? পশুর মতো একবোঝা খাবার উদরে তুলে আবার মুচকি হাসি তুলে রসুলের বাণীকে টেনে এনে মিষ্টি খাবার মোহটাকে সুন্নত বললে ঐ মোনাফেকদের মুখেই সুন্দর শোনায়ে, কিন্তু শোষণ আর জুলুমের বিরুদ্ধে হাজার হাজার বার আল্লাহ এবং রসুলের আদেশটা কেউ গুনিয়ে দিলেই উদারতাবাদের ললিত ভাষার শৈলী শোনায়ে। ‘তিন দিনের বেশি খাদ্য ঘরে মগজুদ না করার’ যে হজুর পাকের আবেদন, সেই আবেদন যারা ভূভিড়োজের পর মিষ্টি খেয়ে ‘হজুর পাকের সুন্নত পালন করছে’ বলে বেড়ায় তাদেরকে এই খাদ্য মগজুদ না করে রাখার বয়ান শোনায়ে তারা যেন সহসা আকাশ হতে পড়ে যান। অবাক হয়ে এ রকম প্রশ্নও হয়তো করে বসতে পারে ‘এ রকম হাদিস তো গুনি নি’, অর্থাৎ তা হলে তো কাজ করেছে! শুনলে অবাক হবেন - হজুর পাকের বর্ণিত এই হাদিসটিকে দুর্বল, মিথ্যা, বানানো, মনসুখ বর্ণনাকারীদের মধ্যে অনেকেই ‘নির্ভরযোগ্য নয়’, ইত্যাদি বিশেষণগুলো আগেই লেপে দিয়েছে তারাই যারা মিষ্টি মুখের গর্ভে টপ টপ করে ফেলে হজুর পাকের সুন্নত পালন করতে ব্যস্ত এবং বিশেষজ্ঞ।

আল্লাহ ঘোষণা করছেন জালেমের জুলুমকে পৃথিবী হতে মুছে দিতে। ‘শক্তির পুরোপুরি প্রয়োগ করে যারা পৃথিবীর বুকে জুলুম, অনিষ্ট আর ক্রটি করেছে তারা আল্লাহ এবং তার রসুলের বিরুদ্ধে যুদ্ধ করে এবং এটাই তাদের একমাত্র শাস্তি যে, তাদেরকে অবশ্যই খুন করা হবে অথবা শুলে চড়িয়ে মেরে ফেলতে হবে অথবা উল্টো দিক করে তাদের হাত-পা কেটে দেওয়া হবে এবং এটা তো তাদের জন্য পৃথিবীতে ভীষণ অপমান এবং পরকালের জন্যও তাদেরকে ভয়ঙ্কর শাস্তি দেওয়া হবে।’ (সূরা মায়িদার ৩৩ আয়াতের ভাবার্থ)।

(গ) সূরা তাকাসুর

১. আল্ হাকুমুত্ তাকাসুর।
২. হাঠা জুরতুমুল মাকাবির।
৩. কাল্লা সীঔফা তালামুন।
৪. সুন্না কাল্লা সাওফা তালামুন।
৫. কাল্লা লাও তালামুন।
৬. লাতারা উল্লা জাহিমা।

৭. সুন্না লা তারা উল্লাহা আইনাল ইয়াকীন।
৮. সুন্না লা তুস আলুন্না ইয়াওমাইজিন আনিন্ নাইম।

অনুবাদ

১. (বিষয় সম্পদের প্রয়োজনের) বেশি কামনাই তোমাদেরকে বিনাশ করে।
২. যে পর্যন্ত না তোমরা কবরে যাও।
৩. তা নয়, শীঘ্রই তোমরা বুঝতে পারবে।
৪. পুনরায় (বলছি) তা নয়, শীঘ্রই তোমরা বুঝতে পারবে।
৫. তাও নয়, (হায়) যদি তোমরা জ্ঞানের দ্বারা বুঝতে পারতে।
৬. নিশ্চয়ই তোমরা দোজখ দেখবে।
৭. তারপর নিশ্চয়ই তোমরা উহা প্রত্যক্ষভাবে দেখবে।
৮. তারপর নিশ্চয়ই তখন তোমাদেরকে জিজ্ঞেস করা হবে নিয়ামত সহজে।

ব্যাখ্যা

দুনিয়ার ধন-সম্পদের উপর ভোগ-বিলাসের ফলাও করার জন্য আল্লাহ মানুষকে দুনিয়াতে পাঠান নি। মানব সৃষ্টির উদ্দেশ্য হলো দুনিয়ার পরীক্ষাগার হতে মুক্তি লাভ করে আল্লাহর দীন ইসলামে প্রবেশ করে তাঁর সন্তোষ লাভ করা। বিষয়বস্তুর কামনা অস্তরে অধিক থাকলে আল্লাহর দীন ইসলামে প্রবেশ করা সম্ভব হয়ে ওঠে না। এই কারণেই এই সূরায় আল্লাহ বস্তুমোহ হতে মুক্ত থাকার জন্য সাবধানবাণী উচ্চারণ করেছেন। নিতান্ত প্রয়োজনের অধিক উপার্জন করার চেষ্টা করাই অপরাধ। কারণ তাতে আমাদের মানসিক শক্তির অপব্যবহার হয়। অথচ আমরা পরস্পর প্রতিযোগিতামূলকভাবে সফল-প্রবৃতি জাগ্রত করে রাখি। কারণ, বস্তুর চাকচিক্য এবং ধন-সম্পদের মোহ কবরে না যাওয়া পর্যন্ত আমরা কাটিয়ে উঠতে পারি না। ব্যক্তিগতভাবে সফল-প্রবৃতির উপর এই সূরাটি বিরাট একটি ধমক। এই সফল-প্রবৃতির অর্থই হলো অন্য লোক হতে নিজের জন্য অধিক রাখার ব্যবস্থা করা। এ অপরাধের শাস্তিস্বরূপ দোজখে ফেলে দেওয়া একেবারেই অবধারিত। তাই সর্বশেষ আয়াতে বলা হচ্ছে যে, আল্লাহর প্রত্যেকটি নিয়ামতের ব্যবহার সহজে মানুষকে প্রশ্ন করা হবে। অন্য লোক হতে অধিক ভোগ করার প্রবৃতিই একটি বড় অপরাধ। যাহা সমাজ জীবনে অনেক অনর্থ ঘটিয়ে থাকে। এই অনর্থ বহু রকমে দেখা দেয়। ছোট-বড়, ধনী-নির্ধন, সম্মানী-অসম্মানী ইত্যাদি নানারূপ শ্রেণীবিভাগ, সামাজিক কলঙ্কের মূল কারণ হলো অন্য হতে অধিক সফল করার প্রবৃতি। কারণ, এই সফলের দ্বারা সে কাহারো উপর প্রভুত্ব করে থাকে, কাহারো উপর নিজের শ্রেষ্ঠত্ব প্রমাণ করে, আবার কাহারো উপর অপমান ও ঘৃণা নিক্ষেপ করে। এই সব সামাজিক কলঙ্ক হতে রক্ষার জন্য মানুষের সফল প্রবৃতির উপর আল্লাহ দোজখের ভয় দেখিয়ে কঠোর সাবধানবাণী উচ্চারণ করেছেন। বস্তুমোহের মূল্য আল্লাহর দীনের সৃষ্টিতে একেবারেই তুচ্ছ; অথচ ইহাকেই আমরা বড় করে দেখে থাকি। দৃষ্টির এই ভুলের জন্য আমাদের চক্ষুকে দেখানো হবে ভয়ঙ্কর দোজখ। অর্থাৎ চক্ষুকে প্রবৃত্তিসমূহের প্রতীকরূপে ধরে ইহাই বোঝানো হয়েছে যে, প্রবৃত্তিসমূহ দুনিয়ামুখী হওয়ার কারণে শাস্তি লাভ করবে।

ইসলামি সমাজে ছোট-বড়, ধনী-নির্ধন শ্রেণীবিভেদ করা জঘন্য অপরাধ। উহার দ্বারা মানুষকে জাহান্নামে ঠেলে দেয়। সুতরাং রাষ্ট্রীয় কর্তব্য হবে মানুষকে এই অপরাধ হতে সাম্য প্রতিষ্ঠা করে উদ্ধার করা। তা হলে শ্রেণীবিভেদ সৃষ্টি হওয়ার কোনোই আশঙ্কা থাকে না। পরস্পর প্রতিযোগিতামূলক সফল প্রবৃতি ও উহার ভোগের প্রবৃতি সকল প্রকার সামাজিক বিশৃঙ্খলা ও কলঙ্ক সৃষ্টির মূল উৎস। ইসলামি

সমাজে মানুষের প্রবৃত্তিগুলোর পরিচালনা আল্লাহর দ্বীন ইসলামে প্রবেশ লাভ করার চেষ্টাতে নিয়োজিত রাখাই অধিক হওয়া উচিত। এই উদ্দেশ্য সাধনের জন্যই সূরার প্রথমেই ঘোষণা করা হয়েছে, অন্য লোক হতে অধিক সঞ্চয় করার কামনা মানুষের ধ্বংস হয়ে যাবার প্রধান কারণ। আল্ হাকুম অর্থ হলো, ধ্বংস করে তোমাদেরকে তাকাসুর অর্থাৎ অপর লোক হতে অধিক বিষয়বস্তু লাভ করার কামনা।

মন্তব্য

বিষয়-সম্পদের প্রতি অধিক কামনা উহার সীমা ছেড়ে সীমাহীনরূপে পরিণত হয়। প্রয়োজন মতো আছে, কিন্তু তাতে কামনার তৃপ্তি নেই। ‘আরও চাই - আরও পাই’ এই কামনার বিশ্ণী রূপ মানুষকে কবরে যাবার পূর্ব পর্যন্ত অকোঁপাসের মতো জড়িয়ে ধরে এবং মৃত্যুই এই ভয়ঙ্কর বিশ্ণী সীমাহীন কামনার পথে প্রাচীর হয়ে দাঁড়ায়। মৃত্যুর আঘাত না পাওয়া পর্যন্ত ‘আরও চাই’-এর সীমাহীন কামনার পথকে অটিকিয়ে রাখতে পারে না এবং কোনো কিছুই বাধা দেবার ক্ষমতা রাখে না। আধিক্যের কামনা জলের নিচের দিকে গড়িয়ে যাবার ধর্মের মতো গড়াতেই থাকে। এই গড়ানোর ধর্মকে আঘাত করে কঠিন পাথরের তৈরি বাধের মতো মৃত্যু নামক বাধ। মৃত্যুবাধের কাছে সীমাহীন কামনা বুঝে নেয় যে, তার গড়িয়ে চলার শেষ পরিণতি মৃত্যুর ভয়ঙ্কর আঘাতের কাছে। মৃত্যুর আঘাতে অধিক কামনাকে আত্মসমর্পণ করাতে বাধ্য করে, কিন্তু এই আত্মসমর্পণের ভেতর প্রেম নেই। আছে দহনজ্বালা। যে জ্বালার দহন তাকে চিরকাল বাধ্য করে সইতে এবং এই তীব্র জ্বালাই হলো দোজখ।

অধ্যাত্ম দৃষ্টিতে ‘আরও চাই’-এর সীমাহীন বন্য লালসার শেষ হয় মৃত্যুর কাছে - কোরান-এর এই কঠিন সত্যটি সমাজ জীবনেও একইভাবে প্রযোজ্য। ‘আরও চাই’-এর ভয়ঙ্কর কামনা ছোট থেকে কিভাবে বড় হয়ে আরও বড় হতে হতে সামনের দিকে এগিয়ে চলে এবং ‘আরও চাই’-এর পুঞ্জিরূপটি যখন চরমরূপ সাম্রাজ্যবাদের রূপ গ্রহণ করে বলগাহীন হয়ে যায় তখন ‘আরও চাই’-এর মৃত্যু ঘণ্টা বেজে উঠবে।

আমরা সমাজ জীবনের পথে ‘আরও চাই’-এর গতি-প্রকৃতি এবং মৃত্যু নিয়েই সামান্য আলোচনা করবো। ‘আরও চাই’-এর গতি, অনন্ত কামনা, সমাজ জীবনের পথে চলার সময় যে কত রূপ নেয় এবং কত রূপ বদলাতে হয় তা ভাবতে সত্যিই বিস্ময় লাগে। ‘আরও চাই’-এর একটি অঙ্গে যে এতরূপ থাকতে পারে এবং বদলাতে পারে তা সমাজের শোষিত, বঞ্চিত, লাঞ্চিত, পদদলিত, নিষেধিতরা মনে-প্রাণে বুঝতে পেরেছে এবং যেদিন থেকে শোষিতরা ‘আরও চাই’-এর মতো রূপ এক অঙ্গে থাকা মোটেই শোভা পায় না বলে বুঝতে পারল সেদিনই তারা এত রূপ দেখানোর অঙ্গটির সামাজিক মৃত্যু চাইলো। ‘আরও চাই’ নামক অঙ্গটি মৃত্যুর সাথে নিরুপায় হয়ে করে শেষ সংগ্রাম। কিন্তু হেরে যায় এবং আত্মসমর্পণ করতে হয় একান্ত বাধ্য হয়ে। শোষিতদের ‘মৃত্যু’-অঙ্গের বার বার আঘাত খেয়ে ‘আরও চাই’ মৃত্যু-অঙ্গের নিচে যন্ত্রণায় চলে পড়ে।

সীমাহীন কামনার শেষ রূপটি হলো সাম্রাজ্যবাদ। এখানে এসেই সীমাহীন কামনা মৃত্যুর আঘাত খায় শোষিতদের ঐক্য-সংগ্রাম নামক অঙ্গে। সাম্রাজ্যবাদ কথাটি উদ্ভারণ করলেই আমরা একটি দেশ অপর আর একটি দেশকে দখল করাই বুঝি, সাম্রাজ্যবাদী ইংরেজ জাতি যেমন আমাদের ভারতবর্ষকে দখলে রেখেছিল। কিন্তু আধুনিককালের সাম্রাজ্যবাদ পেছন দিক হতে শোষণ করে। ছল-চাতুরির টাল-বাহানা এবং গোপনে একটি দেশের অর্থনৈতিক ব্যবস্থাকে অন্য একটি দেশ কজা করে এবং কোটি কোটি মানুষের রক্ত শোষণ করে বন্যসর্প ভাইপারের মতো। মানুষের অর্থনৈতিক জীবনে তখন নেমে আসে দারুণ লাঞ্ছনার গ্লানি। ভাত হয় তো

কাপড় হয় না, কাপড় হয় তো ভাত হয় না। অসুখ-বিসুখে পয়সার অভাবে নিজের ছেলে-পুত্রের নিজেদের চোখের সামনে কাতরিয়ে মরে। পিতা-মাতার আশায় ভরা বুকখানা ডেঙে চুরমার হয়ে যায়। বুক-ভাঙা সমবেত দলকেই এক কথায় বলা হয় শোষিতদের দল। এদের সমবেত সংগ্রামকেই বলে শোষিতদের সংগ্রাম। আর শোষিতদের সংগ্রাম যেদিন বিজয়লাভ করবে সেদিন তৈরি হবে ইসলামি সাম্যবাদ। আর ইসলামি সাম্যবাদ শিক্ষা দেয় প্রতিটি মানুষের ন্যায্য অধিকার প্রতিষ্ঠার। আর সেই ইসলামি সাম্যবাদই মহামিলনের আল্লাহী আকবে, যে মহামিলনের আল্লাহী আকার দর্শন সর্বপ্রথম সিরাজুন্ মুনিরা রসুলুল্লাহ (আ.) পৃথিবীকে উপহার দিয়ে যান।

ধন জমা করে যারা তাদেরকে আল্লাহ শুধু জাহান্নামের প্রজ্বলিত আগুনে চিরকাল থাকতে হবে, প্রবল ঘৃণা-বর্ষি নিষ্ক্ষেপ করা, অভিশাপ তথা লানৎ দেওয়া, বয়কট করা ইত্যাদি সাবধানবাণী উচ্চারণ করেই কর্তব্য শেষ হলো বলে মনে করেন নি। কারণ সর্বজ্ঞ আল্লাহ জানেন যে, পরকালভিত্তিক ভয় দেখানোকে ধন জমাকারীরা কোনো পরোয়াই করবে না। ধন জমাকারীরা আল্লাহর সাবধানবাণী শুনে বলে বেড়াবে, 'মরার পর জাহান্নামে যাব কি না তার নিশ্চয়তা কে বলতে পারে? আর যদি যেতেই হয় তখন সীমা-ছাড়া দয়াল আল্লাহর কাছে ক্ষমা ভিক্ষা করলে তিনি নিশ্চয়ই ক্ষমা করে দেবেন।' তাই আল্লাহ তাঁয়াল প্রথমে ধন জমাকারীদেরকে শোষণনীতি পরিত্যাগ করে 'সাম্যের আদর্শে সকলের চলতে হবে' বলে আহ্বান জানাতে বলেছেন। যদি ধন জমাকারীরা সাম্যের আদর্শকে তাদের শোষণনীতি ছেড়ে দিয়ে গ্রহণ করে তবে সংগ্রাম করার কোনো প্রয়োজন নেই। আর যদি বেকে বসে এবং সাম্যের আদর্শকে অবজ্ঞা প্রদর্শন করে তবে জেহাদের মনোবল নিয়ে ঐক্যবদ্ধভাবে সংগ্রাম করতে হবে এবং আদ জাতির মতো নির্মমভাবে উপযুক্ত শিক্ষা দিতে হবে। ইল্লা আবওয়াবাল্ জান্নাতা তাহতা জেলালিস সযুফে - অর্থাৎ 'নিশ্চয়ই তরবারির ছায়ায় নিচেই বেহেশ্বের দরজা।' ধন জমাকারীদেরকে আল্লাহ এবং রসুল (আ.) মোনাফেক বলেছেন। মোনাফেক কিছু কাকেরদের চেয়েও ভয়ঙ্কর এবং বিপী। তাই তার শাস্তির মাত্রাটাই খুব বেশি। ইহকালে তাদের বিরুদ্ধে সংগ্রাম করার শাস্তি এবং পরকালে অগ্নিবাস। কোরান প্রকাশ্যে ঘোষণা করছে, 'সম্মান একমাত্র আল্লাহর এবং তার রসুল এবং মোমিনদের।' এর বাইরে কারো সম্মান ইসলাম স্বীকার করে না। এখন প্রশ্ন হলো, মোমিন কে? মোমিনের সংজ্ঞা কী? মোমিনের সংজ্ঞা দিতে গিয়ে কোরান কতগুলো শর্ত দিয়েছে এবং এই শর্তগুলোর মধ্যে ইহাও একটি মোমিন হবার শর্ত - 'তুমি তোমার জন্য যতটুকু বাঁচার প্রয়োজন অনুভব কর ততটুকু প্রয়োজন অপরের বেলাতেও অবশ্যই করতে হবে।'

কিছু সংখ্যক লোক যদি ইসলামের এই আদেশ অমান্য করে শোষণনীতি গ্রহণ করে সমাজ জীবনকে এক অসহায় অবস্থাতে পরিণত করে তবে তাদের বিরুদ্ধে জেহাদ করা সমাজের সকলের জন্য হয়ে দাঁড়ায় অবশ্যকর্তব্য এবং এই অবশ্যকর্তব্য যদি সমাজ পালন না করে তবে তাদেরকেও মোনাফেকের সাহায্যকারীরূপে গণ্য করা হবে। তাই ইসলাম ধর্ম ঘোষণা করে - জনসাধারণের দ্বারা সরকার গঠন করতে হবে। জনসাধারণই নিয়ন্ত্রণ করবে রাষ্ট্রীয় (?) ক্ষমতা। ইসলাম সরকার এবং রাষ্ট্র বলে ভৌগোলিক কোনো সীমা দেয় নি এবং ব্যক্তিমালিকানার স্বীকৃতি নেই। ইসলাম মালিকানা স্বীকার করে শুধু একমাত্র আল্লাহর। জনসাধারণ যদি 'ব্যক্তিমালিকানা' উচ্ছেদ করে সমগ্রের মঙ্গলের জন্য সমগ্রের আমানত স্বীকার করে নেয় উহাকে বলা হবে সমগ্রের মঙ্গলের জন্য সমগ্র কর্তৃক রাষ্ট্রীয় আমানত ব্যবস্থা। কারণ, ইসলাম 'ব্যক্তিমালিকানা' না বলে 'ব্যক্তিআমানত' বলেছে। খলিফা ওমর ফারুককে যখন মালিক বলে সম্মান করেছিলেন তখন খলিফা মালিক না বলে খাদেম বলতে বলেছেন। সুতরাং জনসাধারণ যখন দেখতে পারে যে, ব্যক্তিআমানত

‘ব্যক্তিমালিক’ এবং ‘ব্যক্তি শোষণ’ রূপে পরিণত হবে এবং সমাজ জীবনের ভারসাম্য মোটেই টিকে থাকবে না, তখন ব্যক্তিআমানত উচ্ছেদ করে দিয়ে সমগ্রের মঙ্গলের জন্য সমগ্র কর্তৃক ‘সমগ্রের আমানতরূপ ব্যবস্থা’ গ্রহণ করতে হবে। ইসলামের নামে যারা ভণ্ডামি করে শোষণব্যবস্থাটাকে জিইয়ে রাখতে চায় তারা বলে বেডায় - ‘ইসলামি সাম্যবাদ ব্যক্তিমালিকানা উচ্ছেদ করে রাষ্ট্রীয় মালিকানাতে পরিণত করবে।’ কিন্তু মানুষকে জানোয়ার বানানোর বিদ্যা কমিউনিজম রাষ্ট্রীয় মালিকানাতে স্বীকার করে, কারণ তারা ইসলাম ধর্ম তো দূরে থাক, পৃথিবীর কোনো ধর্মই মানে না। তাদের মতো ভেঁটা আর ঘাড়মোগড়া কর্মই পাবেন। কারণ ইনারা সব বিষয় উঁচড়ে পাকা ফরফরিদাসের মতো বুঝে গেছেন। এমন উঁচড়ে পাকা পণ্ডিত একমাত্র কমিউনিষ্টদের মধ্যেই পাবেন গণক ঠাকুরের মতো। ইনাদের কোনো নেতা কি খলিফা ওমর ফারুকের মতো চাকরকে উঁটের উপর উঠিয়ে নিজে রুশি ধরে টেনে নিয়ে যাবার সাম্য কল্পনা করত পারবে? বাস্তবের কথা তো বাদই দিলাম। ইনাদের যে কোনো নেতার বই পড়ে দেখলে দেখতে পাবেন যেন সাক্ষাৎ গণক ঠাকুরখানা। ইনাদের জানোয়ার বানানোর ইজমখানার মৃত্যুঘণ্টা বাজতে আর বেশি বাকি নেই এবং কমবেশি বাজনার শব্দ যে শুনতে পাই তা এদের নেতাদের চরিত্র দেখলেই বোঝা যায়। এই ‘মহান’, আবার কিছু দিন যেতে না যেতেই ‘শয়তান’। দুটি সম্পূর্ণ বিপরীত বিশেষণের সমাবেশ একই নেতার মধ্যে আমরা হর-হামেশা পেয়ে আসছি এবং এই উল্টাপাল্টা রূপখানা দেখে পৃথিবী রুম্মাল চেপে হি হি করে হাসতে শুরু করেছে এবং দাঁত বের করে হাসার সময় একদিন অবশ্যই আসবে - ইহা একটি ঐতিহাসিক ফরমান হবে একদিন।

বেশি দুঃখ হয় তাদের জন্য যারা ইসলামের উপর সুগভীর নিরপেক্ষ মন নিয়ে পড়াশুনা না করে ভণ্ডদের উক্তি সমূহ নীরবে সহ্য করে যায় আর না হয় তাদের সাহায্যকারীরূপে পরিণত হয়। তারা কি ভুলে গেছেন যে, মাসালার পরিবর্তন অনিবার্য, কিন্তু মূলনীতি অপরিবর্তনশীল। ইসলামের ব্যবহারিক দিক দিয়ে সর্বস্থানেই মূলনীতি হল সাম্যবাদ। যেমন নামাজ পড়তে গেলে সকলকেই এক সারিতে দাঁড়িয়ে নামাজ আদায় করতে হবে।

মাসালার পরিবর্তন কেমন করে হয় তার একটি উদাহরণ দিচ্ছি। যেমন ধরুন দাসপ্রথা। দাস বহু রকম হতে পারে। যুগের পরিবর্তন অনুযায়ী দাসপ্রথা বিভিন্ন রূপ গ্রহণ করে। এখানে দাসপ্রথা বলতে আমরা বুঝে নেব যারা বাজার হতে দাস দিয়ে কেনা এবং যুদ্ধবন্দি গোলাম। দাসপ্রথা যাতে সমাজ জীবন হতে চিরতরে উচ্ছেদ লাভ করে তার জন্য আল্লাহ এবং আল্লাহর রসুল কোরান এবং হাদিসে বহু রকমে বহুবার বলেন। কিন্তু সেই অসভ্য যুগে রাতারাতি দাসপ্রথা উচ্ছেদ করা সম্ভব নয় বলে হজুর পাক (আ.) দাসদের প্রতি মনিবের ব্যবহার কী রকম হতে পারে তার আদর্শ প্রচার করলেন। হজুর পাকের (আ.) বহু উক্তির মধ্যে একটি হলো ‘তুমি যা খাবে দাস-দাসীদের তাই দিতে হবে এবং তুমি যা পরবে দাস-দাসীকে তাই পরতে দিতে হবে। কারণ, সে তোমার ভাই এবং ইহা অমান্য করাই হল সেই জাহিলিয়াত যুগের বর্বরতাকে পুনরায় গ্রহণ করা এবং যদি দাসকে মুক্ত করে দাও তবে উহাই হবে সবচাইতে উত্তম ব্যবস্থা।’ এখন প্রশ্ন হলো দাস-প্রথা যদি চিরতরে উচ্ছেদ হয়ে যায় তখন দাসদের প্রতি মনিবের কী প্রকার ব্যবহার করবে উহার মাসালা থাকে কোথায়?

তাই ইসলামের মূলনীতি হলো এক জিনিস, যাহা পরিবর্তনীয় নয় এবং মাসালা হলো অন্য জিনিস, যাহা পরিবর্তনীয়। হজুর পাকের (আ.) সময়ে মদিনাতে সাম্যবাদ প্রতিষ্ঠিত ছিল। অবশ্যই উহা ছিল সেই যুগের সেই পরিবেশে উপযোগী একপ্রকার ব্যবস্থা। এই প্রয়োগব্যবস্থাটি পরিবর্তনশীল, কিন্তু বণ্টন বিষয়ে সাম্য ও ন্যায়নীতির মূল কথা কখনোই পরিবর্তন করা চলবে না।

অনেকে ধারণা করেন এবং করেছেন, হজুর পাকের (আ.) সময়ে মদিনাতে যে অর্থনীতি চালু ছিল তার পরিবর্তন করা চলবে না। ইহা মারাত্মক ভুল।

যারা এই ভুলের নেশা কেটে উঠতে পারেন নি তাদেরকে সমালোচনা নির্মম হলেও বলতে বাধ্য হব যে ইসলামের উপর একটানা নিরপেক্ষ সুগভীর গবেষণা তারা না করে গোড়ামির চার দেয়ালে আবদ্ধ হয়ে থাকেন।

পরস্পর সুবিচার ও ন্যায়সঙ্গত আচরণ করার বিষয়ে ইসলামের জোর তাগিদ রয়েছে; এই নীতি সম্পদ-বণ্টনের ব্যাপারেও প্রয়োগ করতে হবে। প্রয়োগপদ্ধতি যে রকমই হোক না কেন তাতে কিছুই আসে যায় না।

সামাজিক ও অর্থনৈতিক বিবর্তনের সঙ্গে উৎপাদন ও বণ্টন ব্যবস্থার প্রয়োগপদ্ধতি অবশ্যই পরিবর্তন করতে হবে, কিন্তু সাম্যবাদের মূলনীতি অক্ষুণ্ণ রাখতেই হবে। ধরুন যেমন 'জাকাত' নামক কর। ইহা হজুর পাক (আ.) চালু করেছিলেন দরিদ্রকে সাহায্য ইত্যাদি কয়টি নির্দিষ্ট কাজের জন্য। যদি বণ্টন সাম্যনীতিরূপে গ্রহণ করা হয় তা হলে 'জাকাত' নামক করটিকে না রেখেও চলে, কিন্তু জাকাতের যে মূলনীতি - আমিত্ত্ব সরিয়ে দিয়ে পুত-পবিত্র হতে হবে, উহা অবশ্যই পরিবর্তন করা চলবে না। মূলনীতি ফেলে দিয়ে শুধু পূর্ববর্তীদের প্রয়োগ-ব্যবস্থা অঙ্কের মতো অনুসরণ করলে মারাত্মক ভুল হবে। উহা ইসলামের অনুসরণ না হয়ে অনেকক্ষেত্রে বিকৃষ্টাচরণরূপে কাজ করবে। দুই ইসলামের মূলনীতির পরিচয়ের অভাবে এবং পরিবর্তনশীল সমাজব্যবস্থার উপর উহা প্রবর্তন করার সুগভীর জ্ঞানের অভাবে আধুনিক যুগে দুই ইসলামকে একদল লোকে অপ্রযোজ্য মনে করছেন। তাদের মতে নাকি দুই ইসলাম একবারেই ব্যক্তিগত বিষয়। তাই দুই ইসলাম 'মধ্যযুগীয়' অপবাদে তাদের নিকট একপ্রকার কলুষিত হয়ে রয়েছে।

(ঘ) সূরা মাউন

১. আরাইতাল্ লাজ্জি ইউকাজ্জ জিবু বিদুদীন।
২. ফাজালিকাল্ লাজ্জি ইয়াদুউল ইয়াতিম।
৩. ওয়ালা ইয়াহুদু আলা ঐয়ামিল্ মিসকিন।
৪. ফা ওয়াইলুলিল্ মুসালিন।
৫. আল্লাজিনা হম্ম আন্ সালীতিহম সাহন।
৬. আল্লাজিনা হম্ম ইউরাউন।
৭. ওয়াইয়াম নাউনাল্ মাউন।

অনুবাদ

১. তুমি কি দেখেছ তাদেরকে, যারা দুইনের উপর মিথ্যা আরোপ করে?
২. তা হলে (দেখে নাও) এতিমকে যারা তাড়িয়ে দেয় ওরাই তারা।
৩. এবং মিসকিনকে খাবার দিতে উৎসাহ দেয় না।
৪. তা হলে আক্ষেপ মুসল্লিদের জন্য।
৫. যারা তাদের সালতের প্রতি উদাসীন।
৬. তারা করে লোক দেখানো সালাত।
৭. এবং তারা মাউন দিতে মানা করে।

ব্যাখ্যা

এখানে রসূলুল্লাহ (আ.)-কে এবং ব্যক্তিগতভাবে প্রত্যেক মানুষকে একমাত্র দুই ইসলামের উপর যারা মিথ্যা আরোপ করে তাদের পরিচয় দেওয়া হয়েছে। ওরাই দুই ইসলামকে মানে না যারা এতিমকে তাড়িয়ে দেয় এবং মিসকিনকে খাবার দেবার বিষয়ে উৎসাহ দেয় না।

এতিম কথাটি অসহায় ও দুর্বলের প্রতীকরূপে ব্যবহার করা হয়েছে এবং মিসকিন কথাটি নিঃস্বল ও দরিদ্রের বোবা প্রতীকরূপে ব্যবহার করা হয়েছে। যারা গরিবকে

গরিবই রাখতে চায় এবং তাদের খাওয়া-পরা সামাজিক বন্দোবস্ত করতে রাজি থাকে না এবং অসহায় অবস্থায় পেয়ে তাদেরকে তাদের মৌলিক অধিকার হতে বঞ্চিত রাখে, তারাই দীন ইসলামকে সোজাসুজি একেবারেই অস্বীকারকারী। এর মূল কারণ সত্যিকার দীনদার লোক দুনিয়াকে করে উপেক্ষা। তাই দুনিয়া সংক্রান্ত স্বার্থ তাকে মোটেই করে না প্রলুব্ধ। এই কারণে দুনিয়া সংক্রান্ত ন্যায়নীতি ও সাম্য প্রতিষ্ঠার চেষ্টাই হয় তার স্বভাব। এই সাময়িক জীবনের স্বার্থ তাকে মোটেই বিচলিত করতে পারে না। যেহেতু তার মূল লক্ষ্য আল্লাহর দ্বীনের প্রতি। এই কারণেই ‘সুতরাং’ শব্দ লাগিয়ে নকল মুসল্লির সত্যিকার চেহারা এবং মনোভাবকে তুলে ধরা হয়েছে। নকল মুসল্লি আল্লাহর সঙ্গে সংযোগ বিষয়ে অমনোযোগী। কারণ, তার মনোযোগ পড়ে রয়েছে দুনিয়ার দিকে। তাই দুনিয়ার সাময়িক হীন স্বার্থ উদ্ধারের দিকে তার মনোযোগ থাকে বেশি। এই কারণেই ‘মার্টিন’ দিতে সে করে মানা।

মার্টিন অর্থ সংসার-জীবনের নিত্যপ্রয়োজনীয় জিনিস। যেমন দা, কুড়াল, খণ্ডা, হাঁড়ি, পাতিল ইত্যাদি। এই শব্দটি মানুষের নিত্যপ্রয়োজনীয় ব্যবহারের বস্তুর প্রতীকরূপে লাগানো হয়েছে। আমরা প্রতিদিন প্রত্যেকেই পরস্পর পরস্পরের উপর ছোটখাট অনেক বিষয়েই নির্ভরশীল। তাই সমাজ জীবনে পরস্পর সহযোগিতা ও সাহায্যের মাধ্যমে আমাদের দৈনন্দিন জীবন সুষ্ঠুভাবে চালাতে হয়। এই সহযোগিতা করতে যারা উদারতা প্রকাশ করে না তারা সংকীর্ণমনা। এরা বহু প্রকারে সমাজের বুকে অনর্থ ও শ্রেণীভেদের দুষ্টু লিপ্ত থাকে। পার্থিব লাভ-লোকসানের প্রতি ব্যক্তিগত স্বার্থজড়িত দৃষ্টি দেখলেই বোঝা যায় যে মুসল্লি সাহেবের দৃষ্টি দুনিয়ার দিকে না দ্বীনের দিকে? এই কথা কয়টি এই সূরার মধ্যে মুসল্লির পরিচয়স্বরূপ ব্যক্ত করা হয়েছে।

এখানে আর একটি কথা বিশেষভাবে উল্লেখ করা যেতে পারে যে, গরিবকে খাবার দেবার ব্যাপারে পরস্পর পরস্পরকে উৎসাহ দানের কথাই উল্লেখ করা হয়েছে। নিজে খাদ্যদান করুক তবেই সে মুসল্লি হতে পারবে এ কথা উল্লেখ করা হয় নি। এর কারণ ইসলামি সাম্যবাদ প্রতিষ্ঠা না করে নিজে ধনবান হয়ে বহু ক্লুধার্তকে খাদ্যদান করে দানের গৌরব অর্জন করা যেতে পারে, কিন্তু তাতে থাকবে আমিত্ব এবং দুনিয়াভিত্তিক স্বার্থ। প্রাইভেট প্রোপার্টি তথা ব্যক্তিমালি-কানাটাই কিছু না কিছু ধন তথা সম্পত্তির উপর কর্তৃত্ব করা বোঝায় এবং সম্পত্তির কর্তৃত্ব মানুষের আমিত্ব এবং দুনিয়ার উপর স্বার্থ রক্ষার ইবলিসি ইঙ্গিত বহন করে। তাই এখানে নিজের অধিকারে ধন রেখে ক্লুধার্তকে খাদ্যদান করতে বলা হয় নি। অর্থাৎ প্রাইভেট প্রোপার্টির স্বীকৃতি দেওয়া তো দূরে থাক, বরং ইহা আমিত্ব এবং দুনিয়ার মোহে জড়িয়ে পড়ার একটি প্রধান শত্রুরূপে উল্লিখিত হয়েছে। তাই বলা হয়েছে পরস্পর পরস্পরকে উৎসাহিত করতে, যাতে সবাই এই সাম্যের নীতিবাদকে সমাজে প্রতিষ্ঠা করে অর্থাৎ সামাজিকভাবে সবাই মিলে এমন একটি বন্দোবস্ত করা যাতে দরিদ্র ও অসহায়েরা সমাজ জীবন হতে মুছে গিয়ে সাম্যের আদর্শে জীবন পরিচালনা করতে পারে। কাজেই আমরা নিঃসন্দেহে বলতে পারি যে, এই সূরাটি সাম্য প্রতিষ্ঠার বিশেষ একটি রূপ বহন করছে।

দুনিয়াদার ও দীনদারের স্বভাব সম্পূর্ণ পৃথক। দুনিয়াদার স্বভাবতই পার্থিব স্বার্থের প্রতি অধিক জাগ্রত। তাই সে হলো লোভী ও স্বার্থান্বেষী। অপরপক্ষে দীনদার দুনিয়াকে করে ঘৃণা ও নজর রাখে দ্বীনের হেফাজতের দিকে তাই পার্থিব বণ্টন বিষয়ে সে হয় উদার ও সুবিচারক। এই কারণেই সত্যিকারের মুসল্লি হলো সাম্যবাদী। কারণ, সে দুনিয়াকে করে ঘৃণা। কাজেই দুনিয়ার এই ঘৃণ্য ধন-সম্পদ সবাই কেন সমভাবে ভ্রাতৃত্বের বন্ধনের মধ্যে থেকে ভোগ করবে না?

মন্তব্য

যারা প্রতিমকে তাড়িয়ে দেয় - অর্থাৎ বঞ্চিত-শোষিত-অবহেলিত হয়ে সমাজ জীবনে কোনো রকমে জীবনটা বাঁচিয়ে রাখার জন্য যারা সংগ্রাম করছে তাদের সাম্য এবং নৈকট্যের দাবিকে উপেক্ষা যারা করে, তারা ইসলামের সীমানাতেই দাঁড়াতে পারে নি। অর্থাৎ প্রথমেই তাদেরকে ইসলামের ধারে-কাছেও নেই বলে আমাদেরকে সতর্ক করে দিচ্ছে। আমার মনে হয়, প্রতিম শব্দটির গভীরতা অনেকেরই জানা নেই। প্রতিম বলতে কাকে বোঝানো হয়েছে তার সামান্য ব্যাখ্যার প্রয়োজন মনে করছি। পিতা-মাতা না থাকলেই প্রতিম হয় না। আবার পিতা-মাতা থাকা সত্ত্বেও প্রতিম হয়। যেমন, আদমজী মারা গেলে তার ছেলেকে প্রতিম বলা চলে না। আবার যে ব্যক্তি তার ছেলে-পুত্র নিয়ে প্রতিদিনের খাবারটুকু যোগাতে পারে না, প্রায়ই উপবাস করে দিন কাটাতে হয়, তাদেরকেও প্রতিম বলা হয়। এখন সহজেই বোঝা যায়, প্রতিম শব্দটির অর্থ হলো বঞ্চিত, শোষিত, অবহেলিত ইত্যাদির মূর্ত প্রতীক। এরা শোষণের বেদিতে দাঁড়িয়ে মৃত্যু-তরবারির অপেক্ষায় দিন কাটাচ্ছে। সব মানুষের বাঁচা-মরার দাবি হল সমান এবং এই সমান কথাটিকে যারা মানে না আল্লাহ তাদেরকে ইসলামের অতি সাধারণ সারিতেও স্থান দিতে ঘৃণা তো দূরে থাক সম্পূর্ণরূপে ইসলামের ধারে কাছেও নেই বলে বঙ্ককণ্ঠিন গলায় ঘোষণা করেছে। এখন বুকে হাত রেখে নিজের বিবেককে প্রশ্ন করুন, মুসলমান হবার সংজ্ঞাটি কেমন। এখন প্রশ্ন হলো, তা হলে মুসলমান কে? এবং অমুসলমানই বা কে? যে সকল ধনলোভী রক্তশোষকেরা ইসলাম ধর্মের নামাবলি দেহের উপর জড়িয়ে মুসলমান সমাজে নকল মুসলমান সাজে তারাই মানব সমাজের কাছে মসজিদ ঘরের দারদেশে দাঁড়িয়ে মুচকি শয়তানি হাসি হেসে বলে বেড়ায়, 'আইয়ে আইয়ে ভাইসব মসজিদ মে আমির গরিব কা কই ফারাক নাহি হয়, সব একদম সমান!' কিন্তু সহজ-সরল মনের মুসলমানেরা এতদিন তাদের ধান্নাবাজির রহস্য বুঝতে পারে নি। তাই সঙ্গে সঙ্গে ধনলোভীদেরকে খেঁকিয়ে প্রতিবাদ করে, 'সাচ কাহা, মসজিদ মে আমির-গরিব কা ফারাক নাহি হয়, মাগার সানকি মে বহত ফারাক।'

লোক-দেখানো এবাদতকারীরা আর চোখে কলুর বলদের ঠুলি পরাতে পারছে না। গরিবরা তাই বলছে, মসজিদ ঘরে ধনী-গরিব সমান বলার বাণী প্রচার করেন, কিন্তু খাবার বেলায় সমান দাবি করলেই নাস্তিক বলেন কেন? শোষকের শোষণ, অত্যাচারীর অত্যাচার পুঞ্জিপতি মাথায় টুপি লাগিয়ে গরিবের দাবিকে কুফরি দাবি বলে আর কতকাল মানবসমাজের বুকে ভণ্ডামি করে বেড়াবেন? আপনাদের নামাজ-রোজাকে তো পবিত্র কোরান 'ভণ্ডামি করছো' বলে বার বার জানিয়ে দিয়েছে। তবু আপনাদের ভণ্ডামি গরিবদেরকে এতকাল ফাঁকি দিয়ে রেখেছে, কিন্তু মনে রাখবেন, ভণ্ডামি করাটা কমবেশি সময়ে একদিন না একদিন ধরা পড়ে যায়। গরিবেরা এখন বুঝতে পারে, আপনারা ইসলামের দোহাই দিয়ে শোষণের শাসন চালাতে চান। আপনারা হজুর পাকের (আ.) ইসলাম চান না। আপনারা চান এজিদের ইসলাম প্রতিষ্ঠা করতে। আপনারা কবে ইসলামের নাম বিক্রি করে ভণ্ডামি করার মুখোশ ফেলে দিয়ে প্রকৃত মুসলমান হবেন? ইসলামের সাম্যবাদ যুগে যুগে আপনাদের মতো দলের হাতে যদি আঘাত না খেত, যদি এজিদের মতো বাটপারদের কুচক্রের তলে ইসলামের আদর্শ ঘুরপাক না খেত তবে কুফরি মতবাদ, পণ্ড-বানানো কমিউনিজমের কল্লনাও কেহ কোনোদিন অনুভব করতো না। আজ সারা পৃথিবীর নাগরিকেরা ইসলামের ছায়াতলে আশ্রয় নিয়ে ইসলাম যে প্রকৃতই শান্তির ধর্ম উহা মনে-প্রাণে উপলব্ধি করতো। কৃষক, মজুর আর মধ্যবিত্তরা শ্রেণীতে শ্রেণীতে বিভক্ত হয়ে শ্রেণীদ্বন্দ্বের কথাটি কল্লনায় বানানো মানুষ মনে করতো। খলিফা ওমর ফারুকের উটের রশি ধরে ভৃত্যকে উটের পিঠে বসিয়ে যাবার আদর্শ সমাজের প্রতিটি ক্ষেত্রে ফোটা ফুলের মতো শোভা বিস্তার করতো। 'মানুষ মানুষের

ভাই' - ইসলামের দীপ্তিমান মন্ডের দীক্ষায় মানুষের জীবনধারার প্রণালির শিক্ষা আপনাদের হাতে পড়ে মাদ্রাসার ছোট ছোট ছাত্ররা হয়েজ-নেফাস আর চিলাকুলুপের মাসলা-মাসায়েল শিক্ষা করে। মহানবির অশ্রুভরা নয়নে মানবতার আদর্শ মাদ্রাসার দ্বারপ্রান্তে হুমড়ি খেয়ে বোবার মতো কাঁদে। কিন্তু মাদ্রাসার হাজার হাজার প্রিয় ছাত্ররা একদিন আপনাদের আসল চেহারাখানা চিনতে পারবে। আর বেশি বাকি নেই যেদিন এই মাদ্রাসার ছাত্র ভাইয়েরা, শ্রদ্ধেয় মুহাদ্দেস-মুফাসসেররা বলে উঠবেন : আল্লাহ পাক ও রসুলুল্লাহর (আ.) দেওয়া সীম্যের আদর্শ প্রতিষ্ঠা করতে হবে।

ইসলামের অর্থনৈতিক ব্যবস্থার উপর রচিত পুস্তকগুলো পড়ে অবাক হয়ে নিজেকে শুধু এতটুকুই প্রশ্ন করলাম - কোরান এবং হাদিস কী বলছে আর আপনারা কী লিখছেন! কৌরান-হাদিসের দেওয়া অর্থনৈতিক ব্যবস্থার সামান্যতম মিলও খুঁজে পাওয়া তো দূরে থাক, সম্পূর্ণরূপে চিরস্থায়ীরূপে দাঁড় করানো হয়েছে এক ভয়ঙ্কর মানবতার অপমান করার হিংস পুঁজিবাদী অর্থনৈতিক ব্যবস্থা। কথায় বলে, ফলের চেয়ে বিচি বড়। আপনারা ইসলামের নামে যে অর্থনৈতিক বিধি-ব্যবস্থা দান করেছেন উহা পাশ্চাত্যের পুঁজিবাদকেও হার মানিয়ে দিয়েছে। উদাহরণস্বরূপ, অর্থনৈতিক ব্যবস্থার উপর লিখিত কয়েকটি উক্তি অতি সংক্ষেপে তুলে ধরলাম। ১৯৬৫ সালের ডিসেম্বর মাসে লাহোরে প্রদত্ত ভাষণে শ্রদ্ধেয় মওলানা মওদুদী সাহেব পুঁজিবাদের উপর দৃঢ় সমর্থন দিয়ে ইসলামের দোহাই দিয়ে বলে ফেললেন, 'এক ব্যক্তি যেমন কাপড়, আসবাবপত্র ও ঘরবাড়ি রাখার অধিকারী, তেমনি তার যত্নপাতি ও কল-কারখানার মালিক হয়ে যাওয়াটাও তেমন অপরাধ নয়।' তিনি শুধু মালিকানা মেনেই চুপ করে রইলেন না, বরং কথার মায়াজাল বিস্তার করতে করতে অনেক দূর পর্যন্ত এগিয়ে গেলেন। অর্থনৈতিক সমস্যার ইসলামি সমাধান নামক বই-এর ৫১ পৃষ্ঠায় তিনি বললেন, 'কাজেই কেহ লক্ষ-কোটি টাকার সম্পদ উপার্জন ও সঞ্চয় করলেও তা সমাজের অর্থনৈতিক জীবনকে বিপর্যস্ত করতে পারে না।' পুঁজিপতি, সামন্তবাদী ও সাম্রাজ্যবাদীদের হীন স্বার্থকে মানবসমাজে চিরস্থায়ীরূপে জিইয়ে রাখার উদ্দেশ্যে এবং কোটি কোটি মানুষকে এক অসহায় করুণ অবস্থার মাঝে ফেলে দিয়ে শ্রদ্ধেয় মওলানা মওদুদী সাহেব ইসলামের নামে - ইসলাম ও আধুনিক অর্থনৈতিক মতবাদ পুস্তকের ১৭৭-৭৮ পৃষ্ঠায় প্রচার করলেন, 'ইহার কোনো সীমাও নির্দিষ্ট নাই, এক বর্গগজ হতে কয়েক হাজার একর পর্যন্ত যতখানি জমিই হউক না কেন, আইনসম্মত উপায়ে ও নিয়মে কাহারো মালিকানাভুক্ত হলে সে অবশ্যই তার বিধিসম্মত মালিক হবে, তা তার বৈধ মালিকানা সম্পত্তিরূপে গণ্য হবে।' ইহাই শেষ কথা নয়; যাতে সামন্তবাদীরা নাকে তেল দিয়ে ঘুমিয়ে, হাতে চাবুক নিয়ে গরিবদের দ্বারা জমি চষিয়ে ভোগ করতে পারে তার উপরও ইসলামের নাম দিয়ে ফতোয়া দিয়ে ফেললেন, 'নিজের জমি যে নিজেই চাষাবাদ করতে হবে এই মালিকানার বৈধতার জন্য তারও কোনো শর্ত নেই।' (ইসলাম ও আধুনিক অর্থনৈতিক মতবাদ পুস্তকের বঙ্গানুবাদ ১৭৭-৭৮ পৃষ্ঠা)।

উলান্নারা প্রশ্ন করেন, উহা কাদের এবং কী প্রকার 'আইনসম্মত' উপায় রাখার ফতোয়া দিলেন? উহা কি আপনার বানানো ইসলামের আইন না আল্লাহ এবং রসুলুল্লাহ (আ.)-এর দেওয়া আইন? চাউল সেদ্ধ হল কি না তার জন্য হাড়ির সমস্ত চাউল একটি একটি করে টিপে দেখতে হয় না। আপনাদের মতবাদখানা যে কী, কয়টি উক্তিই যথেষ্ট মনে করি।

আমরা সার্বজনীন ভোটাধিকার চেয়ে গণতন্ত্রের অতন্দ্ৰ প্রহরী সাজি। ভোট দেবার বেলায় সকলের সমান অধিকার মানি, কিন্তু সানকির (খাদ্যের) বেলায় একজনের পোলাও-কোরমা আর একজন দুবেলা সেদ্ধ ভাতটাও পেট পুরে খেতে পারবে না। সানকিতন্ত্রের অতন্দ্ৰ প্রহরী সাজির জামাটায় বুঝি আমাদের ছারপোকা কামড়ায়? ভোটের বেলায় যদি সবাই মিলে সমান অধিকার পাই, সানকির বেলাতেও যাতে

সবাই সমভাবে খেতে-পরতে পারে। আমাদের এহেন অবহেলা এবং উদাসীনতার দরুন আমরাই নিজেদের হাতে সুন্দর সুন্দর খাল কেটে মানুষকে পশু বানাবার কুফরি মতবাদ কমিউনিজমকে ডেকে অনিছি। তা ছাড়া মুরগির 'বটি হারাম আর সুরুয়া হালাল' ফতোয়ার খোঁকা দেবার দিন মনে হয় চলে গেছে।

পৃথিবীর মানবজাতিকে ইসলাম তার সত্য ও সৌন্দর্য বুঝে নিতে এবং গ্রহণ করতে আহ্বান জানাচ্ছে সার্বজনীনভাবে। কিন্তু ইসলামের এই অখণ্ড সত্য ও সৌন্দর্যকে সীমানার মেকি বেড়া দিয়ে গভির ভেতর আটকিয়ে রাখতে চেষ্টা চালিয়েছে এবং চালাচ্ছে কিছু সংখ্যক আরবি-জানা পণ্ডিতেরা। অতি সাধারণ কতগুলো আঙ্গিক বিকাশকেই ইসলামের সত্য ও সৌন্দর্যের মাপকাঠি বলে ধরে নেন এবং মানুষের আকৃতির মাঝে আঙ্গিক বিকাশের চিহ্ন ফুটে না উঠলে পথভ্রষ্ট অথবা ইসলামে নেই বলে ফতোয়া দিতেও দ্বিধাবোধ করেন না। এই আরবি-জানা পণ্ডিতেরা কেবল 'ফেকাহ' শাস্ত্র অর্থাৎ ধর্মীয় বিধি-ব্যবস্থা বিষয়ক বিদ্যার অনুশীলন করে সারাটি জীবন বিনষ্ট করে দেন। 'ফেকাহ' শাস্ত্রের বিধান মতো চললেই পরকালে মুক্তি মিলবে - এটাই তাদের ধারণা। প্রকৃত ব্যাপার কিন্তু তা নয়। কতগুলো মাসালা মুখস্থ করে রাখা আর মানবজীবনের সার্থকতা কোথায়, স্রষ্টার নৈকট্য লাভের যে পথদিশারি সেই বিষয়ে জ্ঞান সন্ধান করা সম্পূর্ণ আলাদা কথা। বিশ্ববিখ্যাত ইমাম গাজ্জালি এই দুটো বিষয় যে মোটেই এক নয় এবং এর গোলক-ধাঁধায় আমরা যাতে না পড়ি সে বিষয়ে বিস্তারিত আলোচনা ও দলিল প্রমাণের সাহায্যে বুঝিয়ে দিয়েছেন। 'কেবল সেই ব্যক্তিই ইসলামের আসল বিষয় তথা মূল জ্ঞান কিছুই বুঝতে বা জানতে পারে না যে ব্যক্তি কেবল ফেকাহ শাস্ত্রের মাসালা-মাসায়েল নিয়ে পড়ে থাকে। এরূপ ভুল ধারণায় নিজেরা তো গড়াতে থাকে এবং সহজ সরল মানুষগুলো গড়াবার ব্যবস্থা তৈরি করে রাখে, যার ফলে সাধারণ মানুষগুলো এই মাসালা-মাসায়েলকেই ইসলামের মূলনীতি জেনে ইহারই মধ্যে সারাটি জীবন কাটিয়ে দেয়।' (কিম্বিয়ায়ে সাআদাত)। ইমাম গাজ্জালি এই কথাই দুঃখ করে লিখে গেছেন। রসুলুল্লাহ (আ.) বলেছেন, ইন্নালাহা লা ইয়ানজুরু ইলা সুয়ারেকুম্ব অলা ইলা আম্বালেকুম্ব অলা কিন্ ইয়ানজুরু ইলা কুলুবিকুম্ব ওয়া নিয়াতিকুম্ব - অর্থাৎ 'বাস্তবিক আল্লাহ তোমাদের চেহারার এবং আমলগুলোর প্রতি দেখেন না, কিন্তু তোমাদের অন্তর এবং উদ্দেশ্যের দিকে দেখেন।'

খলিফা ওমর ফারুক (রা.) বলেছেন, 'আমি হারামে পতিত হবার ভয়ে সত্তর প্রকার হালাল জিনিস বর্জন করেছি।' নিজেকে এত সাবধানে রেখেও খলিফা ওমর ফারুক (রা.) কাকের মেয়েলোকের পাত্রে পানি নিয়ে ওজু করেছেন। আর আরবি ভাষা জানা পণ্ডিতেরা 'বঞ্চিত মানবকে বঞ্চার বিশ্রী অপচেষ্টা ঘুচিয়ে ইসলামি সান্ন্যের আদর্শে মহিয়ান করে তোল মানুষের সমাজ' - এই আদর্শ গ্রহণ এবং প্রচার করার পরিবর্তে মিছেমিছি ওজু-গোসলের বেলায় পবিত্রতা লাভে বাড়াবাড়ি করে অনর্থক সময়ের অপচয় করে থাকে। এদেরকে ইসলামের মূল বিষয় চোখে আঙুল দিয়ে বোঝাতে গেলে বুঝ নেওয়া তো দূরের কথা, কেউটের মতো ফণা তুলে ছোবল মারতে আসে। এদের মধ্যে এমন অনেকে আছে যারা ধোপার ধোওয়া কাপড় পরিধান করাটাকে মনে করে বড় পাপের কাজ করা হলো। অথচ রসুলুল্লাহ (আ.)-কে কাকেরেরা যে কাপড় উপহারস্বরূপ দিতেন তিনি বিনাদ্বিধায় সেই কাপড় পরিধান করতেন। সাহাবায়ে কেরাম ধর্মযুদ্ধে কাকেরদের থেকে যে কাপড় 'গনিমতের মাল' হিসাবে পেতেন বিনা দ্বিধায় তা পরিধান করতেন। এমনকি ধুয়ে নেবার প্রয়োজনও মনে করতেন না। কাকেরদের যে তলোয়ার পাওয়া যেত সাহাবারা না ধুয়েই তা কোমরে বেধে নামাজ পড়তেন। কেউ 'অপবিত্র' মনে করে তা নেন নি। যারা কেবল গরিবদের দাবিকে আড়াল রেখে উদর পূর্ণ করে পশুর মতো,

অন্যের প্রতি দৃষ্টি না রেখে ভ্রমণ করে, যারা রসনা, হাত, পা ইত্যাদি অঙ্গগুলোর ন্যায়-অন্যায়ের বিচার বিষয়ে সাবধানতা অবলম্বন না করে কেবল গুজু-গোসলের বেলায় অঙ্গগুলির মাসালা-মাসায়েল নিয়ে বাড়াবাড়ি করে, তাদের জন্য সত্যিই দুঃখ হয়। ইমাম গাজালি বলেছেন, 'এই সমস্ত আলেমদের নিয়ে শয়তান বিদ্রূপ ও উপহাস করে থাকে।' (কিমিয়ায়ে সাআদাত)। তাই তো গরিবদের মুখে প্রশ্ন জেগে আছে, ইসলাম-বাদ্যযন্ত্রে কী মধুর সুর বাজে আর যন্ত্রের রিডে হাত দিয়ে ওস্তাদ সেজে আরবি জানা পণ্ডিতেরা কী গান গাইছেন। সুরের মধুর আস্থানে গরিবের বুকে সাড়া দিতে চায়, কিন্তু সুরের বিশেষজ্ঞ ওস্তাদ আরবি-জানা পণ্ডিতেরা কঠিন মেলতে গেলেই বাঁধে যত গল্পগোলা। গরিবেরা গান গাইতে চাইলে আরবি-জানা পণ্ডিত খেকুনি দিয়ে মুখটাকে বিশ্রী করে বলে দেন, তালের মাত্রা জানিস বেটা!

আবার অনেক আরবি-জানা পণ্ডিত আছেন যারা নামাজে দাঁড়িয়ে সুরা ফাতেহা অথবা কোরান-এর অপর কোনো অংশ পড়বার সময় অক্ষরগুলোর শুদ্ধ উচ্চারণ নিয়ে বেশি বাড়াবাড়ি করেন। নামাজের মধ্যে মনটাকে সব সময় সেদিকেই রাখেন যেন অক্ষরগুলো সুন্দর ও সঠিকভাবে উহাদের উৎপত্তিস্থল হতে উচ্চারণ করা যায়, কিন্তু নামাজের অসিল বিষয়ের দিকে মনোযোগ দেবার অবসর পান না। যিনি বাক্য উচ্চারণ করে তার ভাবের মধ্যে না ডুবে মাখরাজ অর্থাৎ উৎপত্তিস্থল হতে সঠিকভাবে উচ্চারিত হলো কি না তাই নিয়ে শুরু করে দেন টানা-হেঁচড়া, তিনি কেমন করে তার অর্থের মাঝে ডুব দেবেন? যিনি নামাজে এভাবে অক্ষরের ভেদ বিচার নিয়ে ব্যস্ত থাকেন তার নমুনা দেখে কি আল্লাহ তাকে পাগল বলে মনে করবেন না?

আবার এমন অনেক আলেম আছেন যারা একদিনে এক খতম কোরান পাঠ করেন। তার জন্য তাদেরকে কোরান শরিফ খুব তাড়াতাড়ি পড়তে হয়। জিস্রা রেলগাড়ির মতো দ্রুতগতিতে চলবে, কিন্তু কী যে পড়ছেন তার দিকে কোনো খেয়ালই নেই। উদ্দেশ্য হলো, মানুষের কাছে বলে বেড়ানো যে আমি অনেকবার কোরান খতম করেছি। এরা ভেবে নেন না যে, কোরান-এর প্রতিটি আয়াত এক একটি আলাদা লিপিকা। উহার একটিতে আদেশ, অপরটিতে নিষেধ, কোনোটিতে নেয়ামত ও পুরস্কার পাবার প্রতিশ্রুতি, কোনোটিতে কঠিন শাস্তির ভয় প্রদর্শন, কোনোটিতে দৃষ্টান্ত এবং উপদেশ দেওয়া হয়েছে।

পৃথিবীর বিশাল সবুজ বুকটাতে গরিবেরা সুর খুঁজে পেতে চায়, সেই যন্ত্রের সুরে সুর মিলিয়ে কে গান গায়? বেসুরা, বেতাল গানের বিশ্রী শব্দে গরিবেরা আহিত পাখির মতো ছটফট করতে থাকে আর খুঁজে পেতে চায়, কোথায় সুর আর কঠোর মিলনে মধুর সেই গেয়ে ওঠা হজুর পাকের (আ.) গান - 'মানুষ মানুষের ভাই।'

হজুর পাক (আ.) বলেছেন, 'মানবের তরে এমন একটি সময় আসবে যখন প্রকৃত ইসলাম থাকবে না। কেবল থাকবে উহার খোলস বা রুসম। কোরান থাকবে না, কেবল থাকবে এর নাম। স্থানে স্থানে মসজিদ ঘর পাকা হবে, কিন্তু এর মধ্যে হেদায়েতের গন্ধও থাকবে না। এবং ঐ জামানার আরবি ভাষার পণ্ডিতগণ চরিত্রহীন হবে। তারা ঝগড়া করবে, বিবাদ ও মতানৈক্যভাব প্রকাশ করে জনসাধারণকে সত্যপথ হতে বহু দূরে ফেলে দেবে। আকাশের নিচে তাদের মত চরিত্রহীন আর কেউ হবে না।' (মশকাত শরিফ)।

জনৈক ইসলাম গবেষক বলেন, 'নি ম্নে তবীব খাতরে জান, নিম্নে ম্লোলা খাতরায় ইমান অর্থাৎ 'হাতুড়ে ডাক্তার প্রাণনাশক, কাঠ ম্লোলা ইমান নষ্টকারী।'

খলিফা ওমর ফারুক (রা.) ইসলামি সাম্রাজ্যের আদর্শকে প্রতিষ্ঠিত সত্যরূপে সেই যুগে, সেই পরিবেশে, সেই অসভ্যতার জের সবেমাত্র কেটে-ওঠা সমাজের বুকে গোলামি আর মনিব উভয়কে একই মানের এবং একই পরিমাণ বেতন দেবার ব্যবস্থা করে অপূর্ব দৃষ্টান্ত অনাগত কালের পৃথিবীর নাগরিকদের জন্য রেখে গেলেন। পৃথিবীর ভবিষ্যৎ নাগরিকেরা যেন ইসলামের এই সুন্দরতম আদর্শ মনে-প্রাণে গ্রহণ

করে নিতে পারে তারই দৃষ্টান্ত স্থাপন করা সেই যুগে কতখানি কষ্টসাধ্য তাহা সহজেই বোঝা যায়। সেই যুগে গোলাম ছিল আরবদের কাছে সবচেয়ে নিকৃষ্ট এবং ঘৃণিত শ্রেণী। হজুর পাকের (আ.) গোলাম হজরত জায়েদের (রা.) পুত্র হজরত উসামার (রা.) বেতন অন্যান্য মনিবদের সমপরিমাণ হওয়াতে খলিফা ওমর ফারুকের (রা.) পুত্র হজরত আবদুল্লাহ (রা.) পর্যন্ত প্রতিবাদ করেছিলেন। সেই যুগের কথা বাদ দিয়ে আমাদের সভ্য যুগে কেউ যদি প্রস্তাব করে যে, দারোয়ান-পিওন এবং উচ্চপদস্থ কর্মচারী একই পরিমাণ বেতন পাবে - তবে আমাদের জনদরদী নেতাগণ হাউমাউ করে চিৎকার মেরে প্রতিবাদ করবে এবং আজকের যুগে প্রতিবাদ করা অত্যন্ত স্বাভাবিক। ইসলামের চরম আদর্শ প্রতিষ্ঠার কল্পনা ছিল উহাই, সামান্য দুনিয়ার মূল্যহীন বস্তুপ্রাপ্তির অসাম্য তৈরি না করে সাম্য প্রতিষ্ঠা করা। একই খাদ্য, একই পোশাক পরিধান করাতে সম্মানের উচ্চ-নিচুর পার্থক্য হয় না - পার্থক্য হয় এবং হবে ইমানের গভীরতা এবং তাকওয়ার ওপর ভিত্তি করে। ছোট-বড় এই অসাম্যের প্রবাহকে হজরত ওমর ফারুক (রা.) অসভ্য যুগের ঘৃণ্য আচরণ বলে বার বার ঘোষণা করেছেন এবং আরব জনসাধারণ যাতে এই হিংসাত্মক অহংকার হতে রেহাই পায় তার জন্য অক্লান্ত পরিশ্রম করে গেছেন এবং এই পরিশ্রম যে সেই যুগে বেশ কিছুটা কিছুদিনের জন্য সাফল্যমণ্ডিত হয়েছে তার নজির তার নির্বাচিত প্রধান সেনাপতিদের চরিত্রে ফুটে উঠেছে অপূর্বরূপে। ইরাক বিজয়ের সময় প্রধান সেনাপতি আবু উবায়দা যখন সাকাতিয়া নামক স্থানে শিবির স্থাপন করলেন তখন সেই সাকাতিয়ার দুইজন বিখ্যাত সরদার ফারুক এবং ফেরাওয়ান্দ মুসলমানের বশ্যতা মেনে নিলেন। একদিন এই দুই সরদার দামি খাদ্য তৈরি করে আবু উবায়দাকে খেতে বললে আবু উবায়দা প্রশ্ন করলেন, 'সমস্ত সৈনিকদের জন্য কি এই খাদ্য আনা হয়েছে, না শুধু আমার জন্য?' সরদার ফারুক উত্তর দিলেন, 'এই সামান্য সময়ের মধ্যে সকল সৈনিকদের জন্য ব্যবস্থা করা সম্ভব হয় নি।' আবু উবায়দা সরদারের সেই তৈরি করা খাদ্য ফিরিয়ে নিতে বললেন এবং উপদেশ দিলেন যে, 'মুসলমানদের মধ্যে একের উপর অন্য ব্যক্তির কোনোই প্রাধান্য নেই।'

ফাহাল বিজয়ের সময় রুমিয় সেনাপতি স্কলার-এর নিকট যখন দূতরূপে হজরত মায়াজ ইবনে জাবাল (রা.)-কে পাঠান হয় তখন একটি রুমিয় সৈন্য এসে বিলাসবহুল কক্ষে যাবার জন্য অনুরোধ করে এবং বলে আপনার ঘোড়ার লাগাম ধরে রাখছি, আপনি ভেতরে যান। হজরত মায়াজ (রা.) বললেন, 'গরিবের রক্ত শোষণ করে যে গালিচা বানানো হয়েছে মুসলমান তাতে বসে না। সুতরাং আমি তাতে বসতে পারি না।' তিনি মাটিতেই বসে পড়লেন। বললেন, 'আপনাকে উপযুক্ত সম্মান দিতে চাইলাম, কিন্তু নিজের সম্মান নিজে নষ্ট করলেন।' হজরত মায়াজ (রা.) বললেন, 'তোমরা যেটাকে সম্মান মনে করছ আমার তাতে কোনোই প্রয়োজন নেই। মাটিতে বসাই যদি গোলামের রীতি হয় তবে আমার চেয়ে আল্লাহর বড় গোলাম কে আছে?' জনৈক সৈনিক প্রশ্ন করে, 'বলুন তো, মুসলমান বাহিনীতে আপনার মতো উচ্চ আদর্শের মানুষ আরও আছে কি?' হজরত মায়াজ (রা.) বললেন, 'আমার তো মনে হয়, মুসলমান বাহিনীতে আমার চেয়ে আর নিকৃষ্টতম ব্যক্তি কেউ নেই।'

গরিবের শোষকদের সাথে ভ্রাতৃত্বের বন্ধনে শান্তিপূর্ণভাবে সাম্য-মৈত্রীর প্রীতি প্রতিষ্ঠা করার আশা এবং প্রচার তিক সেই রকমই আত্মবিরোধী আশা এবং প্রচার, যে রকম একটি অবধারিত মৃত্যুপথযাত্রী বসন্ত রোগীর সঙ্গে সুস্থ-সবল মানুষটাকে একই বিছানায় রাত কাটানোর আশা এবং প্রচার করা। অথবা শিয়াল আর মুরগিকে এক ঘরে শান্তিতে বসবাস করতে দেওয়া। কারণ শিয়াল আর মুরগি খাবে না বলে কথা দিয়েছে। পৃথিবীর ইতিহাস এবং ইসলাম এই মারাত্মক ভুলের স্রোতে

যাতে শোষিতরা ঘুরপাক না খায় তার জন্য বহুবার আমাদেরকে সাবধান করে দিয়েছে - মনে রেখ, বাতেল তথা অসত্য এবং হক তথা সত্য একই বিছানায় থাকতে পারে না। হয় সত্য, না হয় মিথ্যা থাকবে। অসত্যের সঙ্গে সত্যের কোনো আপোষ হয় না। যারা আপোষের কথা বলে শোষিতদের আশা দেয় তারা মোনাফেক। তারা ভণ্ড এবং এই ভণ্ডামির ভেতর পুরো অসত্যই লিকলিক করছে। তাই সত্য নামক অশ্ব দ্বারা যখন মিথ্যাকে আঘাত করা হয় তখন মিথ্যার মাথার খুলি চুরমার হয়ে যায় এবং সত্য তার আপন সুন্দরতম রূপটিকে নিয়ে উদ্ভাসিত হয়। সত্যের অশ্ব ব্যবহার না করা পর্যন্ত মিথ্যা কখনোই তার আসন হতে সরতে চায় না। যারা সত্যের অশ্ব ব্যবহার না করে মিথ্যাকে সরাতে চায় তারা পৃথিবীর ইতিহাস এবং পবিত্র কোরান পড়লেও গবেষণার নিরপেক্ষ দৃষ্টিভঙ্গি নিয়ে পড়েন না। সত্যের অশ্ব ব্যবহার না করে আল্লাহর সাহায্য পাবার আশা অসম্ভব। কারণ, আল্লাহ সে বিষয়ে আমাদেরকে আগেই সাবধান করে রেখেছেন - তোমাদের ভাগ্যকে যদি তোমরা পরিবর্তন করার চেষ্টায় রত না থাক তবে আল্লাহ তোমাদের ভাগ্যকে পরিবর্তন করবেন না। তাই আমরা এই সিদ্ধান্তে উপনীত হতে পারছি যে, সত্যের তরবারি শোষিতরা কাঁধে নিয়ে এক মহান ঐক্যের মাধ্যমে মিথ্যার বিরুদ্ধে আপোষহীন সংগ্রাম করতে হবে। আঘাত হানতে হবে মিথ্যার বিরুদ্ধে ভয়ঙ্কররূপে। ইল্লা আবওয়াবাল জাল্লাতে তাহতা জেলালিস সযুফে - 'নিশ্চয়ই তরবারির ছায়ায় নিচেই বেহেশ্তের দরজা' - হজুর পাকের (আ.) এই মহাবাণীই শোষিতদের একমাত্র আদর্শ। মিথ্যার বিরুদ্ধে সংগ্রামে জয়ী হলে শোষিতদের গলায় 'গাজি' নামক মালা শোভা পাবে। মিথ্যার বিরুদ্ধে সংগ্রামে মৃত্যু হলে শোষিতদের গলায় 'শহিদ' নামক মালা শোভা পাবে। মিথ্যার বিরুদ্ধে সংগ্রামে সত্য হাতিয়ার তুলে নিয়ে সুনিশ্চিত বিজয় বলে আল্লাহ পাক কালামে বহুবার ঘোষণা করেছেন। পৃথিবীতে সত্যের হাতিয়ার তুলে নিয়েছ যারা, তারা এক হও এবং আঘাত হান মিথ্যার বিরুদ্ধে। মনে রেখ অসত্যের মৃত্যু অবধারিত, তবে সত্য বলতে কী বোঝায় এবং সত্যের আসল পরিচয় কী তা জানতে হবে, নইলে সত্য-মিথ্যার গোলক-ধাঁধায় পড়ার থাকবে সম্ভাবনা। সত্য এবং মিথ্যার প্রভেদ করতে হলে সত্যকে ভালো করে প্রথমেই জেনে নিতে হবে।

এই কথায় যেন কুফরি মতবাদে বিশ্বাসী কমিউনিষ্টরা মনে না করে যে তাদের মতবাদে সাম্য আছে। পৃথিবীতে সাম্যবাদের প্রবক্তা একমাত্র মহানবি হজুর পাক (আ.)। মানুষকে পশু বানাবার বিদ্যা কমিউনিজমে কী রকম সাম্য বিরাজ করে তা নিজের চোখে দেখে আসলে হাজার বার তওবা পড়তে হবে, নতুবা বন্দি আসার উপক্রম হবে। পৃথিবীর কোনো ধর্মকেই এরা মানে না, বরং এরা পশুর মতো খাওয়া-দাওয়া করে পশুর ডাক দেয় - ধর্মগুলো হলো আফিম। তার মানে হলো উনারাই পৃথিবীতে একমাত্র মহাপণ্ডিতের দল। যদি কোনোদিন ইসলামের দেওয়া সাম্যবাদ প্রতিষ্ঠা লাভ করে এবং মহানবির আদর্শ প্রতিষ্ঠিত সত্যরূপে বিরাজ করে সেদিন এদের 'ছেড়ে দে মা, কেন্দে বাচি'-র মতো অবস্থা হবে। সত্যি কথা বলতে কি - এক বেলা না খেয়ে থাকতে সবাই আমরা হাসিমুখে রাজি আছি, কিন্তু মরে গেলেও পশু বানাবার বিদ্যাকে করি হৃদয় দিয়ে ঘৃণা। কারণ, 'পেট ভরে খাও আর কাজ কর এবং আর কিছু নেই'-এর দর্শন পশুদের জীবনের সঙ্গে সুন্দর মানায়, কিন্তু সৃষ্টির শ্রেষ্ঠ জীব মানুষের জন্য নয়। এই প্রশ্নে যদি সামন্তবাদ, পুঁজিবাদের সঙ্গে থাকতে হয়, থাকবো - কারণ কম খেলেও পশুর মতো বাঁচতে চাই না। শুদ্ধেয় মাওলানা মওদুদী সাহেবের দেওয়া ইসলামি অর্থনৈতিক দর্শনকে মানতেও রাজি আছি, তবু 'কোনো ধর্মই মানি না'-র মতবাদ জীবন চলে গেলেও বরণ করে নেব না - যদিও মাওলানা মওদুদী সাহেবের মতবাদের সঙ্গে আমরা একমত নই।

(৩) সূরা বালাদ

১. লা উকসিম্ব বিহাজাল বালাদ।
২. ওয়া আনতা হিলমল বিহাজাল বালাদ।
৩. ওয়া ওয়ালিদিউ ওয়াম্মা ওয়ালুদ।
৪. লাকাদ খালাকনাল ইনসানা ফি কাবাদ।
৫. আইয়াহ সাব আল লাই ইয়াকদিরা আলাইহি আহাদ।
৬. ইয়াকুল আইলাকতু মালুলবাদ।
৭. আইয়াহিসাব আললাম ইয়ীরাতু আহাদ।
৮. আলাম নাজ আললাহ আইনাইন।
৯. ওয়ালিসানাউ ওয়াশাফাতাইন।
১০. ওয়া হাদাইনাইন নাজদাইন।
১১. ফালাকতাহামাল আকাবা।
১২. ওয়াম্মা আদরাকা মাল আকাবাহ।
১৩. ফাককুরাকাবাহ।
১৪. আও ইতআমুন ফি ইয়াওমিন জিম্মাসগাবাহ।
১৫. আও ইয়াতিমান জামাকরাবাহ।
১৬. আও মিসকি নানু জা মাতুরাবাহ।
১৭. সম্মা কানা মিনাল্লাজিনা আম্মানু ওয়াতাওয়াসাউ বেসোয়াবরি ওয়াতাওয়াসাউ বিল মারহামা।
১৮. উলাইকা আসহাবুল মাইম্নানাহ।
১৯. ওয়াল্লাজিনা কাফীর বেআ ইয়া তিনা হম আসহাবুল মাশআম্মাহ।
২০. আলাইহিম নারুম মুসাদাহ।

অনুবাদ

১. আমি এই শহরের শপথ করছি।
২. এবং আপনি এই শহরের স্বাধীন নাগরিক।
৩. এবং পিতা-মাতা ও সন্তানের কুসম।
৪. নিশ্চয়ই মানুষকে আমরা তৈরি করেছি কষ্টের মধ্যে।
৫. সে কি মনে করে তার উপর (অখণ্ড) আহাদ শক্তি বিরাজিত নয়?
৬. সে বলে আমি অনেক মাল (বখা) নষ্ট করেছি।
৭. সে কি এই মনে করে যে (অখণ্ড) আহাদ (দৃষ্টি) তাকে দেখছে না?
৮. আমরা দেই নি কি তাকে দুটো চোখ?
৯. এবং একটি জিহ্বা ও দুটো হাত?
১০. এবং আমরা তাকে দেখাই নি কি দুটো পথ?
১১. কিছু সে চলে না দুর্গম (গিরি) পথে।
১২. কী দিয়ে বুঝিয়ে দেব দুর্গম পথটি কী?
১৩. (উহা) ঘাড় অর্থাৎ কণ্ঠ মুক্ত করা।
১৪. অথবা অভ্যর্থনার সময়ে খাদ্য দেওয়া।
১৫. নৈকট্যের দাবিদার প্রতিমকে।
১৬. অথবা ধূলিমলিন মিসকিনকে (নিঃস্বকে, সর্বহারাকে)।
১৭. তবে সে হয় বিশ্বাসীর মধ্যে গণ্য এবং ধর্ম বিষয়ে উপদেশদাতার মধ্যে গণ্য এবং রহমত স্বরূপে উপদেশদাতার মধ্যে গণ্য।
১৮. এরাই হল ডান হাতের অধিবাসী।
১৯. এবং যারা মিথ্যা জানে আমাদের (এই) পরিচয়ের উপর তারাই হলো বাম হাতের অধিবাসী।
২০. তাদের উপরই ভুরি ভুরি আগুন যা দিয়ে তারা বেষ্টিত।

ব্যাখ্যা

নগর ও উহার স্বাধীন নাগরিকতার শপথ করার উদ্দেশ্য হলো, নাগরিকতার শপথের দ্বারা বোঝায় সামাজিক সুশৃঙ্খল সমাজ গঠনের দায়িত্ব পালন করা। তারপর পিতা-মাতা ও সন্তান-সন্ততির শপথের উদ্দেশ্য হলো পারিবারিক জীবনের দায়িত্ব সুষ্ঠুভাবে পালন করা। এই উভয় প্রকার দায়িত্ব ঠিকভাবে পালন করতে হলে সমাজব্যবস্থা ও

সংসার-জীবনব্যবস্থার মধ্যে এমন একটি সার্বজনীন কল্যাণমূলক বৈপুতিক দৃষ্টিভঙ্গি দ্বারা নিয়ন্ত্রণ করার ব্যবস্থা করতে হবে যেন সমাজ ও পারিবারিক সর্বপ্রকার কলুষ, অন্যায্য ও অসাম্য সম্পূর্ণরূপে দূর হয়ে যায়। সামাজিক ও পারিবারিক পবিত্রতার মধ্যে জীবন যাপনের সুবন্দোবস্ত করতে না পারলে মানুষের অধ্যাত্ম-জীবনের বিপুল সম্ভাবনা ব্যাহত হয়। রবির সঙ্গে সঙ্ঘর্ষ, পারত্রিক জীবন এবং অধ্যাত্মবাদ, মানুষের জীবনের চরম সার্থকতা এবং মানুষের লাভ-লোকসানের সব কিছুই যদিও সেখানেই হয়ে থাকে, তথাপি উহা জনগণকে দান করার সুযোগ সৃষ্টি করি সম্ভব হয়ে ওঠে না - যদি প্রথমতঃ আমরা সমাজ-জীবন ও পারিবারিক জীবনকে সাম্য, দ্রাঢ় ও ন্যায্যের ভিত্তির উপরে প্রতিষ্ঠিত করতে না পারি।

‘স্বাধীন নাগরিক’ কথাটি উল্লেখ করার কারণ হলো পরাধীন নাগরিক সমাজ ব্যবস্থার উপর হস্তক্ষেপ করার কোনো অধিকার রাখে না। তাই স্বাধীন নাগরিকের উপরে আল্লাহ এই কর্তব্য আরোপ করেছেন যে, যেন সে সমাজ হতে পরাধীনতা, অন্যায্য, অসাম্য ইত্যাদি সর্বপ্রকার অত্যাচার দূর করে।

উল্লিখিত সামাজিক জেহাদ করতে গেলে মানুষকে বহু দুঃখ-কষ্ট বরণ করে নিতে হয়। ইহাই স্বাভাবিক। তাই বলা হচ্ছে, আমরা মানুষকে সৃষ্টি করেছি দুঃখের মধ্যে - অর্থাৎ মানুষকে স্থাপন করা হয়েছে জীবনযুদ্ধের মধ্যে। এই জীবনযুদ্ধের প্রথম অংশ পার্থিব ও পরবর্তী অংশ পারত্রিক বা আধ্যাত্মিক। সৃষ্টি অখণ্ড আহাদ তথা স্বয়ম্ভুরূপে প্রত্যেক মানুষের উপর বিবাজিত। মানুষের শক্তি অখণ্ড শক্তির পরিচালনাধীনে খণ্ড মনবিশক্তিৰূপে চালিত হচ্ছে। সুতরাং তার জয়-পরাজয়ে ঘাবড়াবার বা চিন্তিত হবার কিছুই নেই। কারণ, তিনিই স্বয়ং তার কল্যাণকর উদ্দেশ্য মানবের দ্বারা পূর্ণ করিয়ে চলেছেন। আহাদের উপর নির্ভরতা রাখলে আপাত জয় বা পরাজয় উভয়ই কল্যাণকর। কারণ, কল্যাণময়তার উদ্দেশ্যে মানবের মাধ্যমে সামাজিক কল্যাণ প্রতিষ্ঠার পথে জেহাদ ছাড়া ইমান ও মুক্তিলাভের কোনো আশাই ইসলামে নেই। ইহাই এই সূরার বঙ্গকণ্ঠিন ঘোষণা। যারা বাম্পন্থী অর্থাৎ আপাত সহজ ও প্রলোভনপূর্ণ মোহনীয় জীবনে অন্যকে বঞ্চনা দিয়ে, শোষণরূপে আকৃষ্ট থাকবে তারাই ধর্মদ্রোহী, তারাই অবিশ্বাসী এবং তারাই সমাজ ও আল্লাহর শত্রু। ইহারাই জাহান্নামে আছে এবং অনন্ত পরকালেও জাহান্নামেই থাকবে।

মন্তব্য

ধর্ম বলতে যদি সামন্ত তাঁট বজায় রাখা হয়, ধর্ম বলতে যদি নিরকুশ রাজতন্ত্রের অত্যাচার-অবিচার চলতে থাকা বোঝায়, ধর্ম বলতে যদি ধনীদেব হাতে পুঞ্জি ও জমির কেন্দ্রীভবন হওয়াকেই বোঝায় আর তার সঙ্গে গরিবদেরকে ‘দারিদ্র চিরদিন থাকবেই’ বলে বোঝানো হয় এবং মৃত্যুর পর চিরশাস্তিতে থাকবে বলে গ্যারান্টি দেওয়া হয় তবে ধর্ম শব্দটায় যে একটা নির্লজ্জ প্রকাশ্য ভণ্ডামি করা হচ্ছে তাহা সকলেই কমবেশি সময়ে একদিন না একদিন বুঝতে পারবে এবং মানবসমাজ হতে ধর্মটি নাকি কান্নায় চিরবিদায় নেবে।

ধর্মের চরিত্র যদি চোরকে চুরি এবং মহাজনকে সাবধান থাকার মতো হয় অর্থাৎ ধনীর শোষণও চলবে এবং গরিবেরাও চিরদিন ধনীদেব শোষণের মোক্কেল যন্ত্ররূপে ব্যবহৃত হবে এবং দাসপ্রথাও থাকবে এবং দাসকে মুক্তিও দিতে হবে, কিন্তু চিরতরে পৃথিবী হতে দাসপ্রথাকে মুছে ফেলতে পারবে না। কারণ, তা হলে উহা আর ধর্ম থাকে না। অন্যায়, অত্যাচার, শোষণ, লুণ্ঠন ইত্যাদির চিরঅবসান চাইতে গেলেই গরিবদের নাস্তিক্যবাদের অপবাদ দেয় শোষণশ্রেণী। গরিবের দল ধর্মের পোশাকে শোষণকদের ভণ্ডামিতে অতিষ্ঠ হয়ে এমন খাসা জবাবখানাই দিয়ে বসে যা শুনলে শোষণকদের পিলা চমকিয়ে যায়। গরিবেরা বলতে চায়, শোষণকদের খোদা হলো গরিবের সবচাইতে বড় শত্রু। মহান আল্লাহ পাকের নামের দোহাই দিয়ে শোষণ

করার উপায়গুলোর মাথায় প্রচণ্ড আঘাত হেনেছে সূরা বালাদ। শোষকেরা ধর্মের মুখোশ লাগিয়ে ভণ্ডামি করছে। সমাজ জীবনে ভেদাভেদের পাপ আর হিংসার কাদা ছিড়িয়ে দিচ্ছে। তাই এই শোষকেরা ধর্মের যত লেবাস ধারণই করুক না কেন আসলে এরাই যে ধর্ম মানে না তথা প্রকৃত নাস্তিক সে কথা পরিষ্কার বোঝা যায়।

সমাজ কল্যাণের হাত দিয়ে তার মনমতো ফল না পেলে মানুষ সাধারণত হতাশ হয়ে বলে, ‘আমি অনেক মাল বৃথা নষ্ট করেছি,’ কিন্তু সত্যিকারভাবে বিচার করতে গেলে বলা যায় মানুষের কোনো চেষ্টাই বৃথা যায় না। যদি মানুষ এ কথা মনে রাখে যে অখণ্ড আহাদ-দৃষ্টি সর্বদাই তার উপর বিরাজ করছে, তার উদ্দেশ্য কল্যাণকর হয়ে থাকলে নিশ্চয়ই উহা বৃথা যায় নাই। কারণ, যিনি দেখার তিনি সবই দেখছেন। আপাত পরাজয় ও ক্ষতি মোটেই পরাজয় অথবা ক্ষতি নয়। আল্লাহর দয়ার দৃষ্টিতে নিশ্চয়ই উহা কল্যাণপ্রসূ। অপরপক্ষে যদি কোনোরূপ নিজস্ব উদ্দেশ্যসাধনের জন্য ব্যয় করে থাকে তা-ও অখণ্ড, একক এবং আদি দৃষ্টির অগোচর নয়।

তারপর বলা হচ্ছে যে, মানুষকে ন্যায়-অন্যায় দুটি প্রধান পথের হেদায়েত বা নির্দেশ দান করা হয়েছে। অর্থাৎ ন্যায়-অন্যায় সংক্ষেপে মানুষের বিচারশক্তি দান করা হয়েছে এবং ন্যায়ের পথ রাখা হয়েছে এবং অন্যায়ের পথকে রাখা হয়েছে দুর্গম করে। কারণ, সমাজ সাধারণত অন্যায় ও অবিচারের পক্ষপাতী। তাই কোরান বলছে, মানুষের নফসের মধ্যে দেওয়া হয়েছে বহু প্রকার চিত্তবৃত্তি তথা ফ্যাকালটিস অ্যান্ড সেনসেস, যা দিয়ে সে ন্যায় ও অন্যায় পথের বিচার করতে পারে। তারই দু’ একটি মাত্র নমুনারূপ দানের কথা উল্লেখ করা হয়েছে। যথা চোখ, জিহ্বা ও তাঁটি। কিন্তু মানুষ নফসের মধ্যে দেওয়া এই দানগুলোকে দুর্গম পথের পথচারী করতে রাজি থাকে না। কারণ, সত্যের পথ সর্বদাই কঠোর সংগ্রামের পথ।

তারপর কোরান সত্যপথ তথা দুর্গম পথের সংজ্ঞা বা পরিচয় দিচ্ছে। সত্য পথ হলো পরাধীনতার বোঝা মানুষের কাঁধ হতে নামিয়ে দেওয়ার জেহাদ করা। অর্থাৎ মানুষকে শাসন ও শোষণের সর্বপ্রকার অধীনতা হতে মুক্তি দানের সংগ্রাম করা এবং গরিবদের ভরণপোষণের ব্যবস্থা করা।

এই সমস্ত সামাজিক কর্তব্য পালন করলে পর মানুষ বিশ্বাসী তথা ইমানদার হবার পর্যায়ে আসতে পারে এবং তখনই কেবল সে ধৈর্য ও দয়া সংক্ষেপে উপদেশ দাতারূপে গণ্য হতে পারে। নতুবা বিনা জেহাদে শুধু মুখে মুখে উপদেশ দেওয়ার কোনো মূল্যই স্বীকার করা হয় নি। উল্লিখিত সামাজিক কর্তব্যগুলো পালন না করলে ধর্মরাজ্যে ইমানদাররূপে প্রবেশ নিষিদ্ধ। এই সমস্ত ধর্মে প্রবেশের শর্তাবলি যারা স্বীকার না করবে অর্থাৎ ত্যাগ ও তিতিক্কা-সাপেক্ষ এই সমস্ত শর্তাবলি যারা জীবনে পালন করার সংগ্রাম গ্রহণ না করবে তারাই বামপন্থী, আল্লাহর বিরুদ্ধপন্থী, জাহান্নামি। আল্লাহর পথ কণ্টকাকীর্ণ এবং দুর্গম। এই কথাই অতি স্পষ্ট করে ঘোষণা করছে সূরা বালাদ। এদের উপর যে ভূরি ভূরি আশ্রনের শিখা তথা জাহান্নাম সে কথাও বলছে সূরা বালাদ। ধর্মের নামে মাথায় টুপি লাগিয়ে বস্ত্রাপচা পুরনো কোরান পাকের তফসিরে ব্যাকরণের ভিগবাজি আর বাক্যের অনুবাদের ভেঙ্কিবাজিতে, শব্দের উল্টাপাল্টা অর্থ বানিয়ে মনগড়া মতবাদ দাঁড় করিয়ে, মিলাদ আর মসজিদ ঘরে ঢোকান পথে মিসকিনদের হাত পাতা, কচি শিশুদের না খাওয়া কান্নার ফরিয়াদকে উপেক্ষা করে, মিসকিনদের হাড়-ওঠা না খাওয়া ভুখা বুকের উপর দিয়ে শাহি নাগড়া আর শেরওয়ানি লাগিয়ে মসজিদ ঘরে নামাজ পড়তে যাওয়া কি ধর্ম পালন? এতিম, মিসকিন তথা এক কথায় গরিবদের বিবেক কেঁদে উঠে ফরিয়াদ করে নিজেদের মাঝে বীজরূপী লুকায়িত চিরমহান রবের কাছে তথা প্রতিপালকের কাছে তথা আল্লাহর কাছে। চিরমহান আল্লাহ গরিবদের বিবেককে বলে যান, ওরে বোকার দল, এখনো বুঝিস না যে এরাই শোষক, এরাই ধূর্তশিরোমণি, এরাই তোমাদের ভানুমতির ভেঙ্কিবাজি দেখাচ্ছে। এরা শুধু রিয়া তথা

লোক দেখানো এবাদতই করে না, এরা আমার অস্তিত্বের উপর তোদের চিরবিশ্বাসের প্রাচীরকে ভাঙার জন্য ছল-চাতুরীর ডিগবাজি খাওয়া ব্যাকরণের ডিনামাইট ব্যবহার করছে এবং তা চোখে আঁটুল দিয়ে একদম সহজ সরল ভাষায় বলা হয়েছে সূরা বালাদে আর সূরা মাউনে। শোষকদের পয়সা খাওয়া দালাল শ্রেণীর বস্তাপচা বড় বড় কোরান পাকের তফসির পড়ে তোদের চোখে ধাঁধা লাগিয়ে দেয়। তালগোল পাকিয়ে বস্তাপচা বড় বড় তফসিরের পচা ডোবায় হাবুডুবু খেতে হয় তোদের। রাজদণ্ডের ধারালো তরবারির নিচে বসে কোরান-এর অনেক বস্তাপচা তফসির আরবি, ফারসি এবং উর্দু ভাষায় রচিত হয়েছে বিরাট বিরাট আয়তনে। এগুলোতে পাণ্ডিত্যের নামে সার্বজনীনতার বিরুদ্ধে গভীর বমি উদগীরণ করা হয়েছে যা পড়লে তোদের মন-প্রাণ বিষিয়ে উঠবে। কিন্তু আসল কোরান-এর অনুবাদ কি তোরা নতুন করে করতে পারিস না? কোরান পাকের তফসির যে সব দীলালেরা করে গেছে তারা আল্লাহর জ্ঞানের লেজ-কাটা বান্দা। এদের চরিত্র হলো ধরি মাছ না হুঁই পানির মতো। কত বড় দালাল আর ভণ্ড হলে ব্যাকরণের ডিগবাজি মেরে কোরান পাকের তফসিরে আমার চিরমহান রূপটাকে তোদের কাছে শোষকের বিশ্রীরূপে শোষণের চুনকালি মেশে জোকার বানাতে চায় এবং এই জোকাররূপ দেখে অনেকেই কোরান পড়া এবং গবেষণা বাদ দিতে বাধ্য হয়েছে। ওরা বলে, গরিবদের প্রতিবাদ আর সংগ্রামের মধ্যে কোনো নৈতিক মূল্যবোধ নেই। আর নৈতিক মূল্যবোধ নেই বলেই গরিবের প্রতিবাদ আর সংগ্রাম বলে ওদের মতে অন্যায় প্রতিবাদ আর সংগ্রাম। তথা দুর্নীতিপরায়ণ। শোষকেরা এতিম, মিসকিনদের প্রতি দয়া প্রদর্শন করতে ইচ্ছুক, কোরান-এর এই ভাবধারা তারা একেবারেই অস্বীকার করতে চায় না। কারণ, তাতে তাদের আসল চেহারাখানা অতি সহজেই ধরা পড়ে যাবে। তাই তাদের আসল কথা হলো, সমাজের বুকে একশ্রেণীর মানুষ অপরের দয়ার উপর চিরদিন নির্ভর করে থাকবে এবং অপর শ্রেণী তাদেরকে দীন-খয়রাত করে দাতা নামে সমাজে পরিচিত হবে। তারা বলে, যে ব্যক্তি এতিমকে মুখের মিষ্টি কথা দিয়ে এবং মাথায় হাত বুলিয়ে আদর করবে তারা অনেক সোয়াব পাবে এবং কিছু খাদ্য দান করলে সে হবে খুব বড় দাতা। আর যে ব্যক্তি এতিমের মাথায় হাত বুলাবে না, মিষ্টি কথা বলবে না, কিছু খাদ্য দেবে না তারা দাতা নয়। মরে যাবার পর তাদেরকে আল্লাহ শাস্তি দেবেন (অবশ্য কান্নাকাটি করলে হয়তো মান মান)। তাদেরকে যদি বলা হয়, এতিম-মিসকিনকে চিরদিন এতিম-মিসকিন না রেখে পৃথিবীর বুকে কোরান-হাদিস মোতাবেক এমন একটি সমাজব্যবস্থা কয়েম করার সিদ্ধান্ত নেওয়া হোক যার মাধ্যমে পূর্ণ ইসলামি সাম্য বিরাজ করবে, তা হলে তারা খেঁকি কুকুরের মতো খেঁকিয়ে জবাব দেবে - ইহাতে আল্লাহর কোরান-হাদিস বিরোধী সমাজব্যবস্থা কয়েম করা হবে এবং যেহেতু ইহা কোরান-হাদিস বিরোধী সেই হেতু ইহা নৈতিক মূল্যবোধকে অস্বীকার করে এবং যাহা নৈতিক মূল্যবোধকে অস্বীকার করে উহাই অন্যায় এবং সেই হেতু ইহা দুর্নীতিপরায়ণ। প্রশ্ন আসে - উহা কাদের নৈতিক মূল্যবোধকে অস্বীকার করে? নৈতিক মূল্যবোধ বলতে কি এতিম-মিসকিন তথা গরিবের সঙ্গে মেলানেশার এবং সম্পর্ক স্থাপনের বিরুদ্ধাচরণকেই নৈতিক মূল্যবোধ খর্ব হবার ভয় করেন? তাদের যুক্তি সমাজ-প্রেম এবং আল্লাহর পথে চলার যে ব্যাখ্যা দেয় উহা কি সত্যিই তাই, না মিথ্যা - সমাজ ধ্বংস এবং আল্লাহর বলা পথে চলার উল্টা দিকেই এগিয়ে নিতে চায়?

আমরা বলতে চাই - আল্লাহর কোরান কি আপনাদের কথাই বলছে, না অন্য কোনো কথা বলছে, যেখানে অর্থনৈতিক দাসত্ব হতে মুক্তি, সাম্য আর দ্রাঘত্বের কথাই বলা হয়েছে?

তারা ধর্মের নামে যে অধর্ম করে বেড়ায় তার বিরুদ্ধে কিছু বলতে গেলেই আমাদেরকে ইসলামের শত্রু বলে নিন্দা করে। ইয়া - আমরা আপনাদের বানানো

এজিদের ইসলামের শত্রু ঠিকই, কিন্তু আপনাদেরকে কোরান-হাদিসের শত্রু বলতে চাই। আমরা নই। আমরা ততটুকু আপনাদের বিরোধিতা করি যতটুকু আপনারা এতিম-মিসকিনকে ধোকা দিয়ে ঠকাবার জন্য ইসলামকে ব্যবহারি করছেন। আপনারা যে ইসলামের নাম বিক্রি করে আপনাদের স্বার্থটা বজায় রাখতে চান, উহা প্রায় শেষ হয়ে গেছে বলে মনে হয়। অনেক মুসলমান ভাইয়েরা আপনাদের আসল রূপখানার পরিচয় এবং ইসলাম কী চায় উহা মানবসমাজের কাছে তুলে ধরতে চেষ্টা করছে।

ইসলাম দাসপ্রথা, সামন্তবাদ ও শোষকদের সমস্ত ভাবধারার ঘোর বিরোধী এবং এগুলোকে শেরেক করার ইলা বা কঠোরপে ব্যবহৃত হয় বলে উহার সম্পূর্ণ উচ্ছেদসাধন চেয়েছে জেহাদের মাধ্যমে এবং ইসলাম উহাও ঘোষণা করেছে যে, দাসপ্রথা, সামন্তবাদ ও শোষণবাদের সঙ্গে চিরদিনের আপোষ মীমাংসার কোনো প্রশ্নই উঠতে পারে না। কারণ, তারা ইসলামকে ধ্বংস করার কাজে লিপ্ত আছে। আর এদের বিরুদ্ধে ঐক্যবদ্ধ সংগ্রাম করাকে ইসলাম একটানা রোজা রাখা ও নামাজ পড়ার চেয়ে বেশি পুণ্যের কাজ বলে অভিহিত করেছে। কারণ, ইসলাম শোষকদের জানাজা পড়া, তাদের রোগশয্যায় সেবা করা হারাম তথা নিষিদ্ধ বলে ঘোষণা করেছে। যদিও মানবতার দোহাই দেওয়া হয়, কিন্তু ইসলাম কঠোরভাবে এই মানবতাবাদটুকুও প্রদর্শন করতে বারণ করে দিয়েছে। (কিম্বিয়ায়ে সাআদাত, তৃতীয় খণ্ড)। ইসলাম দাসপ্রথা, সামন্তবাদ এবং শোষণবাদের যে নোংরামি উহার চির অবসান চেয়েই ইসলাম তার কাজ শেষ হয়ে গেল বলে নি। ইসলাম যে সত্যই সত্যধর্ম উহাই বিশ্বমানবসমাজকে চ্যালেঞ্জ দিচ্ছে। ইসলাম বলছে - আল্লাহতে অন্ধ বিশ্বাসের কী মূল্য, যদি তুমি আল্লাহকে দেখেই না নিলে? সবই যদি দেখে নিয়ে যুক্তিসংগত বিশ্বাস কর, তবে আল্লাহকে না দেখে যুক্তিসংগত বিশ্বাস থাকে কি? মোটেই না। তাই চির-অন্ধ বিশ্বাস ফেলে দিয়ে যুক্তিসংগত বিশ্বাস কর তথা আল্লাহকে দেখে নাও এবং এই দেখে নেবার যে প্রয়োগপদ্ধতির ধারাসমূহ অর্থাৎ কী কী ফর্মুলার প্রয়োগ-মাধ্যমে দেখতে পাব উহাই ইসলামের আদি এবং একমাত্র রূপ এবং এই রূপ হতে বিচ্ছিন্ন হয়ে যারা ইসলামকে অন্যরকম ধর্মরূপে আখ্যায়িত করে তারাই ইসলামের আদি এবং খাঁটি রূপটিকে 'সুফিবাদ' নাম দিয়ে একঘরে করে রেখেছে।

যারা একবার ইমান এনেছে তাদের আবার ইমান আনতে বলাটা কেমন যেন বেখাল্পা শুনায়। অথচ কোরান পাক এভাবেই ইমানদারদেরকে ইমান আনতে বলেছেন। অদ্ভুত রহস্যপূর্ণ বাচনভঙ্গি কোরান পাকের। তা হলে কি ইমানকে দুভাগে কেউ যদি ভাগি করতে চায় তবে অন্যায় হবে? মাটি বলতে আমরা যেমন মাটিই বুঝি, কিন্তু একশত পাঁচটি উপাদান একত্র করলেই হয় মাটি। একের ভেতর একশত পাঁচটি উপাদান আছে বলতে চাইলে কি অন্যায় হবে? নামে মাটি এক, কিন্তু একশত পাঁচটি উপাদানের সমন্বয়েই মাটির রূপ। যদি কেউ বলতে চায়, একটি মৌখিক ইমান এবং অপরটি দর্শনীয় ইমান। মৌখিক ইমান হাল্কা। দৃশ্য থেকে সহসা অদৃশ্য হতে পারে মৌখিক ইমান। কিন্তু যে ইমান দর্শনীয় উহা প্রত্যক্ষ এবং উহার অধিকারীদেরকেই বলা হয় কোরান-এর ভাষায় মোমিন। আম্মানুদেরকে যদিও অনুবাদে মোমিন লিখা হয়, কিন্তু উহা মোটেই সঠিক বলে মনে হয় না। যদি আম্মানুদেরকে মোমিন বলে ধরে নেই তা হলে কোরান যেখানে সোজাসুজি মোমিন বলে ঘোষণা করেছে সেই মোমিনের সঙ্গে আম্মানুদের ভাবধারার আকীশ-পাতাল ব্যবধান হয়ে পড়ে। কোরান-এর অর্থ ও ভাবধারার মধ্যে মিল রক্ষা করা তা হলে সম্ভব হয় না। তবে জোর করে মিলিয়ে দেওয়া অবশ্য অন্য কথা। আম্মানুদেরকে বলা যায় প্রকৃত ইমানের মহড়ায় লিপ্ত আছে তথা যারা সত্য দর্শনের সাধনায় রত আছে তাদেরকেই এক কথায় আম্মানুর দল বলা যায়। সুতরাং আম্মানুর দল আর মোমিনের দল কোরান-এর ভাবধারায় কখনই এক নয়। যেমন মুসলমান বলতে

দলে যোগদান বোঝায় এবং আমানু এবং মোমিনের মধ্যে যে রকম প্রভেদ, মুসলমান এবং আমানুর মধ্যেও ঠিক সে রকম প্রভেদ। তিনটি ভিন্ন ভাবধারাকে একত্রে লাভভা পাকিয়ে ফেলার দরুন কোরান পাকের ভাবধারার মধ্যে বৈপরীত্য লক্ষ্য করি। আসল বৈপরীত্য আমাদের মনের মধ্যে বিরাজ করে - কোরান পাকে নয়। যেমন প্রতিটি খাদ্যদ্রব্য খাটিই থাকে, কিন্তু ডেজাল শব্দটি থাকে আমাদের মন-মানসিকতায়। মনের ভেতর লুকানো ডেজাল শব্দটি যখন খাটি খাদ্যদ্রব্যের উপর আরোপিত হয় তখনই লেগে যায় যত গভ্রগোল। এই মনের ভেতর লুকানো ডেজালটি কি কেবল খাদ্যদ্রব্যের বেলাতেই? এই পৃথিবীতে বাস করা মানবসমাজের সুন্দর জীবনধারার উপরও কি মনের লুকানো ডেজালের প্রভাব পড়ছে না? এই লুকানো ডেজালের প্রভাবে সহজ-সরল জীবনধারার মাঝে কত রং-বেরং-এর আকা-বাকা, উচু-নিচু কত রূপ আর অরূপের খেলা চলছে তা কি সবাই কমবেশি বুঝতে পারে না? সুতরাং মুসলমান, আমানু এবং মোমিনের বিশদ আলোচনা এই সূরা বালাদে দিতে চাই না। কারণ, এই আলোচনা কোরান-হাদিসসহ দিতে গেলে হবে অনেক বড়, তাই এখানেই ক্লান্ত দিতে বাধ্য হলাম।

দুর্নীতির স্বরূপ

দুর্নীতির অনেক রকম রূপ আছে। এই দুর্নীতির ফলে বিশ্রী এবং ভয়াবহ কতগুলো শাখা মানবসমাজের জীবনব্যবস্থার ভিতর রোগজীবাণুর মতো প্রবেশ করে সংক্রামক হয়ে ওঠে আর মানবজীবনকে অনেকটা বাধ্য করে পাপের পথে হেঁটে যেতে। দুর্নীতির মতো দাসত্বের সংক্রামক জন্মস্থল কোথা হতে এবং কী প্রকারে মানবসমাজে ঢুকে পড়ে? রোগের উৎস কোথায় এবং রোগ কেমন করে হলো এটাই যদি ডাক্তারের ভাববার বিষয় হয়ে থাকে তবে দুর্নীতি ও দাসত্বের সংক্রামক জন্মের উৎস কোথায় এবং কেমন করে হলো সেটাও আমাদের ভাবতে হবে এবং তার একটা স্থায়ী সমাধানও করতে হবে। যেখানে শৃঙ্খলিত দাসেরা মাথার ঘাম পায়ে ফেলে কঠোর পরিশ্রম করে যায় অথচ সেই দাসদের পরিশ্রমের ফলটুকু নাকে তৈল দিয়ে প্রভুরা আরামসে ভোগবিলাসে মত্ত থাকে এবং নামমাত্র বেঁচে থাকার নামমাত্র পরিশ্রমের ফল দেওয়া হয় সেখানেই জন্ম হয় দুর্নীতি এবং দাসত্বের এবং কালে কালে জন্ম হয় ধুমায়িত বিদ্রোহ এবং এই বিদ্রোহই একদিন রূপ নিতে চায় অধিকার আদায়ের সংগ্রামে।

কোরান পাক যেখানে দুর্নীতি এবং দাসত্বকে সম্পূর্ণরূপে মুছে ফেলতে বার বার ডাকছে - কোরান পাক যেখানে দুর্নীতি এবং দাসত্বের সমাজ জীবনকে অসভ্য বর্বর জীবনব্যবস্থা বলে উহার বিরুদ্ধে সংগ্রাম করতে বলছে সেখানে দুর্নীতি এবং দাসত্বের জন্মস্থলকে সমর্থন করে, না মানুষের মাঝে দ্রাতৃদের সাম্য গড়ে উঠতে পারে যে ব্যবস্থা অবলম্বন করলে উহাই সমর্থন করে? প্রয়োগপদ্ধতি এক-এক দেশে এক-এক রকম হোক না কেন, কিন্তু প্রধান এবং প্রথম প্রশ্নটি হলো যে, সেসব প্রয়োগব্যবস্থায় ইসলামি সাম্রাজ্যের মূলনীতিকে অবশ্যই গ্রহণ করতে হবে এবং ইসলামি সাম্রাজ্যের মূলনীতি হতে ছুটে গেলে উহা আর গ্রহণীয় হবে না। কারণ, কোরান-হাদিস যদি শুধুমাত্র একটি যুগের জন্য হয়ে থাকে, কোরান-হাদিসের উক্তি যদি সর্বযুগের জন্য একটি সার্বজনীন মূলনীতি বহন না করে, তবে উহাকে সর্বকালের মূলনীতির বাহক বলা মোটেই চলে না। কারণ, তাতে আল্লাহ পাক হয়ে পড়েন কোনো একটি বিশেষ যুগের জন্য গণ্ডিতে আবদ্ধ। যদিও সৃষ্টি এবং স্রষ্টার রহস্য সম্বন্ধে এখানে আলোচনা হয়তো অপ্রাসঙ্গিক - অধ্যাত্মবাদের দৃষ্টিতে স্রষ্টা এবং সৃষ্টি নেই। সব এক, একক

এবং অখণ্ড আহাদ এবং তাঁরই বিকাশ, তাঁরই আবর্তন-বিবর্তনের বিচিত্র রহস্যপূর্ণ খেলা। মানুষের দৃষ্টি দুই দেখে ততক্ষণ, যতক্ষণ শয়তান তার মাঝে থাকে। শয়তানকে যে-মানুষ দূর করে দিতে পেরেছেন, সেই মানুষকে বলা হয় আদম। এই আদম আমাদের মতো মানুষ নন, যদিও দেখতে তিনি আমাদের মতোই। আদম দুই তথা বহু দেখে না। আদম একের মধ্যে বাস করে। আদম একের দর্শন লাভ করে এবং দুই বা বহু নেয় চিরবিদ্যায় এবং তিনি তখন স্রষ্টার রহস্য এবং স্রষ্টা হন তাঁর রহস্য। কোরান পাকের ভাষায় ইনারাই মোমিন। আমানুরা মোমিন নয়, বরং মোমিন হবার চেষ্টায় রত, আর মুসলমান হলো দলভুক্ত। অধ্যাত্মবাদের আলোচনায় ইহার আলোচনা করার আশী করি।

শোষিত গরিবেরা কালে কালে শোষিত হয়ে প্রতিকার চাইবার তরে অসহ্য হয়ে হাতে তুলে নিয়েছে প্রতিবাদের মশাল, যে প্রতিবাদের মশাল বর্বর শোষকদের মাথার খুলিকে ভীষণভাবে ভাবিয়ে তোলে, যে প্রতিবাদের মশাল দুর্নীতি আর দাসত্বের গানি মুছে ফেলতে চায়, যে প্রতিবাদের মশালের তলে কোটি কোটি ভুখা এতিম, মিসকিনদের তপ্তির ছায়া দিতে চায়, যে প্রতিবাদের মশাল মহামিলনের স্বপ্নকে বাস্তবে পরিণত করতে ছুটে চলে, যে প্রতিবাদের মশালের অপর নাম, ইসলামি ভাষায় : ইল্লা আবওয়াবাল জান্নাত তাহতা জেলালিস সযুফে - অর্থাৎ 'অবশ্যই তরবারির ছায়ায় নিচেই বেহেশ্তের দরজা।'

শোষক আর বাটপারদের হিংস্র খাবা সমাজ জীবনে এমনভাবে ঢুকে পড়েছে যে, পবিত্র কোরান-হাদিসের ভাবার্থকে এমনভাবে বিকৃত করেছে যার ফলে যে কোনো প্রকার পাঠকের পক্ষে কোরান-হাদিস হতে সত্য উদ্ধার করাটা একপ্রকার অসম্ভব হয়ে পড়েছে। সত্যের উপর তথা কোরান-হাদিসের উপর ছাইচাপা দিয়েছে তাদের মাথার বিকৃত চিন্তাধারার বিকৃত ব্যাখ্যা দিয়ে, যার ফলে এত আত্মবিরোধী ভাবধারার সমাবেশ হয়েছে যে, যে কোনো চিন্তাশীল পাঠক একবার পড়লেই আর পড়তে মন চায় না। এদের বিকৃত চিন্তাধারার অপব্যাক্যার দরুন এক আল্লাহ, এক নবি এবং এক কোরান-এর সমর্থকেরা তেহাত্তরটি ফেরকা বা শ্রেণীতে বিভক্ত হয়ে গেছে। আবার প্রত্যেক শ্রেণী একে অপরের উপর কাকের মোনাকেক ফতোয়া পর্যন্ত ইতিমধ্যেই দিয়ে ফেলেছে। ইসলাম ধর্মকে যদি একটি পরিধানের কাপড় বলে ধরে নেই তবে সেই কাপড়টি কিম্বা আস্ত নেই। তেহাত্তরটি তালি মারা হয়েছে। এই কাপড় গায়ে দিতে গেলেই অনেকে সার্কাসের লোক হাসানো জোকার মনে করে। এই সমস্ত বিকৃত ব্যাক্যার দরুন ইসলাম ধর্মটিকে সার্কাসের জোকার যে রকম শত তালির কাপড় পরে লোক হাসায় সে রকম তেহাত্তর তালির জামা পরিয়ে দিয়ে নাজেহাল করে ছাড়ছে।

অর্থনৈতিক দাসত্ব হতে মানবকে মুক্ত করে দিতে পারলে বার আনি পাপ আপনা হতেই সরে যাবে। শোষকদের একদিক দিয়ে মানুষের রক্তশোষণ অপর দিক দিয়ে দাতা সাজার ভণ্ডামি করার সমাজব্যবস্থায় যে আদির্শবাদ মোটেই বাঁচতে পারে না সেটাই ইসলাম বিশ্বমানবকে চোখে আঙুল দিয়ে বোঝাতে চেষ্টা করেছে।

ইসলাম ঘোষণা করছে, 'আপ্তন, পানি, খাদ্যদ্রব্য এবং পোশাক-পরিচ্ছদের উপর রয়েছে জনগণের প্রত্যেকের সমান অধিকার।' (হাদিস)।

'শোষক এবং শোষণ' শব্দটির ব্যবহার যুগের পরিবেশ এবং অর্থনৈতিক প্রতিচ্ছবির উপর প্রতিফলিত করেই ব্যবহার করা হয়েছে এবং হচ্ছে। 'শোষক এবং শোষণ' এক-একটি যুগে এক-একটি নতুন রূপ নিয়ে প্রকাশিত হয়। হাজার বছর আগের মদ ও মদের বোতল আজকের যুগ হতে অনেকটা অন্যপ্রকার ছিল। হাজার বছর আগের নারীর দেহ সাজানোর বিলাস-ব্যসন আজকের যুগে অনেকটা পরিবর্তন হয়েছে। সে যুগে মদ যেমন নেশা ধরাতে পারতো, নারীর দেহ-সাজানো যোবন যেমন কামভাবের ঔষধ হতো, সে রকম আজও চলছে। মৌলিক কোনো

পরিবর্তন যুগের ব্যবধান এনে দিতে পারে না। পারে শুধু ব্যবহার করার পদ্ধতির ভেতর পরিবর্তন এনে দিতে। আর একটু না হয় এগিয়েই বলি - প্রাচীনকালে নারী-পুরুষের মিলন ছিল অবাধ এবং এই অবাধ নারী-পুরুষের মেলামেশার মাঝে যে পাপ নামক কিছু একটা আছে তারা হয়তো ভেবে দেখে নি। যেদিন থেকে ব্যবহারের পদ্ধতির পরিবর্তন হয়েছে, কিছু মৌলিক এমন কিছু কি পরিবর্তন হয়েছে? নিজের ঘরে রূপসী স্ত্রী থাকতেও কি আজকের কথিত সভ্যতা অন্যের ব্যবহৃত স্ত্রীর রূপ দেখে 'ফুসলিয়ে কী করে আনতে হয়' তার বই-পুস্তক বাজারে মেলে না? তা হলে আমরা দেখতে পাচ্ছি যে, কোনো জিনিসের মৌলিক পরিবর্তন হয় না, পরিবর্তন হয় শুধু প্রয়োগপদ্ধতির। হাজার বছর আগে যান্ত্রিক যুগের মিল-ফ্যাক্টরির মাধ্যমে শোষক আর শোষণ না চললেও সে যুগের সেই পরিবেশে প্রতিফলিত অর্থনৈতিক শোষক আর শোষণ নিশ্চয়ই ছিল। শুধু কেউটে সাপের মতো তার ছলমল বা খোলস বদলায় মাত্র। হাজার বছর আগে শোষক আর শোষণটাকে মানবসমাজ হতে উপভিয়ে ফেলে সাম্যবাদের নজিরবিহীন শিক্কাটা সর্বপ্রথম আমরা ইসলাম ধর্মের মাধ্যমেই পাই। ইসলামই সর্বপ্রথম গোলাম আর মনিবকে ভাই-ভাই বলাতে শেখালো। ইসলামই সর্বপ্রথম 'মনিব যা খাবে, পরবে, থাকবে গোলামও ঠিক তাই পাবে' বলে পৃথিবীকে সাম্য আর দ্রাতৃত্বের বাণী শোনালো এবং ইসলাম শোষকদের মনরক্ষা করে চলার বিরুদ্ধে চাটুকারিতা বর্জন করে ঘোষণা করলো - তুমি কি দেখেছ সেই মানুষটিকে যে ইসলামের ধারে-কাছেও নেই? যদি সে রকম মানুষটিকে দেখে নিতে চাও তবে তাকেই দেখে নাও, যে মানুষের মাঝে সাম্য আর দ্রাতৃত্ব গড়ে তুলতে চাইলেই নানা প্রকার গুজর-আপত্তি তোলে। এই গুজর-আপত্তি তুলে যারা সাম্য আর দ্রাতৃত্বের বন্ধনকে টুকরো করে ফেলতে চায় তাদের বিরুদ্ধে সংগ্রাম কর বলে কোরান এবং হাদিসের উক্তিসমূহ প্রচারিত হয়েছে। কোরান পাক নিজেই তার বৈশিষ্ট্য বর্ণনা করে বলছে, সর্বযুগের তরে তার বাণী চিরন্তন। সুতরাং কোরান কখনো কোনো একটি নির্দিষ্ট যুগের অর্থনৈতিক ব্যবস্থার মডেল অথবা বু প্রিন্ট হতেই পারে না। কোরান পাক আমাদেরকে যে মূলনীতি দিয়েছে তার পরিবর্তন করা চলবে না। শুধু ব্যবহারের পদ্ধতির পরিবর্তন হবে এবং হতে বাধ্য। কারণ সে যুগের অর্থনৈতিক ব্যবস্থা কখনই এক হতে পারে না। রঞ্জনের এক্স-রে মেশিনে বুকের হাড়গুলোর ফটো ওঠে না বলে ফেলে দেওয়াটা যেমন বোকামি - না অন্ধ বিদ্যুৎয়ের দাসত্ব করা হচ্ছে বলবো - সে রকম ইসলামের অর্থনৈতিক দর্শনের মাধ্যমে ইসলামি সাম্যবাদ প্রতিষ্ঠিত হয় না বলে ফেলে দেওয়াটা কি অন্ধ বিদ্যুৎয়ের দাসত্ব করারই নামান্তর নয়? ইসলাম শোষণের নামে কথিত ধর্মের ব্যবসাতাকে সমাজ হতে বাঁটা মেঝে তাড়িয়ে দিতে চেয়েছে এবং প্রতিষ্ঠা করতে চেয়েছে মানুষের সাম্য, মুক্তি আর দ্রাতৃত্বের বন্ধনের দর্শন। অবশ্য কিছু সংখ্যক শোষক আর বাটপারদের গাঙ্গদাহ আর হিংসার তীব্র অগ্নিবাণ ইসলামের উপর নিক্ষিপ্ত হয়েছে এবং হচ্ছে। কারণ, গরিব আর ছোটলোক বানিয়ে কোটি কোটি মানুষের ঘাড়ের উপর কাঁঠাল রেখে যে কোষ খাবার বিশ্রী হিংস্র মোহটা ধরা পরে যাবে তারই ভয়ে। সাহাবা আবু জর গিফারির মতো গরিবের বন্ধুকে রাবজার উচ্চ মরুপ্রান্তরে নির্বাসন দিতে কুষ্ঠা বোধ করে নি। সাহাবারা জানতেন রসুলুল্লাহ (আ.) আবু জর গিফারিকে কতটুকু প্রাণঢালা স্নেহ-প্রীতি উপহার দিয়ে গেছেন। 'আসমান জম্বিনের উপর সত্যবাদী আবু জর গিফারি', রসুলুল্লাহর (আ.) বাণীটি চাঁদ্রির চাকতির মোহে বাটপারদের বিবেকটাকে মোহাচ্ছন্ন করেছিল কোনো এক বিশ্রী আদিম বন্য তৃপ্তিকে চরিতার্থ করতে। মসজিদে নববিত্তে দাড়িয়ে সাহাবাদের সামনে আবু জর যখন নির্ভয়ে সত্য কথাটি বলে ফেললেন, 'রসুলুল্লাহ (আ.) আমাকে বলেছেন, বনু উমাইয়্যার বংশের দ্বারা ইসলাম ধর্মকে ধ্বংসস্বরূপে পরিণত করা হবে', তখন আবু জর মিথ্যা হাদিস বর্ণনা করেছেন বলে চিৎকার করে উঠলেন। মাওলা আলি আবু

জর গিফারির হাদিসটির সমর্থন দিতে গিয়ে তাঁকেও পরিণামে লাঞ্ছনা সইতে হয়েছে। মাওলা আলিকে তাঁর খিলাফত হারাতে হলো তাদেরই হাতে যারা আরবের এক প্রান্তে নারী-পুরুষের ভুখা থাকার হাহাকার আর অন্য প্রান্তে চোখ ঝলসানো রাজপ্রাসাদ বানিয়ে ভোগ-বিলাসের নেশায় মত্ত ছিল।

আবু জর গিফারিকে একস্থান হতে অন্যস্থানে অনবরত নির্বাসন আর বয়কট করা হলো যাতে গরিবেরা আবু জরের আদর্শ প্রচারের তলে সমবেত না হয়। সবচাইতে বিস্ময় লাগে এবং বিবেক অবাক হয়ে যায় যে, ইতিহাস তার ঘটনাটিকে আবার পুনরাবৃত্তি করে দেখালো মাওলা আলির জীবনে। গরিবের বন্ধু হতে গিয়ে কী অস্থিরতার যাতনাই না সহ্য করতে হয়েছে। মাওলা আলির অপরাধ? অপরাধ আর কিছুই নয়, গরিবের চোখ দুটো ফুটিয়ে তুলতে চেয়েছেন যাতে গরিবদের পাঞ্জরের নিচে সঞ্চিত রক্ত আর জোকের মতো গুমে খেতে না পারে এবং ইসলামের আসল রূপটিকে প্রতিষ্ঠিত করতে চেয়েছিলেন।

ইসলাম ঘোষণা করছে : লা মওজুদা ইল্লাল্লাহ - 'নেই কোনো মওজুদ আল্লাহ ছাড়া' - অর্থাৎ আল্লাহ ছাড়া কিছুই নেই। অর্থাৎ যা কিছু আসমানি জমিনে অস্তিত্বশীল উহাই আল্লাহ। সুতরাং আসমান-জমিনে যা কিছু অস্তিত্বের রূপ নিয়ে ছুটে চলছে আবর্তন-বিবর্তনের মাধ্যমে নব নব বিকাশ ও রূপে-রূপান্তরে, উহাই আল্লাহ। কোরান শরিফে আসমান এবং জমিন বলতে আল্লাহর সৃষ্টি যত কিছু আছে সবই বোঝানো হয়েছে। মূল দৃষ্টির বিচারে সৃষ্টি শব্দটির কোনো অর্থ নেই। কারণ, যাহা আমরা সৃষ্টিরূপে দেখছি উহা স্রষ্টা হতে আলাদা নয়। স্রষ্টাই রূপে-রূপান্তরে আবর্তিত ও বিবর্তিত হচ্ছে। স্রষ্টা এবং সৃষ্টি আসলে এক এবং অদ্বিতীয় এবং ইহাকে মোটেই ভাগ করা যায় না। তবু আমাদের বুঝবার সুবিধার জন্যই ভাগ করা হয়ে থাকে। যেমন বিজ্ঞানীরা ভালো করেই জানেন যে, সূর্য কোনোদিন পূর্ব দিক হতে ওঠেও না এবং পশ্চিম দিকে ডোবেও না। তবুও বিজ্ঞানীরা সূর্য ওঠে এবং ডোবে বলে লিখে থাকেন।

রাতের ঘন অন্ধকার যখন ফলস্ত গাছপালাকে ঢেকে দেয় তখন আমাদের চোখের দৃষ্টি আর গাছের ফলগুলোকে দেখতে পায় না এবং যখন আলোর আঘাত খেয়ে অন্ধকার পালিয়ে যায় তখন আবার আমাদের চোখে গাছের ফলগুলো ধরা পরে। সে রকমভাবে আমাদের মনের উপর দুনিয়া নামক যে অন্ধকার বিরাজ করছে উহা দূর করে ফেলতে পারলেই আমরা দেখতে পাব যে একই নুর সর্বত্র বিরাজ করছে এবং এই একের দর্শনকেই বলে আল্লাহ দর্শন। (সূরা ফালাকের ভাবধারা ও মূল দর্শন ইহাই এবং এর ব্যাখ্যা পরে দেওয়া হবে)। সমগ্র কোরান এবং হাদিস শরিফের শুধুমাত্র একটি আদেশ এবং একটিমাত্র উদ্দেশ্য। সেই একমাত্র আদেশ হলো, তোমার মন হতে অন্ধকার তথা দুনিয়া সরিয়ে ফেল এবং আল্লাহ কী এবং কে, তাঁর পরিচয় জেনে নাও। 'দুনিয়া নামক এই অন্ধকার দূর করে ফেল' ইহাকেই ইসলাম বলছে, 'মরার আগে মরে যাও।' মৃত্যু আবার দুই প্রকার। 'দুনিয়া মন হতে সরিয়ে ফেল'-কে মৃত্যু বলা হয়। সুতরাং এই মৃত্যু জীবিত থেকেই বরণ করতে হবে অর্থাৎ এই মৃত্যু ইলৈই আল্লাহর দর্শন হয় তথা একের দর্শন মেলে। জীবিত থেকে যে দুনিয়া নামক আধার সরিয়ে দিতে পারলো না তার সেই আধার তার কাছেই থেকে যাবে। এবং এই আধার নিয়ে থাকাটাকেই জাহান্নামে আছে বলা হয় এবং ইহাই বিরহ বা এক হতে বিচ্ছেদ-বেদনা তথা একাকীত্বের তীব্র দহন আর বোবা জ্বালা। এই বিচ্ছেদ-বেদনার অপর নামই হলো জাহান্নাম। জৈবিক মৃত্যুর পর তখন সে সুন্দর বুঝতে পারবে যে, সে জাহান্নামেই এতদিন ছিল এবং সে তাহা বুঝতে পারে নি। মৃত্যু-ঘটনার পর মানুষ প্রত্যক্ষভাবে বোঝে যে, জাহান্নামের বিচ্ছেদই তার সাথী হয়েছিল এবং এখনো উহাই আছে। মৃত্যু বলতে কিছু অনস্তিত্ব বোঝায় না। মৃত্যু একটি ঘটনা মাত্র এবং এর বেশি কিছু নয়। এই মৃত্যু নামক ঘটনাটির দ্বারা মানুষকে একটি

অবস্থা হতে সম্পূর্ণ পৃথক আর একটি অবস্থাতে এনে দেয়। এই ঘটনা, অর্থাৎ দুনিয়া-সরানো, জৈবিক মৃত্যুর আগেই যদি কেউ ঘটাতে পারে তবে তার আর মৃত্যু নেই।

‘আল্লাহ ছাড়া কিছুই নেই’ কথাটি মানুষ ততক্ষণ পর্যন্ত বুঝতে পারে না যতক্ষণ মানুষের মনের উপর দুনিয়ার অন্ধকার বিরাজ করে। আল্লাহই যে সর্বময় বিভিন্ন রূপ ও বৈচিত্র্য নিয়ে নতুন নতুন রূপ নিয়ে বিকশিত হচ্ছেন এবং তাঁর এই রূপ যে তাঁরই রূপান্তরিত বৈচিত্র্যপূর্ণ বিকাশ ইহা ততক্ষণ পর্যন্ত মানুষ বুঝতে পারে না যতক্ষণ পর্যন্ত তার মনের উপর দুনিয়ার অন্ধকার বিরাজ করবে। আল্লাহর এই বহুরূপে প্রকাশিত ও বিকশিত ধারীসমূহকেই বলা হয় কেতাব অথবা কোরান। আল্লাহ যে নিজেই নিজেকে প্রকাশ করেছেন রূপান্তর ও বিবর্তনের (ট্রান্সফরমেশন) দ্বারা সেই প্রকাশভঙ্গিকেই বলা হয় কেতাব অথবা কোরান। সুতরাং যত ঘটনাই ঘটছে এবং ঘটবে ইহা কেতাবের ধারা অনুসারে প্রকাশের পথে এগিয়ে যেতে থাকে। অপ্রকাশিত এবং প্রকাশিত এই দুটোর সমষ্টি হলো আল্লাহ। ‘যাহা কেতাবে সুনির্ধারিত করা হয় নি, সৃষ্টির মধ্যে তাহা কখনো প্রকাশিত হয় নি এবং হবে না।’ (কোরান)। সুতরাং আমরা এখন বলতে পারি যে, প্রকাশের (সৃষ্টির) মধ্যে এমন কোনো বিষয়-বস্তু নেই, ছিল না, অথবা থাকবে না যার অস্তিত্ব কেতাবে মণ্ডলিত না আছে। ‘কোরান-এ সব কিছুই আছে’ এই প্রচলিত কথাটির প্রকৃত রহস্য এখানেই। এই রহস্য না বুঝতে পারলে ইহা মূর্খ লোকের কথা ছাড়া আর কিছুই নয় বলে অনেকের ধারণা করাটা অন্যায্য হবে না। যখন আমরা কোরান-এর পরিভাষায় কোরান ও কেতাবের আসল বা প্রকৃত সংজ্ঞাটি বুঝতে পারবো তখন আর মূর্খজনের উক্তি বলে বিদ্রূপ করা হবে না। কেতাব কোনো ভাষায় নেই। কেতাবের পরিচয় এবং কেতাবের পাঠসমূহ কোরানরূপে প্রকাশ করা হয়েছে। আমরা রসুলুল্লাহ (আ.) হতে যে কোরান পেয়েছি উহা আরবি কোরান। আল্লাহ কে, আল্লাহ বলতে কী বোঝায় এবং আল্লাহ ছাড়া যে কিছুই নেই এবং আল্লাহর দর্শন মেনে কী করে উহারই পরিচয় পাবার জন্য রসুলুল্লাহর (আ.) মাধ্যমে আমরা আরবি কোরান পেয়েছি। এই আরবি কোরানকে তফসির করতে হবে। কাগজের পাতায় আলেম সেজে তফসির করে আলমারিতে রেখে দেওয়া বই আকারে তফসির নয়। আরবি কোরানকে নিজের জীবনের উপর তফসির করে তুলতে হবে এবং এই তফসিরই রসুলুল্লাহ (আ.) করতে বলেছেন এবং ইহাই হলো প্রকৃত তফসির। মুখে মুখে ব্যাখ্যা করে আরবি ভাষা জানা পণ্ডিতদের মতো তেহাত্তর ফেরকা বানানোকে তফসির বলা হয় নি। এ রকম কাগজি তফসির মাদ্রাসায় অনেক পাবেন। কিন্তু শুনলে অবাক হবেন - লক্ষ নবিদের মধ্যে একজন নবিও মাদ্রাসায় পাশ করে নবি হন নি।

ত্যাগ, সাধনা ও মানবের উপর হতে শোষণ করার হিংস্র মোহ বর্জন করে ইসলামি সাম্যবাদের যে প্রেম সেই প্রেমের অনুশীলন দ্বারা কোরানকে নিজের জীবনে ব্যাখ্যা ও মূর্ত করে তোলাই হলো প্রকৃত ব্যাখ্যা বা তফসির। কোরান ও হাদিসের কোনো কথাই একেবারে খেলো পর্যায়ে ফেলে রাখা হয় নি। অথচ আমরা নিজেদের সুবিধা মতো আমাদের মনমতো করে গ্রহণ করতে চেষ্টা করছি, যার ফলে আমাদের প্রতিফলিত ভাবের ডুল ছাপ কোরান-হাদিসের উপর আরোপিত করে নিয়েছি। শুধু এই কারণেই কোরান-হাদিসের কথার মাঝে এত গড়মিল করা মতামতের পরিচয় আমরা দেখতে পাচ্ছি।

‘পবিত্র হওয়া ছাড়া কোরান কেহই স্পর্শ করতে পারবে না’, আরবি কোরান-এর এই উক্তিটির মাঝে এক বিরাট এবং গভীর রহস্য লুকিয়ে আছে। যে কোরান পবিত্র হওয়া ছাড়া স্পর্শ করাই যায় না ইহা আরবি কোরান নয়। উহা হল নুরি কোরান। ‘পবিত্র হওয়া ছাড়া স্পর্শ করা অসম্ভব’। পানির সাহায্যে হাত-মুখ ধোত করে যে গুজু সম্পাদন করা হয় ইহা সেই গুজু নয়। আমিত্ব ধ্বংস করে গুজু সম্পাদন করতে পারলে

স্পর্শ করা যায় নুরি কোরান এবং ইহাই হলো প্রকৃত কোরান। কেতাব হলো আল্লাহর প্রকাশিত অংশের পরিচয়। কোরান-এর যে তফসির উহা কেতাবেরই তফসির। এই তফসির ভাষায় করা যায় না বা ভাষায় হয় না এবং ভাষার সাহায্যে যত রকমেই বোঝানো হোক না কেন উহার প্রকৃত অর্থ বোঝা যায় না। ভাষার মাধ্যমে যদি কেতাব তথা কোরান-এর তফসির বুঝিয়ে দেওয়া যেত তবে শোষক, বেইমান আর অত্যাচারী এ জগতে একটিও থাকত না। আম্মিত্তের অঙ্ককার দূর করার প্রবল প্রচেষ্টার দৃঢ় সংকল্প যার নেই, অর্থাৎ অনিচ্ছক অন্তরে ইহার তফসির প্রবেশ করতেই পারে না। যাহা প্রবেশ করতে পারে ইহা হলো ধর্মীয় আনুষ্ঠানিক কতগুলো মাসালা-মাসায়েল জাতীয় বিদ্যা। ‘কেতাব নাজেল হওয়া’, ‘কেতাব দান করা’-র অর্থ হলো কোনো মানুষের দুনিয়া নামক আম্মিত্তের অঙ্ককার দূর করে দেওয়া অর্থাৎ আল্লাহর দর্শন লাভ করা, তথা ‘আল্লাহ ছাড়া কিছুই নেই’ উপলব্ধি করা, তথা পবিত্র হওয়া, তথা কোরানকে স্পর্শ করার ক্ষমতা লাভ করা, তথা ‘যেদিকে তাকাও সবই আল্লাহর চেহারা’ উপলব্ধি করা, তথা মরার আগে মরে যাওয়া, তথা নিজেকে চিনতে পারলে আল্লাহকে চিনতে পারা, তথা তাগুত ভেঙে আয়াতরূপে দর্শন লাভ করা, তথা দুনিয়া হতে ছুটে গিয়ে মসজিদে (মাটি, ইট, পাথরের নয়) আশ্রয় নেওয়া, তথা আম্মরা-রূপী (আম্মি-রূপী নয়) আল্লাহর দ্বারা কানে চড় মেরে কাহাকে ঢুকিয়ে দেওয়া, তথা দুনিয়া (পৃথিবী নয়) ত্যাগ করে দ্বীনে প্রবেশ করা, তথা আম্মাদের রচিত অগণিত দ্বীনগুলো হতে ছুটে গিয়ে আল্লাহর দেওয়া একমাত্র দ্বীনে প্রবেশ করা, যে একমাত্র দ্বীন হজরত আদম (আ.) হতে জারি করা হয়েছে (সুননাতাল্লাহে লা তাবদীলা - অর্থাৎ আল্লাহর আইন কখনোই বদল হয় না), তথা কিয়ামতের (ব্যক্তির মৃত্যু) পুলসেরাতের ধারালো পুল পার হওয়া, তথা নিজের দ্বীন ত্যাগ করে আল্লাহর দ্বীনে প্রবেশ করা, তথা ওজু সম্পাদন করা, তথা নফসে মোৎমায়েন্না হয়ে যাওয়া, তথা নিজের সঙ্গে যে শয়তানটি (জিন) আছে উহাকে মুসলমান বানিয়ে ফেলা, তথা সেজদায় (মাথা নত করা নয়) যাওয়া, তথা ‘আম্মি আদিতাই মোমিন ছিলাম’ (আনা আউয়ালুল মুমিনিন)-এর দর্শন লাভ করা, তথা কেতাব নিজের হস্তগত হওয়া, তথা ‘আম্মারই শান, আম্মারই জালুয়া প্রকাশ হচ্ছে’ বলা, তথা মনসুর হাল্লাজের আনাল হক তথা ‘আম্মিই আল্লাহ’ বলা, তথা আম্মিই পীর আম্মিই মুরিদ বলা, তথা আম্মানুর দল হতে মোমিনের দলে প্রবেশ লাভ করা, তথা সবচেয়ে তাড়াতাড়ি ইফতার করার আশ্বানের রহস্য উপলব্ধি করা, তথা সেজদায় গেলেই হতচেতন হয়ে যাওয়া, তথা বীজরূপী রুহকে পূর্ণরূপে প্রকাশ করা, তথা যাকে খুশি দান করির রহমত লাভ করা, তথা ক্ষমার পর রহিম (রহমান নয়) রূপে দর্শন লাভ করা, তথা যুক্তি-তর্ক এবং আইনের রূপগুলোকে ইশকের নুরে হারিয়ে ফেলা।

আম্মাদের জানা মতে একমাত্র মানবজাতি এবং জিনজাতিকেই মন দিয়ে সৃষ্টি করা হয়েছে। মনের বা চেতনার অধিকারী একমাত্র মানব-এবং জিনজাতি। এর বাইরে আল্লাহ আর কাউকে মন বা চেতনা দেন নি। এই মন বা চেতনাটার কোনো স্থায়িত্ব নেই। কিছু অস্থায়ী হলেও এই মন বা চেতনা কিছু ক্রিয়াশক্তি বর্জিত নয়। আল্লাহ এই মন বা চেতনাকে সীমিত স্বাধীন ইচ্ছাশক্তি দান করেছেন অর্থাৎ মৃত্যু-ঘটনার সঙ্গে সঙ্গেই মনের এই ইচ্ছাশক্তিটি লুপ্ত হয়ে যাবে। মনের এই স্বাধীন ইচ্ছাশক্তিটিকেই ইবলিস তথা দুনিয়া এবং আরও বহু নামে আরবি কোরান-এ উল্লিখিত হয়েছে। সুতরাং মন বা চেতনাটাই প্রধান এবং আসল নয়। মন হলো অপ্রধান এবং নকল। এই মনটাকেই বলে ‘আম্মি’ এবং এই আম্মি যে পর্যন্ত আম্মার মধ্যে আছে সে পর্যন্ত একক অখণ্ড আম্মি নামক যে মন বা চেতনা উহা অখণ্ড একক চেতনা (বা যে কোনো নামই বলা হোক না কেন) হতে পরবর্তীকালে উদ্ভব হয়েছে অর্থাৎ একক এবং আদি চেতনাই উদ্দেশ্যমূলকভাবে আম্মি-নামক মন বা

চেতনাকেই সৃষ্টি করেছে। সুতরাং সে কখনোই আত্মনির্ভর হতে পারে না সুতরাং স্বয়ং সম্পূর্ণ হবার প্রস্তুতি আসতে পারে না।

মন বা চেতনাকেই বলা হয় আমিত্ব, খুদি, হাম্মি, অহম্ম, ইগো, খান্নাস, দুনিয়া, তাগ্বত ইত্যাদি। তাই ইসলাম বলে, 'তুমি জীবিত থাকতে জীবন দাও তবেই জীবিত থাকবে।' অর্থাৎ আমি-নামক চেতনাটিকে সরিয়ে দিলে একক, অখণ্ড এবং আদি আমি নামক চেতনাটাই থাকে এবং এই চেতনারই অস্তিত্ব আছে এবং এই চেতনা ছাড়া আর কিছু নেই।

কোরান তাঁর দর্শনকে সহজ-সরল করে সাধারণের পাতে দেবার জন্য যেমন রূপকতার আশ্রয় নিতে বাধ্য হয়েছে তেমনই চিন্তাশীল ব্যক্তিও রূপকতার মাঝে 'তুমি চিন্তা কর' কন্ম বলা হয় নি। অখণ্ড, একক, আদি চেতনার বিকাশ এবং বিবর্তনের কারণগুলো অখণ্ড চেতনার মাঝেই নিহিত আছে। সুতরাং এই অখণ্ড আদি চেতনার বাইরে আবার অলৌকিক শক্তি কী করে আবর্তন, পরিবর্তন এবং সৃষ্টি ও ধ্বংসের কারণ হতে পারে? এ রকম চিন্তা করাটাই তো উদ্ভট এবং গাজাখুরি গল্প বৈ আর কী হতে পারে?

কত মহাপুরুষ, কত জ্ঞানী-গুণী, কত কবি-সাহিত্যিক, কত সাধু-সঙ্কন, কত বিচিত্র ভাষার শৈলীর ঠমকে, কত ইনিয়ে-বিনিয়ে, কত কাতর যাচঞার বিনম্র আস্থানে, কত পুরাতন একটি অতি পরিচিত উপদেশ দিয়ে চলছেন, কিন্তু তাতে তবু আমরা অবাক হই নি, যদিও অবাক হবারই কথা ছিল। কিন্তু নিরঙ্কর মহানবির কণ্ঠধ্বনিতে সব কিছুর স্রষ্টা, যাকে আমরা কত রকমের নামে ডাকি সেই আল্লাহপাক, খোদা, গড, ঈশ্বর, ব্রহ্মা, জিহোবা প্রচার করছেন একটি অমৃত উপদেশ, কিন্তু তবু আমরা ঐ উপদেশের বাড়িতে যেতে হিমশিম খাই। কারণ, বিরাট একটি পুল বা বিজের উপর পা রেখে যেতে হয়। সেই বিজটির রূপকের ঠমক মাখা ভাষায় দুর্গম গিরিপথের হোঁচট খাওয়া রূপ। এ হোঁচট-খাওয়া রূপের আলিঙ্গনে এগিয়ে আসতে আস্থান জ্ঞানালেন আমিনা মায়ের ছেলে মোহাম্মদ নামের আমাদের মতো (?) মানুষটি। সেই মানুষটির (?) কণ্ঠে স্রষ্টা জানিয়ে দিলেন, 'ফাককু রাকাবাহ' অর্থাৎ ঘাড় ও কণ্ঠ মুক্ত করা। এর মর্ম বোঝানো হয় দাস মুক্ত করা। কিসের আবেষ্টনীতে বাঁধা পড়লে দাস বলা হয়? কিসের অভাব থাকলে দাস নাম দেওয়া হয়? অর্থের বিনিময়ে মানুষ কেনাবেচার নাম কি কেবল দাসপ্রথা? এই আধুনিক যুগে যে কোটি কোটি মানুষ বস্ত্রের নোংরা পরিবেশে ছেলেপুলে নিয়ে একবেলা খেয়ে কোনো রকমে বেচে আছে তারা কি বিংশ শতাব্দীর আধুনিক দাস নয়? তারা কি তাদের বিবেক বেচে দেয় না কিছু পয়সার বিনিময়ে? তাদের বিবেকের গলায় দড়ি বেঁধে কি বিংশ শতাব্দীর পথে পথে ঘুরছে না? যে কোনো মুহূর্তে পেটের জ্বালায় উপশমের টোপের মোহে বিবেকের গলায় দড়ি দিয়ে বুঝিয়ে দিচ্ছে না? পয়সায় কেনাবেচা হচ্ছে বিবেক। যেদিকেই তাকান না কেন, প্রশাসনের প্রতিটি শাখায় দেখতে পাবেন কত রকমে, কত স্টাইলে, কত রঙ্গে অহরহ বিবেকের চলছে বেচাকেনা। তবে কি আজও সেই পুরনো দাসত্বের অভিশাপ হয় নি মোচন? পুরনো মদ কি এভাবেই যুগে যুগে নতুন নতুন বোতলে ঢেলে পরিবেশন করা হবে? কতদিন চলবে এ রকম নিয়মের ঘোমটায় পৈশাচিক ক্রিয়া? এ দাসত্ব কবে মুছে যাবে চিরতরে? না কোনোদিনও মুছেবে না? তবে কি পুনর্জন্মের কর্মফল ভোগ করার নামই দাসত্বের জীবন? কোরান পাকের সুরা বাকারার আঠাশ নম্বর আয়াতটি কি পুনর্জন্মেরই কথা বলছে, না অন্যকিছু? এই আয়াতের নিরপেক্ষ অনুবাদ ও ব্যাখ্যা কি দেওয়া হয়েছে, না মনগড়া নিজেদের পছন্দ মতো অনুবাদ ও ব্যাখ্যার বমি উদ্গীরণ করা হয়েছে? নিজ নিজ দলের সাইনবোর্ড ফেলে দিয়ে নিরপেক্ষ অনুবাদ ও ব্যাখ্যা কি কোরান পাকের কোনোদিনও হবে না? দেড় হাজার বছর আগে আরবদেশের লোকেরা যেমন দলে দলে বিভক্ত ছিল এবং দলীয় দর্শনের মান মর্যাদাকেই দিতো সবার উপরে স্থান এবং তাদের এই দলে দলে বিভক্তিকে

আক্কেপের ভাষায় অনুশোচনীয় দীর্ঘশ্বাস ফেলি আজও আমরা। কিন্তু আমরাও কি এক ইসলাম, এক কোরান আর এক নবি থাকতেও অনেক দলে ভাগ হয়ে যাঁই নি এবং প্রাচীন আরবদের মতো দলের দর্শনকে উঁচু করে দাঁড় করাতে চাই না? হোক না সেই দর্শন স্থলতায় ভরা অথবা খোঁড়া, তবু কি চালাই না আগ্রাণ চেফ্টা? তা হলে সেদিনের দলপ্রিয় আরবদের কেন এত অভিযোগ তুলছি তাদের দলপ্রিয়তাকে কেন্দ্র করে? যদি পুনর্জন্ম না থাকে তা হলে এর সমাধানের পথে কি চিরদিন কিছুলোক এগিয়ে আসবে এবং কালের চাকায় তা আবার অদৃশ্য হয়ে যাবার অভিনয়ের বিলাপ চলবে চিরদিন? আমার মতো কত পাগল লেখক কলমে কেঁদেছেন এ বিষয়ের প্রতিবাদে, কিন্তু পৃথিবীর সমাজ এই পাগলদের (?) কপালে কি পুরস্কার বয়ে এনেছে? মৃত্যুদণ্ড, ফাঁসি, জেল, লিখনী বাজিয়াপ্ত, মাথা খারাপ ইত্যাদি নীমের মেডেল পুরস্কার নিয়ে পরপারে চলে গেছেন তারা। হাজারবার, লক্ষবার, কোটিবার চিৎকার করে বলছেন কোরান, বাইবেল, তাওরাত, জাবুর, বেদ, গীতা, ত্রিপিটক, জেন্দাবেস্তা - ধন-সম্পদের মোহ আর মায়া মরণে আনৈ এর ইতি বা অবসান, তবু কেন এত বড় জলজ্যাগ্ৰ সত্য চোখের সামনে দেখেও দেখ না? তবে কি এটাই পুলসিরাত? এটাই কি সেই পথ যার ধার তরবারি হতে অনেক বেশি ধারালো এবং চুলের চেয়ে অনেক সূক্ষ্ম? হায় রে মানুষ! আমরা জন্মেছি এটা সত্য এবং অবশ্যই মারা যাবো তথা চলে যাবো এটা সত্য আর এর মাঝখানের ছুটছুটি মূল্য কতটুকু তার হিশাব করুন তো! তবে কোন মোহে, কোন লোভে, কোন স্বার্থে আল্লাহ পাকের পবিত্র বাণীর বুকের উপর দিয়ে হেঁটে যাবার সাহস পাই? তবে কি সেই শয়তান আমার মধ্যেই মিশে আছে? সেই শয়তানের নামই কি আমাদের কলুষিত প্রবৃত্তির অনন্ত চাওয়া? এই অনন্ত চাওয়ার নামই কি জাহান্নাম? যত চাওয়ার পাওয়া না পেলেই কি আবার নতুন চাওয়া হাজির হয় না? এই চাওয়ার কি শেষ নেই? আরও আছে কি? আরও দেবে কি? জাহান্নামও এ রকম ভাষায় চাইছে না কোরান পাকে? তবে জাহান্নাম কী? এর প্রকৃত রহস্যই বা কী? তবে কি আমরা অনেকেই জাহান্নামে আছি না? বাস করছি না? বর্তমান কালকেই কি বোঝানো হচ্ছে? না যাবো বোঝানো হচ্ছে তথা ভবিষ্যতকে বোঝানো হচ্ছে? এই অনন্ত চাওয়ার যদি শেষ না থাকে তবে ইহাই কি হাবিয়া? চাওয়ায় যদি তলা না থাকে তবে হাবিয়ার কি তলা আছে? জাহান্নামের মুকুট হাবিয়ার কোনো তলা নেই - তবে কি অনন্ত চাওয়ার হাবিয়াতে আমরা হাবুডুবু খাচ্ছি না? জেনে শুনেও আমরা প্রবৃত্তির চাওয়া পথকেই সঠিক বলে প্রায় সবাই এগিয়ে চলি এবং তার পরিণতি কত ভয়াবহ, কত করুণ তা এতিম, মিসকিন তথা সর্বহারাদের চাহনি দেখলেই আমাদের ভুল বুঝতে পারি।

কী এক অদৃশ্য রহস্যের অন্ধকারে নিজেকে নিজেই উল্টাসিধা চিন্তার বাঁধনে বেঁধে চলেছি। বুঝতেও পারছি না যে, আমি তো নিজেই নিজের একটি জুলন্ত আত্মবিরোধের মূর্তি, দাঁড়িয়ে আছি এই মানবসমাজে। অথচ কী অপূর্ব রূপকথার ভাষায় ঘৃণা করছি আত্মবিরোধকে। নাক সিঁটকাচ্ছি উল্টাপাল্টা চিন্তা ধারার দর্শন অবলোকন করে। কি বিচিত্র উল্টাপাল্টা মতবাদ ঢেকে রাখছি নিজের মধ্যে জাদুর চাদর দিয়ে। নিজের ভেতর নিজেকে তদন্ত কমিশনের প্রধান বিচারক বানিয়ে রিপোর্ট দিতে যদি কেউ আশ্রয় জানায় তবে একদম নির্ভুল রিপোর্ট পেশ করতে বিবেক থমকে যায় না, বিবেক প্রতিবাদের প্রশ্নে ভাষার জিহ্বা পালন করে বোবার ভূমিকা। আমার মন, আমার বিবেকের সত্তা, আমার এদিক-সেদিকে ঘোরানো ক্যামেরার মতো অনেক ছবি তোলায় চোখ দুটো, আমার কম্পিউটারের হিশাব মেলানো মগজের ভেতর খুঁজে বেড়াই কোথায় মীরজাফরের দল, কোথায় ডগের দল, কিন্তু একবারও কি নিজেকে নিজে দেখতে চেফ্টা করছি? একবারও কি নিজেকে নিজে চিৎকার করে ঘোষণা করতে পেরেছি যে, মীরজাফর, ডগ আর বেইমান যে

আমি নিজেই হয়ে আছি অনেক আগে, কিন্তু একটা সামাজিক চাহনির লজ্জায় তা ঢেকে রাখতে বাধ্য হয়েছি। কারণ, যুক্তি হিশাবে অপরাধ স্বীকার করেও একটি খোঁড়া যুক্তি তবু দাঁড় করিয়ে ছাড়ি আর সেই যুক্তিটির শেষ ভাষা হলো : মানুষ লাঠির ভয়ে আত্মহত্যা করে না, আত্মহত্যা করে লজ্জার ভয়ে।

এসো পৃথিবীর মানুষেরা - তোমরা যে যেমন পোশাকের সাজেই থাক না কেন, যে যেমন চিহ্নের ধর্মেই ডুবে থাক না কেন - যত ধর্মের যত বাঁধনেই আমরা আমাদেরকে বেঁধে রাখি না কেন - একবার একটিমাত্র শেষ অনুরোধ জানাতে চাই - আমাদের সবার বিশাল এই বুকের গর্তে বিবেকের ডাগর চোখে একবার মেখে নেই কোরান সাগরের অবগুণ্ঠিত পা হতে মাথা পর্যন্ত উলঙ্গ সত্যের নীল ছবি!

হজরত আনাস (রা.) বর্ণনা করেছেন যে, রসূলুল্লাহ (আ.) বলেছেন, 'আমার জীবন যার হাতে সেই আল্লাহর কসম করে বলছি, কেহই মুসলমান হতে পারে না, যে পর্যন্ত না সে যা পছন্দ করে নিজের জন্য তা সে পছন্দ করে অপরের জন্য' (বোখারি এবং মোসলেম শরিফ)।

হজুর পাক (আ.)-এর এই হাদিসটির তথ্য এত গুরুত্বপূর্ণ বিজ্ঞানময় এবং এই হাদিসটির প্রতিটি কথায় কথায় মুক্তোর মতো ঝক ঝক করছে মানবধর্মের অদ্বিতীয় সেবার উজ্জ্বল সাম্যবাদ। শুধু কি তাই? সাদামাটা ভাষার ঝাপিড়ে লুকিয়ে আছে সার্বজনীন একমুঠো উগ্র দৃষ্টিছটায় চোখ ধাঁধিয়ে দেওয়ার তীক্ষ্ণ হুমকি। এই তীক্ষ্ণ হুমকি মানবজাতির প্রতিটি মানুষের হৃদয়কে ভাবিয়ে তোলে। 'কেহই মুসলমান হতে পারে না' অর্থাৎ মুসলমানরূপ ভূমির সীমানার কাছেও থাকার স্বীকৃতি নেই। কার জন্য এত বড় হুমকি? কে সে যে মুসলমানরূপ ভূমির সীমানাতেও স্থান পেল না? সেই মানুষটিকে এই হুমকি দিয়ে সবিধান করে দিচ্ছে, যে নিজের সুখ-দুঃখকে তারই মতো আর একটি মানুষ ভাইকে সমান বলে মেনে নিতে পারলো না বা অস্বীকার করে বসলো। সেই মানুষটি যে অপর মানুষটিকে আদর করে ডাক দিয়ে বলে দিল না যে, আসো মানুষ ভাই, আমরা এমন সমাজ, এমন ভুবন গড়ে তুলি যেখানে তোমাতে আর আমাতে, আমাদের মাঝে কোনো প্রভেদ বা ভেদাভেদ থাকবে না। এই দুনিয়ার পার্থিব ভোগবিলাসের তো কোনো মূল্য নেই। তবে এই মূল্যহীন সম্পদ নিয়ে কেন আমরা বিভেদের প্রাচীর রচনা করবো? আমরা সেই ভুবন রচনা করবো যেখানে তোমার গরু আর আমার চাষের জমি থাকবে না। তোমার গরু আর আমার চাষের জমি থাকলেই আসে বিভেদ। হয় ঝগড়া। দানা বাধে অশান্তি। শান্তি পালাতে শুরু করে। দিনের পর দিন মহারুদ্ধের মতো গড়ে ওঠে তোমাতে আর আমাতে প্রবল হিংসা। মানবতা খুন করার উগ্র জিঘাংসা জাগবে উভয়ের মনে। কেন হয়? তোমার গরু আমার চাষের জমির ধান খেলে আমি দেব খোঁয়াড়ে। এই তো ঝগড়ার প্রথম পদক্ষেপ। শান্তির রূপ বদলাতে থাকে অশান্তির। এই ঝগড়ার বীজ কোনোদিন যেন মাথাচাড়া দিয়ে না উঠতে পারে তার উপায় তুমি আর আমি অর্থাৎ আমরা মানুষ তাই উদ্ভাবন করবো। আবিষ্কার করবো সেই সহজ-সরল পথ যে পথে আমরা অগ্রসর হলে থাকে না কোনো অশান্তি।

যদি আমার ফসল বোনা জমিতে আমারই গরু নর্চ করে ফেলে তবে কি আমার গরুটাকে খোঁয়াড়ে নিয়ে দেব? দেব না। কারণ, ফসল বোনা ক্ষেত ও গরু দুটোই যে আমার। এখানে যে, 'তুমি'-র কোনো সমস্যা নেই। তা হলে দেখতে পাচ্ছি তুমি থাকলেই যত অশান্তি আর গুণ্ডগোল। যত অত্যাচার, অবিচার আর মানবতা-বিরোধী কার্যকলাপ এই 'তুমি'-টাকে থাকার স্বীকৃতি দিলে। পৃথিবীতে বাস করা মানবসমাজকে 'তুমি' বা 'তোমার' আপদ হতে মুক্তি দেবার কি কোনো ঔষধ আজও আবিষ্কার হয় নি? আবিষ্কার অনেক আগেই হয়েছে, কিন্তু স্বার্থের হীন সন্তুপের তলায় পড়ে আছে সেই ঔষধ। হীন সন্তুপ হতে আমাদেরকে বের করে নিয়ে আসতে হবে। সেই ঔষধ হলো ইসলাম। 'আমার-আমাদের' এবং 'তোমার-তোমাদের' নেই

ইসলামে। এই ভাগ করার প্রণালি ইসলামের প্রধানতম শব্দ। অখণ্ড সত্যের অখণ্ড প্রকাশ চায় ইসলাম। ‘তোমার-তোমাদের’-কে ছিন্ন করে উপভিমে ফেলে দেবার জন্য সমগ্র কোরান ও হাদিস শরীফের প্রতিটি সোনালি অক্ষর কখনো শাস্ত্রভাবে, কখনো উগ্রভাবে, আবার কখনো হুমকি দিয়ে সতর্ক করে দিয়েছে। এই ‘তোমার’-কে মুছে ফেলার জন্য কোরান-হাদিস, নবি-রসুল যুগে যুগে মানুষকে সাবধান করে দিয়েছে। শুধু এই একটিমাত্র আদেশ ছাড়া সমগ্র ইসলামে আর দ্বিতীয় কোনো আদেশের একবিন্দু স্থানও পায় নি। ‘তুমি’-কে আসন দিতে গেলেই খোয়াড়ের সৃষ্টি হয়। খোয়াড় কী? এটাই তো যত গভ্রগোল, হিংসা আর ভেদাভেদের আখড়া। এই খোয়াড়রূপী হিংসার আখড়াটা প্রথমেই চিরতরে লুপ্ত করে দেওয়া যায়, যদি সব কিছু আমার অথবা আমাদের রূপ গ্রহণ করে। আমাদের জমি, আমাদের গরু, তাই আমাদেরই বেঁচে থাকার শস্য এবং দুধ। আমরা সবাই মিলে দ্রাতৃদের বন্ধনে আবদ্ধ হয়ে বেঁচে থাকার এবং সকলের সুখ-দুঃখে সম্মানভাবে শরিক হতে পারবো। ইমানের নিম্নতম বিধানকে আমরা আমাদের দ্রাতৃদের মাধ্যমে বাঁচিয়ে রাখতে পারবো। অক্ষর পরিচয়হীনরা কী করে বই পড়তে পারবে? নিম্নতম ইমানের ভূমির সীমানার কাছে না থেকে ইমানের কেন্দ্রভূমিতে অবস্থানের আফালন কি নিতান্ত অস্বাভাবিক এবং হাস্যাস্পদ নয়? তা হলে স্পষ্ট দেখতে পাচ্ছি, তুমি এবং তোমরা বাস্তবে স্থান পেলেই ‘কেহই মুসলমান হতে পারে না’ সংজ্ঞার মাঝে নির্ধাত আটকা পড়ে যাব। ইমান আনা অসম্ভব, অবাস্তব হয়ে দাঁড়াবে সকলের পক্ষে। তখন আমরা পারবো না হজুর পাকের (আ.) সাবধানবাণী ‘যে পর্যন্ত না সে যা পছন্দ করে নিজের জন্য তা সে পছন্দ করে অপরের জন্য’ রক্ষা করতে বা মেনে চলতে। কারণ, যেখানে আমাদের এবং তোমাদের থাকবে সেখানে অন্য তুমি বা তোমরা ভাইদের জন্য আমার মতো পছন্দ করা অসম্ভব হয়ে দাঁড়াবে। কারণ একই সঙ্গে চাঁদ-সূর্য হয় না। একই সঙ্গে চাঁদ, না হয় সূর্য হবে। দুটো এক সঙ্গে কী করে হয়? এই দুটো অসম্ভব বলেই হজুর পাক (আ.) বিশ্বের মানবজাতিকে কী সুন্দর এবং বৈজ্ঞানিক শৈলীতে আশ্রয় জ্ঞানিয়েছেন। এই আশ্রয়কে অবহেলা করতে যারা চাইবে তাদেরকে হজুর পাক (আ.) আল্লাহর শপথ দিয়ে বলেছেন যে, তারা কখনই ইমানদার হয় না বা হবে না অর্থাৎ ইমানরূপ ভূমির অতি সাধারণ সীমানার ধারেও এদের স্থান নেই। অর্থাৎ ইমানদার হবার প্রথম এবং সহজ সংজ্ঞা হতে এরা সম্পূর্ণরূপে বহির্ভূত। তারপরে ইসলাম? সেখানে শুধু প্রতি পদে পদে নিজের নিজটিকে অর্থাৎ আমিত্ব হারাবার কঠোর সাধনায় লিপ্ত থাকতে হবে। যেখানে আমিত্ব হারাবার প্রশ্ন তো দূরে থাক সামান্য পার্থিব সম্পদের পুটলিটা অন্য সবাইকে ভাগ্য দিতে, ভেঙ্কি দানছত্র খুলে আত্মসাৎ করার প্রবল প্রচেষ্টা চলছে, সেখানে ইমান-ভূমির প্রথম সীমানার কাছেও কী থাকা যায় বলে এখনো ধারণা হচ্ছে? আল্লাহ নিজে যেখানে বলছেন যে, একটি মাছির একটি ডানার সমান বলেও যদি দুনিয়ার সমস্ত সম্পদের দাম তাঁর কাছে হতো তবে তিনি পথভ্রষ্টদের একটি ঘটি পার্নিও পান করতে দিতেন না। হায় রে তথাকথিত নামধারী মুসলমান! আল্লাহর অনুগত বান্দা বলে দাবি করেও তাঁরই উচ্চারণ করা সম্পদের কী মূল্য জেনে-শুনেও সেই সম্পদকে ‘আমার-আমার’ হীন বন্ধনে আবদ্ধ রাখার জন্য কত প্রকার চেষ্টাই না দিনরাত করছি। সেই মূল্যহীন সম্পদ আজ তথাকথিত নামধারী মুসলমানদের কাছে মহামূল্যবান। তাই এই নামধারী মুসলমানেরা ভয় করে না, ‘কেহই মুসলমান হতে পারে না’ এই সাবধান বাণীতে। এরা মনে করে মসজিদ নামক ঘরে পাঁচবার নামাজ পড়তে পারলেই সব কিছু হয়ে গেল। পাঁচবার নামাজ পড়া ছাড়া আর অন্যকিছু সালাতই নয়, অর্থাৎ হজুর পাকের (আ.) দেওয়া সবচাইতে সুন্দর এবং শ্রেষ্ঠ পাঁচবার সালাতকে কার্যে করার যে আনুষ্ঠানিক নিয়ম-পদ্ধতিকে ‘একমাত্র সালাতের’ পূর্ণ নির্দেশ বলে মেনে নেওয়া হয়, অর্থাৎ এই আনুষ্ঠানিক নিয়ম-পদ্ধতি ছাড়া আর

কোনো কিছুকেই সালাত বলা যাবে না। তবে হজুর পাক (আ.)-এর জন্মের পূর্বে অন্যান্য নবি-রসুল যে সালাত পালন করতেন এবং অপরকে করতে নির্দেশ দান করতেন উহা কী প্রকার সালাত কায়েম করা ছিল? কোরান শরীফে সূরা লোকমানে লোকমান হেঁকিম তাঁর পুত্রকে কোন এবং কী প্রকার সালাত পালন করার উপদেশ দান করছেন? হজুর পাক (আ.) সালাত পড়তে বলেছেন, না কায়েম করতে বলেছেন? আল্লাহ কি অনেকবার বলেছেন যে, ওয়াকিমুস সালাত, না একরা সালাত? একরা শব্দের অর্থ পড় (রিড)। পড় বললে আমরা যে নামায পড়ি। তা হলে বিচার দিবসে বলতে পারবো যে, আল্লাহ নামাজ পড়তে বলেছেন তাই আমরা নামাজ পড়েছি, কিন্তু আল্লাহ তখন বলবেন, কোথায়? আমি তো নামাজ পড়তে বলি নি, নামাজ কায়েম করতে বলেছি। নামাজ যার কায়েম হয়ে গেছে মেরাজু তার হয়ে গেছে অর্থাৎ সৃষ্টিরাজ্য পেরিয়ে সে লা মোকামে যাবার সৌভাগ্য অর্জন করেছে। আসসালাত মেরাজুল মুমিনিনের অর্থ হলো প্রত্যেক মুমিনের জন্য সালাতই তো মেরাজু অর্থাৎ সালাতই মেরাজের জন্য যথেষ্ট। সুতরাং যারা সালাত তথা নামাজ পড়ছে তাদেরকে জিজ্ঞেস করা উচিত যে, আপনারা যে প্রতিদন ধরে নামাজ পড়ছেন, কিন্তু মেরাজ হয়েছে কি? অর্থাৎ সৃষ্টিরহস্যের দ্বার খুলেছে কি? সালাতের আসল এবং একমাত্র অর্থ হলো সংযোগপ্রচেষ্টা তথা মিলনলাভের সাধনা। কার সঙ্গে এই সংযোগ করার প্রচেষ্টা চালাতে হবে? আল্লাহর সঙ্গে সংযোগপ্রচেষ্টাকে স্থায়ী করাকেই কায়েম করা বলা হয়েছে। থাক, ইহা আমাদের এখানে আলোচনার বিষয়বস্তু নয়।

ইসলামি সাম্যভিত্তিক মানুষে মানুষে ভালোবাসা

তা হলে এখন আমরা বুঝতে পারছি যে আমাদের প্রতিবেশীকে নিজের সুখ-দুঃখের সমান অংশীদার বলে মেনে না নিলে সর্বপ্রথম হজুর পাকের (আ.) বাণী মুসলমান হতেই পারে না সংজ্ঞার মাঝে আটকা পড়ে গেলো। এখন আমরা সহজেই বুঝতে পারছি যে, ইহা একটা মুসলমান হবার সতর্ক বাণী অর্থাৎ হুমকি। এই আদেশ যাতে কোনো ক্রমেই অবহেলা করতে না পারি তারই জন্য ইসলাম যত বড় হুমকি দিয়েছে সত্যিই তা আমাদের ভাবিয়ে তোলার একটি বিশেষ বিষয়। এই হুমকির রূপক বর্ণনা করতে গেলে বলতে হয়, একটি গাছের শিকড় কেটে ফেলে উপর হতে পানি ঢেলে বাঁচানোর ইচ্ছা যেমন হাস্যকর তেমনিই অবাস্তব। প্রতিবাদ করবো, কেন পানি ঢালছো? এই গাছ তো আর বাঁচবে না। এর ভিত্তি যে নেই। ভিত্তিই যদি ধ্বংস করে দিলে তবে পানি ঢেলে কী উপকার হবে? আমরা যদি ইসলামকে একটি গাছ মনে করে নেই তবে তার মূল বা ভিত্তি কোনটি? আমরা জানি এবং অতি সহজেই বলে থাকি - ইমান যার নেই তার শত প্রকার এবাদতের কোনো মূল্য নেই। এর কারণ? মূল বা ভিত্তি ছাড়া গাছের জন্য বেঁচে থাকা যেমন অসম্ভব এবং অবাস্তব সে রকম ইমান ছাড়া মুসলমান হওয়া এবং অন্য সব রকম এবাদত করা ঐ গাছের ভিত্তি কেটে আগায় পানি ঢালার মতোই অবাস্তব। কোন কর্তব্য পালন করতে না পারলে আমাদের ভিত্তির উপর চরম হুমকি দেওয়া হয়েছে? অপর মুসলমান ভাইদের সুখ-দুঃখ তিক নিজের সুখ-দুঃখের মতো বরণ করে নিতে হবে। তাই ইসলাম আমাদের চরম হুমকি দিচ্ছে - যদি সমান বলে অপর মুসলমান ভাইদের গ্রহণ করে না নিতে পারি তবে আমরা অবিশ্বাসী। আমরা জানি, অবিশ্বাসীদের আরবি ভাষায় কাফের বলে। তবে কি আমরা কাফেরের পর্যায়ে নেমে এলাম? তবে আমাদের এত এবাদতের কি কোনো মূল্যই নেই? অন্য সব রকম এবাদত করতে না পারলে শাস্তি দেবার কথা ঘোষণা করা হয়েছে। আন্তরিকভাবে ক্রমা চাইলে আল্লাহ আমাদের ক্রমা করে দেবেন বলে তাঁর অসীম করুণার কথা

বহবার বলেছেন। কিন্তু মানুষকে মানুষের মানদণ্ডে স্থান দিতে না পারলে যে আমাদের ভিত্তির উপর চরম হুমকি দিয়েছে। পরোক্ষভাবে আমাদের কাফের বলা হয়েছে। তবে এর থেকে পরিব্রাণ পাবার কি কোনোই উপায় আমাদেরকে বলে দেওয়া হয় নি? আমাদের ভিত্তি যেন কেঁপে না ওঠে, আমরা যাতে কাফের না হই, তার জন্য অসাম্যের বিরুদ্ধে রুখে দাঁড়াতে হবে।

আমরা অসাম্যের ভিত্তি যে গড়ে তাকে বলবো, আমাদের ইমান ফিরিয়ে দাও। আমরা যাতে কাফের না হই তার ব্যবস্থা কর, না হয় অসাম্যের ভিত্তি গড়তে দেব না। আমরা আমাদের ধর্মের জন্য হাসতে হাসতে ফাঁসির কাঠে ঝুলতে পারবো। আমরা আমাদের ধর্মের জন্য এক-একটি ডিনামাইটের টুকরো। যখন কোটি কোটি ডিনামাইটের ভীষণ গর্জন হবে তখন অসাম্যের ভিত্তি গড়া প্রাসাদ ভেঙে খান খান হয়ে যাবে। আমাদের কাফের হবার ভয় হতে পরিব্রাণ পাবার ব্যবস্থা কর। আমাদের ইমান আমানত রক্ষা করা না হলে তোমাদের অসাম্যের ভিত আর গড়তে দেব না। এই ধর্মীয় বিস্ফোরণ হবে ভয়াবহ ভীষণ। আমরা আমাদের ইমান রক্ষার তরে বন্যার বাধভাঙা পানির মতো হ হ করে তোমাদের অসাম্যের ভিত এবং তোমাকে ভাসিয়ে নিয়ে যাব। আমাদেরকে আর কতদিন ইসলামের উপর গড়মিল করে, ‘দুই তিনে দশ হয়’ বলে গোজামিল দিয়ে চোখে ঝুলি পরিয়ে রাখবে? ধূয়ো দেখতে পেলে সেখানে ‘আপ্তন নেই, ঠাণ্ডা পানি আছে’, বলে আর কতদিন প্রতারণা করবে? আমরা জানি ধূয়ো থাকলে সেখানে আপ্তন থাকতে বাধ্য। এই সাম্যের অধিকার ইসলামের আইন দ্বারা প্রতিষ্ঠা না করলে যে রসুলুল্লাহ (আ.)-এর চরম হুমকি - ‘কেহই মুসলমান হতে পারে না?’ তার পরিণামি যে সুনিশ্চিত কাফের টাইটেল নিয়ে ইহকাল ত্যাগ করতে হবে তা আমরা ভালো করেই বুঝি। যেমন আমরা অতি সহজেই বুঝি, সব মানুষ মরবে। আমি একটি মানুষ, তারপর আমার কী হবে বলে কেউ প্রশ্ন করে, তা হলে আমরা ভালো করেই বুঝি যে, আমাকেও মরতে হবে। উপসংহারে এই বলা যেতে পারে যে, বিশ্বাসীরা সবাই মিলে একটি দ্বাতসংঘ। এই সংঘ যদি সকল মানুষ তথা প্রতিবেশীর সুখ-দুঃখের প্রতি সমান দৃষ্টিভঙ্গি রক্ষা না করতে পারে তবে মুসলমানরূপে আখ্যায়িত হয়ে থাকাই যায় না।

আত্মকেন্দ্রিকতার উপরে এই হাদিস যে চরম আঘাত হেনেছে তা বিশেষভাবে লক্ষ্য করার বিষয়। ‘ক্লাস প্রিভিলেজ’ অর্থাৎ শ্রেণীস্বার্থের উপর প্রবল আঘাত করে সাম্যের ভিত্তির উপর স্থাপন করা হয়েছে মানুষের চিন্তাধারা। বস্তু-বস্তুত, আধ্যাত্মিক অবস্থা, সুখ-দুঃখের অনুভূতি এবং মানবীয় সর্বপ্রকার শিক্ষা ও উৎকর্ষের উপরেও সাম্যবাদের প্রতিষ্ঠাই করা হয়েছে। শুধু মৌলিক প্রয়োজনের বিষয়েই প্রতিবেশীর অধিকার মেনে নেওয়া হয় নি, বরং ললিতকলা, শিক্ষা ইত্যাদি সকল বিষয়ই নিজের জন্য যা এবং যতটুকু পছন্দ করা হয় তা সকল ভাইদের জন্য পছন্দ করতে হবে - নতুবা সে বিশ্বাসী থাকতেই পারে না। ইহাই ইমানদার মুসলমানের স্বরূপ। হজরত আবু হোরাযরা (রা.) হতে বর্ণিত আছে যে, রসুলুল্লাহ (আ.) বলেছেন, ‘কসম আল্লাহর, সে ইমান আনে নি।’ জিজ্ঞাসা করা হলো, ‘কে সে রসুলুল্লাহ (আ.)?’ তিনি বলেন, ‘সে, যার প্রতিবেশী নিরাপদ নয় তার অপকারিতা হতে।’ (বোখারি এবং মোসলেম শরিফ)।

বার বার সাবধান করে দিচ্ছেন রসুলুল্লাহ (আ.) প্রতিটি মানুষকে, যারা আল্লাহ ও রসুলের প্রতি ইমান আনার দাবি জানায়। এই হাদিসটিতে হজুর পাক (আ.) আমাদেরকে প্রতিবেশীদের প্রতি কর্তব্য ও দায়িত্ব পালনের এমনভাবে তাগিদ দিচ্ছেন, যা পালন করতে না পারলে মহান আল্লাহকে সাক্ষী করে বলেছেন যে ‘সে ইমান আনে নি।’ শুধু একবার? পর পর একই সাবধানবাণী তিনবার হজুর পাক (আ.) উচ্চারণ করিতে তা সাহাবিদের সত্যিই ভাবিয়ে তুলেছে। ভয়ে ও বিশ্বাসে

তাই সাহাবারা ডেবেছে যে, কী সেই কাজের দায়িত্ব যা পালন করতে না পারলে 'আমরা ইমানই আনি নি' সংজ্ঞার মধ্যে পড়ে যাব? তিন-তিনটি বার হজুর পাক (আ.)-এর পবিত্র মুখ হতে একই কথা উচ্চারণ হলো - যিনি প্রয়োজনের অতিরিক্ত একটি কথাও জীবনে উচ্চারণ করেন নি। তাই সাহাবারা প্রশ্ন করলেন, 'ইয়া রসূলুল্লাহ (আ.), কে সেই ব্যক্তি যে ইমান আনে নি?' রসূলুল্লাহ (আ.) বললেন, 'সেই ব্যক্তি, যে তার প্রতিবেশীর কর্তব্য ও দায়িত্ব পালন করে না - অর্থাৎ প্রতিবেশী নিরাপদ থাকতে পারে না।' সেই নিরাপদ কী এবং নিরাপদ বলতে কী বোঝায়? প্রতিবেশীর সর্বপ্রকার অভাব-অভিযোগের কোনো সমাধান যারা দিতে চায় না, প্রতিবেশীর এই সমস্ত অভাব-অভিযোগের সুষ্ঠু মীমাংসা জানিয়ে দেওয়া সত্ত্বেও যারা বিপদ হতে প্রতিবেশীকে নিরাপদ করলো না, তারা ইমান আনে নি। অর্থাৎ বিশ্বাসীর প্রথম পর্যায়েও তাদের স্থান নেই। হজুর পাক (আ.)-এর শিক্ষা ও আদেশকে শিরোধার্য করে নিয়েছিলেন বলেই অন্যতম সাহাবা হজরত ওমর (রা.) উটের পিঠে যতটুকু বসে যেতেন তিক ততটুকু তাঁর ভৃত্যকেও বসতে দিয়েছেন এবং উটের পিঠে বসিয়ে দিয়েই তাঁর কর্তব্য শেষ করেন নি, বরং নিজে সেই উটের রশি ধরে গরম বালুর উপর পায়ে হেঁটে উট বয়ে নিয়ে গিয়েছেন। নিরপেক্ষ দৃষ্টি দিয়ে বলুন তো, এর চেয়ে চরম সাম্য আর কী হতে পারে? আরব জনসাধারণকে একবার হজরত ওমর (রা.) কাপড় ভাগ করে দিলেন। জাম্মা হোক বা না হোক সেই প্রশ্ন না করে তিনি সকলকে সমান টুকরা করে দিলেন। কিছু পরে দেখা গেল কারো জাম্মা হয় নি সেই ভাগ করা কাপড়ের টুকরা দিয়ে। সমান বর্ণনের কাপড় দিয়ে শুধু একজনের জাম্মা হয়েছিল এবং যার হয়েছিল তিনি স্বয়ং হজরত ওমর (রা.)। জম্মার নামাজের পূর্বে খোৎবা পাঠে উদ্যত হতেই আবু সাইদ খুদরি (রা.) ওমর (রা.)-কে বাধা দিলেন এবং বললেন, 'আমার কথার উত্তর দিতে হবে, না হলে আপনি খোৎবা পাঠ করতে পারবেন না।' হজরত ওমর (রা.) উত্তরের প্রতীক্ষায় রইলেন। হজরত আবু সাইদ খুদরি (রা.) বললেন, 'আমাদের যে কাপড় সমান ভাগে ভাগ করে দিয়েছেন তাতে কারোরই জাম্মা হয় নি, কিছু আপনার জাম্মার কাপড়ে কী করে জাম্মা হলো?' ওমর (রা.) বললেন 'আপনার প্রশ্নের উত্তর আমার ছেলে দিবে।' ওমরের পুত্র দাঁড়িয়ে বললেন, 'এক টুকরো কাপড় দিয়ে আমাদের কারো জাম্মা হলো না বলে আমার কাপড়ের টুকরোটি বাবাকে দিয়েছি। বাবার জাম্মার মাঝে কাপড়ের তালির ভারও সুইতে পারে না বলে চামড়ার তালি লাগিয়ে পরছেন।'

হাদিসে কুদসিতে বর্ণিত হয়েছে যে, আল্লাহ বলেন, 'সমস্ত দুনিয়ার সম্পদের দাম যদি একটি মাইতির একটি ডানার সমান বলেও মনে হতো তবে পথভ্রষ্টদের তথা কাকেরদেকে এক চোক পানিও পান করতে দিতাম না।' হজরত জাবির (রা.) হতে বর্ণিত আছে, হজুর পাক (আ.) একটি কানকাটা মৃত ছাগলের বাচ্চার কাছ দিয়ে চললেন। তিনি জিজ্ঞাসা করলেন (সাহাবাদের), 'তোমাদের মধ্যে কে চায় যে, ইহা এক দিরহাম দিয়ে কিনবে?' তারা বললেন, 'আমরা ইহা কিছু দিয়ে নিতে চাই না।' তিনি বললেন 'তবে কসম আল্লাহর, দুনিয়া তুচ্ছতর তোমাদের এই ছাগলের বাচ্চা হতেও।' (মোসলেম শরিফ)।

মুস্তাওরিদ-বিন-শাদ্দাত হতে বর্ণিত আছে, হজুর পাক (আ.) বলেছেন, আল্লাহর দুনিয়ায় আখেরাতের (সঙ্গে তুলনায়) তেমনি, যেমন কেহ আঙুল সাগরে ডুবিয়ে দেখে কতটা পানি এনেছে উহী।' (মোসলেম শরিফ)। হজুর পাক (আ.) বলেছেন, 'আল্লাহ এমন কোনো বস্তু সৃষ্টি করেন নি যা তার দৃষ্টিতে দুনিয়া অপেক্ষা অধিক ঘণিত এবং শত্রু।'

হজুর পাক (আ.) বলেছেন, 'ডোর বেলা ঘুম থেকে ওঠার সঙ্গে সঙ্গে যার আন্তরিক আকর্ষণ বেশির ভাগ উপার্জনের দিকে হয়, সে ব্যক্তি কখনো আল্লাহভক্ত লোকদের অন্তর্ভুক্ত নয়, তার জন্য দোজখ অবধারিত।'

হজুর পাক (আ.) বলেছেন, ‘কেয়ামতের মাঠে এমন কতগুলো লোক উপস্থিত হবে যাদের পুণ্য কার্যসমূহ ‘তেহমা’ পর্বতের মতো উঁচু হবে, তথাপি তাদেরকে দোজখে নিক্ষেপ করা হবে।’ উপস্থিত সাহাবায়ে কেরামি আরজ করলেন, ‘ইয়া রসূলুল্লাহ (আ.)! এরা কি নামাজি লোক নহে?’ হজুর পাক (আ.) বললেন ‘হ্যাঁ, তারা নামাজও পড়েছে, রোজাও রেখেছে, সারারাত জেগে নফল এবাদতও করেছে। কিন্তু দুনিয়ার সুখ-সম্পদের মধ্যে মত্ত থাকার কারণে তাদের এই দুর্গতি হবে।’ হজুর পাক (আ.) বলেছেন, ‘হয়তো অচিরেই আল্লাহ তোমাদেরকে পার্থিব সম্পদ প্রচুর পরিমাণে দান করবেন, যেমন তোমাদের পূর্ববর্তীদের দান করেছিলেন এবং তারা যেরূপ সেই ধন-সম্পদ পেয়ে পরস্পর ঝগড়া-ফ্যাসাদে লিপ্ত হয়ে ধ্বংসপ্রাপ্ত হয়েছিল, আমরা ভয় হয়, তোমরাও সেইরূপ ধন-সম্পদ পেয়ে পরস্পর ঝগড়া-বিবাদে লিপ্ত হয়ে বিনাশপ্রাপ্ত হবে।’ হজুর পাক (আ.) বলেছেন, ‘কোনোক্রমেই তোমরা দুনিয়ার চিন্তায় মগ্ন হয়ো না।’

হজুর পাক (আ.) বলেছেন, ‘দুনিয়া তোমাদের প্রতি আকৃষ্ট হবে এবং তোমাদের ধর্মকে এমনভাবে খেয়ে ফেলবে যেমন আগুন শুকনো কাঠের টুকরোকে ছাই করে ফেলে।’ হজুর পাক (আ.) বলেছেন, ‘দুনিয়া হতে আত্মরক্ষা কর। ইহা হাবুত-মাবুত অপেক্ষাও অধিক জাদুকর।’

উপরের হাদিস কয়টির বিশদ বর্ণনা করতে গেলে আমরা দিবালোকের মতো স্পষ্ট বুঝতে পারি যে, দুনিয়ার সম্পদের কোনো মূল্য নেই। এই মূল্যহীন পার্থিব সম্পদকে নিয়ে টানা-হেঁচড়ায় সচেতন থাকলে আমরা যে কী করে মুসলমান বলে বিবেচিত হই তা আমরা উপলব্ধি করতে পারি না। ভোগ-বিলাসের প্রতিই যদি ইসলামের দৃষ্টি প্রখর থেকে থাকে তবে কেন ভোগের উগ্রতাকে আল্লাহ-লাভের এত বড় অন্তরায় বলে ঘোষণা করা হলো? পেট ভরে দুটো সমান বর্গন করে খেলেই আদর্শের সৃষ্টি হয় না। দু’বেলা খাওয়াটাই আমাদের নজরে বেশি পড়ে বলে নৈতিক আদর্শ হারিয়ে শুধু ‘আমরা খাব, আমরা খাব’ বলে কোটি কোটি মানুষের ঘাসকেও ছিনিয়ে নিতে দ্বিধাবোধ করি না। এই জঘন্য প্রথাকে চালু রাখার জন্য আমরা কত রকম দোহাই না দিতে শিখেছি। অথচ ইসলামের নীতিতে মাটির একটি ডানার সমান মূল্যও নয় যে সম্পদ, একটি মরা কানকাটা ছাগলের বাচ্চার চেয়েও তুচ্ছতর যে সম্পদ, সেই সম্পদকেও ইসলাম-এর বুলি ঠুকে, টেরা চোখে সমান বর্গন তথা সাম্যবাদ বর্জন করে, দানছত্র খুলে উদারনীতির ডেক ধরে, ‘ইচ্ছাশক্তির’ যাতাকলে ফেলে ভগ্নের মতো ইসলামের প্রকৃত আদর্শের মুখে অতি গোপনে কলঙ্ক লেপন করছি।

দুনিয়ার পার্থিব ভোগ-বিলাসে মত্ত থাকা শকুনিরা আবার সম্মানের আশা করে! কতদিন আর মানুষের পাজর ভেঙে খুন বের করে তোমার বিলাসিতার উপকরণ যোগাবার জন্য ঢেলে দেবে? এই মোহরের দাসদের, যারা মোহর জমা করার তরে মানুষের মানবতার পোশাক ছিঁড়ে ফেলে দিয়েছে, এই দেরহামের দাস অর্থাৎ টাকার কুমিরেরা মানুষের বুকে যমদূত সেজে মানুষের রক্ত-মাংসের দেহের ওপর রক্ত-কণিকার স্রোতে রচনা করে দেশ ও জাতির স্থায়িত্ব আর উন্নতির জয়যাত্রা। এই বিলাসী ডোরাদার কাপড়ের দাসেরা নিরীহ জনসাধারণের ওপর চালিয়ে যায় অত্যাচারের বিশ্রী স্টিম রোলার। কিন্তু কেন আমরা, খেতাবধারীরা, নীরবে এত অত্যাচার-অবিচার সহ্য করবো? নীরবে সহ্য করাটাও অন্যায্য। তাতে অত্যাচারের সীমা পেরিয়ে ভয়াবহতার করুণ দৃশ্য ফুটে ওঠে সমাজের প্রতিটি ভাঙা কুটিরে। প্রকাশ্যভাবে আল্লাহর দেওয়া এই বিধানকে সত্য জেনেও যদি আমরা কার্যে পরিণত না করি তবে আল্লাহ তাঁর পবিত্র কোরান-এ বার বার ঘোষণা করেছেন অভিশাপের হুমকি। বার বার আমাদেরকে নীরব দর্শকের ভূমিকা গ্রহণ না করে আমাদের ভাগ্যকে পরিবর্তন করার তরে রুখে দাঁড়াতে বলেছেন, উপযুক্ত ব্যবস্থা গ্রহণ করে

সংগ্রাম করার কঠিন শপথ নিয়ে আমাদের জাতীয় ভাগ্যকে পরিবর্তন করতে বলেছেন। যদি তা না করে শুধু হা করে আহা-উহ করি আর কুড়ের মতো দাঁড়িয়ে তামাশা দেখি তবে আল্লাহ আমাদের ভাগ্যকে পরিবর্তন করবেন না। ইহা কোরান-এর স্পষ্ট আদেশ। আমরা প্রাকৃতিক দুর্যোগের মুখে লাখো মানুষ বোবার মতো জীবন দিতে পারি, কিন্তু তবুও আল্লাহ এবং রসুলুল্লাহ (আ.)-এর অমৃতবাণীকে বুকে নিয়ে সংগ্রাম করার তরে ঐ মোহরের দাসদের বিরুদ্ধে দাঁড়াতে চাই না। আমাদের ধর্মীয় চেতনা আর দর্শনকে ‘মন ম্নে শেখ ফরিদ, বোগল ম্নে ইট’-এর ছাঁচে গড়ে নিয়েছি। তার জন্য আমাদের ভাগ্যে দিনের পর দিন ঘন অন্ধকারের মতো নেমে আসছে অশান্তি আর অভিশাপ। আল্লাহ এবং রসুলুল্লাহ (আ.) বুঝতে পারেন আমাদের এই মরুভূমির তপ্ত বালুতে মরীচিকার বালুজলের উত্তাল তরঙ্গের ফসফসানি। আমাদের ধর্মীয় চেতনা আর দর্শন দূর হতে জলের উত্তাল তরঙ্গের শব্দ, কিন্তু তৃষ্ণা মেটাতে গিয়ে কাছে এগিয়ে এলে খে-ফোটা গরম চিক চিক করা বালি আর বালি।

আল্লাহ আহ্বান জানাচ্ছেন - কে আছ, কে মোহরের দাসদের বিরুদ্ধে বুখে দাঁড়িয়ে নিজের ভাগ্যকে পরিবর্তন করতে চাও? কিন্তু সমাজ-জাতি তো দূরের কথা, ব্যক্তি বিশেষও মোহরের দাসদের, যারা ধর্মের মুখোশ পরে লালন-পালন করছেন সেই প্রধান মোহরের দাসদের উচিত শিক্ষা দিয়ে হজুর পাক(আ.)-এর আদর্শ প্রতিষ্ঠা করার তরে এগিয়ে আসতে দ্বিধাবোধ করছে।

হজরত আবু হোরাযরা (রা.) হতে বর্ণিত আছে, হজুর পাক (আ.) বলেছেন, ‘ধ্বংস হোক দিনারের দাস, দেহতামের দাস আর ডোরাদার কাপড়ের দাস। যদি দেওয়া হয় তাকে, সে সন্তুষ্ট হয়, আর যদি না দেওয়া হয়, অসন্তুষ্ট হয় - ধ্বংস হউক সে, লাঞ্চিত হউক সে।’ (বোখারি শরিফ)।

ইসলাম মানুষকে তার দৈহিক সম্মান প্রয়োজনের মানদণ্ডের বিচার করে ঘোষণা করেছে, রাষ্ট্রনায়ক খলিফা ওমরের উর্টের পিঠে বসে যাবার যতটুকু অধিকার, ঠিক ততটুকু বসে যাবার অধিকার উট-চালকের আছে। উর্টের পিঠে কি রাষ্ট্রনায়কেরই বসার অধিকার? উট-চালক গরম বালুর উপর হেঁটে উট চালিয়ে যাবে? তার কি বসার অধিকার নেই? উট-চালক যতটুকু উট চালাবে এবং উর্টের পিঠে বসবে ঠিক সেই পরিমাণ অধিকার রাষ্ট্রনায়কের আছে। ইসলাম বার বার ঘোষণা করেছে, খবরদার এই ইনসাফ, এই সাম্য, এই মানবতা, এই আদর্শ হতে ঋণিকের তরেও সবে দাঁড়িও না। তুমি শাহিখানা খাচ্ছ? খাও। কিন্তু তোমার দেশে লাখো ভুখা তোমারই মতো মানুষ। তাদেরকে শাহিখানা খেতে দাও। লাখো মানুষকে খেতে দিতে পারছ না? তবে তুমিও শাহিখানা খেতে পারবে না। নিজে তো মিষ্টি খুব খাও, আর আমাদের বেলায় ভুখা থাকার উপদেশ দিচ্ছ! তুমি যতটুকু খাবে অন্যকেও ঠিক ততটুকু খাওয়াবে। দেবে না? রুখে দাঁড়াবো। দাঁড়াবো হজুর পাকের (আ.) আদর্শ বুকে নিয়ে। তোমার স্বৈরাচারিতাকে চিরতরে শেষ করে দেবার জন্য আমরা এগিয়ে আসবো। তোমার সাথে মানুষ খুন করার ‘স্নো পয়জন’ তথা মস্তুর বিষ আছে। আর আমাদের সাথে আছেন হজুর পাকের (আ.) মানুষকে আমাদের মতো মনে করে গ্রহণ করার অমৃত বাণী।

তুমি ডোরাদার বিলাসী পোশাক পরেছ। আমাদেরকে ঠিক সেই মূল্যের পোশাক পরতে দাও। মনে রেখ, তুমি যা খাবে এবং পরবে আমাদেরকেও ঠিক তাই দিতে হবে। ঐ দেখ হজরত আবু জুর গিফারি (রা.) যখন ভৃত্যকে গালি দিয়েছিলেন, হজুর পাক (আ.) তৎক্ষণাৎ ইশিয়ার করে দিয়ে বললেন, ‘কেন ওকে গালি দিচ্ছ? তুমি কি ভুলে গেলে যে, সে তোমারই ডাই? তুমি যা খাবে এবং পরবে তাকে তাই দিতে হবে।’ আমি দেখছি এখনও জাহেলি যুগের প্রভাব তোমাদের ভেতর কাজ করছে।

ইসলাম শিক্ষা দিচ্ছে : ইসলামই দৈহিক ও মানসিক সর্বপ্রকার দাসত্ব হতে মুক্তিদানের বিধান।' দৈহিক দাসত্ব বলতে ধারণা করতে পারি যে দৈহিক দুঃখ-কষ্ট-যাতনা ইত্যাদি প্রধানত দাসত্ব। অভাবে-অনাহারে একটি মানুষ দিনের পর দিন ভীষণ কষ্ট পাচ্ছে অথচ ভোগবিলাসে ডুবে থেকে অপর আর একটি তারই মতো মানুষ জীবন কাটিয়ে দিচ্ছে। এই দুটো মানুষের দৈহিক জীবনধারণার একটিও ইসলাম মেনে নেয় নি। তাই ইসলাম মানুষকে তার দৈহিক প্রয়োজনের উপযুক্ত মানদণ্ডে বিচার করে ঘোষণা করেছে, তোমার দৈহিক জীবনধারণের মুক্তির তরে যতটুকু প্রয়োজন ঠিক ততটুকু অপর একটি মানুষের বেলাতেও প্রয়োজন। ইহাই ইসলামের সামাজিক আইন অর্থাৎ বিধান। উপসংহারে এই বলতে পারি যে, জাতীয় সম্পদকে সমানভাবে বণ্টন করে দিতে হবে। প্রতিটি মানুষ যাতে দৈহিক দাসত্ব হতে সম্পূর্ণ মুক্তি পেতে পারে তারই তরে আমাদেরকে আল্লাহ এবং হজুর পাক (আ.) বার বার স্পষ্ট ভাষায় সতর্ক করে দিয়েছেন। মানুষের মাঝে যাতে দৈহিক মুক্তির তরে অসাম্য না দেখা দিতে পারে তারই জন্য দুনিয়ার পার্থিব সম্পদের যে কোনো মূল্যই নেই সেই কথা কোরান এবং হাদিস শরীফে শত শত বার শত শত শৈলীতে প্রকাশ করে আমাদেরকে সাবধান করে দিয়েছেন। এত সাবধান করে দেওয়া সত্ত্বেও যারা মুসলমানের মুখোশ ধারণ করে জাতীয় জীবনে অসাম্য তৈরি করে জাতীয় দৈহিক ও মানসিক জীবনকে দাসত্বের শৃঙ্খল পরিয়ে দিচ্ছে, সেই বক-ধার্মিক মুখোশ-পরা ভণ্ড মুসলমানদের বিরুদ্ধে ক্রোধে দাঁড়াতে, প্রকাশ্য বিদ্রোহ ঘোষণা করতে এবং সাম্যবাদি প্রতিষ্ঠা করতে আল্লাহ এবং হজুর পাক (আ.) বহুবার ঘোষণা করেছেন।

একটা গোটা জাতির দৈহিক জীবনে অসাম্য তৈরি করে সামান্য মুষ্টিমেয় স্বার্থপর ব্যক্তি দৈহিক উপকরণ অর্থাৎ পার্থিব সম্পদ নিজেদের ভোগবিলাসে ঢেলে দিচ্ছে। ঐ স্বার্থপর মুষ্টিমেয় ব্যক্তি ধর্মের নামে বড় বড় বুলি আউড়িয়ে জনসাধারণকে বিভ্রান্ত করে। তাদেরই উঁচু দালানের দ্বারে লাখো মানুষ কেঁদে বেড়ায় – আকুল আবেদন জানায়, কিন্তু তাদের মন থাকলেও কাতর কান্নাকে অনুভব করার শক্তি তারা হারিয়ে ফেলেছে। দৃষ্টিতে ঐ লব্ধ দীপ্তিহীন কালো বস্ত্রের ভেতর চোখের তারাগুলো তারা দেখতে পায় না। হজুর পাক (আ.) আমাদেরকে এই সমস্ত স্বার্থপর ব্যক্তিদের স্বভাব বর্ণনা করে বলেছেন, 'তাদের মন আছে বটে, বুঝবার শক্তি নেই। তাদের কান আছে, শুনতে পায় না। তাদের চোখ আছে, দেখতে পায় না। তারা জানোয়ারের মতো হয়ে গেছে, বরং তার চাইতে অধম। এরাই চরম ঔদাসীনে ডুবে আছে।'

এই মূল্যহীন পার্থিব সম্পদ ইসলামি রাষ্ট্রের সাম্যের ভিত্তি ও দর্শনে কেন যে প্রতিষ্ঠা হচ্ছে না তা সত্যিই ধর্মপ্রাণ মুসলমানদের ভাবিয়ে তোলে। কান-কাটা মরা ছাগলের মূল্য হতেও দুনিয়ার সম্পদ তুচ্ছতর, আর সেই তুচ্ছতর সম্পদকে নিয়ে মুসলিম রাষ্ট্র কেন অসাম্যের ভিত গড়ে? সমাজ এবং জাতির মেরুদণ্ড চূর্ণ-বিচূর্ণ করে দেয় অসাম্য।

যে শাসনতন্ত্র বা আইন প্রথমেই রচনা করে রেখেছে অসাম্যের বীজ, সেই শাসনতন্ত্রের প্রতিটি ধারায় আবার আমাদের রচনা করতে হবে সাম্য অর্থাৎ মানুষকে মানুষের মানদণ্ডে বিচার করে সমান অধিকার প্রদানের স্বীকৃতি। মানুষের সমান অধিকার হতে মানুষকে বঞ্চিত করে এক লোকমা খাদ্য, একখণ্ড বস্ত্র অন্যায়ভাবে আত্মসাৎ করে মানুষের মানবিক সম্মানকে অন্যায় ও নির্ভরতায় পদদলিত করে যারা, আল্লাহ নিশ্চয়ই মহাবিচার দিবসে জাহান্নামের আগুনে তাদেরকে বিভিন্নরূপে কঠিন শাস্তি প্রদান করে তাদের তথাকথিত সম্মানকে নষ্ট করবেন। আল্লাহ পাক বলেছেন, 'যে ব্যক্তি কোনো মুসলমানের এক লোকমা খাদ্য অন্যায়ভাবে আত্মসাৎ করে, মহান আল্লাহ ইহাদেরই ন্যায় জাহান্নামের এক

লোকমা তাকে খেতে দেবেন। যে অন্যের একখণ্ড বস্তু অন্যায়ভাবে আত্মসাৎ করে, আল্লাহ ইহার ন্যায় জাহান্নামের একখণ্ড বস্তু তাকে পরাবেন। যে অন্যায়ভাবে অপরের সম্মান নষ্ট করে, আল্লাহ বিচারের দিন তার সম্মান নষ্ট করবেন।’ (আবু দাউদ শরিফ)।

পরস্পর পরস্পরকে ভালবাসতে হবে। ভালোবাসার দাবি তখনই স্বীকৃত হয় যখন একে অপরের সুখ-দুঃখে সম্মানভাবে শরিক হতে পারে। তখনই হয় প্রকৃত সাম্যের প্রতিষ্ঠা। মানুষকে তার মৌলিক দাবি হতে বঞ্চিত করে, আমার মতো সুখ-দুঃখের অনুভূতি যে তাদেরও সমানই আছে, আমার মুখে মরিচ ঝাল আর চিনি মিষ্টি অনুভব করার শক্তি যতটুকু আছে, তাদেরও সেই অনুভব করার সমান শক্তিই আছে। এইভাবে প্রত্যেক বিষয় হতে বঞ্চিত-অবহেলিত করে না রেখে আমরা পরস্পর পরস্পরকে ভালোবাসা দিয়ে মেকি কান্নার প্রীতি ছাড়ানো গোঁজামিল করে রাখা দেশের শাসনতন্ত্র বা আইনকে সম্পূর্ণরূপে ধুয়ে-মুছে সব মানুষের সম্মানভাবে বাচবার অধিকারের আইনে গড়ে তুলবো মানবতীর খাঁটি তাজমহল - রক্তশোষক ভাইপারের পাজর নিঙড়ানো রক্ত-কণিকায় গড়া অভিশপ্ত তাজমহল নয়। কালের অভিশপ্ত পাথরে তাজমহল ফিউড্যাল দর্শনে দর্শীয়ান কাগজের ব্যাম্বদের নীল আঁটা স্বর্ণালি চশমার ফ্রেমে অতি সুন্দর যৌন প্রেমের নগ্ন বিশ্রী গন্ধ সন্ধান করে।

যদি আমরা পরস্পরের প্রতি এই ভালোবাসা প্রদর্শন করতে না পারি তবে আমাদের মাঝে কখনোই ইমান আসতে পারে না। যদি ইমান না আসে আমাদের মাঝে তবে বেহেস্তে কী করে যেতে পারবো? ইমানের প্রশ্ন তুললেই যেখানে বাদ পড়ে যাই সেখানে বেহেস্তের প্রশ্ন তো দূরের কথা। হজরত আবু হোরাইরা (রা.) হতে বর্ণিত আছে যে, রসুলুল্লাহ (আ.) বলেছেন, ‘ইমান না আনা পর্যন্ত তোমরা বেহেস্তে যেতে পারবে না। এবং পরস্পরকে ভালো না বাসলে ইমান আসতে পারে না। আমি কি তোমাদের এমন কার্যের সন্ধান দেব না, যা করলে তোমরা পরস্পরকে ভালোবাসবে? তোমাদের ভেতর শান্তি বিস্তার কর।’ (মোসলেম)।

পরস্পর পরস্পরের প্রতি ভালোবাসার মৌলিক দাবি দেশ ও জাতির বুকে প্রতিষ্ঠা করার তরে যদি আমরা বোবা দর্শকের মতো হাঁ করে তাকিয়ে থাকি, তার পরিণাম যে স্পর্শভাবে কাফের টাইটেল নিয়ে জাহান্নামে যেতে হবে সে বিষয়ে হজুর পাক (আ.) স্পষ্ট ভাষায় আমাদেরকে সাবধান করে দিয়েছেন। আমাদেরকে তাই ‘কাফের হয়ো না’ বলে তিনি সতর্ক করেছেন। মানুষের গ্রীবাদেশে আঘাত হেনে মৌলিক দাবি হতে মানুষকে ধাক্কা মেরে ফেলে দিতে বারণ করে দিয়েছেন।

হজরত জোরাই (রা.) হতে বর্ণিত আছে যে, রসুলুল্লাহ (আ.) বিদায় হজ্জে বলেছেন, ‘আমার পরে তোমরা কাফের হয়ো না এবং পরস্পর পরস্পরের গ্রীবাদেশে আঘাত করো না।’ (বোখারি এবং মোসলেম শরিফ)।

মূল্যহীন পার্থিব সম্পদকে আত্মসাৎ করে অপর ভাইদের বঞ্চিত করে যারা সমাজের বুকে ভদ্র এবং ধনী সাজে তারা কাফের। শুধু কি কাফের? এরা মানব সমাজের মধ্যে ভাঙন ধরিয়ে বিভিন্ন শ্রেণীতে বিভক্ত করে ফেলে। এরা ভুলে গিয়েছে যে, সকল মানুষের প্রাণের মূল্য সমান। মানুষকে কৌশলে বাধ্য করে তাদের গোলাম বানিয়ে রেখে মানুষের প্রাণের সমান মূল্যবোধের সাম্যবাদকে নিষ্ঠুরের মতো উপভিয়ে ফেলে দিয়ে করুণ হা-হতাশের বেদনার্ত ছবি মানুষের বুকে একে দিয়েছে। মানুষ যে তাদেরই মতো একই প্রাণের অধিকারী, তারা তা গর্বের সহিত অস্বীকার করে। তারা ভুলে গিয়েছে হজুর পাকের (আ.) আবেদন আর সতর্কবাণী। হজুর পাক (আ.) বলেছেন, ‘সকল মুসলমানের প্রাণের মূল্য সমান।’ আল্লাহ বলেন, ‘বিশ্বাসীগণ পরস্পর ভ্রাতা।’ তারা অস্বীকার করে আল্লাহ এবং হজুর পাকের (আ.) দেওয়া সাম্যবাদ। তারা মানুষের বুকের উপর প্রকাশ্যে রচনা করে মানুষের রক্ত

দিয়ে ভোগ-বিলাসের পাখর-প্রাসাদ। মানুষকে বোকা বানাবার জন্য, মানুষের চোখে কলুর বলদের ঠুলি পরিয়ে দিয়ে মসজিদ ঘরে মুসলমান সেজে পাঁচ ওয়াক্ত নামাজ আদায় করে। কিন্তু আফসোস! এই ভণ্ডের সন্মুচিত শাস্তি দেবার জন্য আমরা এগিয়ে আসি না। আমাদের এই দিনের পর দিন নীরবতার দরুন তারা তৈরি করে রাখে নিরাপত্তার লোহপ্রাচীর।

আমাদের প্রাণের মূল্য যে তোমাদের প্রাণের মতো সমান তা তোমরা উপহাসের হাসি তুলে উড়িয়ে দিয়েছ। আমাদেরকে দাসের আধুনিক সংস্করণ বানিয়ে তোমরা পশুর মতো ব্যবহার করছ, কিন্তু তোমাদের বাইরের দিকটি এত চতুরতার নাগপাশে ঘিরে রেখেছ যার জন্য সহজে আমরা বুঝে উঠতে পারি না। মানুষ কোনোদিন মানুষের দাস হতে পারে না। মানুষ আল্লাহর দাস। আল্লাহ আমাদের মালিক তথা প্রভু। আল্লাহ বহুবার ঘোষণা করেছেন যে, আসমান-জমিনের একমাত্র মালিক হলেন তিনিই, অন্য কেউ নয়।

হজুর পাকের (আ.) দেওয়া সাম্যবাদ মানুষকে দেয় মানুষের মানবিক দাবি প্রতিষ্ঠা করার আশ্বাস। মানুষ হয়ে মানুষের কাছে ছোট-বড় ভেদাভেদ নেই – সব মানুষের প্রাণের মূল্য সমান। নিজের জন্য যা পছন্দ, অপরের জন্য তা করা মেনে না নিলে মুসলমান হতেই পারছি না। আমাদের প্রথমে তাই মুসলমান হবার সীমানাতে দাঁড়াতে হবে। তারপরের প্রশ্ন আসে আমিত হারিয়ে আল্লাহর সঙ্গে সংযোগ প্রচেষ্টা তথা সালাত কায়ম করার কথা। যারা আমাদের ‘মুসলমান হতেই পারি না’-কে স্বীকৃতি দেবার আমলটুকুও রাখে না, তারা কি শুধু কাকের? তারা তো আল্লাহ এবং রসুলের বিরুদ্ধে যুদ্ধ করছে। যারা আল্লাহ এবং রসুলের বিরুদ্ধে যুদ্ধ করছে তাদের বিরুদ্ধে কি আমাদের যুদ্ধ করতে বলা হয় নি? কিন্তু আমরাও তো রসুলের মহব্বত উপেক্ষা করে নিজের প্রাণের ভয়ে চুপ করে আছি।

হজুর পাককে (আ.) নিজের প্রাণ এবং সমস্ত কিছু হতে বেশি মহব্বত করতে হবে। হজুর পাক (আ.) বলেছেন, ‘কেহই ইমানদার হয় না যতক্ষণ না আমি তার নিকট প্রিয়তর হই তার পিতা এবং সন্তান হতে এবং সমগ্র মানবজাতি হতে।’ (বোখারি এবং মোসলেম শরিফ)। কিন্তু আমরাও কি তা মনেপ্রাণে গ্রহণ করে নিতে পেরেছি? যদি তাই পারতাম তবে হজুর পাকের (আ.) দেওয়া সাম্যবাদ এতদিনে নিশ্চয়ই সমাজের বুকে দৃঢ়ভাবে প্রতিষ্ঠা লাভ করতো। আমরাও তো খুতবিতে দাঁড়ি, মাথায় টুপি, মুখে আল্লাহ রসুল এবং বগলে ইট লুকিয়ে রেখে হজুর পাকের (আ.) প্রতি মহব্বতের নহর জারি করতে চাই। দাঁড়ি রাখা একটি সুন্নত, কিন্তু নিজের জন্য যা পছন্দ করি অপরের জন্য তা করতে না পারলে কি সেই সুন্নতের দাবি এখনো করতে লজ্জা হয় না?

হজুর পাক (আ.) বলেছেন, ‘মুসলমান ঐ ব্যক্তি, যার রসনা এবং হস্ত হতে অন্যান্য মুসলমানগণ নিরাপদ থাকে।’ (বোখারি এবং মোসলেম শরিফ)।

হজরত আবু হোরাযরা (রা.) হতে বর্ণিত আছে, ‘আমি বললাম, হে আল্লাহর নবি, আমাকে এমন বিষয় শিক্ষা দিন যাহা হতে আমি উপকার পেতে পারি। তিনি বললেন, মুসলমানদের পথ হতে অনিষ্টকর পদার্থ দূরীভূত কর।’ (মোসলেম শরিফ)।

হজুর পাক (আ.) বলেন, ‘পরস্পর পরস্পরকে হিংসা করো না। পরস্পর পরস্পরকে বিপদে ফেল না। আল্লাহর বান্দাগণকে ভ্রাতা বলে গণ্য করো।’ (বোখারি এবং মোসলেম শরিফ)।

হজুর পাক (আ.) বলেন, ‘যে ব্যক্তি তার ভাইয়ের হতে অপবাদ দূর করে, দোজখ হতে তাকে মুক্তি দেওয়া আল্লাহর কর্তব্য হয়ে দাঁড়ায়।’ (বাইহাকি)।

হজুর পাক (আ.) বলেন, ‘বেহেস্তে সূক্ষ্ম রেশম বস্ত্র আবৃত ইয়াকুতের স্তম্ভ আছে, ইহাতে খোলা দরজা আছে। দীপ্তিমান নকশের মতো ইহা আলো

বিকীরণ করছে।' তারা জিজ্ঞাসা করল, 'হে আল্লাহর রসূল। কারা তাতে বসবাস করবে?' তিনি বললেন, 'যারা আল্লাহর জন্য পরস্পর পরস্পরকে ভালবাসে, যারা আল্লাহর জন্য মজলিসে বসে এবং যারা আল্লাহর জন্য পরস্পর পরস্পরের সঙ্গে সাক্ষাত করে।' (বাইহাকি)।

হজরত ইবনে মাসউদ (রা.) হতে বর্ণিত আছে, হজুর পাক বলছেন, 'বেহেস্তে প্রবেশ করবে না যার অন্তরে আছে বিন্দু পরিমাণ গর্ব।' এক ব্যক্তি বললেন, মানুষ চায় যে, তার পোশাক সুন্দর হয়, জুতা সুন্দর হয়। তিনি বললেন, 'আল্লাহ সুন্দর এবং পছন্দ করেন সৌন্দর্য। অসুন্দর হচ্ছে হক অস্বীকার করা এবং মানুষকে তুচ্ছ জ্ঞান করা।' (মোসলেম শরিফ)।

হজরত ইবনে মাসউদের (রা.) বর্ণিত হাদিসটি অত্যন্ত সুন্দর, চাতুর্যপূর্ণ ভাষায় বর্ণিত এবং বিজ্ঞানময় সার্বজনীন আশ্রয় এবং বিশ্ববাসীকে ভীষণভাবে হুমকি প্রদান করছে তাদের পরকালভিত্তিক জীবনব্যবস্থার উপর। এত স্পষ্ট এবং সার্বজনীন হুমকির মানদণ্ড গোষ্ঠি বা বিশেষ কোনো সমাজকে উল্লেখ করে দেওয়া হয় নি। জগতের প্রতিটি অস্থি-মাংসে গড়া মানবদেহের অধিকারী মননশীলতার একমাত্র মূর্ত প্রকাশকের বাহক মানবজাতিকে চোখে আঙুল দিয়ে জানিয়ে দিয়েছেন যে, যে কোনো মানুষের মনে একটি তিলের পরিমাণ মতো গর্ব তথা অহঙ্কার ধারণ করে থাকলে তার জন্য বেহেস্তে প্রবেশ করা নিষেধ জারি করা হয়েছে। এত বড় হুমকি যে, ভয়ঙ্কর আর্সেনিক বিষ মূহূর্তকাল বিলম্ব না করে যেমন সজীব দেহটাকে মৃত্যুর কোলে চিরঘুম ঘুমিয়ে রাখি, সে রকম একবিন্দু গর্ব যার মনে স্থান পাবে, জাহান্নাম অর্থাৎ নরকের আগুনে যে-কালের আর শেষ নেই সেই অনন্তকালের তরে বাসস্থান হবে।

এখন স্বাভাবিকভাবে প্রশ্ন আসে যে, সেই মারাত্মক গর্বটা কী এবং উহা কাকে বোঝানো হয়েছে? তাই একজন সাহাবা হজুর পাক (আ.)-কে প্রশ্ন করে জানতে চেয়েছেন যে সুন্দর পোশাক এবং সুন্দর জুতা পরিধান করাই কি তবে গর্বের অন্তর্ভুক্ত? কিন্তু হজুর পাক (আ.) গর্ব কাকে বলে এবং গর্বটা কি তাহাই অতি সুন্দর এবং অতি স্পষ্ট ভাষায় বলে দিয়েছেন। একটা মানুষকে বেঁচে থাকার জন্য যে সমস্ত জিনিশের প্রয়োজন হয় অপর একটি মানুষের জন্যও ঠিক তাহাই প্রয়োজন হয়। প্রতিটি মানুষের বেঁচে থাকার এই সমান প্রয়োজন যারা প্রকাশ্যে কি গোপনে অস্বীকার করে, অর্থাৎ মেনে নিতে রাজি নয়, তাদের এই মেনে না নেওয়াকে গর্ব বলা হয়েছে। কারণ, এই মেনে না নেওয়াটাকেই মানবজাতির মানবীয় দাবির হককে অস্বীকার করা বোঝায়। পৃথিবীর প্রতিটি মানুষের হৃদয়ে যে হাসি এবং কান্না জড়িয়ে হৃদয়খানা গড়ানো হয়েছে – পৃথিবীর প্রতিটি মানুষের বেঁচে থাকার তরে সমান অধিকার রয়েছে – এ রকমভাবে মানবের সার্বজনীন দাবিগুলোকে 'ইজমের' মুখোশ মুখে লাগিয়ে অস্বীকার করার নামই হলো মানুষের হক অস্বীকার করা, আর এই হক অস্বীকার করাকেই হজুর পাক (আ.) আখ্যা দিয়েছেন গর্ব, এবং এরূপ গর্ব কোনো মানুষের হৃদয়ে একবিন্দু পরিমাণ স্থান পেলে সে বেহেস্তে প্রবেশ করতে পারবে না। অর্থাৎ তার জন্য বেহেস্তের দরজা বন্ধ। আবার হাদিসটির শেষে আরও অতি স্পষ্ট ভাষায় বলে দেওয়া হয়েছে, 'মানুষকে তুচ্ছ জ্ঞান করা।' মানুষ যাতে সহজ-সরলভাবে এই কথা কয়টির মর্ম বুঝে নিয়ে ইসলামের পথ ধরে বেহেস্তে প্রবেশ করতে পারে অর্থাৎ মানুষের দেহে মশার মতো সঙ্গীত আর নৃত্যের তালে মানুষের হক অস্বীকার করে মানুষকে পশুর মতো তুচ্ছ জ্ঞান করে মৃদুভাবে হল ফুটিয়ে স্বার্থপর মানুষেরা তাজা খুন পিয়ে যেন রচনা করতে না পারে বিড়িদের পাষণি প্রাচীর। এই হক অস্বীকার করা এবং তুচ্ছ জ্ঞান করার অধিকার মানুষের প্রতি মানুষের নেই। ইহাই ইসলামের প্রকাশ্য ঘোষণা। তাই তো চিত্তশীল মানুষগুলোকে হজুর পাকের (আ.) এই হুমকিতে ভাবিয়ে তুলে এক প্রকার পাগল

করে তুলেছে। তারা অতি সহজেই বোঝে যে এই ইমকি হতে রেহাই পাওয়া বড়ই কঠিন, যদি না দেশ ও জাতি এমন পথ তৈরি করে নিয়ে শাসনভার পরিচালনা করে যার মাধ্যমে অতি সহজেই মানুষের হক এবং মানুষকে তুচ্ছ জ্ঞান করার প্রশ্ন চিররুদ্ধ হয়ে যায়। আর যদি না হয় তবে নির্ঘাত প্রায় মানুষই আশ্রয় নেবে ও নিতে চলেছে জাহান্নামের ভয়ঙ্কর অগ্নিদাহে। তাই আমাদের তথা প্রতিটি মুসলমান ভাইদের প্রথমে আকুল আবেদন, মুসলিম রাষ্ট্রশাসন পরিচালকদের কাছে যে, মুসলমান রাষ্ট্র ও সমাজকে কোরান এবং সুন্নাহ মোতাবেক পরিচালনা করুন, আমরা যাতে ইমানের আমানত রক্ষা করে যেতে পারি। প্রথমে আমরা চাই না সংহার, চাই গঠনমূলক স্থিতিশীল মানবধর্মের একমাত্র মূর্ত প্রতীক ইসলাম কায়েম করে ইমানের আমানত রক্ষা করতে। মানুষের হক এবং মানুষকে তুচ্ছ জ্ঞান করা হতে যারা মুক্তি দেবার তরে নিভীকের মতো এগিয়ে আসে, তাদেরকে অন্যত্র হজুর পাক (আ.) দয়াল বলেছেন। ইহাই তো প্রকৃত দয়া। এই দয়া যারা মানুষকে দেখেন না বা করেন না তারা আল্লাহর দয়া পাবে না। অর্থাৎ তাদেরকে আল্লাহ দয়া করেন না। হজরত জুরির বিন আবদুল্লাহ (রা.) হতে বর্ণিত আছে যে, হজুর পাক (আ.) বলেছেন, ‘আল্লাহ দয়া করেন না তাকে যে দয়া করে না মানুষকে।’ (বোখারি এবং মোসলেম শরিফ)।

হজুর পাক (আ.) বলেছেন, ‘আগুন, পানি, খাদ্যদ্রব্য এবং পোশাক-পরিচ্ছদের উপর রয়েছে প্রত্যেকের সমান অধিকার।’ হজরত আবুজুর গিফারি (রা.) যখন তাঁর ভৃত্যকে গালি দিতেছিলেন তখনই হজুর পাক (আ.) তাকে সাবধান করে বললেন, ‘কেন তুমি তাকে গালি দিচ্ছ? তুমি কি ভুলে গেলে যে সে তোমারই ভাই? তুমি যা খাবে এবং পরিধান করবে তিক্ত তাই তাকে অবশ্যই দিতে হবে। আমি বুঝতে পাছি যে জাহিলিয়াত (অসভ্য) যুগের প্রভাব এখনো তোমার মধ্যে ক্রিয়া করছে।’ এই দুটো হাদিসের প্রথমটিতে প্রতিটি মানুষের বেঁচে থাকার অধিকার যে সমান এবং সাম্যবাদই যে সুস্পষ্টভাবে প্রকাশ পেয়েছে তারই বার বার আবেদনের একটি জ্বলন্ত উদাহরণ। বেঁচে থাকার তরে প্রতিটি মানুষের নিত্যপ্রয়োজনীয় চাহিদাগুলোর প্রয়োজন হয় অধিক। এই চাহিদাগুলোর যে কোনো একটির অভাবে মানুষের পক্ষে বেঁচে থাকা অসম্ভব হয়ে দাঁড়ায়। যেমন পানির কথা ধরা যাক। পানির ব্যবহার ছাড়া মানুষ এক পা এগিয়ে যেতে পারে না। কারণ, বেঁচে থাকার জন্য পানি সবার একইভাবে এবং একইরূপে সমান প্রয়োজন। তাই পানির উপর থাকবে জনগণের সমান অধিকার। এখানে ব্যক্তিমালিকানার (প্রাইভেট প্রোপার্টি) কোনো প্রশ্নই আসতে পারে না। ব্যক্তিমালিকানার স্বীকৃতি যেখানেই প্রচলিত থাকা হিশাবে মানুষের মৌলিক দ্রব্যাদির উপর স্থান পেয়েছে, সেখানেই সঙ্গে সঙ্গে দানা বেঁধে উঠেছে অসাম্যের বিশ্রী কলহ। ব্যক্তিমালিকানার স্বীকৃতি স্থান পেয়ে পৃথিবীর বুকটার উপর যুগে যুগে যে বর্বর অত্যাচার-অবিচার এবং পাপাচার হৃদয়বিদায়ক বাস্তব ঘটনার অবতারণা হয়েছে তার কলঙ্কস্বাক্ষর বহন করে ইতিহাসের প্রতিটি কাগজের আঙিনায় বোবা বেদনার গুমরানো ছবি ফুটে ওঠে। ব্যক্তিমালিকানার অভিশাপ মানবজাতির মানবতার উপর ভয়ঙ্কর আঘাত হেনে মানুষের মনকে বীভৎস ছবির কল্পনা করে গা শিহরিয়া ওঠে। ব্যক্তিমালিকানার অভিশাপে মানুষের কোল হতে মানবশিশুকে মানুষ ছিনিয়ে নিয়ে মানুষের সবুজ মনটাকে কালার তীর বাণে শত শত ফুটো করে গেছে। হজুর পাকের (আ.) প্রেমিক মানব আপনি কল্পনার চোখে একবার কল্পনা করে দেখেন তো, আপনার কোলের আদুরে পুত্রকে আপনারই কোল হতে আর একটি মানুষ চিরতরে ছিনিয়ে নিয়ে যাচ্ছে দার্স বানিয়ে রাখার জন্য, আর আপনি অবাক বিস্ময়ে হাঁ করে দাঁড়িয়ে দেখছেন, আপনার আদুরে দুলাল ‘বাবা, বাবা’ ডাকে বোবা আকাশটায় বেদনার প্রতিধ্বনি করে চিরতরে আপনার পাশ হতে বিদায় নিচ্ছে! জানো হে রসূল প্রেমিক মানব, কেন এই করুণ দৃশ্যের অবতারণা

হচ্ছে একই শরাব পুরনো বোতল হতে নতুন বোতলে ঢেলে রাখার মতো? এর একমাত্র কারণ ব্যক্তিমালিকানার স্বীকৃতি। ইসলাম মানুষকে মালিক বলে নি। সুতরাং মালিকানার স্বীকৃতির প্রশ্ন কোথা হতে এল? ইসলাম মানুষকে মালিকানার দাবি করলে শেরেক অর্থাৎ অংশীদারিত্ব তথা কাকের বলে স্পষ্ট ঘোষণা করেছে। সুতরাং মালিকানার দাবি করার স্বীকৃতির প্রশ্ন কোথা হতে এল? মালিক মানুষ হতে পারে না। মানুষ হতে পারে খাদেম অর্থাৎ সেবক। আসমান-জমিনের একমাত্র মালিক আল্লাহ। ইহাই ইসলামের প্রকাশ্য ঘোষণা। কিছু স্বার্থবাদী এবং দুনিয়াদার রাষ্ট্রপ্রধানগণ খাদেমের তথা সেবকের ভূমিকা নিয়ে খাদেমের মুখোশ পরে স্টিম রোলার চালিয়ে যাচ্ছে। তাই এই খাদেমের মুখোশে মালিকানার স্টিম রোলার যেন মানুষের বুকের উপর কৌশলে ঢালাতে না পারে তারই জন্য বার বার হজুর পাক (আ.) আমাদেরকে সাবধান এবং হুমকি প্রদান করে বলেছেন, এইরূপ মুখোশধারী রাষ্ট্রপ্রধান খাদেমদের, যারা মুসলমানের সিমেন্টেড এক্যকে ভেঙে দিতে চায়, তাদেরকে সমুচিত শিক্ষা দাও। আমাদেরকে নীরব দর্শকের মতো হাঁ করে তাকিয়ে থাকতে অর্থাৎ তামাশা দেখতে বলেন নি। এভাবে তাকিয়ে থেকে আল্লাহর সত্যকে প্রতিষ্ঠা করার তরে যদি জেনে-শুনে নীরব থাকি তা হলে আমাদেরকে জাহান্নামে যেতে হবে, তার ভবিষ্যৎবাণী বহুবার বহু রকমে আল্লাহ এবং হজুর পাক (আ.) ঘোষণা করেছেন। আবার ব্যক্তিমালিকানার অভিশাপ যাদের উপর নেমে আসার দরুন দরিদ্র, বিধবার প্রতীকরূপে অর্থাৎ বেঁচে থাকার সমান মৌলিক অধিকার হতে বঞ্চিত, অবহেলিত হয়ে সমাজে আখ্যায়িত হতে চলছে তাদের দাবিকে প্রতিষ্ঠা করার তরে আমাদেরকে সংগ্রাম করে তাদের দাবিকে প্রতিষ্ঠিত করার জন্য হজুর পাক (আ.) এগিয়ে আসতে বলেছেন, ‘যে সংগ্রাম করে বিধবা ও দরিদ্রের সাহায্যে, সে ঐ ব্যক্তির মতো যে সংগ্রাম করে খোদার পথে।’ এবং আমি মনে করি তিনি ইহাও বলেছেন, ‘সে ঐ ব্যক্তির মতো যে দাঁড়িয়ে থাকে (নামাজের জন্য) অনবরত এবং ঐ ব্যক্তির মতো যে রোজা রাখে বিরামবিহীন একটানা।’ (বোখারি এবং মোসলেম শরিফ)।

‘বিধবা ও দরিদ্র’ বলতে এখানে সমাজের বুকে সর্বহারা মানুষের সমান অধিকারীরূপে বেঁচে থাকার হক তথা অধিকার অস্বীকার করে এবং তুচ্ছ জ্ঞান করে ‘তুচ্ছ জ্ঞানের একটি লেবেল’ মেরে দিয়েছে। তাদের এই তুচ্ছ জ্ঞান করার লেবেল চিরতরে মুছে ফেলবার জন্য যারা সংগ্রাম করে, অর্থাৎ তাদেরকে দ্রাঘতের বন্ধনে আবদ্ধ করার জন্য জেহাদ করে, তারা আল্লাহর পথেই জেহাদ করে। তারা ঐ সমস্ত মানুষের মতো, যারা অনবরত নামাজের মধ্যেই দাঁড়িয়ে থাকেন এবং একটানা বিরামহীন রোজা রেখে যান। তা হলে সেবকের মুখোশ পড়ে ব্যক্তিমালিকানার স্বীকৃতির প্রশ্ন কোথা হতে পেল?

খলিফা হজরত ওমর ফারুক (রা.) কি তাঁর উটচালককে বুঝিয়ে বলে দেন নি যে, উট-চালনা এবং উটের পিঠে বসার অধিকার আমাদের উভয়ের সমান? উট-চালককে কি ওমর (রা.) বলেন নি যে, আমি মালিক নই, আমি খাদেম তথা সেবক মাত্র। এর বাইরে খাণ্ডাবের পুত্র ওমর (রা.) কিছু দাবি করলে তাকে আল্লাহ তায়ালার কাছে জবাবদিহি করতে হবে – এবম্ব্যকার সাবধানবাণী কি ওমর (রা.) মুসলিম জাহান তথা বিশ্ববাসীকে জানিয়ে দেন নি? সুতরাং ব্যক্তিমালিকানার স্বীকৃতির দাবি করার প্রশ্ন কোথা হতে এল? ‘ব্যক্তি মালিক’ অর্থাৎ মানুষ মালিক এই অংশীবাদ তথা কাকের হবার অভিশাপ হতে তথা ফিউড্যাল সিস্টেম হতে হজুর পাকের (আ.) সাম্যবাদকে বুকে ধারণ করে যে কোনো দেশ ও জাতি মাথা উঁচু করে দাঁড়াতে চেষ্টা করে, তারা নিশ্চয়ই পৃথিবীর বুকে শ্রেষ্ঠ সভ্য বলে প্রমাণিত হবেই। কারণ, তারা ব্যক্তিকে মালিক বলা তথা কুফরি হতে মুক্তি দিয়ে আল্লাহকেই পরোক্ষভাবে মালিক বলে স্বীকার করে নেয়। আল্লাহ মানুষের মুখের স্বীকৃতি হতে

বাস্তব স্বীকৃতি তথা হৃদয়ের স্বীকৃতিকেই মোমিনের লক্ষণ বলে স্বীকৃতি দিয়েছেন। মুখের স্বীকৃতির কি কোনোদিন বাস্তব স্বীকৃতির সঙ্গে তুলনা হতে পেরেছে বা পারে? বাস্তব স্বীকৃতির চিহ্ন মুখে ফেলে মুখের স্বীকৃতির অপর নাম হলো, 'মন স্নে শেখ ফরিদ, বগল স্নে ইট'। মুখের স্বীকৃতির মূল্য অতি নগণ্য। কারণ, প্রায় ক্ষেত্রেই মুখের স্বীকৃতির সঙ্গে বাস্তব স্বীকৃতির মিল খুঁজে পাওয়া যায় না। যেমন ধরুন, আমি যদি মানুষের সমাজে অত্যাচার, অবিচার করে মানুষের বেঁচে থাকার মৌলিক জিনিসগুলো সুযোগ পেলেই আত্মসাৎ করে যাচ্ছি অথচ আমি দাড়ি, জুবা, টুপি এবং তসবিহ তৈলাওয়াত করছি এবং হজ্জ করে হাজি হয়েছি অথচ সমাজ আমাকে ঘৃণা করে, আমাকে বোকাই হাজি, চোটা হাজি বলে গালি দেয় এবং তা সত্ত্বেও আমি মানুষের কাছে বলে বেড়াই - আমি মুসলমান, আমি মুসল্লি, মোমিন ইত্যাদি। আবার আমারই মতো আর একটি মানুষ, হজরত সামনুন মোহেবের মতো সমাজের কাছে তথা মানুষের কাছে মোহেব অর্থাৎ প্রেমিক বলে পরিচিত, অথচ হজরত সামনুন-কে মোহেব বলে ডাক দিলে তিনি নিজেকে কাজাব অর্থাৎ মিথ্যাবাদী বলে দিতেন। আমি নিজেকে মোমিন, মুসল্লি বলে জাহির করছি অথচ আমার ভাগ্যে কেন এত লাঞ্ছনা আর অপমান? কারণ, আমার মুখের স্বীকৃতি আছে, কিন্তু বাস্তব স্বীকৃতি মোটেই নেই। অথচ হজরত সামনুন মোহেব নিজেকে কাজাব তথা মিথ্যাবাদী বলে জাহির করেছেন অথচ তাঁর ভাগ্যে কেন এত ভক্তি আর শ্রদ্ধা? কারণ তাঁর মুখের স্বীকৃতি না থাকলেও আসল যে স্বীকৃতি সেই বাস্তব স্বীকৃতি আছে।

এখন পুনরায় সেই পানির উপর প্রতিটি মানুষের সমান অধিকারের কথা নিয়ে আলোচনা করবো। পানি ছাড়া মানুষ যেমন বাঁচতে পারে না, সে রকম খাদ্য তথা আহার ছাড়াও মানুষ বাঁচতে পারে না। সে রকম জীবনধারণের জন্য আগুনের প্রয়োজনও অত্যধিক। পোশাক-পরিচ্ছদ লজ্জা নিবারণ করার জন্য অতি প্রয়োজন এবং ইহাও মানুষের বেঁচে থাকার মৌলিক দাবি। শীতপ্রধান দেশে পোশাক-পরিচ্ছদ যে শুধু লজ্জাকে ঢেকে রাখার কারণ তাই শুধু নয়, তীব্র শীতের প্রকোপ হতে মানুষের বাঁচার প্রশ্নেও এই পোশাক-পরিচ্ছদ একটি বিশেষ স্থান দখল করে নেয়। তাই সার্বজনীন দাবির মৌলিক স্বীকৃতি বলে পোশাক-পরিচ্ছদকে ঘোষণা করা হয়েছে। এই জন্যই 'আগুন, পানি, খাদ্য এবং পোশাক পরিচ্ছদের উপর রয়েছে প্রতিটি মানুষের সমান অধিকার', বলে হজুর পাক (আ.) প্রকাশ্যে ঘোষণা করে গেছেন। সুতরাং ব্যক্তিগত হবার স্বীকৃতির প্রশ্ন কোথা হতে এল? পার্থিব জীবনে ইসলামের দৃষ্টিতে মূল্যহীন পার্থিব সম্পদকে যা প্রত্যেকের পার্থিব জীবনধারণের বেলায় অতি প্রয়োজন তা ইসলামের স্বতঃসিদ্ধ পার্থিব আইন অনুযায়ী প্রত্যেকের অধিকার সমান এবং এই সমান কথাটি যাতে পার্থিব জীবনব্যবস্থায় পূর্ণমাত্রায় বিরাজ করে তারই জন্য হজুর পাক (আ.) বহুস্থানে বহুবার ঘোষণা করেছেন। কারণ, সমাজের বুকে, বিশেষ করে ইসলামিক শাসনব্যবস্থায়, মুষ্টিমেয় স্বার্থপর ব্যক্তি অসাম্যের বজ্র যাতে ঢুকিয়ে দিতে না পারে তার জন্য প্রতিটি মুসলমানকে বার বার সাবধান করে দিয়েছেন। এই সাম্যবাদের শিক্ষাকেই কেন্দ্রবিন্দু ধরে নিয়ে ইসলামিক শাসনব্যবস্থা সমাজে প্রতিষ্ঠা করতে হবে। অন্যথায় ইসলামিক শাসনব্যবস্থার নামে আত্মবিরোধীমূলক ভাবধারা, অরাজকতা এবং ভোগবিলাসের বেদিতে পূজা দেবার সামিলই হবে এবং সমাজ জীবনে নেমে আসবে আরও ভয়ংকর অভিশাপ। কারণ, ইহা হবে আল্লাহ এবং হজুর পাক (আ.)-এর উপর মনোফেকি করা। মনোফেকির শাস্তি কাফেরের চেয়ে ভয়ংকর। মনোফেকি হৃদ্যবেশ ধারণ করে। তাই সমাজের মানুষ পানি মনে করে তৃষ্ণা নিবারণ করতে ছুটে যায়। মরীচিকার সন্ধান পেয়ে তারা মৃত্যুর কোলে চলে পড়ে।

ঘৃণা, মানুষের অমর্যাদা, স্বার্থপরতা ইত্যাদি বহু দোষে দোষী আমাদের কথ্যাত এই সামাজিক অসাম্য। তা ছাড়া আরও একটি বড় দোষ এতে আছে। ঔটিকতক লোক বিলাসিতা ও প্রাচুর্যের কারণে নফস-পরস্ত হয়ে পড়ে। অপর দিকে বঙ্কিতের দল তাদের প্রাণটাকে কৌনোমতে বাঁচিয়ে রাখার চেষ্টাতেই ব্যস্ত থাকে। আত্মার (রুহ) গবেষণা কাকে বলে তা দেখবার ও বুঝবার সুযোগই হলো না তাদের। হজুর পাক (আ.) বলেন, ‘সব বিষয়ে মধ্যপথ উত্তম’। রাষ্ট্রীয় সম্পদ বণ্টনের ব্যাপারেও এই উত্তম পথের ব্যবস্থা কেন আমরা নষ্ট হতে দেব? আর, স্বেচ্ছাচারীর ব্যবস্থাকে অপমানের বোঝাস্বরূপ কেনই বা মাথা পেতে নেব? যে জাতি প্রকৃতপক্ষে ইহকালও চাইলো না এবং পরকালের প্রতিও উদাসীন রইলো, তাদের অবস্থা? এরাই ইহকালে কাকেরের হাতে অপমানিত হচ্ছে দিনের পর দিন, আবার মৃত্যুর পর অপমানিত আর বিকৃত হয় আল্লাহ এবং হজুর পাকের (আ.) নিকট। আমরা যাতে হজুর পাকের (আ.) ‘পার্বিব সম্পদের সম্মান বণ্টন’ - এই নীতিকে সামনে রেখে দ্রুতগতিতে সাম্যবাদ প্রতিষ্ঠা করতে পারি তার জন্য থাকতে হবে আন্তরিকতা এবং ত্যাগ। এই ইসলামিক ব্যবস্থা যখন সমাজে পূর্ণ মাত্রায় বিরাজ করবে তখন দেখতে পাবো মানুষকে ঠিক মানুষের মানদণ্ডে বিচার করা হয়েছে। এর চেয়ে শ্রেষ্ঠ মানবতা আর কী হতে পারে? তাই কি বলা হয় না যে, ইসলামের দৃষ্টিতে যে শ্রেষ্ঠ মানবতার আসন দেওয়া হয়েছে উহাই বিশ্বের বুকে প্রথম এবং শেষ? প্রথম এবং শেষ শ্রেষ্ঠ মানবতার শিক্ষা যাতে মুসলিম সমাজে দ্রুত গতিতে প্রতিষ্ঠা লাভ করতে পারে তারই জন্য হজুর পাক (আ.) বহু বাণী এবং নিদর্শন রেখে গেছেন। হজুর পাক (আ.) বলেন, ‘মুসলমান মুসলমানের ভাই। সে উৎপীড়ন করে না অপর ভাইকে। বিপদে সে ত্যাগ করে না। ধর্মভীরুতা এখানেই।’ (বোখারি এবং মোসলেম শরিফ)।

হজুরত আবু জুর গিফারি তার ভৃত্যকে গালি দিচ্ছেন আর এমনি মূহুর্তে হজুর পাক (আ.) তাঁকে সাম্যবাদের অতুলনীয় কথা কয়টি মনে করিয়ে বললেন, ইহাই সভ্যতা এবং ইসলামের নীতি। আর শোষণের নীতিতে তৈরি মানুষের মাঝে বিভেদ গড়ানো একজন ধনী হয়ে দাতা সাজা আর একজন গরিব হয়ে তারিই মুখাপেক্ষী হয়ে থাকার শাসনব্যবস্থা হলো জাহেলি যুগের অর্থাৎ অসভ্য যুগের আচরণ। তার জন্য হজুর পাক (আ.) আবু জুর গিফারিকে বলছেন, ‘আমি দেখছি এখনো অসভ্য যুগের আচরণ তোমার ভেতর কাজ করছে।’

এখানে হজুর পাক (আ.) শুধু আবু জুর গিফারি (রা.)-কেই চরম সাম্যবাদের কথা কয়টি জ্ঞানিয়ে দিলেন না। যুগে যুগে যত উন্নতে মোহাম্মদির আগমন হবে তাদের জন্যও এই সাম্যবাদের নীতিকে ভিত্তিরূপে গ্রহণ করে নিতে বলছেন। এখানে শুধু একা আবু জুর গিফারিকেই সাবধান করে দেন নি। এই সাবধানবাণী সমগ্র মানবজাতিকে প্রদান করা হয়েছে। হজুরত আবু জুর তো একটি সামান্য উপলব্ধ মাত্র। বিশ্বমানব যাতে ভুলে না যায় যে, তারা সকলে একে অন্যের ভাই, অর্থাৎ সাম্র্যের মধুর প্রীতি-জড়ানো বন্ধনে বাঁধা পিতা-মাতার আদুরে সন্তানেরা যেমন পিতা-মাতার কাছে খাওয়া-পরা এবং ইত্যাদি বিষয়ে সম্মান অর্থাৎ সাম্যবাদের নীতিকে গ্রহণ করা হয় এবং প্রতিটি সন্তানও বুঝতে পারে যে তারা সবাই ভাই-ভাই। ঠিক সে রকমভাবে বিশ্বমানবকে একই পরিবার গোষ্ঠিভুক্ত মনে করে ‘ভাই-ভাই’ সাম্যবাদের নীতিতে বিশ্বাসী হয়ে হজুর পাক (আ.) আমাদেরকে বসবাস করতে বলেছেন। তাই হজুরত আবু জুরকে উপলব্ধ করে হজুর পাক (আ.) সমগ্র মানবজাতিকে ইশিয়ার করে দিয়ে বলছেন, ‘তুমি কি ভুলে গেলে যে সে তোমারই ভাই? তুমি যা খাবে এবং পরবে তাকে তাই দিতে হবে।’ এই সাম্যবাদের নীতিতে যারা বিশ্বাসী নন অর্থাৎ ‘মানুষ মানুষের ভাই’, ‘একটি মানুষের জীবনটা চালাতে যতটুকু প্রয়োজন ততটুকু প্রয়োজন অপর একটি মানুষের বেলাতেও’ এই আদর্শকে যারা সমর্থন না করে মানুষের মাঝে অসাম্র্যের প্রবলপ্রাচীর তৈরি করে মানুষের বেঁচে থাকার মৌলিক দাবিগুলো হতে বঞ্চিত করে তাদেরকে হজুর পাক (আ.)

অসভ্য, বর্বর বলছেন এবং এই অসভ্য বর্বরতাকেই জাহেলি যুগ বলে ঘোষণা করেছেন। তাই হজুর পাক (আ.) আবু জর গিফারি তথা সমগ্র বিশ্বমানবকে বলছেন, ‘আমি দেখছি এখনো জাহেলি যুগের প্রভাব তোমার ভেতর কাজ করছে।’

‘মানুষ মানুষের ভাই’ – বিস্মিত নেত্রে বিংশ শতাব্দীর সাম্যবাদবর্জিত অবহেলিত কোটি কোটি মানুষের কাছে আজ ইহা শুধু মুখের কথা তথা মৌখিক স্বীকৃতির ভূমিতেও কেঁদে বেড়ায়। বাস্তব সাম্যব্যবস্থার কল্পনা করাটাও মানুষ ভুলতে বসেছে অর্থাৎ ইম্মান হারাতে চলছে। ‘ব্যক্তিমালিকানার’ শেরেক হতে সাম্যের গান গাইতে গেলে ‘ব্যক্তিমালিকানার’ পুজারি মুসলমান নামধারী মোনাকেকের দল ধমক দিয়ে চমক খাইয়ে দেয়। হে নির্ভীক মুসলমান, তুমি ‘ব্যক্তিমালিকানার’ পুজারিকে কবে বলতে শেখাবে, আল্লাহ একমাত্র আসমানি-জমিনের মালিক হলে তুমি কোন সম্পর্কভরে নিজেকে মালিক বলে মুসলমান সমাজে মুসলমান বলে পরিচয় দাও? উত্তর দাও, হে নির্ভীক মরদে মুজাহিদ। আর নীরব-নিখর থেকে কোটি কোটি অবহেলিত মানুষগুলোকে ভিক্রাভাও হাতে ‘ক্লদার জ্বালায় বুকটা ফেটে যাচ্ছে’ চিংকার করে করুণ ফরিয়াদের করুণ কলঙ্ক ছবি আল্লাহর দেওয়া সবুজ মাটির দিগন্তে প্রতিফলিত হতে দিও না। তাদের উজাড় করা উদার প্রাণটা নবিউল্লাহ (আ.)-এর ব্যাকুল কণ্ঠের আকুল আবেদন, তুমি যা খাবে এবং পরবে অপরকেও তাই দিতে হবে, না দিলে ‘তুমি মুসলমান হতেই পারবে না।’ –কে চিরসার্থক করে রাখার পথ তৈরি করে সেই পথের উজ্জ্বল দৃষ্টান্ত রেখে যাও। মুসলমান হজুর পাকের (আ.) সত্য প্রতিষ্ঠার তরে হাসতে হাসতে শহিদ হতে পারে। মুসলমান সিংহবিক্রমে বলীয়ান সৈনিক। ‘মানুষ মালিক’ বলে মেকি খোদা যারা সাজে তাদের শিক্ষা দিতে মুসলমান ভীকু সাজতে পারে না। ভীকু ফেরুপালের পথক্টিতে মুসলমানের নাম নেই। হজুর পাকের (আ.) দেওয়া সাম্য প্রতিষ্ঠা হলে মানুষের দুনিয়াদিারির হতাশা মিশ্রিত চিন্তা ও শোক দূর হয়ে যায়। মানুষে মানুষে মেকি গড়া ভেদাভেদ চিরদিনের তরে শেষ হয়ে যায়। মানুষের বাঁচার দাবি নিয়ে মানুষকে হাজার রকমে আর ব্যতিব্যস্ত করে তোলে না। দুনিয়ার কঠিন শৃঙ্খলরূপ গুরুদায়িত্বের বোঝা আপনা হতেই ভেঙে যায়। কিন্তু কেন হজুর পাকের (আ.) সুন্দর সাম্যের বাণী আমাদের দ্বারপ্রান্তে এসে হম্ভি

থেকে স্তম্ভিত্য বোঝা কান্নায় কাঁদে? এর প্রধান কারণ হল দুটো। প্রথমত আমাদের মাঝেই কতক মানুষ স্বার্থপর এবং দয়া-মায়্যা বর্জিত নিষ্ঠুর। তারা চক্রান্ত আর ছলনার হীন প্রচেষ্টায় মালিক হয়। তারপর নিজেদেরকে সাজায় দাতার মহানরূপে। দাতার অবগুণ্ঠনে জঘন্য জিঘাংসার প্রেতদৃষ্টির কোণে অনাহারে কাতর জনতার জননেতার খুন-পিয়াসের বিশ্রী মত্ততা চিক চিক করে। দ্বিতীয়তঃ আমরা নীরবে মাথা হেঁট করে তাদের মালিক বলার দাবি মেনে নিচ্ছি। তাদের দাতা সাজার অবগুণ্ঠন দেখে দানবীর বলি। আমরা বিদ্রোহ করতে জানি না। বিষধর জাত সাপের আঘাত খাওয়া বিকট ফণা তুলে প্রতিবাদ করতে জানি না। মাথা উঁচু করা চেউ হয়ে চেউয়ের পর চেউয়ের মতো হম্ভি খেয়ে অতল তলে তাদের কুকুরি মতবাদকে হজম করতে পারি না। আমরা পোষা কুকুরের লেজপটানো জীবনটা বাঁচিয়ে রাখি। তাই তো অপরের সুখ-দুঃখের প্রতি নজর করতে পারি না। পারি না মালিক আর দাতাজিদের শিক্ষা দিতে। আমরা ভুলে গেছি ঝরা-ধান ক্ষেতে পড়তে দিতে নেই। পড়তে দিলেই এরা বড় রকমে জোট বেঁধে মাথাচাড়া দিয়ে ওঠে। তাই ঝরা-ধানকে ক্ষেতের মাঝেই পুড়িয়ে মারতে হয়। আমাদের সমাজে, আমাদের দেশে তাই গড়ে উঠে বিশ্রী শ্রেণীস্বার্থের হীন প্রচেষ্টা। একজন দৈনিক ব্রিশ টাকার সিগারেট ছাইয়ে পরিণত করে আর একজন চোখের সামনে পথের পাশে চার-পাঁচটা রোগা খিটখিটে ছেলে-পুলে নিয়ে দু’মুঠো ভাতও পায় না। প্রধান কারণ দুটোর দোষে দোষীরা পরকালে জাহান্নাম পাবে পুরস্কার। আল্লাহ এবং হজুর পাকের (আ.) তুলে দেওয়া প্রকাশ্য

সত্যকে যারা দেশ ও জাতির বুকে প্রতিষ্ঠা না করে অর্থাৎ দেখেও না দেখার ভান করে, যারা নীরব দর্শকের অভিনয় করে তাদের যে জাহান্নামেই পুরস্কার হবে শুধু তাই বলা হয় নি, বরং তাদের উপর আল্লাহ এবং ফেরেশতাদের অভিশাপ। তাই আমাদের প্রত্যেকের ব্যক্তিগত দায়িত্ব হতে মুক্তি পাবার জন্য প্রতিবাদ করতে হবে। এভাবে আমাদের প্রত্যেকের ব্যক্তিগত দায়িত্ব পালন করতে পারলে মালিক আর দাতা-সাজা মানুষগুলো 'ছেড়ে দে মা কেঁদে বাঁচি' বলে মানে-মানে চিরবিদায় নিতে বাধ্য হবে। এবং যে পর্যন্ত দেশের শাসনব্যবস্থাকে সাম্র্যের পূর্ণ আদর্শ দিয়ে গড়া না হবে সে পর্যন্ত একটি দেশ ও জাতির বুকে মানুষের হাজার রকম ফরিয়াদ থাকবেই। তাই সর্বপ্রথম দেশের শাসনব্যবস্থা হতে শেরেক ও কুফরি 'ব্যক্তি মালিকানা' উচ্ছেদ করে সাম্র্য প্রতিষ্ঠা করতে হবে। দেশ ও জাতিকে সর্বপ্রথমে সবচাইতে বড় শেরেক ও কুফরি 'মানুষ মালিক' সম্পূর্ণরূপে উচ্ছেদ করে দিতে হবে।

হজুরত আবু হোরাযরা (রা.) হতে বর্ণিত আছে যে, হজুর পাক (আ.) বলেছেন, 'মুসলমান মুসলমানের ভাই, সে উৎপীড়ন করে না তাহাকে, ত্যাগ করে না তাহাকে বিপদে, তুচ্ছ জ্ঞান করে না তাহাকে, ধর্মভীরুতা এখানেই' এবং তিনি ইশারা করলেন নিজের বন্ধুর দিকে তিনবার, 'মুসলমানের পক্ষে মন্দের জন্য ইহাই যথেষ্ট যে, সে ঘৃণা করে মুসলমান ভাইকে।' (মোসলেম শরিফ)। হজুর পাক (আ.) বলেছেন, 'হিংসা করো না পরস্পরকে, ঘৃণা করো না পরস্পরকে এবং হও খোদার বান্দা সব ভাই ভাই।' (বোখারি এবং মোসলেম শরিফ)।

এই দুটো হাদিসে রসুলুল্লাহ (আ.) ঐ একই সাম্র্যের আদর্শকে বিশ্বমানবের কল্যাণের তরে প্রতিষ্ঠা করতে আস্থান জানিয়েছেন। বার বার একই সাম্র্যের কথা আমাদেরকে মনে করিয়ে দিচ্ছেন। যাতে আমরা বৈষম্যের প্রাচীর তৈরি করে বিশ্বমানবকে মানবতার আদর্শ হতে ফেলে দিয়ে অসহায় বেদনার্ত পরিবেশ দেশ ও সমাজের বুকে তৈরি করতে না পারি। প্রথম হাদিসটিতে রসুলুল্লাহ (আ.) বিশ্ব মুসলিমকে একটি ভ্রাতৃসংঘরূপে বর্ণনা করে তার নীতি ও আদর্শ কর্তৃপ এবং নীতি ও আদর্শ বিরোধী কী হতে পারে তাই সুন্দর এবং অতি স্পষ্টভাবে মানবসমাজের কাছে তুলে ধরেছেন। দ্বিতীয় হাদিসটিতে উপদেশ রয়েছে যে এই ভ্রাতৃবন্ধনের আদর্শ ও রূপ 'সিমেন্টেড ব্রক' হবে। পাথরকণাগুলো যখন বালি এবং সিমেন্টের সঙ্গে মিশিয়ে জমাট করানো হয়, তখন পৃথক অবস্থায় থাকা কঠিন পাথরকণাগুলোও বালি এবং সিমেন্টের পরশ পেয়ে জমাট ব্রকের আদর্শে রূপ গ্রহণ করে। সে রকমভাবে প্রতিটি পৃথক অবস্থায় থাকা মুসলমান যখন পরস্পর হিংসা এবং ঘৃণা পরিত্যাগ করে তখন স্বাভাবিকভাবে পরস্পরের প্রতি দানা বেধে ওঠে ভালোবাসা এবং অটুট ভ্রাতৃবন্ধন। তাই রসুলুল্লাহ (আ.) আমাদেরকে সর্বপ্রকার হিংসা, ঘৃণা সম্পূর্ণরূপে ত্যাগ করে 'হও আল্লাহর বান্দা সব ভাই-ভাই' বলে আস্থান করছেন। আবার রসুলুল্লাহ (আ.) আমাদেরকে জানিয়ে দিচ্ছেন, জ্ঞান ধর্মভীরুতা কোথায়? আর মন্দের জন্য যথেষ্ট কী তা জ্ঞান? ধর্মভীরুতা হলো বিশ্বমুসলিমকে ব্রকের বন্ধনে আবদ্ধ করতে হলে প্রতিটি মুসলমানকে ভাই তথা একই পরিবারভুক্ত একই হাড়ির ভাত ভাই-ভাই মিলে প্রীতিসহকারে ডোজন করার মতো মনে-প্রাণে গ্রহণ করতে হবে। তারপর মুসলমান ভাইকে কোনো প্রকার দুঃখ-কষ্ট দিয়ে যেন উৎপীড়ন করা না হয় তার দিকে আমাদের সতর্ক দৃষ্টি রাখতে বলেছেন। কোনো প্রকার বিপদ-আপদ যদি মুসলমান ভাইয়ের উপর পতিত হবার সম্ভাবনা থেকে থাকে তা হলে বিপদের সম্মুখে তাকে ফেলে না দিয়ে তার বিপদভঞ্জন করার জন্য এগিয়ে আসতে আদেশ করেছেন। কোনো মুসলমান ভাইয়ের যদি শারীরিক দুর্বলতা এবং অসুস্থতা অথবা ইত্যাদি কারণে অন্যান্য মুসলিম ভাইদের মতো কর্ম করার মানসিকতা বা সুস্থতা না থাকে তার জন্য তাকে তুচ্ছ জ্ঞান করতে বারণ করে দিচ্ছেন। এই তুচ্ছ জ্ঞান করা একটি মারাত্মক রোগ। এই রোগটিই খান্নাসরূপে শয়তান হয়ে মানুষের মনে অলঙ্ঘ্য বাসা

বেঁধে আছে। অন্যত্র হাদিসে আছে, তুচ্ছ জ্ঞান এত মারাত্মক রোগ যা মানুষকে জ্ঞানাত চিরতরে হারান্ন করে দেয়। সুতরাং ইহা হতে প্রত্যেকটি মানুষকে অতি সাবধানে চলতে হবে। তাই রসুলুল্লাহ (আ.) পরিশেষে নিজের বন্ধের দিকে তিনবার লক্ষ্য করে বললেন, ‘মুসলমানের পক্ষে মন্দের জন্য ইহাই যথেষ্ট যে সে ঘৃণা করে মুসলমান ভাইকে।’ এই তুচ্ছ জ্ঞান তথা ঘৃণা পরিত্যাগ করতে না পারলে ধীরে ধীরে ইহা দানা বাঁধতে থাকে। পরে ইহা বিশ্বমানবসমাজে এত মারাত্মক এবং ভয়ঙ্কর হয়ে দাঁড়ায় যে, ভাই-ভাইয়ের মাঝে গড়ে ওঠে বিভেদ এবং হিংসার প্রবাল প্রাচীর। বিশ্বমানবসমাজে তখন মানুষে মানুষে গড়ে উঠে রক্তক্ষয়ী বিশ্রী তুচ্ছ জ্ঞান করা পাশবিক সংগ্রাম। একে অপরের উপর চালিয়ে যায় অত্যাচার আর শোষণের স্তিম রোলার। মানবতার বিচার, মানুষকে মানুষের ভাই মনে করার আদর্শ তখন বিশ্বের দুয়ারে আছড়িয়ে কাঁদে। এই চরম নৈরাশ্যজনক পরিস্থিতিতে নীরবতা প্রদর্শন করা আরি আল্লাহ এবং রসুলুল্লাহ (আ.)-এর হুকুম এবং আদর্শকে প্রকাশ্যে অমান্য করা একই কথা। এরূপ নীরব হয়ে থাকার পরিণাম সুনিশ্চিত ‘অগ্নি’ পুরস্কার। তাই মুক্তি নেই কারো, মুক্তি নেই যারা অত্যাচার-অবিচারের সামনে হা করে তামাশা দেখে। অত্যাচারীর উৎপীড়নের প্রধান পরিচালনায় যারা আছে, যারা ক্ষমতা থাকা সত্ত্বেও অত্যাচার এবং উৎপীড়ন বন্ধ না করে অত্যাচার-উৎপীড়ন করার দৃশ্য নীরবে দেখে যায় তাদেরকে অত্যাচার-উৎপীড়ন বন্ধ করার আবেদন জানাও। যদি তোমার অথবা তোমাদের অত্যাচার বন্ধ করার আবেদনে সাড়া না পাও, যদি মনে কর তোমার অথবা তোমাদের চোখে কলুর বলদের তুলি পরিষে দিয়ে ডেক্সিবাজি দেখাতে চায় তবে প্রতিবাদের ঝড় তোল। মুসলমান সমাজ যদি সমবেতভাবে প্রতিবাদ না করে তবে তুমি একা প্রতিবাদ কর। সকলে জাহান্নামে গেলেও তুমি কিছু জাহান্নামের পথ তৈরি করে রেখ না। কারণ, মুক্তি নেই – অসম্ভব মুক্তির প্রশ্ন। রসুলুল্লাহ (আ.)-র নয়নের অক্ষ ভেজা বাণী বাণীর মতো তোমার হৃদয়ে বার বার আঘাত করে যাচ্ছে। হে বীর মুজাহিদ, তুমি একাই কলম কাগজে কর প্রতিবাদ। তুচ্ছ জ্ঞান, অত্যাচার এবং উৎপীড়কের প্রধান পরিচালকের আসল চেহারাটা তুলে ধর, হে বীর মুজাহিদ। বরণ করে নিও ইমাম হোসাইনের মতো মহান জীবন-উৎসর্গ। তোমার প্রাণপ্রিয় রসুলুল্লাহ (আ.)-এর সজল চোখের বিকট পর বিকট অক্ষ গড়িয়ে পড়ার দৃশ্য তুমি তোমার কল্পনার চোখে দেখে নাও, হে বীর মুজাহিদ। ঐ তো তোমার বরণীয়। ঐ তো তোমার প্রেমময় প্রেমসীর বোবা ফরিয়াদে গড়ে ওঠা ফেরদাউসের বুকে কুর্চির গণমহল।

মানুষের মাঝেই লুকিয়ে থাকে অদৃশ্য আশ্বারা শয়তান। এই শয়তানকে যত ভোগবিলাসের উন্নতা প্রদান করা হয় ততই সে বিশ্রী তৃপ্তির হীন সঙ্কানে মগ্নতা প্রকাশ করে। তাই রসুলুল্লাহ (আ.) চরম সাম্যবাদের বাণী দু’চারবার বলেই শেষ করেন নি। একই সাম্যবাদের আদর্শকে বহু রকমে অনেকবার বিশ্বমানবের কাছে স্পর্শ করে তুলে ধরেছেন যাতে আমাদের হৃদয়পটে দাগ লেগে থাকে। শুধু কি দাগ লেগে থাকার কথা? সাম্যের আদর্শ মনে-প্রাণে মেনে নিতে না পারলে মুসলমান হওয়া যায় না। আল্লাহ কী সুন্দর ভাষার শৈলীতে বিশ্বমানবকে জানিয়ে দিচ্ছেন – তুমি কি সেই লোকটিকে চেন বা দেখেছো যে দ্বীন অর্থাৎ ইসলামের উপর মিথ্যা আরোপ করে, তথা সোজাসুজি ইসলাম ধর্মকে অস্বীকার করে বসে? সেই লোকটি আর কেহই নয়, যে বঞ্চিত মানুষের বেঁচে থাকার প্রয়োজনীয় দাবিগুলো দিতে অস্বীকার করে। বঞ্চিত মানুষগুলোকে তার মতো বাঁচবার অধিকার দিতে চায় না। তোমাদের মতো মানুষ তারা, অথচ তাদেরকে বেঁচে থাকার জন্য মৌলিক জিনিসগুলো তথা খাদ্য, পোশাক-পরিচ্ছদ, ঘর, আসবাবপত্র ইত্যাদি তথা এক কথায় ‘ম্যাটন’ দিতে চায় না। দুনিয়ার মূল্যহীন সম্পদগুলোকে আমিত্ব দিয়ে ঘিরে রাখে। এই আমিত্বের বিশ্রী বাঁধনে কোটি কোটি নিরীহ মানুষগুলো কত প্রকার যে

দৈহিক দাসত্বের কঠিন শৃঙ্খলযাতনা উপভোগ করা ও তার বেদনাদায়ক আত্মবিলাপের ইতিকথা তোমাদের পাখর সিনাটাকে একমুঠো স্নেহ-প্রীতির পরশে সিক্ত করে তোলে না। আমিত্ব-গঞ্জে পূর্ণ নীতির পূজারি হয়ে নামাজ-রোজা করাটা তো নিতান্ত রিয়া তথা লোক-দেখানো উপাসনা। তোমরা তো ভণ্ড। তোমরা লোক-দেখানোর তরে নামাজ-রোজা কর। তোমরা তো ধ্বংস হয়ে যাবে। যে দুনিয়ার প্রতি আমার এত ঘৃণা, যে দুনিয়া ত্যাগ করতে না পারলে মুসলমান হওয়াই যায় না, সেই দুনিয়ার পূর্ণ মোহ হৃদয়ে জড়িয়ে উপাসনা করার উদ্ভামি করে বেড়াচ্ছ। ইসলাম-ভূমির সীমানার কাছে দাঁড়াবার সম্বলটুকু নেই, তবু ইসলাম-ভূমির কেন্দ্রবিন্দুতে নিজেদের অবস্থানের গর্ব প্রকাশ করে মিথ্যা, প্রবঞ্চনা আর লাম্পট্য দেখাতে তোমাদের লজ্জা হয় না? সেই লজ্জার শেষ চিহ্নটুকুর আখর তোমাদের হৃদয় হতে অপস্বয়মান হয়েছে। মুক্তির প্রশ্ন? এই সামান্য সীমিত ধরার বুকে চঞ্চল জীবনের তরে কতবার আকুলতা ভরে বললাম, দুনিয়ার মোহ-মায়া ত্যাগ কর। দুনিয়ার মোহ তো ভেঙ্কি মায়া। দুনিয়া তোমার নয়, তুমিও দুনিয়ার নও। তবু কেন ভেঙ্কি মায়ায় বিম্বিয়ে-পড়া দ্রাস্ত আখির কোণে মরীচিকায় জলের প্রেতনৃত্য দেখ? আমি তোমাদের তরে আখেরাতে যে বিমলিন বিশ্বয় জড়ানো নেয়ামত রেখেছি, সে তো মহাসাগর। সেই মহাসাগর তোমাদের তরে অপেক্ষায় রত। শুধু এক বিন্দু জলমায়ায় আমিত্বের বাধন দৃঢ় করার তরে হাত দুটো আর প্রসারিত করো না। একটি ইটের গা জড়িয়ে আর একটি ইট, এভাবে ইটগুলো নিবিড় দ্রাতুবন্ধনে আবদ্ধ হয়ে রচনা করে প্রাসাদ। তোমরাও তোমাদের মাঝে নিবিড় দ্রাতুবন্ধনে গড়ে তোল ইসলামের চিরউজ্জ্বল বিশ্বয়কর গণসাম্যবাদের গণমহল। সেদিন হবে তোমরা পৃথিবীর বুকে সভ্য মানব। ইসলামরূপে রূপসী গণসাম্যের সঙ্গীত বিশ্বমানবকে ঞনিয়ে যাও। সুনিশ্চিত বিজয়ের দেদীপ্যমান স্বাক্ষর উদ্দিত অরুণের আভার মতো স্নিগ্ধ তাপে লুটিয়ে পড়বে।

ইসলামি দর্শনের দৃষ্টিতে সকল মুসলমান ভাই ভাই

আমরা সবাই একই পরিবারভুক্ত ভাই ভাই। ইসলামের এই আদর্শকে বিশ্বের দুয়ারে কায়েম করতে এরা কখনোই উৎসাহ দেয় না। এরাই দ্রাস্ত এবং ভণ্ড। নামাজ-রোজার মুখোশ-পরা মুসলমান বিশ্বরঙ্গমঞ্চে মুখোশনৃত্যের ঝংকারে উদ্ভামি করে বেড়ায়। এরাই আল্লাহ এবং রসুলুল্লাহ (আ.)-র সঙ্গে যুদ্ধ করে বিশ্বমানবকে উৎপীড়ন করে মুসলিম ঐক্যকে শ্রেণীতে শ্রেণীতে বিভক্ত করে দেয়। তাই আল্লাহ এবং রসুলুল্লাহ (আ.) বার বার বিশ্বমানবকে হুঁশিয়ার করে দিচ্ছেন আর বলছেন, 'নীরব-নিখর তোমরা থেক না যদি আমার উশ্মত হয়ে থাক। যদি আমাকে প্রাণ দিয়ে ভালবেসে থাক তবে এদেরকে শিক্ষা দিয়ে মুসলিম ঐক্যকে দৃঢ় করে তোল।' আজ আমরা ভীকু ফেরুপালের মতো বেঁচে থাকিতে চাই। রসুলের আদর্শে মুখে মুখে আমরা হাজারবার শহিদ হয়ে যাই। বাস্তব জীবনে আমাদের মাঝে একজন বাস্তবরূপে শহিদ হতে পারি না। তাই আমাদের বেহেশ্ত পাওয়াটা মুখে মুখেই থেকে যাবে। বাস্তবে মুখের কথাটির রূপ নেবে ভয়ংকর জাহান্নাম। কে আছে হে রসুল-আদর্শে গরীয়ান মুসলমান, ধর তোমার আদর্শের মশাল, আদর্শের মশালে মুখোশি-পরা মুসলমানের মুখোশ-নৃত্যকে চিরস্তব্ধ করে দাও একের পর একটি করে। মুসলিম দ্রাতুবন্ধন তোমার আদর্শ। জয়ের জয়টিকা তোমার ললাটে পরিয়ে দেবেন নবিউল্লাহ মোহাম্মদ মোস্তফা (আ.)। হজরত আনাস (রা.) হতে বর্ণিত আছে যে, রসুলুল্লাহ (আ.) বলেছেন, 'বেহেশ্তে

প্রবেশ করবে না সে, যার প্রতিবেশী নিরাপদ নয় তার অপকারিতা হতে।’ (মোসলেম শরিফ)।

হজরত নুমান বিন বশির (রা.) হতে বর্ণিত আছে যে, রসুলুল্লাহ (আ.) বলেছেন, ‘তুমি বিশ্বাসীদের দেখবে পরস্পরের প্রতি দয়া, প্রীতি ও সহানুভূতিতে একদেহের মতো; যখন পীড়িত হয় এক অঙ্গ, অপর সমস্ত অঙ্গ পরস্পরকে ডাকে উহার সাথে সহানুভূতির জন্য জাগরণ ও তাপে।’ (বোখারি এবং মোসলেম শরিফ)।

হজরত ইবনে ওমর (রা.) হতে বর্ণিত আছে যে, রসুলুল্লাহ (আ.) বলেছেন, ‘মুসলমান মুসলমানের ভাই, সে উৎপীড়ন করে না তাকে, অর্পণ করে না তাকে শত্রুর হাতে।’ (বোখারি এবং মোসলেম শরিফ)।

হজরত ইবনে মসউদ (রা.) হতে বর্ণিত আছে যে, রসুলুল্লাহ (আ.) বলেছেন, ‘যাঁর হাতে আমার জীবন তাঁর শপথ, কোনো বান্দা মুসলমান হয় না যে পর্যন্ত তার মন এবং তার রসনা মুসলমান না হয়; এবং কখনো বান্দা বিশ্বাসী হয় না যে পর্যন্ত তার প্রতিবেশী তার অনিষ্ট হতে নিরাপদ না থাকে।’ (আহমদ শরিফ)।

হজরত আবু হোরায়া (রা.) হতে বর্ণিত আছে যে, এক ব্যক্তি জিজ্ঞাসা করলো, ‘হে আল্লাহর রসুল, নামাজ-রোজা এবং সাদকার জন্য অমুক স্বীলোকের অধিক খ্যাতি আছে, কিন্তু তার প্রতিবেশীগণকে তার রসনা দ্বারা কষ্ট দেয়।’ তিনি বললেন ‘স্বীলোকটি জাহান্নামে যাবে।’ সে বললো, ‘হে আল্লাহর রসুল, অমুক স্বীলোকের নামাজ-রোজা ও সাদকার জন্য অতি অল্প নাম আছে, কিন্তু সে পনিরের অবশিষ্টাংশ দেয় এবং তার প্রতিবেশীগণকে তার রসনা দ্বারা কষ্ট দেয় না।’ তিনি বললেন, ‘স্বীলোকটি বেহেস্তে যাবে।’ (আহমদ এবং বাইহাকি শরিফ)।

রসুলুল্লাহ (আ.) বলেন, ‘তোমরা প্রতিবেশীর উপকার করবে, তা হলে তুমি বিশ্বাসী হবে, তোমার জন্য যা ভালোবাস, মানবের জন্য তাই ভালোবাসবে, তা হলে মুসলমান হবে।’ (আহমদ এবং তিরমিজি শরিফ)।

হজরত আমর (রা.) হতে বর্ণিত আছে যে রসুলুল্লাহ (আ.) বলেছেন, ‘প্রতিবেশীর কী হক তা কি তুমি জান? সে তোমার সাহায্য চাইলে তাকে সাহায্য করবে, সে তোমার অভয় চাইলে তোমার অভয় দিবে, সে খণ চাইলে তাকে খণ দিবে, সে নিঃস্ব হলে তাকে দান করবে।’ (এবনে আদি)। রসুলুল্লাহ (আ.) বলেছেন, ‘যখন তরকারি পাক কর, তার সুরুয়া বৃদ্ধি কর এবং তোমার প্রতিবেশীকে তা হতে কিছু দিও।’ (মোসলেম শরিফ)।

রসুলুল্লাহ পাক (আ.) বলেছেন, ‘তোমাদের ভিতর কে ভালো কে মন্দ, আমি কি তা জানাবো না?’ সাহাবিরা নীরব রইলো। তিনি তিনবার জিজ্ঞাসা করলেন। এক ব্যক্তি বললো, ‘হে আল্লাহর রসুল! আমাদের মধ্যে কে ভালো, কে মন্দ তার সংবাদ দিন।’ তিনি বললেন, ‘যে ব্যক্তির উপকারের আশা করা যায় এবং যে ব্যক্তির অপকারিতা হতে নিরাপদ থাকা যায়, সে তোমাদের মধ্যে উত্তম, এবং যার উপকারের আশা করা যায় না এবং অপকার হতে নিরাপদ হওয়া যায় না, সে তোমাদের মধ্যে অধম।’ (তিরমিজি শরিফ)।

হজরত আবু সাইদ (রা.) বর্ণনা করেছেন যে, একটি লোক এল যার চক্কু কোটরাগত, ললীট উন্নত, দাড়ি ঘন গজানো, গালের হাড় উচ্চ, মাথা মোড়ানো এবং বলল, ‘হে মোহাম্মদ, ভয় করো খোদাকে।’ রসুলুল্লাহ (আ.) বললেন, ‘কে মানবে আমাকে, যদি খোদাকে না মানি? খোদা আমাকে বিশ্বস্ত করেছেন সমস্ত পৃথিবীর লোকের মধ্যে, কিন্তু তোমরা বিশ্বাস করো না আমাতে।’ তখন ওমর ফারুক হত্যা করতে চাইলেন তাকে, কিন্তু তিনি নিষেধ করলেন। যখন সে চলে গেল তিনি বললেন, ‘এই ব্যক্তির দল হতে উৎপন্ন হবে একজাতি - যারা কোরান পড়বে, কিন্তু উহা তাদের গলার ভেতর ঢুকবে না, তোমাদের কেহ তুচ্ছ মনে করবে নিজের নামাজকে তাদের নামাজের সঙ্গে তুলনায়, নিজের রোজাকে তাদের রোজার সঙ্গে

তুলনায়। তারা বাহির হয়ে যাবে ইসলাম হতে, তারা অত্যাচার করবে মুসলমানদের প্রতি আর ছেড়ে দিবে মুশরিকদের। যদি আমি (রসূলুল্লাহ) (আ.) তাদের পেতাম, হত্যা করতাম আদ জাতির মতো। (বোখারি এবং মুসলিম শরিফ)।

হজরত আবদুর রহমান ইবনে আবিফারাদ (রা.) হতে বর্ণিত আছে, রসূলুল্লাহ (আ.) একদিন ঠাণ্ডা করার পর তাঁর সাহাবিগণ ঠাণ্ডার বাকি পানিটুকু মুখে ঠা দেহে মাখতে লাগল। রসূলুল্লাহ (আ.) তাদের জিজ্ঞাসা করলেন, 'তোমরা এরূপ কেন কর?' তারা বলল, 'আল্লাহ এবং তার রসূলের ভালোবাসার জন্য।' রসূলুল্লাহ বললেন, 'যে আল্লাহ এবং তার রসূলকে ভালোবাসতে চায় অথবা যাকে আল্লাহ এবং আল্লাহর রসূল ভালোবাসে সে যখন কথা বলে, সত্য যেন বলে, যখন বিশ্বাসের বিষয় তার উপর ভার দেওয়া হয়, তখন যেন বিশ্বাস রক্ষা করে এবং তার প্রতিবেশীগণের যেন উপকার করে।' (বাইহাকি শরিফ)।

এই এগারোটি হাদিসে রসূলুল্লাহ (আ.) আবার সেই একই গণসাম্যবাদের আদর্শ তুলে ধরেছেন। একই গণসাম্যবাদকে মানুষ যাতে কোনো প্রকারেই মন হতে মুছে ফেলতে না পারে, তারই জন্য বার বার সাবধান করে দিচ্ছেন। ভবিষ্যৎদৃষ্টি রসূল (আ.) জানান যে, নফসে আশ্বারা অর্থাৎ শয়তান প্রবৃত্তির বশবর্তী হয়ে প্রতিটি মানুষ মানুষের উপরে প্রভুত্ব করতে চায় অর্থাৎ মালিক বনে যেতে চায়। ইহাই প্রবৃত্তির সাধারণ গতিধারা। প্রবৃত্তির লোভনীয় বাধনের তীব্র অথচ সূক্ষ্ম আঘাতে মানুষ বিভিন্ন রূপের মাঝে কর্তৃত্বের প্রাধান্য বিস্তার করতে আগ্রহী। মালিক হবার উগ্র বিশ্রী কর্তৃত্বের পক্ষে হারিয়ে ফেলে নিজেকে। আল্লাহর গোলাম হবার অর্থাৎ আল্লাহকে সেজদা দিতে তথা আত্মসমর্পণ করতে মোটেই চায় না। এইরূপ মালিকানার কর্তৃত্ব স্বয়ং ইবলিসের প্রতিরূপ ছাড়া আর কিছু নয়। ইবলিস নিজের ব্যক্তিত্বের মূল্য যাচাই করতে গিয়ে আল্লাহর আদেশটুকু অমান্য করতে মোটেই দ্বিধা করে নি। নিজের গর্বিত মনোভাবে ইবলিসের এত শীত বছরের প্রাণঢালা সাধনা বিফলে পর্যবসিত হলো। সে অহঙ্কারের আফসোসে আদমকে সেজদা করে নি। এই সামান্য মাটির তৈরি আদমকে ইবলিস সেজদা করবে! অসম্ভব। সে জাহান্নামে যেতে কণ্ঠিত নয়, তবু তার ব্যক্তিত্বকে আল্লাহর আদেশের নিকট মাথা হেঁট করবে না। সেই কথ্যত ইবলিসই খান্নাসরূপ গ্রহণ করে প্রতিটি মানুষের মাঝে জাগ্রত অথচ অদৃশ্যমান হয়ে আছে। এই ইবলিসের প্রভাবে মানুষ খাদেমের ভূমিকায় মালিক সেজে মানুষকে দেয় দুঃসহ বেদনার বহিঃবাণ। ইবলিসের প্ররোচনায় মানুষ খাদেমের মুখোশে মানুষের মৌলিক দাবিগুলোকে বেমানান হজম করে আশ্রিত তথা বড়লোক সাজে। এবম্বিধকার বড়লোকদের জন্য বেহেশ্ত হারাম। সুচের ছিদ্র দিয়ে উটের প্রবেশ অসম্ভব, কিন্তু তার চেয়ে বেশি অসম্ভব একজন এবম্বিধকার বড় লোকের বেহেশ্তে প্রবেশ করা।

সুচের ছিদ্র দিয়ে প্রবেশ করা অসম্ভব অর্থাৎ আমাদের কাছে অতি বিস্ময় জাগে, এত বড় প্রাণীটা কী করে সুচের ছিদ্র দিয়ে প্রবেশ করতে পারে? ইসলাম ঘোষণা করেছে : হ্যাঁ, তোমার কাছে খুবই অসম্ভব লাগছে, কিন্তু মনে রেখ এর চেয়ে অনেক বেশি অসম্ভব হবে এবম্বিধকার লোকদের বেহেশ্তে প্রবেশ করা। আসলে তারা বেহেশ্ত চায় না। তারা চায় খাদেমের মুখোশে মালিক হয়ে মানুষের পাজর-ভাঙা খুন পিয়ে বিশ্বরঙ্গমঞ্চে নগ্ন নৃত্যে মুসলিম ঐক্যকে শ্রেণীতে শ্রেণীতে টুকরো করে ফেলতে। তাই রসূলুল্লাহ (আ.) আমাদেরকে নীরবতা না দেখিয়ে এই সমস্ত ভণ্ডাদের 'আদ জাতির মতো নিশ্চিহ্ন করে দাও' বলে আশ্বাস জানাচ্ছে। আমাদের প্রত্যেকের এই দুর্যোগের ঘন অন্ধকারে স্বাভাবিক মৃত্যু না হয়ে শহীদের মৃত্যুকে বরণ করে নেবার প্রতিজ্ঞা গ্রহণ করতে হবে। সকলে মিলে শহিদ মৃত্যুকে বরণ না করলেও আমাকে যে করতেই হবে। কারণ, ইহা ছাড়া বেহেশ্ত পাবার আর কোনো সংজ্ঞা জানা নেই। আমি তো জাহান্নামের আগুনে চিরদিন জ্বলবো, চিন্তা করলে হৃদয় শুকিয়ে যায়।

রসুলুল্লাহর (আ.) আকুল আহ্বানে সাড়া না দিলে যে আমি ইমানদারই হতে পারিছি না, অর্থাৎ বেইমান হয়ে যাচ্ছি। আর বেইমানের চিরকাল জাহান্নামের আগুনে জ্বলতে হবে ইহা আমরা অতি সহজেই বুঝি। এই দুনিয়ার জীবন তো একটি নাটকের কয়টি পর্যায়। তার পর সব শেষ। তার পর যে-কালের আর শেষ নেই সেখানে কী স্বলটুকু নিয়ে নবির উন্নত বলে দাবি করবো? ঐ দেখুন, রসুলুল্লাহ (আ.) আমাদের কী শোনাচ্ছেন। রসুলুল্লাহ (আ.) বলেছেন, 'কেহই ইমানদার হয় না যতক্ষণ না আমি তার নিকট প্রিয়তর হই তার পিতা ও সন্তান হতে এবং সমগ্র মানবজাতি হতে।' (বোখারি এবং মোসলেম শরিফ)।

রসুলুল্লাহ (আ.) বলেছেন, 'সে পেয়েছে ইমানের আনন্দ যার নিকট আল্লাহ ও তার রসুল প্রিয়তর অপরাপর সকলের চেয়ে।' (বোখারি এবং মোসলেম শরিফ)।

তাই রসুলুল্লাহ (আ.) আমাদেরকে সাবধান করে দিয়ে বলেছেন যে, যার অপকারিতা হতে প্রতিবেশী নিরাপদ নয় সে বেহেস্তে প্রবেশ করবে না, অর্থাৎ জাহান্নামের প্রজ্বলিত অগ্নি হবে তার ম্মা। অনন্তকাল সেই অগ্নিমাতার কোলে থাকতে হবে। কী সেই অপকারিতা? অপকারিতা বলতে এখানে যত রকম অপকার হতে পারে তা-ই বোঝানো হয়েছে। একজন প্রসারিত জমি দখল করে মালিক সেজে দিব্যি আরাম-আয়েসে ঘরবাড়ি তৈরি করে জীবন অতিবাহিত করছে, আর একজন তার মতো দেহের অধিকারী মানুষ বঞ্চিত-অবহেলিত হয়ে একটু মাথা গোঁজার ঠাইও পাচ্ছে না। দুনিয়ার জীবনটার উপর অভিশাপের দোহাই দিয়ে সব ছোট্ট একটি ছনের চালার ঘরে ছেলেপুলে নিয়ে কত কষ্টেই না জীবন কাটাচ্ছে। এই বৈষম্য ইসলামে নেই। এই বৈষম্য সম্পূর্ণরূপে দূর করার জন্য রসুলুল্লাহ (আ.) প্রশস্ত জমিতে বাস করা লোকটিকে অভাবগ্রস্ত লোকটির সর্বপ্রকার দুঃখ-কষ্ট অর্থাৎ অপকারিতা দূর করার তরে সাবধান করে দিচ্ছেন। একটি মানুষ তিন শত টাকা খরচ করে দেহে গরম প্যান্ট-কোট লাগিয়ে শীত নিবারণ করছে অথচ তারই একজন প্রতিবেশী টুটাফাটা কাপড় কোমরে জড়িয়ে লজ্জা ঢাকতে চেষ্টা করেছে। কিন্তু প্যান্ট পরা লোকটি কি মনে করছে না, সে তার প্রতিবেশী? সে কি ভুলে গেছে যে অপকারিতা দূর করতে না পারলে বেহেস্তে প্রবেশ করবে না? সে কি তবে বেহেস্ত চায় না, অবিশ্বাস করে? তবে সে কি করে নিজেকে মুসলমান বলে? কোন অধিকারে সে রসুলুল্লাহ (আ.)-এর উন্নত বলে নিজেকে দাবি করে? এই দাবি করাটা কি নিতান্ত ভগ্নামি নয়? এ রকম মিথ্যা দাবি করে কি তবে এরাই মুসলমানের দৃঢ় এক্যের বন্ধন কাঁচ ভাঙার মতো চুরমার করে দিচ্ছে? এরাই কি মুখে শুধু কোরান পড়ে, কিন্তু অতিক্রম করে না গলদেশে? এরাই কি সেই নামাজি, যাদের নামাজ পড়ার সঙ্গে তুলনা চলে না? এরাই কি তবে সেই রোজাদার, যাদের রোজার সঙ্গে তুলনা দেওয়া চলে না? তবে কি রসুলুল্লাহ (আ.) এদেরকে লক্ষ্য করে বলেছেন যে, এরা বাহির হয়ে যাবে ইসলাম হতে, যেমন তাঁর বাহির হয় ধনুক হতে? তবে কি রসুলুল্লাহ (আ.) এদেরকেই বলেছেন যে, যদি পেতাম তবে ইত্যা করতাম আদ জাতির মতো? হে বীর মুজাহিদ মুসলমান, তবে এখনো নীরবে কেন দাঁড়িয়ে থেকে এই করুণ দৃশ্য দেখছ? হে বীর মুজাহিদ, তোমার কাছে তো পিতা ও সন্তান হতে এবং সমগ্র মানবজাতি হতেও প্রিয় তোমার রসুলুল্লাহ (আ.), তবে কেন শহিদের দেদীপ্যমান বিক্রম তোমার বন্ধে উঠাল তরঙ্গের চুরমার করা শব্দ আলোড়নে উতলা করে তোলে না? মৃত্যুকে না তুমি পূর্বেই সমাধির স্বাক্ষর করে রেখেছ? তবে কেন সমাধিকে দূরে ফেলে চুপ করে আছ? তবে কেন প্রতিবাদের মশাল পাশবিক শক্তিকে মিসমার করার তরে জ্বলে ওঠে না? রসুলুল্লাহর (আ.) বলে দেওয়া ভণ্ড-বেইমানেরা কি এখনো কালের কলঙ্ক-স্বাক্ষর হয়ে মর্ত্যমন্ডলের মস্ততায় মলিনতা ছড়াতে থাকবে? কোথায় তোমার প্রতিবাদের মশাল? কোথায় তোমার বঙ্ককতিন সংকল্পের প্রধুমিত পরিশীলন? কোথায় তোমার জীবন দিয়ে নবিউল্লাহর প্রেমে

মাতোয়ারার চিহ্ন? লোহ সংকল্পে তুমি অটল। তবু রসুলুল্লাহ (আ.)-এর আঁখির প্রবির অশ্রু গড়িয়ে পড়তে দেখে মৌন হয়ে আছি। তুমি কি সেই মুজাহিদ নও যে ওহদ রণপ্রান্তে রসুলুল্লাহ (আ.)-কে নিজের বন্ধু তাঁর মুখে তুলে দিয়ে নিরাপত্তার প্রার্থী গড়ে তোলে?

আমি আমার ছেলেপুলে নিয়ে পোলাও-কোরমা খেতে বসেছি, কিন্তু আমি কি একটিবার ভেবে দেখবো না যে, আমার প্রতিবেশীরা কী খাচ্ছে? আমারই প্রতিবেশী হয় তো দু-মুঠো ভাত ছেলেপুলেদের নিয়ে খেতে পারছে না। অবুঝ ছেলেপুলে ক্লুধার জ্বালায় বাবী-মার কাছে প্রতিবাদ তুলে ধরছে আর কেঁদে উঠেছে। রসুলুল্লাহ (আ.)-এর আদেশ, আমিও যা খাব অপরকেও তাই খেতে দিতে হবে। না দিতে পারলে মুসলমান হতে পারবো না। তা তো আমার জন্য অনেক দূরের কথা, কিন্তু একটিবারের তরেও কি সেই ভুখা প্রতিবেশীর খোঁজ নিয়েছি? তা হলে দেখতে পাচ্ছি ইসলামের সীমানাতেও দাঁড়াতে পারছি না। এই তো সমাজের কথিত মুসলমান আমরা। সেবকের ভূমিকায় আমরাই প্রতিবেশীর কাছে – আল্লাহ মালিক, তাঁর সঙ্গে আমার মালিকানাটাও আঁঠা দিয়ে গোপনে লাগিয়ে দিচ্ছি। যদিও আমাকে কেউ মালিক বললে মোখিক প্রতিবাদ করে বলি, আমি কিছু না, আমি তো আপনাদের খাদেম। আসমানের উপর ইঙ্গিত করে মুচকি হাসি তুলে বলি, মালিক তো আল্লাহ।

এই সমস্ত খাদেম যে দেশের শাসনব্যবস্থার পরিচালনার ধারায় গড়ে তোলার ব্যবস্থা করা হয়েছে এবং শাসনব্যবস্থার প্রধান মুখোশধারী মুসলমানগুলোকে প্রাণ দিয়ে বুঝিয়ে দাও, প্রতিবাদের মশাল বাহির কর, সবাই এক হয়ে সংগ্রাম চালিয়ে যাও। মনে রেখ, শাহাদাতের রক্ত-রাঙা ফোঁটায় ফোঁটায় প্রতিবাদের লিপি রচনা করতে হবে। সে রক্ত-রাঙা ফোঁটায় আখরিত প্রতিটি লিপি ভণ্ড খাদেমদের পিলা চমকিয়ে দেবে।

আমার ছেলেপুলেরা উঁচু ইঁটে গড়ানো ইমারতে গরম জামা পরে শীতের হিমেল হাওয়ায়কে বুড়ো আঙুল দেখাচ্ছে, আর আমারই প্রতিবেশীর ছেলেপুলেরা ঠাণ্ডা মাটিতে খড় বিছিয়ে ছেঁড়া ন্যাকড়া জড়িয়ে রাত কখন ফুরোবে ভাবছে। কে কার খোঁজ রাখে? এই দুনিয়ার মোহ-মায়া, আমার মানবতা আমার নবিউল্লাহর (আ.) আবেদনকে বেমানান ভুলিয়ে দিয়েছে। দুনিয়ার মেকি মায়াজাল আমার মৃত্যঘটনা কোনোদিন ঘটবে না বলে দিয়েছে। আমি তো আমার প্রিয় নবিউল্লাহ (আ.)-কে বলতে শিখলাম না যে, আমারই তরে শুধু এই গরম জামা দিচ্ছ? কিন্তু আমার পেছনে যে আমারই মতো ভাইয়েরা শীতে কাঁপছে, তাদের প্রত্যেককে যেদিন একটি করে গরম জামা দিতে পারবে সেদিন আমাকেও একটি দিও। সেদিন তোমার তুলে দেওয়া গরম জামা আমি আনন্দের সাথে গ্রহণ করবো। আমার প্রাণপ্রিয় মোহাম্মদ (আ.), তুমি যে বলে দিয়েছ, ‘বিশ্বাসীরা পরস্পরের প্রতি দয়া, প্রীতি ও সহানুভূতিতে এক দেহের মতো।’ তবে আমি কী করে একা এই গরম জামা নিজের গায়ে তুলে নিয়ে বিশ্বাসী ভাইদের বঞ্চিত করবো? সেই বিশ্ণী অধিকারের সংজ্ঞা যে তুমি দাঁও নি। তবে তোমার বলে দেওয়া ‘পরস্পরের প্রতি দয়া, প্রীতি ও সহানুভূতিতে এক দেহের মতো’ যে আমাকে প্রথমে অস্বীকার করতে হবে, তারপর তুলে নিতে হবে সেই গরম জামা। তা হলে কোন অধিকারে তোমার উন্নত বলে দাবি করবো? আমার সঙ্গে গরম জামা কিন্তু আমার বিশ্বাসী ভাইদের অঙ্গগুলো যে শীতে ঠাণ্ডা হয়ে যাচ্ছে। তাদের অঙ্গগুলো যে আমার অঙ্গ। তাদের অঙ্গগুলো যে শীতে পীড়িত, তাই আমার অঙ্গ ডাকছে তাদের শীত নিবারণের জন্য। তুমি যে বলেছ, ‘যখন পীড়িত হয় এক অঙ্গ, অপর সমস্ত অঙ্গ পরস্পরকে ডাকে উঁহার সাথে সহানুভূতির জন্য জাগরণ ও তাপে।’

বিশ্বমুসলিম একটি দেহ। সেই একটি দেহের তরে একটি জামার রূপটি কিন্তু বড়ই করুণ। তাই অবিশ্বাসীরা একটি দেহে একটি জামার রূপটি দেখে ঠাট্টা করে।

বিশ্বমুসলিম দেহের জামাটির একটি হাতা গরম কাপড় দিয়ে বানানো, অপর হাতাটি ছেঁড়া ন্যাকড়া দিয়ে বানানো, পিঠের অংশটুকুর অর্ধেক ছালার চট আর অর্ধেক মারকিন কাপড়, বুকের অংশটুকু অর্ধেক ছিঁড়ে বুনে আছে আর বাকি অর্ধেক নানা রঙবেরঙ-এর তালি মারা। এই তো বিশ্বমুসলিম দেহের উপর জামার রূপটি। তাই তো অবিশ্বাসীরা মুখে রুমাল চেপে হাসে আর মনে মনে বলে, এ রকম জোকার না থাকলে কি নাটকে টক হয়! কেউ হয়তো আমাদেরকে ইঙ্গিতে ঠাট্টা করে বলে, ধর্ম তো আফিম। সেই আফিমের নেশায় থাকলে নিজের জামার শ্রী দেখতে পাই না। এত অপমান সহ্যে পারছ, হে বীর মুজাহিদ? এখনো তুমি নিচে দাঁড়িয়ে আছ? কোথায় তোমার প্রতিবাদের মশাল? তুমি যে গরম জামা পরতে পারছ না, বিবেক যে শত বিষদাঁত বের করে তোমার বিবেককে ছেঁদা করে দিচ্ছে। অপর ভাইদেরও দেবার সামর্থ্য নেই। তবে কী করবে? নবিউল্লাহ (আ.) যে তোমার নয়নের মণি। তাই শহিদ হবার প্রধুমিত বাসনা নিয়ে তাদেরকে রুখতে হবে যারা তোমার দেহে লোক-হাসানো জামা পরিয়ে দিয়ে পবিত্র কোরান পড়ে, কিন্তু তা গলার ভেতরে ঢোকে না, তোমাদের চেয়ে বেশি নামাজ পড়ে, তোমাদের চেয়ে বেশি রোজা রাখে। এই সব ভণ্ডদেরকে লক্ষ্য করে রসুলুল্লাহ (আ.) বলছেন, 'তারা অত্যাচার করবে মুসলমানদের। যদি আমি পেতাম তবু ইত্যা করতাম আদ জাতির মতো।' দিবালোকের মতো স্পষ্ট করে তোমার প্রাণপ্রিয় রসুলুল্লাহ (আ.) বলে দিচ্ছেন, তবু তুমি এখনো নীরব দর্শকের মতো দাঁড়িয়ে আছ, হে বীর মুজাহিদ মুসলমান? বিশ্বাসীরা একটি দেহ। মানবদেহের যে কোনো একটি অংশ যদি পীড়িত হয়ে পড়ে তখন অন্য সমস্ত অংশগুলো তারই ব্যথায় ব্যথিত হয়ে সমবেদনা জানায়। এই পরস্পর অবিচ্ছেদ্য সম্পর্কের আদর্শে গরীয়ান যারা তারাই মুসলমান। ইহারই অপর নাম গণসাম্যবাদ। শোষণবাদের যে কোনো স্বীকৃতিই ইসলামে নেই, ইহারই তার জ্বলন্ত প্রমাণ। সব মানুষ মরবে, আমি মানুষ, আমাকেও মরতে হবে, ইহা যে রকম জ্বলন্ত সত্য, বিশ্বাসীরা সবাই 'একটি দেহ' বলার মাঝেও সেই গণসাম্যের জ্বলন্ত সত্য উচ্চাশিত হয়ে আছে। কিন্তু এ 'আদ জাতির মতো খুন করতাম' নামধারী মুসলমান কোরান, নামাজ এবং রোজা রাখার ডেক্সিবাজি দেখিয়ে অসাম্যের গন্ধ ছিঁড়িয়ে, বিশ্বমুসলিম এক্যকে অসহায় অবস্থায় ফেলে দিচ্ছে। এই ভণ্ডরূপটি চিক চিক করা মক্কাভূমির উষ্ণ বালি। দূরে উঠাল তরঙ্গ। নিকটে মেকি। আহত পাখির মতো বিশ্বমুসলিম তেঁটার জল খে ফোটা বালি দেখে ছটফট করে মরে পড়ে থাকে। হে মুজাহিদ মুসলমান, কোথায় ফেলে রেখেছ তোমার তৈরি করে রাখা প্রতিবাদের মশাল? কেন ভণ্ডের তাণ্ডব নৃত্য নীরব-নিখর করে দেয় না তোমার গর্জে ওঠা ঘুমন্ত প্রতিবাদ? কেন তোমার সংগ্রামের সমবেত প্রতিবাদ মানুষের গ্রাস ছিনিয়ে নেওয়া গর্বিত বক্কাটাকে কাঁপিয়ে তোলে না? তুমি কি ভাগ্যটার ওপর সব দোষ চাপিয়ে দিয়ে মোজাইক করা পাষাণ নামধারী মসজিদটাতে নামাজ পড়তে যাও আল্লাহকে তুষ্ট করে বেহেশ্ত আদায় করতে? এত বড় বোকাই আল্লাহকে ভেবে নিতে পারলে! ইট দিয়ে তোলা মসজিদটার সরু জুতো রাখার পথটা ঘিরে কুঁকড়িয়ে পড়ে আছে খাঁটি মসজিদের অধিকারী নিপীড়িত, লাঞ্চিত, পদদলিত, তোমারই মুসলমান ভাইয়েরা। মায়ের ছেঁড়া শাড়িতে শীত ঢাকতে পারে নি। হাড়-ওঠা দুটো শুকনো স্তনের বোঁটায় মুখ লাগিয়ে শিশু আহত পাখির মতো ছটফট করে কাঁদছে। ছোট ছোট ছেলেপুলেগুলোর না খেতে খেতে পিঠটা বাকা হয়ে গেছে। শীতে জামা নেই, হাত দুটো জড়ো করে বুকে লাগিয়ে রেখেছে। কোথায় দিয়েছ রসুলুল্লাহ (আ.)-এর দেওয়া সম্মান অধিকার? কোথায় তোমার দ্রাঘবন্ধনের চিহ্ন? এই ভণ্ড নামাজের বিভ্রিভানিতে ভণ্ড নামাজির পরিণাম কী সেটা তুমি জান না? তবে জেনে শুনে কেন ভণ্ডামি করছো? প্রতিবাদ করবে? প্রতিবাদের জ্বলা দাবদাহের মতো ফুটিয়ে তুলবে কাগজের পাতায়? কিছু হবে না। কোনো ফল ফলবে না। সংগ্রাম আর প্রতিবাদের

মশাল হলো এর যোগ্য প্রতিবাদ। দল বেঁধে পার, না হয় কয়জন মিলে পার, না হয় একা পার, গোপনে পার, সংগ্রাম আর মশালের প্রতিবাদে নবপুস্তক রচনা করতে থাক। প্রকাশক পাবে নবপুস্তক প্রকাশ করতে। গ্রাহক পাবে নবপুস্তক কিনে নিতে। মুদ্রণের পর মুদ্রণ চলবে নবপুস্তকের। রসুলুল্লাহর (আ.)-এর দেওয়া গণসাম্যের নবোদ্ভিত সূর্যের সাত ঘটিকার এক ঝলক সাম্যের আলো লুটিয়ে পড়বে। নবপুস্তক রচনায় সোনারফেঁক তোমায় মৃত্যুদণ্ড দেবে? সেই ভয়ে বুঝি ভিজে বেড়াল হয়ে আছ? ঝড়, বন্যা, ভূমিকম্প, মহামারিতে মৃত্যুদণ্ড বরণ করে নিতে পারছ সিনেমার টিকেট কাটার মতো কিউ দিয়ে। হাজার হাজার রসুলুল্লাহ (আ.)-এর দাবিওয়ালা গোলাবি মুসলমান তবু নবপুস্তক রচনা করবে না। সীদা কাগজে কালো কালিতে কান্নাকাটি করতে পটু, কিন্তু নতুন পুস্তকের কথা বললেই সব ভীত। এতই সহজ জ্ঞানাত? ছেলের হাতের টেডি আচারি আর আল্লাহর জ্ঞানাত যেন কোনোই ফারাক নেই। বাঃ বাঃ চমৎকার বুদ্ধির বহর! ফাকি দিয়ে বিএ পাশ করতে চাও? একি বাপ-দাদার দেওয়া কলেজ পেয়েছ নাকি, যে বইটা খুলে লিখে দিলেই পাশ? না দিলে প্রফেসরকে ছোরার ভয় দেখিয়ে...। তুমি কি জ্ঞান না যে নিজেদের ভাগ্য আল্লাহ আমাদেরকে পরিবর্তন করতে বলেছেন। একটা জাতির ভাগ্য আল্লাহ কখনোই পরিবর্তন করান না যতদিন না তারা নিজেদের ভাগ্যকে পরিবর্তন করেন। ব্যক্তিগত দায়িত্ব পালনের প্রধান শিক্ষাই দিয়েছে ইসলাম। ইসলাম শিক্ষা দিচ্ছে, লাখো মানুষ যদি জাহান্নামে যায় তবে তুমিও কি যেতে চাও? তোমার ব্যক্তিগত যে দায়িত্ব ও কর্তব্য আছে সেটুকু কেউ পালন না করলেও তুমি পালন কর। কারণ অন্যের আমলনামা তোমার ভালো-মন্দের কোনো ধার ধারবে না। তুমি বিশ্বাস কর ভাই, জ্ঞানাত তোমার জন্য স্পর্শ হারাম হয়ে আছে। মৃত্যু-ঘটনা ঘটান সস্বে সস্বে অনুশোচনায় কেন্দ্রে উঠবে। দেখবে অনন্তকাল ব্যাপ্ত শুধু জাহান্নাম আর জাহান্নাম। কালি আর কাগজে তুমি তোমার ব্যক্তিগত দায়িত্ব হতে মুক্তির তরে একটি প্রতিবাদের পুস্তক রচনা করে রেখে যাও, তা হলে তুমি ইমানভূমির সীমানাতে দাঁড়াবার হয়তো স্বীকৃতি পাবে। আল্লাহ এবং রসুলুল্লাহ (আ.)-কে সাক্ষী করে বলছি, কোরান-হাদিস শরিফ পড়ে প্রতিবাদের পুস্তক রচনা ছাড়া বর্তমানে পরকালে মুক্তি পেয়ে জ্ঞানাত লাভের আর কোনো সহজ পথ খুঁজে পাই না। কারণ, এই পথকে ইমানভূমির সীমানাতে দাঁড়াবার স্বীকৃতি বলা হয়েছে। তারপর হলো আধ্যাত্মিক জগত। প্রেমলীলার অশেষ সৌন্দর্যের বিজ্ঞানময় রহস্য। সেই রহস্যই প্রকৃত শান্তি এবং ইসলাম। এখন আধ্যাত্মিক বিষয় নিয়ে আলোচনা করা অনেকটা নদীর কিনারায় কুয়ো খুঁড়ে পানি বিতরণ করার মতো।

বস্তুপ্রীতি এবং বস্তুর উপর নির্ভর করে জড় চাহিদার বিভিন্নতাকে দ্রুতগতিতে বাড়িয়ে দিয়ে পার্থিব সুখ-সম্পদে গা ভাসিয়ে বিলাসিতায় জীবনটাকে মুখরিত করে রাখাকে ইসলাম মানবজীবনের জীবনমান (স্ট্যান্ডার্ড অব লিভিং) বলে মেনে নেয় নি। এ রকম জীবনমান উন্নয়নকে ইসলাম আমিত্ব ধ্বংস না করে বরং বাড়িয়ে যাওয়া বলে ঘোষণা করেছে। আমিত্বের গন্ধ সাম্যের দুয়ারে বিশ্রী গন্ধ ছড়ায় বলে ইসলাম আমিত্বকে তাড়াবার সাধনা করতে বলেছে। তাই ইমানকেই মানবজীবনের একমাত্র জীবনমান বলে ইসলাম ঘোষণা করেছে। যার যতটুকু ইমানের গভীরতা পাওয়া যাবে তার ততটুকু জীবন মান উন্নত – এটাই বলেছে ইসলাম। ‘ইজ্জত একমাত্র আল্লাহর, আল্লাহর রসুলের এবং মুমিন মানুষদের।’ (কোরান)। এই সীমার বাইরে আল্লাহ কারো জন্য কোনো প্রকার ইজ্জত নেই বলেছেন। তা হলে বর্তমান দুনিয়ার ‘জীবনমান’-এর স্থান ইসলামে রইলো না বলে প্রমাণিত হলো। তথাকথিত জীবনমান কেবল ধন-সম্পদ শোষণ করে নফসের ডোণের বিশ্রী উন্নতা বাড়ানো এবং দুনিয়ায় ধন-সম্পদে নিজেকে বাড়িয়ে অপরকে তাড়িয়ে দিয়ে ধনের শৃঙ্খলে দাস হয়ে থাকা। এবং ইসলাম এ রকম জীবনব্যবস্থাকে কুফরি জিন্দেগি বলেছে। কারণ ইহা ইমানের সম্পূর্ণ বিপরীত ব্যবস্থা। তাই রসুলুল্লাহ (আ.)

বলেছেন, ‘ইমান না আনা পর্যন্ত বেহেস্তে ঢুকতে পারবে না এবং পরস্পর পরস্পরকে ভালো না বাসলে ইমান আসে না।’ এখন অতি সহজেই বুঝতে পারা যায় যে ইমান ইসলামের গোড়া বা মূল। তাই ইসলামের মূল ইমান না আসলে কেহই বেহেস্তে যেতে পারবে না। ইহা রসূলুল্লাহ (আ.) অতি স্পষ্ট করে বলে দিলেন এবং এটাই ইসলামের প্রকাশ্য এবং গোপন ঘোষণা। এখন আমাদের কাছে প্রশ্ন হয়ে রইল, কী সেই কাজ যা করতে পারলে ইমান আসে এবং ইমানের পরিবর্তে বেহেস্ত পাবে? কিন্তু সেই প্রশ্নের উত্তর রসূলুল্লাহ (আ.) নিজেই ইমান কী করতে পারলে আসে এবং বেহেস্তে যেতে পারবে এবং ইমান কী করতে না পারলে আসে না এবং বেহেস্তে যেতে পারবে না তাহাও অতি সহজ এবং সরল ভাষায় বলে দিলেন, যেন বিষয়টি আমাদের নিকট ঘোঁয়াটে বা কুয়াশার মতো মনে না হয়। তিনি আমাদের জানিয়ে দিলেন যে, পরস্পর পরস্পরকে ভালো না বাসলে ইমান আসে না। সেই ভালোবাসা বলতে কী বোঝানো হলো? শুধু মুখের কথা দিয়ে ভালোবাসা? না মুখ ও অন্তর উভয় দিয়ে ভালোবাসা ফুটিয়ে তোলা? অপরের দুঃখ-কষ্ট মোচন করে নিজের মতো করে গড়ে তোলাটাই ভালোবাসা। কারণ, মানুষ তার নিজের বেলাতে বেশ বোঝে, কিন্তু অপরের জন্য উদাসীন, অমনোযোগী থাকে। এই হীন পশুর স্বভাব ছেড়ে দিয়ে অপরকে নিজের বেলাতে যতটুকু বুঝি ততটুকু বুঝবার নাম হলো পরস্পরের প্রতি ভালোবাসা। পাঁচ ওয়াক্ত নামাজ পড়ার চেয়ে দশ ওয়াক্ত নামাজ পড়াটাও একজন মানুষের পক্ষে বিশেষ কঠিন কাজ নয়, কিন্তু আশ্রয়হীন অসহায় মানুষকে নিজের মালিকানায় রাখা বিশাল বাড়িটার মাঝে আশ্রয় দেওয়া বড় কঠিন কাজ। পথের পাশে পড়ে থেকে শীতে কাঁপছে আর মৃত্যুর পথঘাটী সাজতে শুরু করেছে, কিন্তু দশ ওয়াক্ত নামাজ পড়েনোওয়ালা তথাকথিত আল্লাহ-রসূলের মহব্বত কপচানো মুসল্লি সাহেব তার বিশাল বাড়িখানা থাকা সত্ত্বেও এই শোচনীয় অবস্থা দেখে এক পা এক পা করে ইনশাল্লাহ কেটে পড়েন। এ রকম শোচনীয় দৃশ্য সমাজে অহরহ ফুটে উঠবে জেনেই রসূলুল্লাহ পৃথিবীর মানুষকে পরস্পর পরস্পরের প্রতি ভালোবাসিতে আদেশ দিয়েছেন এবং এই আদেশ অমান্যকারীকে ইমান আনে নি বলে বেহেস্তে প্রবেশ করতে পারবে না তথা জাহান্নামের আগুন সাথী হয়ে থাকবে বলে সাবধান করে দিয়েছেন। সাম্যবাদ সমাজে পরস্পরের প্রতি ভালোবাসাকে সুন্দর এবং প্রীতিকর করে তোলে বলে ইসলাম পৃথিবীর মানুষকে সাম্যবাদ প্রতিষ্ঠা করতে বার বার আদেশ দিচ্ছেন। রসূলুল্লাহ (আ.) বলেছেন, ‘আগুন, পানি, খাদ্যদ্রব্য এবং পোশাক-পরিচ্ছদের উপর রয়েছে জনগণের প্রত্যেকের সমান অধিকার।’

বস্তু সৃষ্টির উদ্দেশ্য হলো আল্লাহকে পাবার যে সাধনার পথ সেই পথে মানুষের সেবার উপকরণ ও সাথী হিসেবে মানুষের দাসত্ব করা। কিন্তু বস্তুরই দাস হয়ে গেল মানুষ, এটাই মানুষের জঘন্য দাসত্ব ও শেরেক। এই দাসত্ব হতে উদ্ধার করে আল্লাহর দাসত্ব শিক্ষা দেবার তরে আল্লাহ তাঁর রসূলকে পাঠিয়ে থাকেন। বস্তুর দাস হয়ে অধ্যাত্ম-শক্তির সম্মুখীন মোটেই হওয়া যায় না। কেননা, অধ্যাত্ম-শক্তি অর্থাৎ খোদার প্রতিনিধিত্বপে খোদায়িশক্তি বস্তুশক্তির উপর সম্পূর্ণ ক্ষমতাবান। আপসোস! এই আস্থা ও সত্যবোধ আমাদের মাঝে আর কখনো ফিরে আসছে না। আল্লাহ প্রেরিত বিধান, নবি ও রসূলদের পাঠিয়েছেন যেন মানুষ তার কর্মবাদ বস্তুভিত্তিক না করে পরকালভিত্তিক করে গড়ে তোলে। কারণ ইহকাল অনন্ত পরকালের শস্যক্ষেত্র ও শিক্ষানবিসী জীবন মাত্র। আজকের সোদি আরবের বাদশাগণ দাবি করেন যে, পৃথিবীতে একমাত্র তাদের দেশেই সর্বাপেক্ষা অধিক ইসলামি শাসনব্যবস্থা চালু রাখা হয়েছে যা জগতের আর কোনো মুসলিম দেশ রক্ষা করতে পারে নাই। ইহা কেবল তাদের মিথ্যা দাবিই নয়, তা ছাড়া এ কথা বললেই ন্যায়সঙ্গত হবে যে, তাদের শাসনব্যবস্থা অন্যান্য দেশের শাসনব্যবস্থা হতে অনেক বেশি ইসলামবিরোধী। ‘শরিয়তের আইন’-এর নামমাত্র একখানা মুখোশ লাগিয়ে কোরান-হাদিসের সত্যকে

ঢাকবার ঢেঁটা করলে চলবে না। ইসলামের তথা ইমানের প্রথম এবং প্রধান শর্ত সাম্যবাদ আরব জনসাধারণের মধ্যে ফুটিয়ে তোলার কোনো উৎসাহই আজ পর্যন্ত দেখা যায় নি। ইসলামবিরোধী আত্মকেন্দ্রিকতা আরব বাদশাদের প্রবল হতে প্রবলতর হতে চলছে। মানবিক দাবি এবং সাম্যই ইসলামের প্রথম ইমানের শর্ত হওয়া সত্ত্বেও শরিয়তের কতগুলো হালকা বিধানের উপর সাজিয়ে রাখা হয়েছে। কোমরের কাপড় খুলে মাথায় পাগড়ি বেঁধে ভণ্ডের মতো রসুলের শরিয়ত রক্ষা করছেন আরব বাদশারা। যদিও তারা মোটেই লক্ষ্য করছে না যে, তাদের লজ্জাস্থানটুকু প্রকাশিত হওয়ার দরুন বিশ্বজনতা হাসছে। বেইমান, বিশ্বাসঘাতক, ঘৃণিত এজিদ্ যে রকম ইসলামের গড়ে তোলা জনসাধারণের বায়তুল মালকে জনসাধারণের মাল বলে অস্বীকার করলো আর প্রতিষ্ঠা করলো বিশ্রী হীন স্বৈরতন্ত্রের বীজ, সে রকম হাঁচে গড়া আজকের ভণ্ড আরব বাদশাদের শাসনতন্ত্র।

মানবসমাজে বস্তুবাদকে কোন পথে কেমন করে গড়ে তুলতে হবে এ সমস্ত কথা কোরান-হাদিসে বিস্তারিতভাবে আলোচনা করা হয়েছে। কিন্তু আফসোস, কোরান-হাদিসের কথা বুঝবার এবং বরণ করে নেবার মানুষ কোথায়? আর একটি অসুবিধা হয়েছে এখানে যে, ইসলামের বস্তু-নিয়ন্ত্রণ ও-বণ্টন ব্যবস্থার পরিপূর্ণ আদর্শ রসুলুল্লাহ (আ.)-এর শাসনকালে ক্ষুদ্র মদিনাতে সীমাবদ্ধ ছিল এবং উহা কেবলমাত্র প্রতিষ্ঠিত আদর্শ হিসাবে পূর্ণতা পাবার পথে এগিয়ে চলছিলো। তারপর চার খলিফার আমলে ইসলামি উৎপাদন, বণ্টন ও কর্মব্যবস্থার প্রয়োগ সমাজে প্রতিষ্ঠা করার সময় তারাও পান নি। কারণ, প্রতিবেশী রাষ্ট্রের আক্রমণ প্রতিহত করা, আপন রাষ্ট্রকে রক্ষা করার দায়িত্ব, রাজ্যের প্রসারতার দরুন বিভিন্ন চিন্তা এবং অভ্যন্তরীণ গোলযোগ ইত্যাদি কর্মের ভিতর তাদের চিন্তা ও শক্তি নিয়োজিত হয়েছিল অধিক। কিন্তু তবু ইসলামি সাম্রাজ্যের আদর্শকে তারা অনেকখানি উচিয়ে তুলতে চেষ্টা করেছেন এবং নিজেদের জীবনধারণের প্রতি পদে পদে শিক্ষার দৃষ্টান্তস্বরূপ সাম্রাজ্যের অদ্বিতীয় দৃষ্টান্ত পৃথিবীর বুকে রেখে গেছেন। রাষ্ট্রপ্রধানরূপে ভোগবিলাস তো দূরের কথা, যতটুকু ন্যায়সঙ্গতভাবে জীবনধারণের প্রয়োজন তাহাও তারা গ্রহণ করেন নি। তাই দেখা গিয়েছে, ইসলামি বিশাল সাম্রাজ্যের রাষ্ট্রনায়ক জনসাধারণের চেয়ে অতি নিম্নমানের পার্শ্ব জীবনটা অতিবাহিত করতেন। বিশাল ভূখণ্ডের অধিপতি আমিরুল মোমিনিনের গায়ে দেবার মাত্র একটি তালি-মারা কুর্তা ছিল। অনশনে পেটে পাথর বেঁধেছেন, পানির সঙ্গে সামান্য মধু মিশিয়ে খলিফা হজরত আবু বকর (রা.)-কে পান করতে দেওয়া হয়েছিল। কিন্তু গলায় আঙুল ঢুকিয়ে বমি করে দিয়ে বললেন, 'আবু বকর পান করবে মধু!' খলিফা হজরত আলি (রা.) নিজের সন্তান ইমাম হাসান ও হোসায়নের ক্রোধ নিবারণের তরে আপন বর্মটি রাত্রের আধারে অপরের নিকট রেখে খাদ্যসামগ্রী নিয়ে আসতেন। তবু বিশাল রাষ্ট্রের নায়ক জনসাধারণের বায়তুল মালের উপর হাত দিলেন না। এ রকম হাজার হাজার আদর্শের দৃষ্টান্ত তাঁরা রেখে গেছেন। সাম্রাজ্যের প্রতিষ্ঠিত আদর্শ পূর্ণতাপ্রাপ্তির পথে ধাপে ধাপে এগিয়ে চলেছে, কিন্তু চার খলিফার তিরোধানের পর বিশ্বাসঘাতক এজিদ্ সমাজ হতে সাম্রাজ্যের আদর্শকে মুছে দিয়ে রাজতন্ত্র প্রতিষ্ঠা করলো। শুধু কি তাই? সাম্রাজ্যের আদর্শ যারা তুলে ধরেছেন মানুষের কাছে, মোনাফেক এজিদ্ তাদেরকে নিষ্ঠুরভাবে হত্যা করেছে। লোহকে স্বর্ণ বলে কেউ ভুল করে না। ভুল করে নিকেলে মোড়ানো স্বর্ণালি মেকিরূপ দেখে। সেই স্বর্ণালি নিকেল করা মেকি সোনা হলো মোনাফেক এজিদ্। তাই আজও অনেকে খাটি সোনা বলে মোনাফেক এজিদ্কে ভুল করে মুসলমান বলে। কাকেরকে চেনা যায়, কিন্তু মোনাফেকের নিকেলে মোড়ানো কাকেরকে চিনে নিতে অনেক বেগ পেতে হয়। আনি চেনা যায়, কিন্তু আনি-কাটা সিকি সহজে চেনা যায় না। তখনই ধরা পড়ে যখন চুষক আর সিকির বুকটাতে 'ওয়ান আনা' লিখা থাকে। তাই যার কাছে চুষক আছে আর পড়তে জানে তাদের চোখে আনি-কাটা সিকি চোখে ধুলা দিতে পারে না। তারা মোনাফেক, বেইমান

সিকি বলে মানুষের সমাজ হতে বেইমান সিকিটাকে চিরতরে নষ্ট করে দেয়, যেন আর কেউ আসল সিকি বলে ভুল না করে।

পুঁজিবাদ ও ইসলামের প্রভেদ

অতএব আমরা দেখতে পাই ‘বস্তুবাদ’-এর ইসলামি ব্যবস্থাপনাকে জগতের বুকে প্রত্যক্ষ সামাজিক আদর্শরূপে কোনো কালেই প্রতিষ্ঠা করা হয় নি। যদিও কোরান-হাদিস পথের সন্ধান দিয়ে দিয়েছে, তবু লিখিত আদর্শে লোকে বিশ্বাসী নয়। আর সেই যুগে লিখিত কথার মাধ্যমে প্রচার করা একপ্রকার ছিল না বললেই চলে। আরবের অল্প সংখ্যক লোক দিয়ে বিরাট সাম্রাজ্যের ব্যবস্থাপনা সে যুগে প্রথম অবস্থায় সহজসাধ্য ছিল না। কাজেই তাদের শাসিত বিরাট ভূখণ্ডে সেই আদর্শবাদ সম্পূর্ণ করে রেখে যেতে পারেন নি। লিখিত আদর্শ হিসাবে ইসলামের বস্তুনিয়ন্ত্রণবাদ পূর্ণতাপ্রাপ্ত থাকা সত্ত্বেও উহার প্রয়োগপদ্ধতির পূর্ণ প্রকাশ তখনো সমাজে প্রতিষ্ঠা করবার সুযোগ ও সময় পান নি। অন্ধ, বর্বর এবং পাপে-ভরা ছন্নছাড়া যুগের এত শত বছরের সমাজ জীবনের ধারা এত ক্ষুদ্র সময়ের ভেতর সম্পূর্ণরূপে বদলিয়ে ফেলা সহজসাধ্য নয় এবং তা কোনো কালেই সম্ভবপর নয়। তাই যে আদর্শের প্রতিষ্ঠা রসুলুল্লাহ (আ.) রেখে গেলেন উহা চার খলিফার রাজত্বকাল পর্যন্ত অগ্রসর হতেছিল, কিন্তু সেই অগ্রসরের গতি মোনাকফক এজিদ্ রাজত্বের সাগরে ডুবিয়ে দিল। আর কখনো তার প্রতিষ্ঠার চেষ্টাও করা হয় নি। ফলে নামমাত্র ইসলাম শরিয়তের মুখোশে আবদ্ধ হয়ে রইলো।

কেউ হয়তো এজিদ্কে মোনাকফক এজিদ্ বলাতে নিতান্ত ভাবাবেগের পরিচয় দেবার কথা বলবেন। কিন্তু ইহা ভাবাবেগ নয়, কোরান-হাদিসের মানদণ্ডে এজিদের যে বিশী চারিত্রিক বৈশিষ্ট্য ইতিহাসে ফুটে উঠেছে তারই সত্যিকার রূপ।

পুঁজিবাদ এবং বস্তু-মোহ ইসলামের দৃষ্টিতে জঘন্য মনোবৃত্তি। পুঁজিপতির জন্য বেহেস্ত শুধু হারামই করা হয় নি, তা ছাড়া পুঁজিবাদের নীতি ইসলামে যেন কোনো ক্রমেই আসিন নিতে না পারে তার জন্য রসুলুল্লাহ (আ.) আমাদেরকে ভীষণভাবে সাবধান করে দিয়েছেন। ধনের প্রতি লোভ এবং কর্তৃত্বের বিশী বাসনা মানুষের মনে ও চিন্তাধারায় এমনভাবে প্রতারণা এবং মানবতাবিরোধী মনোভাব তৈরি করে, যে রকম শুকনো দুর্বাদলের উপর পানি দিলে সজীব হয়ে মাথা চাড়া দিয়ে উঠে। তাই রসুলুল্লাহ (আ.) আমাদেরকে সাবধান করে দিয়ে বললেন, ‘ধনাসক্তি ও প্রভুত্বের মোহ মনের মধ্যে এমনভাবে মোনাকফকি উৎপন্ন করে, যেমন পানি ঘাস উৎপন্ন করে থাকে।’

ধনের অহংকার এবং মান-মর্যাদার মোহ মানুষের ধর্মভাবকে সম্পূর্ণরূপে ধ্বংস করে দেয়। অনেক দিনের ভুখা বাঘের সামনে একটি বকরিকে ফেলে দিলে যে অবস্থার সৃষ্টি হয় তার চেয়েও অনেক বেশি মারাত্মকভাবে মানুষের ধর্মভাবকে ধ্বংস করে দেয় এই অহংকার আর মোহ। তাই পুনরায় রসুলুল্লাহ (আ.) সাবধান করে দিয়ে বললেন, ‘ধনৈশ্বর্য ও মান-মর্যাদার মোহ মানবহৃদয়ে প্রবেশ করে তার ধর্মভাবকে যে রূপ সাংঘাতিকরূপে বিনষ্ট করে দেয়, বকরির পালের মধ্যে দুটো ক্ষুধার্ত বাঘ প্রবেশ করেও ততদূর সাংঘাতিক ক্ষতি করতে পারে না।’

ধনবান লোকেরাই ধনের উগ্র নেশায় মানুষের সহজাত দাবি প্রীতি এবং সাম্যবাদ কাঁচ ভাঙার মতো চুরমার করে দেয়। মানুষের প্রতি মানুষের ভ্রাতৃত্ববোধ ধনের নেশায় ধনী লোকদের মন হতে ব্রাশ দিয়ে মুছে ফেলে দেয়। তাই বিশ্বমানবসমাজে এই ধনী লোকেরাই সবচেয়ে নিকৃষ্ট বলে ইসলাম ঘোষণা করেছে। রসুলুল্লাহ (আ.) এই কথাটুকু বোঝাবার তরে কত রকম উপমা দিয়েই না আমাদেরকে বোঝাতে চেষ্টা করেছেন। যেন ধনের মোহে ধনী লোক হয়ে সাম্যবাদের আদর্শকে তথা

ইমানের প্রথম শর্তের সীমানা হতে সরে না পড়ি। একদিন উপস্থিত সাহাবিরা রসুলুল্লাহ (আ.)-কে জিজ্ঞেস করলেন, ‘ইয়া রসুলুল্লাহ! কোন ব্যক্তি আপনার উম্মতিদের মধ্যে সবচাইতে নিকৃষ্ট?’ তিনি বললেন, ‘ধনবান লোকেরাই সবচাইতে নিকৃষ্ট।’

পুঁজিবাদের হীন স্বার্থ মানুষের সমাজ হতে জঘন্য পাশবিক উপায়ে উদ্ধার করে ধনী লোকেরা নিজেদের আপি সে আপ মনে করে। কিন্তু এই সমস্ত ধনী লোকেরা বুঝতে পারে না যে সমাজের সহজ-সরল মানুষেরা কোনো দিন তাদের অন্তর হতে ক্ষমা করবে না। একদিন তারা ধনীদের হীন প্রচেষ্টাকে চিরতরে বিশ্বসমাজ হতে উপড়িয়ে ফেলবেই। ধনী লোকেরা তথা পুঁজিবাদের সমর্থকদের দল যত অহঙ্কার আর আশ্চর্য্যজনক মানবসমাজের বুকে করুক না কেন, কিন্তু অবহেলিত মানবসমাজ সহজেই বুঝতে পারে যে তারা সবাই কাগজের বাঘ। এই সমস্ত কাগজের বাঘদের মানবসমাজ কোনোদিন ক্ষমা করতে পারে না। কত বড় জঘন্য মনোবৃত্তিসম্পন্ন হতে পারলে এই সমস্ত পুঁজিপতিরা রসুলুল্লাহ (আ.)-এর মহান আদর্শের উপর পুঁজিবাদের কিছুটা সমর্থন আছে বলে প্রচার চালায়! কত বড় বেইমান হতে পারলে বিশ্বের সর্বশ্রেষ্ঠ মানব রসুলুল্লাহ (আ.)-এর উপর পুঁজিবাদের সমর্থনের বোঝা চাপিয়ে দেয়! অথচ ইসলাম ধনদাসদের জানাজা পড়া হারাম করে দিয়েছে। শুধু কি জানাজা পড়তে বারণ করেছে ইসলাম? ধনদাসদের পীড়াকালে সেবার্টুক পর্যন্ত করতে কর্তোরভাবে মানা করা হয়েছে। ধনদাসেরা রোগশয্যায় ছটফট করছে – করতে দাও – তারা জানোয়ারের চেয়ে অধম – তাদের জন্য অবহেলিত মানুষ করবে সেবা! অসম্ভব – ইসলাম বঙ্গকতিন কঠে ঘোষণা করেছে। ইসলাম বলেছে, সাবধান, অবহেলিত বিশ্বমানবের

সন্তানেরা যেন ধনদাসদের সালাম না করে, সন্মান না দেখায়, ইসলাম ঘোষণা করেছে, হে বিশ্বের অবহেলিত জনতা – তোমাদের সন্তানরা যেন ধনদাসদের সামান্য সহানুভূতি প্রদর্শন না করে। যদি ধনদাসদের সহানুভূতি ও সন্মান তোমাদের সন্তানদের প্রদর্শন করার প্রশ্ন দান কর তবে মনে রেখ, তাদেরকেও ইসলামকে বিনাশ করার কাজে ধনদাসদের সাহায্যকারী ও সহায়করূপে ধরা হবে। কারণ, এই শ্রেণীর ধনদাসেরা ইসলামকে বিনাশ করার কাজে লিপ্ত থাকে।

রসুলুল্লাহ (আ.) এই শ্রেণীর পুঁজিবাদীদের স্বক্কে বলেছেন, ‘আমার পরে মুসলমানদের মধ্যে এমন একদল লোক উৎপন্ন হবে যে, তারা নানাবিধ খাদ্য আহার করবে, নানা বিচিত্র কারুকার্যপূর্ণ বহুমূল্যবান পরিচ্ছদ পরিধান করবে, মনোমোহিনী সূন্দরী মেয়েলোক রাখবে, মূল্যবান ঘোড়া গৃহদ্বারে বাঁধবে। অল্লাহর তাহের ভোজনপ্রবৃত্তি পরিতৃপ্ত হবে না। অনেক পেনেও তাদের আকঙ্কার নিবৃত্তি হবে না। তাদের সমস্ত শক্তি কেবল সংসার-অর্জনেই ব্যয়িত হবে। দুনিয়াকেই তারা প্রভু বলে মনে করবে। যা কিছু করবে দুনিয়া হাসিলের জন্যই করবে। আমি যে (মোহাম্মদ) (আ.), তোমাদের প্রতি আমার আদেশ, তোমাদের সন্তানেরা তাদের যেন সালাম না করে। তাদের পীড়াকালে যেন তাদের সেবা না করে। তাদের জানাজার অনুগমন যেন না করে। এই শ্রেণীর ধনী লোকেরা ইসলামকে বিনাশ করবে। তোমাদের সন্তানগণ যদি তাদের প্রতি সন্মান প্রদর্শন করে ও সহানুভূতি প্রদর্শন করে তবে তারাও ইসলামকে বিনাশ করার কাজে তাদেরকে সাহায্যকারী ও সহায়ক হবে।’ (হাদিস এবং কিমিয়ায়ে সাআদাত তৃতীয় খণ্ড)। আল্লাহ বলেন, ‘যে সকল লোক সোনা-রূপা জমা করে অথচ আল্লাহর পথে খরচ করে না, (হে মোহাম্মদ), আমি তাদের ভীষণ যন্ত্রণাদায়ক শাস্তির সংবাদ দাও। কেয়ামতের দিন এই সোনা-রূপা দোজখের আগুনে গরম করে তার দ্বারা তাদের কপালে, পাজরে এবং পিঠে দাগ দেওয়া হবে। ইহাই তোমাদের সঙ্কিত সোনা-রূপা, যা আমার রাস্তায় খরচ না করে তোমরা নিজের জন্য জমা করেছিলে। আজ ইহার আশ্বাদ গ্রহণ কর।’

আল্লাহর পথে খরচ করার অর্থ কী? মানুষের প্রকৃত সেবার তরে মানুষের সুখ-সুবিধার প্রতি মানুষের সমান বাস্তব দৃষ্টিভঙ্গি প্রদান করা কি ন্যায়-বিচার এবং আল্লাহর পথে খরচ করাই বোঝানো হয় নি? রসূলুল্লাহ (আ.) বলেছেন, 'অন্যের জন্য তাহাই পছন্দ কর, যা নিজের জন্য পছন্দ কর। তা হলে তুমি সবচেয়ে ন্যায়বিচারক হতে পারবে।' রসূলুল্লাহ (আ.) বলেছেন, 'সর্বোৎকৃষ্ট সেই ব্যক্তি, যে পরের উপকার করে, সুতরাং তুমি পরের উপকার করে সবচেয়ে ভালো মানুষ হয়ে ওঠ।' পরের উপকার করে দ্রুত সম্মবর্তনে সাম্যবাদ পৃথিবীর বুকে যেদিন প্রতিফলিত হবে, সেদিন গণসমাজ সবচেয়ে ভালো মানুষ হবার প্রতিচ্ছবি দেখতে পাবে নিজেদের মুখমণ্ডলে। রসূলুল্লাহ (আ.) বলেছেন, 'কারো প্রতি জুলুম করো না, তা হলে নুর বেঁধিত অবস্থায় পুনর্জীবিত হবে।'

পুঞ্জিপতিদের পরিণাম যে শুধু ধ্বংসের বীভৎস বিভীষিকায়, তারই কথা বলতে গিয়ে রসূলুল্লাহ (আ.) বলেছেন, 'তোমরা কি সেই জানোয়ারকে দেখ নি, যে বসন্ত কালে লতাপাতা ও ঘাস সারাটি দিন পেট পূরে খেয়েছে, এমনকি অরুণের আভা নিভে যাবার পরও বিরত হয় নি? জানোয়ারটি এত বেশি খেয়েছিল যে ফলে ধ্বংস হয়ে গিয়েছিল। সে রকম সম্পদও লোভনীয় বস্তু। হয়তো তোমরাও প্রচুর সম্পদের লোভে পড়ে নিজেদের 'দীন' সম্পর্কে অলস হয়ে পড়বে এবং ধন-সম্পদের মোহে এরূপ লিপ্ত হয়ে পড়বে যে পরিণামে তোমরাও (জানোয়ারের মতো) ধ্বংস হয়ে যাবে।'

রসূলুল্লাহ (আ.) বলেছেন, 'দুনিয়া তারই বাড়িঘর যার আর কোনোই বাড়িঘর নেই। এবং উহা তারই সম্পদ যার আর কোনো সম্পদ নেই। দুনিয়ার সম্পদ জমা করে একমাত্র সে-ই যে মুর্থ এবং বুদ্ধিহীন, সেই সম্পত্তির বিরাট বিরাট অংশ নিজেদের কর্তৃত্ব রেখে ভোগবিলাসে ডুবে থেকে মুসলমান বলে শুধু দাবি নয়, দাতা ও দানবীর সঙ্গে আছে। তবে কি এরা ইসলামের মানদণ্ডে মুসলমান? তাদের ভোগ-বিলাসের রক্তিম আঁখির বিম্বিয়ে-পড়া উদ্ধত কথার পাশে পাশে লাখো কোটি মিসকিন, ফকির আর বেকার যে ক্ষুধার জ্বালায় নিজেদেরকে ভিখারি, লম্পট এবং চোর ও ডাকাতে পরিণত করতে বাধ্য করছে। তার জন্য দায়ী কে? ইসলাম, না এই ভণ্ডের দল? তবে কি এদের নির্মূল করা মুসলমানদের অবশ্য কর্তব্য নয়? তবে কি এদের শাস্তি দেবার জন্য ইসলামের সত্য প্রতিষ্ঠার প্রয়াসে প্রকাশ্য প্রতিবাদ করার কথা ইসলামের বিধানে নেই? এই জুলুমের বিরুদ্ধে বুঝে দাঁড়ানো কি জেহাদ নয়?

রসূলুল্লাহ (আ.) বলেছেন, 'যে কেউ উন্নতের মধ্যে ভাঙন ধরানোর চেষ্টা করবে তখন তাকে যেখানে পাও তরবারির আঘাত হানো।' রসূলুল্লাহ (আ.) বলেছেন যে, 'জুলুমকারীর জুলুম বন্ধ করা।' রাসূলুল্লাহ (আ.) বলেছেন, 'কসম আল্লাহর, তোমরা কখনো নাজিত পাবে না, যে পর্যন্ত তোমরা জালেমকে জুলুম থেকে বিরত না রাখ।' রসূলুল্লাহ (আ.) বলেছেন, 'যদি কোনো জাতি বা দলের মধ্যে কোনো ব্যক্তি কোনো অন্যায় কাজে লিপ্ত হয় এবং সেই জাতি বা দল থাকা সত্ত্বেও তাকে বাধা প্রদান না করে, তবে মৃত্যুর আগে দুনিয়াতেই তাদের উপর আল্লাহর আজাব আসবে।'

যারা ইসলামের এই সত্যকে বুঝেও নীরব দর্শকের ভূমিকা পালন করলো তবে কি তারা আল্লাহর দেওয়া সত্য প্রকাশ্যে প্রচার করার আদেশ হতে বিরত রইলো? যারা সত্য প্রচার হতে বিরত রইলো তাদের ভয়ঙ্কর শাস্তির কথা কি সালাত পালন করার কথা বিরাশি বারের আদেশ হতে বেশি বলে নি?

যে শাসনব্যবস্থার ভেতরে গোপনে লুকিয়ে থাকে অন্যায়, অবিচার, অসাম্য আর এই শাসনব্যবস্থার যে মুষ্টিমেয় অসাধু ব্যক্তিদের দ্বারা পরিচালিত হয় তাদের এবং তাদের শাসনব্যবস্থা দেশ হতে চিরতরে মুছে ফেলার সম্পূর্ণ দায়িত্ব জনগণের। যে শাসনব্যবস্থা জনগণকে পাকে ফেলে চোর, ডাকাত আর প্রতারকে পরিণত হতে বাধ্য

করে সেই শাসনব্যবস্থার বিরুদ্ধে জনগণের বিদ্রোহ করার অপরাধ নামই জেহাদ। যে শাসনব্যবস্থা জনগণের মধ্যে গুটি কতককে বিলাসিতায় ডুবিয়ে রাখে আর কতককে ভিক্ষাভাণ্ড হাতে দোরে দোরে ভিক্ষা করায়, সেই শাসনব্যবস্থা কখনোই ইসলামি শাসনব্যবস্থা নয়। যে শাসনব্যবস্থায় ধর্মীর হাতে দেশের পার্শ্বব সম্পদের চাবিকাঠি দেওয়া হয় আর কোটি জনগণের ভাগ্যে কানা কড়ি দিয়ে 'আল্লাহ আল্লাহ কর গিয়ে' নির্দেশ দেয় উহা ইসলামি শাসনব্যবস্থা নয়। উহার বিরুদ্ধে জনগণের প্রকাশ্য বিদ্রোহ ঘোষণা করে ইসলামের সাম্য ফিরিয়ে আনতে হবে এবং এর জন্য মৃত্যুবরণকে বলে জেহাদ। এই প্রকাশ্য সত্য জনগণ বুঝেও যদি নীরব দর্শকের মতো হাঁ করে থাকে তবে তাদের জন্য রয়েছে আল্লাহর অভিশাপ।

মানবতার মরা সম্বলটুকু ছিনিয়ে মানুষের লুণ হাতে যে রাষ্ট্রনায়ক তুলে দেয় ভবিতব্যের ভিক্ষাভাণ্ড সে তো নায়করূপী নিহুস্তা নারকী - তাকে সমুচিত শিক্ষা দাও হে মরুদে মুজাহিদ। ইসলাম-শিশুকে যারা আত্মনতের অঙ্গীকারে দু হাতে কোলে তুলে গুজিবাঙ্গীদের অগ্নিকুণ্ডে ফেলে দিয়ে অসহায় আত্ননাদ শোনে তারা মোনাকফেক - তারা জনমীর মুখোশে নরপিশাচ - ধন-দাসদের ধাবমান কুকুর - তাদের সমাধির উপর ইসলাম-শিশুর গণকুটির রচনা কর, হে মুজাহিদ। এটা জিহাদে সগির।

ইসলামি শরিয়তে কোরানভিত্তিক কোরবানির আলোচনা

কোরবানি পশুর গলায় ছুরি বসিয়ে দেওয়া নয়, কোরবানিতে নিজের আত্মত্বের গলায় তথা 'আমি'-কে গিরিয়ে ফেলতে হয়। নিজের 'আমি'-কে কেটে ফেলতে পারলেই হয় কোরবানি। তখন মানুষ মরার আগেই মরে যায়। তাই রসুলুল্লাহ (আ.) বলেছেন, মৃত্যু কাবলা আনতামৃত - অর্থাৎ, মরার আগে মরে যাও। এই জীবিত থেকে মরণকে বরণ করে নিলে হয় কোরবানি - অর্থাৎ সৃষ্টির নৈকট্য লাভ তখনই হয়। তাই কোরবানির শাব্দিক অর্থ হলো ত্যাগের মাধ্যমে নৈকট্য লাভ করা। কোরবৎ অর্থ হলো নৈকট্য এবং কোরবৎ শব্দ থেকে কোরবানির উৎপত্তি। এই কোরবানি প্রত্যেকের জন্য অবশ্য পালনীয় তথা ফরজ। পশুর গলায় ছুরি বসিয়ে দেওয়াতে রসুলুল্লাহ (আ.) কোরবানি বলে মোটেও স্বীকার করেন নি। আল্লাহ বলেছেন, 'পশুর মাংস অথবা রক্ত কখনই আমার নিকট উপনীত হয় না, বরং তোমাদের তাকওয়াই আমার নিকট উপনীত হয়ে থাকে।' (কোরান)।

রক্ত-মাংস আল্লাহ গ্রহণ করেন না। তিনি গ্রহণ করেন মানবমনের 'তাকওয়া' অর্থাৎ মানবীয় ইচ্ছা তাঁর ইচ্ছার সঙ্গে মিলিয়ে নেওয়া এবং তাতে করে মানবীয় আত্মত্বের তথা 'আমি'-র লোপ সাধন করা। জীবিত থেকে মরণের যে স্বাদ তা উপলব্ধি করার চেষ্টা অর্থাৎ যাকে বলে মরার আগে মরে যাওয়া, তারই অনুশীলন হলো কোরবানি। কিছু দুঃখের বিষয়, আজ কোরবানি গরিব সাধারণকে নিয়ে শুধু মাংস খাবার উৎসবে পরিণত হয়েছে। এর কারণ হলো, ধর্মের অনুষ্ঠান পালন করতে আমরা অতিমাত্রায় পলুবগ্রাহী (সুপারফিশিয়াল) হয়ে উঠেছি। বাইরের অনুষ্ঠান নিয়েই সন্তুষ্ট, কিছু উহার ভেতরের সত্য ও সৌন্দর্য বুঝে নিবার দরকার মনে করি না। এর ফলে কোরবানির এই দুর্দশা। আচার যখন উহার উদ্দেশ্য-লক্ষ্য হারিয়ে ফেলে তখন তা অনাচারে পরিণত হয়। কোরবানিও তিক সেই অবস্থাতে এসে দাঁড়িয়েছে।

লাইলাতুল কদরের সাথে কোরবানির রাতগুলোকে হাদিস শরিফে তুলনা করেছে। তাই কোরবানি সাধনা তাকেই বলে, যেখানে মনের কুয়াশারূপ অবিরণ তথা দুনিয়ার (পৃথিবী নয়) মায়াটুকু ত্যাগের মাধ্যমে বিশ্ববের সাথে নৈকট্য লাভ

করা হয়। আমার ‘আমি’-কে নফসের (ফ্যাকাল্টিস অ্যান্ড সেন্সেস) সিংহাসন হতে টেনে এনে কোরবানি করে দিতে হবে। তারপর নফসের সিংহাসনে বিশ্বরবকে ‘আসুন, এই সিংহাসনে উপবেশন করুন’, বলে আহ্বান জানাতে হবে। ইহাই কোরবানি। ইহাই নিজেকে ত্যাগের মাধ্যমে দূরে ফেলে দিয়ে বিশ্বরবের নৈকট্যের চরম প্রচেষ্টা। এই দশদিনের যে কোনো একটি দিনের ত্যাগ-সাধনা আল্লাহর পথে জেহাদ করার চেয়ে আল্লাহর কাছে বেশি পছন্দনীয়। কারণ, ইহা হলো নফসের বিরুদ্ধে জেহাদ। যাকে বলা হয় জেহাদে আকবর।

হাদিস শরিফ অনুযায়ী চাঁদের প্রথম দশদিন হতে পশু জবাই করা পর্যন্ত কোরবানিকারীর দাঁড়ি চুল, নখ ইত্যাদি না কাটার আদেশ পালন করার উদ্দেশ্য কী? মন ত্যাগের মাধ্যমে নৈকট্যের বাসনায় উদগ্রীব হয়ে আছে তাই দুনিয়ার প্রতি তাকানো তো দূরের কথা, আপন দেহের সাধারণ যত্ন নেবার প্রতি মনোযোগ দেবার অবকাশও তার নেই। যদি এগুলোর দিকে মনোযোগ দেয় তা হলে ত্যাগের মাধ্যমে নৈকট্যের পথে খানিকটা বাধা পড়বে এবং সেটুকু সময় নৈকট্যের বিপরীত দুনিয়ামুখী হবার ভয় রয়েছে। কেউ হয়তো মনে করতে পারেন নখ, চুল ইত্যাদি কাটা তো ‘মোসাহাব’ অর্থাৎ অবশ্য পালনীয় নয়। এরও কারণ আছে। এমন মহাপুরুষও থাকতে পারেন যিনি আমিত্ব সম্পূর্ণরূপে ত্যাগ করে নৈকট্য লাভ করেছেন। যার ফলে সংসার-কাজে থাকলেও মন তার উহা হতে নির্লিপ্ত থাকার শক্তি অর্জন করেছেন। ত্যাগের মাধ্যমে নৈকট্য লাভের তথা কোরবানি করতে না পারলে চুল, নখ ইত্যাদি না কাটার কোনোই অর্থ থাকতে পারে না। আসল বিষয় ছেড়ে দিয়ে অন্ধ অনুকরণ করলে অনেক সময় হিতে বিপরীত হয়ে দাঁড়ায়। দুনিয়ার দিকে ষোলআনা নজর রেখে শুধু নখ-চুল না কাটার কী তাৎপর্য হতে পারে? তাই দেখা যায়, ত্যাগের মাধ্যমে নৈকট্যের ভাব ক্ষুণ্ণ না হবার জন্যই এসব কাজে মনোযোগ দিতে বারণ করা হয়েছে।

হজরত আবু হোরাযরা (রা.) হতে বর্ণিত হয়েছে যে, রসুলুল্লাহ (আ.) বলেছেন, ‘সামর্থ্য থাকা সত্ত্বেও যে ব্যক্তি কোরবানি করলো না, সে যেন আমার ঈদগাহের কাছেও না আসে।’ (আবু দাউদ, ইবনে মাজা)।

অর্থাৎ সে কি কোরবানিকে দু’রাকাত নামাজ মনে করেছে? সে কি কোরবানির মূল্য দু’রাকাত নামাজ বুঝতে চায়? না, কোরবানি এত তুচ্ছ নয়। কোরবানি দু’রাকাত নামাজও নয় এবং পশু-হত্যাও নয়। এই হাদিস হতে স্পষ্ট বোঝা যায় যে, পশু-জবাই করাকে রসুলুল্লাহ (আ.) কোরবানি বলে মোটেই স্বীকার করেন নি। যদি জবাই করাকে কোরবানি বলে স্বীকৃতি দিতেন তা হলে কেন কোরবানিকারীকে কেবল ঈদগাহে যাবার অনুমতি দিচ্ছেন? অথচ তখনো জবাই কাজ তার করা হয় নি। তা ছাড়া পশু-জবাই করা ঈদের নামাজের আগে করতে রসুলুল্লাহ (আ.) বারণ করেছেন। এর দ্বারা কি স্পষ্ট প্রমাণিত হচ্ছে না যে, পশুকে জবাই করা মোটেই কোরবানি নয়?

হাদিস শরিফে এই দশ দিনের রোজা রাখার ফজিলত বর্ণনা করতে গিয়ে বলেছেন যে, এক দিনের রোজা রাখা একটি বছরের রোজা রাখার সমতুল্য। কারণ, ইহা ত্যাগের মাধ্যমে বিশ্বরবের নৈকট্য লাভের প্রচেষ্টা। এই নৈকট্য লাভের রহস্যই বিশ্বরবের প্রধান উদ্দেশ্য। এই জন্যই তিনি মানবকে দুনিয়া দিয়ে তৈরি করেছেন। তিনি দেখতে চান যে মানব কি তার দুনিয়া নিয়েই থাকে, না দুনিয়া ত্যাগ করে তার নৈকট্য কামনা করে। এই সীমিত ইচ্ছাশক্তি মানবকে তিনিই সীমিত সময়ের জন্য দিয়েছেন। মৃত্যু-ঘটনার মাধ্যমে এই সীমিত ইচ্ছাশক্তি তিনি নিয়ে নেন। এখন কথা হলো, দশ দিনের জন্য দুনিয়া ত্যাগ করার চেষ্টা করতে গেলে দিন-মজুরের উপর নির্ভরশীল সন্তানদের ভয়ঙ্কর কষ্টের কারণ হতে পারে। আবার পক্ষান্তরে কোরবানি করা অবশ্য পালনীয়। এ কী রকম কথা? পার্থিব সম্পদের সমান

বর্জনব্যবস্থা হলে, তথা সাম্যবাদ প্রতিষ্ঠিত হলে, গরিবের কোরবানি না করার প্রশ্ন ওঠাই অবান্তর, সুতরাং অবশ্য পালনীয় আদেশ। যাতে বিশ্বসংসার ঠিক থাকে তারই জন্য বহুবার বই রকমে মানবকে সাম্য প্রতিষ্ঠা করতে আবেদন জানিয়েছেন এবং সাম্যবাদ প্রতিষ্ঠার তরে যারা যারা বাধা প্রদান করতে চাইবে তাদেরকে অসৎকার্য করছে বলে অত্যাচারী বলেছেন। মানবের মানবতার স্বলটুকু ছিনিয়ে নিতে যারা চায়, তারা তো অসৎকার্য করার প্রধান উপদেষ্টা, তারা তো জঘন্য অত্যাচারী, মানুষ খুন করার উগ্র আর্সেনিক। মানবতাকে একেবারে খুন না করে এই অসৎ কার্য করীর প্রধান উপদেষ্টাগণ মানবতা খুন করার অসহায় করুণ অবস্থা মানবসমাজে তৈরি করে রাখে। তাই এই সব অত্যাচারীর দলকে সম্মুখে উৎপাটিত করার আদেশ দান করা হয়েছে। কারণ, এরা মানবরূপী কালসাপ, জাত কেউটে। কালসাপকে রাখতে নেই। সুযোগ পেলেই এরা ফণা তুলে ছোবল মেরে বসে। তাই তো রসুলুল্লাহ (আ.) বলেছেন, 'যেখানে যে অবস্থায় পাও, তরবারির আঘাত কর।' রসুলুল্লাহ (আ.) বলেছেন, 'শেষকালে এমন লোক আসবে যাদের বাণী নবিদের মতো হবে এবং যাদের কাজ বাঘের মতো হিংস্র হবে।' রসুলুল্লাহ (আ.) বলেছেন, 'যখন পৃথিবীতে কোনো পাপ কাজ করা হয়, যে তা দেখে নাই কিছু তা শুনে খুশি থাকে, সে ঐ ব্যক্তির মতো যে তা দেখেছে।' রসুলুল্লাহ (আ.) বলেছেন, 'যদি কোনো সম্প্রদায়ের কোনো লোক পাপ করতে থাকে এবং ক্ষমতা থাকা সত্ত্বেও তারা তাকে পাপ কাজ হতে নিবারণ না করে, আল্লাহ তাদের মৃত্যুর আগেই তাদের সকলকে তার জন্য শাস্তি দেবেন।' (আবু দাউদ এবং ইবনে মাজা)।

রসুলুল্লাহ (আ.) বলেছেন, 'জনসাধারণের নেতার বিশ্বাসঘাতকতার চেয়ে আর অত বড় বিশ্বাসঘাতকতা নেই। তার নিশান তার পায়খানার রাস্তা দিয়ে ঢুকিয়ে দেওয়া হবে।' (তিরমিজি শরিফ)।

রসুলুল্লাহ (আ.) বলেছেন, 'নিশ্চয়ই আল্লাহ ব্যক্তিবিশেষের পাপের জন্য জনসাধারণকে শাস্তি দেন না। কিছু যখন তারা তাদের চোখের সামনে অন্যায় কাজ হতে দেখে এবং তাদের ক্ষমতা থাকা সত্ত্বেও তারা তা নিবারণ না করে, তখন আল্লাহ ব্যক্তিবিশেষকে ও জনসাধারণকে শাস্তি দেন।' (শরহে সুন্নত)।

রসুলুল্লাহ (আ.) বলেছেন, 'জিবরিল বললেন, আপনার উম্মতের মাঝে এরা এমন ধর্মউপদেশ দানকারী যারা যা বলতো তা করতো না এবং সত্যকে চাপা দিয়ে কোরান-এর আয়াত পাঠ করে শুনাতো।' (বাইহাকি)। যেখানে শাস্তির প্রয়োজন সেখানে কি করুণা দেখাতে হবে? কখনো নহে। পবিত্র কোরান বলে, তাদের উপর করুণা যেন ধর্মের নামে তোমাদেরকে অভিভূত না করে। (কোরান ২৪ : ২)।

রসুলুল্লাহ (আ.) বলেছেন, 'যে মানবতার গুণে বঞ্চিত সে সমস্ত মঙ্গল হতে বঞ্চিত।' (মোসলেম শরিফ)। রসুলুল্লাহ (আ.) বলেছেন, 'মানবতার গুণ গ্রহণ কর। কঠোরতা এবং অশ্লীলতা বর্জন কর।' (মোসলেম শরিফ)। রসুলুল্লাহ (আ.) বলেছেন, 'আল্লাহ হতে সর্বাপেক্ষা অধিক দূরবর্তী কঠিন হৃদয়।' (তিরমিজি শরিফ)। রসুলুল্লাহ (আ.) বলেছেন, 'যে অত্যাচার করে অর্ধহাত ভূমিও গ্রহণ করে, বিচারের দিনে তাকে সপ্তপৃথিবীর নিচে নিক্ষেপ করা হবে।' (বোখারি এবং মোসলেম শরিফ)। রসুলুল্লাহ (আ.) বলেছেন, 'যে মানবতার গুণ হতে বঞ্চিত সে দুনিয়া এবং আখেরাতের মঙ্গল হতে বঞ্চিত।' (শরহে সুন্নত)। রসুলুল্লাহ (আ.) বলেছেন, 'যে অত্যাচারীকে অত্যাচারী জেনেও তাকে শক্তিশালী করার জন্য তার সঙ্গে চলে সে ইসলাম হতে বাহির হয়ে যায়।' (বাইহাকি)। রসুলুল্লাহ (আ.) বলেছেন, 'পৃথিবীতে যারা আছে তাদের প্রতি দয়ালু হও, তা হলে যারা আকাশে আছে তারাও তোমাদের প্রতি দয়ালু হবে।' (আবু দাউদ ও তিরমিজি)। রসুলুল্লাহ (আ.) বলেছেন, 'সমগ্র সৃষ্টি আল্লাহর পরিবার। সমগ্র সৃষ্টির ডেতর আল্লাহর কাছে সবচেয়ে বেশি প্রিয় ঐ ব্যক্তি, যে তার পরিবারের প্রতি দয়ালু।' (বাইহাকি)। রসুলুল্লাহ (আ.) বলেছেন,

‘তোমাদের মাঝে কেহই যে পর্যন্ত নিজের জন্য যা ভালো মনে করে পরের জন্যও তা ভালো মনে না করবে, সেই পর্যন্ত সে ইমানদার হতে পারবে না।’ (বোখারি শরিফ)। আল্লাহ বলেছেন, ‘এই পৃথিবী আমি প্রসারিত করেছি সকল সৃষ্ট জীবের জন্য।’ (কোরান)।

আমার নিজের জীবনকে সুন্দর করে পরিচালনা করার যতটুকু ইচ্ছা করবো ততটুকু তো অন্য একটি মানুষের বেলাতেও করতে হবে। নিজে মিষ্টি খাওয়ার অভ্যাস ত্যাগ করতে না পেলে অপরকে কী করে মিষ্টি না খেতে উপদেশ দেব? সে আদর্শ কি সুন্দর নয় যে আদর্শ স্পষ্ট ঘোষণা করে, আগে তুমি মিষ্টি খাওয়ার অভ্যাস ত্যাগ কর তারপর অপরকে বারণ কর? যে শাসনব্যবস্থার মাঝে মানুষরূপী পরগাছা ও রক্তশোষণকারী সুবিধাবাদীর দল মাথা চাড়া দিয়ে ওঠার সুযোগ ও অবকাশ থাকে, তা ইসলামি শাসনব্যবস্থা নয় – যে শাসনব্যবস্থার মাঝে দেশের জনগণ নিঃস্ব রিক্ত। দেশের কোটি কোটি মানুষের বঞ্চনা ও নিঃস্বতার বিনিময়ে গড়ে উঠেছে মুষ্টিমেয় পুঞ্জিপতি ও ধনদাসদের মুনাকা ও সম্পদের পাহাড় তা কখনোই ইসলামি শাসনব্যবস্থা নয়। তিনি যদি উটের পিঠে নিজেই শুধু বসে যেতেন তাতেও ইতিহাস কোনো মন্তব্য করতো না। কিন্তু ইতিহাস বিস্ময়ে প্রচার করে, সেই অধিকার হতে উট-চালক বঞ্চিত হয় নি। তিনি ঋণিকের তরেও ভেবে নিতে পারেন নি, আম্মাতে আর উট-চালকের তথাকথিত অনেক প্রভেদ।

আমি আমার মতো একটি মানুষকে ভেবে নিতে পারি না। একটি মানুষকে আমার মতো ভাবতে ঘৃণা জাগে। অবজ্ঞার সুরে আমার দেহ-মন কেঁপে ওঠে। তখন তো আম্মাকে ইসলামি বিধান হতে একেবারে হারিয়ে ফেলবো। আম্মাকে ইমান আনি নি বলে দেবে। ইমান তো ইসলামের ভিত্তি। ইমান না থাকলে আমি তো পথভ্রষ্ট। তবে তা দেখছি, মানুষের বাচার দাবিতে সকলে সমান। আমার মতো অন্যকে ভাবতে পারবো না বলে আম্মাকে এত বড় শাস্তি! নামাজ-রোজা না করলেও তো আমার শেষ স্থল ইমানকে নিয়ে টান দেওয়া হয় নি, কিন্তু মানুষের বাচার দাবিতে মানুষকে নিজের মতো না ভাবলে আমার ইমান নিয়ে টানাটানি করা হয়। আমার ভিত্তি কেঁপে ওঠে। এ যে ভীষণ শাস্তি! কঠোর আঘাত। তারপর? স্পষ্ট করে বললেন মানুষের নবি। ব্যক্তিমানিকানার অভিশাপ হতে সাবধান করে দিলেন। মালিকানার অর্থই হলো ভোগ ও অপচয়ের জঘন্য সর্বময় অধিকার। পুঞ্জিবাদীরা মানুষের ব্যক্তিগত মালিকানা স্বীকার করে। তাই আল্লাহর সম্পদ মওজুদ ও জমা করাকে কোরান-এ কঠোরভাবে নিষিদ্ধ করেছে। স্বার্থবাদের দল যাতে আর ফতোয়ার আঘাতে মানবের রক্তকণিকায় ব্যক্তিমানিকানার বিষ মিশিয়ে দিতে না পারে তারই জন্য নবিজি সহজ-সরল ভাষায় বলেছেন, ‘আপ্তন, পানি, খাদ্যদ্রব্য এবং পোশাক-পরিচ্ছদের উপর রয়েছে প্রত্যেক মানুষের সমান অধিকার।’ এবং সেই অধিকার দেওয়া হয়েছে বলেই তো কোরবানিকে করা হয়েছে অবশ্য কর্তব্য।

মানুষকে বাচার দাবির উপর অর্থাৎ খেয়ে-পরে পার্থিব জীবন পরিচালনা করার বেলায় মানুষকে ইসলাম ভীষণ সমতার আসনে বসিয়েছে। পার্থিব সম্পদের উপর কঠোর ব্যবস্থা করে মানুষকে উঁচু-নিচুর পর্যায়ে ফেলা ইসলামের বিধানে নেই। কারণ, পার্থিব সম্পদের দীর্ঘ ইসলামের দৃষ্টিতে একটি কানাকড়িও নয়। বিশ্বরবের নৈকট্য লাভের বেলায় কে কতখানি অগ্রসর হতে পেরেছে সেখানেই উঁচু-নিচু লক্ষ্য করি। ঠুনকো ভোগ্য সম্পদ যদি ইসলামের দৃষ্টিতে স্বতঃসিদ্ধ সত্য হতো তবে খলিফা ওমরের আখিতে অশ্রুর বন্যা লুটিয়ে পড়তো না। এতদিনের গতিধারায় ইসলামের ইতিহাসে অন্য স্রোত প্রবাহিত হতো।

মানুষ আজ ঋধার অগ্নিতে জ্বলছে। তাই তার বিবেক প্রথমে ছুটে চলে ঋধার অগ্নিকে নিভাতে। সমাধানের বহু নীতি প্রচারিত হয়। বিবেক তখন সত্যতে আগ্রহ নিতে চায় না। ইহা একান্ত স্বাভাবিক। সত্যের যে সুর বাজে সে সুর বিবেক সেতুকে

পেরিয়ে যেতে পারে না। যদি এই পার্থিব অসাম্য অনেকদিন বিরাজ করে তবে কুখ্যার অগ্নিদাহ নিভানোর কর্তব্যই হবে মানুষের নিকট সব চাইতে বড় সত্য। সৃষ্টির নৈকট্যের কথা তখন বললে মানুষ হাসবে। বেশি চাপ দিলে অস্বীকার করে বসবে। না হলে বলবে, ধর্ম ব্যক্তিগত ব্যাপার। অনেকে বলবে অপ্রয়োজনীয়। কারণ, মানুষের ভাবধারায় শুধু একটি ভাবনা, এই কুখ্যার অগ্নিদাহ কী করে চিরতরে নিভানো যায়।

ধন-সম্পদ মোহের প্রতি শুধু ঘৃণা সৃষ্টি করেই কোরান এবং হাদিস ক্লান্ত হয় নি। উহার সম্বর্টনের কথাও কোরান-এ এবং বিশেষ করে হাদিসে বহুল পরিমাণে রাখা হয়েছে। কিন্তু আক্কেপ, আমরা কোরান-হাদিসকে জীবনের আদর্শরূপে গ্রহণ করে নিতে পারি নি। ইসলামের আদর্শে রাষ্ট্র গঠন করলে সে রাষ্ট্রে বস্তুবর্টন ব্যবস্থার মধ্যে রাষ্ট্রীয় অন্যায়ে ও অসাম্য দেখা দেবে না। ক্রমে স্বভাবতই উহা সম্বর্টনের দিকে ছুটে চলবে। কিন্তু এরূপ স্বাভাবিকভাবে সাম্যের দিকে ছুটে চলার সুযোগ মুসলিম জগত কখনো পায় নি। কারণ, মধ্যযুগীয় শাসকগণ ধর্মের নামে শোষণব্যবস্থাকেই চালু রেখেছিল।

ইজম বা ধর্তব্য মতবাদ হিসেবে বস্তুবাদকে ইসলামে মোটেই অগ্রাহ্য করা হয় নি। বরং বস্তুবাদ নিয়ন্ত্রণ ইসলামের দৃষ্টিতে কোন পথে গ্রহণযোগ্য এবং কোন পথে পরিত্যাজ্য তা কোরান-এর প্রায় সর্বত্রই আলোচিত হয়েছে, যেহেতু ইহাই সংসারজীবনে সবচেয়ে বড় পরীক্ষা ক্লেত্র। রাতারাতি বর্টন-সাম্য প্রতিষ্ঠা কোনোকালেই কোনো দেশের পক্ষে মোটেই সম্ভবপর নয়।

আল্লাহকে পাবার পথে ধন-সম্পদ কঠোর প্রতিবন্ধক। সম্পন্ন ব্যক্তিগণের পক্ষে আল্লাহ ও পরকালে অবিশ্বাস স্থাপন করাই স্বাভাবিক গতি হয়ে দাঁড়ায় বলে পূজিবাদ তথা ধনবাদকে ইসলাম সবচেয়ে বেশি ঘৃণা করেছে। ইসলাম ক্রীতদাস প্রথাকে অন্যায়ে বলে ঘোষণা করেছে। ক্রীতদাস-মুক্তি বিশেষ একটি পুণ্যের কাজ বলে পরিগণিত হয়েছে অথচ প্রচলিত দাসপ্রথাকে সঙ্গে সঙ্গে উচ্ছেদ করা হয় নি। রসুলুল্লাহ (আ.)-এর সময়ে মদিনা রাষ্ট্রে তখনো দাসপ্রথা প্রচলিতই ছিল। ঠিক সে রকমভাবে সম্বর্টন হবার দিকে সকল প্রকার ব্যবস্থাই করা হলো। অনেক রকম আদেশ-নিষেধ সুনির্ধারিত করে রাখা হলো। কিন্তু প্রচলিত অসাম্যকে একেবারে তুলে দেবার কাজ সঙ্গে সঙ্গে করা হলো না। রসুলুল্লাহ (আ.)-এর সময় মদিনাতে সাম্য স্বীকৃত ছিল এবং যথাসম্ভব প্রতিষ্ঠিত ছিল। অবশ্য উহা ছিল সেই যুগের উপযোগী এক প্রকার ব্যবস্থা। এই প্রয়োগব্যবস্থা পরিবর্তন করা যেতে পারে, অর্থাৎ ব্যবস্থা করার পদ্ধতি অনেক রকম হতে পারে সময় ও যুগের ধারা উপযোগী, কিন্তু বর্টন বিষয়ক সাম্য ও ন্যায়নীতির মূল কথা কখনোই পরিবর্তন করা চলবে না। ইহার নিয়ন্ত্রণ সামাজিক প্রয়োজন অনুসারে জনকল্যাণকর ব্যবস্থার জন্য যে কোনো দিকে নিয়ে যেতে পারবে, তাতে ইসলামের কোনোই রদবদল বা লাভ-লোকসান নাই। কারণ, ইসলামের আসল রূপটির প্রকৃত পরিচয় ইহার বহু উর্ধে। সৃষ্টি এবং সৃষ্টির রহস্যে আবৃত প্রেমলীলার বিজ্ঞানময় মিলনের চরম আনন্দ আর আত্মসমর্পণ হলো বহু উর্ধের ইসলাম। বিরহী প্রেমিক অচঞ্চল দৃষ্টিতে পরম প্রেমিকের মিলন বাসনায় উদ্গীব। দুইয়ের আকাঙ্ক্ষিত মিলনে দুই নেয় তখন বিদায়। আত্মপ্রকাশ করে তোহিদ। দুনিয়ার কুয়াশা ছুটে যায়। তাড়ন্ত তখন সম্পূর্ণ ডেঙে পড়ে। সৃষ্টি ও সৃষ্টি তখন একসূত্রে গাঁথা এবং সব কিছু আয়াতরূপে দৃশ্যমান হয়। কিন্তু আপোস! ইমানের প্রথম সিঁড়িতে এখানে যেখানে পা রাখতে গেলে পিছলিয়ে পড়ে যায়, সেখানে পরের সিঁড়িগুলোর কথা আলোচনা করা?

অনেকের চিন্তাধারায় একটি ধারণা বদ্ধমূল হয়ে আছে যে, রসুলুল্লাহ (আ.)-এর সময়ে অর্থাৎ সেই যুগে মদিনাতে যে অর্থনীতি চালু ছিল তার কোনোই পরিবর্তন ইসলামি রাষ্ট্রে করা চলবে না। ইহা একটি মারাত্মক ভুল এবং পাগলামি কথা ছাড়া

আর কিছুই নয়। পরস্পর সুবিচার ও ন্যায়সঙ্গত আচরণ করার বিষয়ে ইসলামে জোর তীব্র রয়েছে। এই নীতিতে রাষ্ট্রীয় সম্পদ বণ্টনের ব্যাপারেও সাম্যের আদর্শকে প্রতিষ্ঠা করতেই হবে। সাম্যের আদর্শের প্রয়োগব্যবস্থার পদ্ধতি যে রকমই হোক না কেন তাতে ইসলামের কিছুই আসে যায় না এবং উহাতে ইসলামের আঙ্গিক বিকাশের মাধ্যম কখনোই লুপ্ত হবে না। ইসলামের আঙ্গিক বিকাশ তখনই লুপ্ত হতে চলে যখন অসাম্যের বিশ্মী প্রবাহ হুমড়ি খেয়ে ইসলামে লুটিয়ে পড়তে চায়।

কোরানভিত্তিক জাকাত ও সালাতের আলোচনা

সামাজিক ও অর্থনৈতিক বিবর্তনের তথা ক্রমবিকাশের সাথে উৎপাদনের পদ্ধতি এবং বণ্টনব্যবস্থার প্রয়োগ অবশ্যই পরিবর্তন করতে হবে। কিন্তু অভ্যন্তরীণ মূলনীতি সাম্যবাদ অক্ষুণ্ণ রাখতেই হবে। যেমন ধরুন প্রকৃত জাকাতের নামকরণ করে 'জাকাত' নামক রাষ্ট্রীয় কর। প্রকৃত জাকাতের সংজ্ঞা কখনই 'জাকাত' নামক করটির ভাব কোরান-এ বহন করতে পারে না। কারণ, কোরান হলো মূলনীতি। সেই জন্যই 'জাকাত' নামক করটিকে হাদিসে জাকাত শব্দে ব্যবহার করা হয় নি। হাদিস পড়ার সময় লক্ষ্য করবেন 'জাকাত' নামক করটির ভাব যখনই বহন করছে তখনই উহাকে 'সাদকা' নামকরণ করা হয়েছে। শতকরা আড়াই টাকার সাদকার 'জাকাত' নামক কর আর কোরান-এর জাকাত কখনোই এক ভাব বহন করতে পারে না। যেমন ধরুন ইফতারের কথা ধরা যাক। প্রকৃত ইফতার এবং আনুষ্ঠানিক ইফতার কখনোই এক হতে পারে না। কিন্তু আমরা আনুষ্ঠানিক ইফতারের সঙ্গেই পরিচিত। ইফতার বলতে আমরা রোজা রেখে নির্দিষ্ট সময়ে বিভিন্ন খাদ্যসামগ্রী দিয়ে উপবাসব্রত ভাঙা বুঝি। রোজা ভাঙা হাকিকতে ভুল, তাই উপবাসব্রত ভাঙা লিখলাম। কিন্তু প্রকৃত ইফতার উপবাস ভাঙার খাদ্যসামগ্রী মোটেই নয়। তবে প্রকৃত ইফতার কী? মারোফতের গোপন কথা বইতে বিষয়টি অপ্রাসঙ্গিক হলেও অনেকগুলো হাদিস হতে মাত্র একটি হাদিস তুলে দিলাম। রসুলুল্লাহ (আ.) বলেছেন যে, 'আল্লাহ বলেছেন, আমার নিকট সবচেয়ে প্রিয় বান্দা সেই ব্যক্তি, যে ব্যক্তি সবচেয়ে তাড়াতাড়ি ইফতার করে।' এখন আপনারাই বলুন, এই ইফতার কি ডালের ফুলুরি খাবার তাড়াতাড়ি করা?

জাকাত কথার অর্থ হলো আল্লাহর দেওয়া সমস্ত ধন-সম্পদ ও শক্তি এবং চিত্তবৃত্তি তথা নফসের সমগ্র অভিব্যক্তি চোখ, কান, নাক, বুদ্ধি, ভাষা ইত্যাদি সব কিছু তারই সেবার জন্য তাকে দান করে দেওয়া। এক কথায় নফসের সামগ্রিক অভিব্যক্তিগুলো নিজ ইচ্ছায় ব্যবহার না করে যার দান তাঁকেই ফিরিয়ে দিয়ে তারই ইচ্ছামতো প্রয়োগ ও ব্যবহার করে চলা। এটাই কোরান-হাদিসের জাকাত। আমি আপনাদের কেবল একটি কথাই চিন্তা করতে বলবো যে, বিশ্বাসীর সংজ্ঞার মধ্যে ইহাও একটি শর্ত যে বিশ্বাসী জাকাতের জন্য কর্মতৎপর থাকে। (কোরান)। জাকাত অর্থ যদি উদ্বৃত্ত আয়ের শতকরা আড়াই ভাগ দরিদ্রকে দান করা হয়ে থাকে তা হলে এটার জন্য কর্মতৎপর থাকার কোনো প্রশ্নই আসে না। বছরের আয়ের হিসেবটা পাঁচ মিনিটে চুকিয়ে দিয়ে দান করলেই হয়ে গেল। আর সারা বছরের বাকি সময়টুকু তার জন্য কর্মতৎপর থাকার দরকার হয় না।

জাকাত নামক রাষ্ট্রীয় খাজনাকেই যদি কোরান-এ 'জাকাত' বলা হতো তা হলে গরিব জনসাধারণ জাকাত-দানের মহাকল্যাণ হতে সম্পূর্ণরূপে বঞ্চিত হয়ে পড়ে। শুধু তাই নয়, আত্মগুণির লান ছায়ায় নিমজ্জিত হয়ে পড়ে। তা ছাড়া ইসলামের সাম্যবাদের আদর্শ প্রতিষ্ঠিত হলে শতকরা আড়াই ভাগ জাকাত দানের কথা তো

সেখানে মোটেই থাকে না। আর জাকাতের কথা কোরান শরিফে বহুবার ঘোষণা করার প্রয়োজনও হতো না। ঠিক যেমন কোরান এবং হাদিস শরিফে দাসপ্রথা বিলোপ করার উদ্দেশ্যে বহু আদেশ দেওয়া হয়েছে এবং দাসপ্রথা সমাজ হতে উচ্ছেদ করা মহাপুণ্যের কাজ বলে ঘোষণা করা হয়েছে। যখন দাসপ্রথা সমাজ হতে সম্পূর্ণরূপে উচ্ছেদ হয়ে যাবে তখন দাসপ্রথা আর থাকে কোথায়?

সেই যুগে ইসলামি রাষ্ট্রে নিঃস্বল দরিদ্রের সাহায্যের জন্য ‘সাহেবে নেসাব’-এর উপর অর্থাৎ নির্দিষ্ট পরিমাণ সম্পদশালী ব্যক্তির উপর তার উদ্বৃত্ত আয়ের শতকর আড়াই ভাগ বাধ্যতামূলক কররূপে ধার্য করা হতো। এই খাজনার নামকরণ করা হয়েছিল জাকাত। কোরান-এর জাকাত অর্থ এই কর অথবা এই পরিমাণ দান করা নয়।

সালাতের সঙ্গে বেশিরভাগ জাকাতের কথা একত্রে দেখা যায়। তার কারণ, সালাত করতে চাইলেই অর্থাৎ আল্লাহর সঙ্গে সংযোগের চেষ্টা করতে গেলেই নিজের যথাসর্বস্ব উৎসর্গ করার প্রশ্ন আসে। পক্ষান্তরে নিজের যথাসর্বস্ব সাময়িকভাবে আকড়িয়ে ধরে থাকতে গেলে আল্লাহতে মনোযোগ দেওয়া সম্ভব হতে পারে না। এই জন্য সালাত করতে গেলেই জাকাতের কথা এসে পড়ে এবং জাকাত দিতে চাইলে সালাত করতেই হবে। উভয়ে পরস্পর অঙ্গাঙ্গী।

সালাত একটি অখণ্ড সংযোগ প্রচেষ্টা। ইহা সময় দ্বারা খণ্ডিত নয়। যদিও পাঁচবার আনুষ্ঠানিক সালাত পালন করার বাধ্যতামূলক বিধান শরিয়তে রাখা হয়েছে। কোরান পাঁচ ওয়াক্ত সালাতের কথা উল্লেখ করে নি। কারণ উহা মূলনীতি নির্ধারক। কোরান বলছে, ‘আকিমুস সালাত’ অর্থাৎ সংযোগ প্রচেষ্টা কয়েম কর। কয়েম অর্থে স্থায়ী ও নিরবচ্ছিন্ন ‘সালাত’ করতে থাকা বোঝায়। শরিয়তে দিনে পাঁচবার সালাত পালনের যে পদ্ধতি দেওয়া হয়েছে তাও স্থায়ী সংযোগ তথা সালাত সৃষ্টির পথে অগ্রসর হবার উদ্দেশ্যেই করা হয়েছে। ঠিক সে রকমভাবে ইসলামের সাম্যবাদকে প্রতিষ্ঠা করার তরে ‘জাকাত’ নামক কর দেওয়া এবং দরিদ্রকে দান করার নানা প্রকার উৎসাহমূলক এবং সতর্কতামূলক উপদেশ রাখা হয়েছে যাতে বিশ্বমানবসমাজে সাম্যবাদের আদর্শ প্রতিষ্ঠা লাভ করতে পারে।

সালাতের সাথে জাকাত জড়িত। সুতরাং সমগ্র চিত্তবৃত্তি এবং পার্শ্বব সম্পদ জাকাত করবার জন্য অর্থাৎ আল্লাহর নিকট জাকাতরূপে উৎসর্গ করবার জন্য সদা কর্মতৎপর থাকতে হবে। জাকাত না করলে সালাত হবে না। কারণ, নফসের বৃত্তিগুলো নফসকে তার ইচ্ছামতো ব্যবহার করতে দিলে ঐ সমস্ত দ্বারা সে দুনিয়ার সঙ্গে (পৃথিবীর সঙ্গে) নয়। কোরান-হাদিসের পরিভাষায় দুনিয়া এবং পৃথিবী এক নয়। কারণ, পৃথিবী দুনিয়াতে বাস করে না। পৃথিবী আল্লাহর দ্বীনে বাস করে। দুনিয়াতে বাস করে শুধু মানুষ এবং জিনের মনটুকু। এমনকি মানুষের অঙ্গ-প্রত্যঙ্গগুলোও আল্লাহর দ্বীনে বাস করে। ইত্যাদি) সংযোগ স্থাপন করবে এবং দুনিয়ার সঙ্গেই সে দৃঢ়ভাবে আবদ্ধ হবে। ক্রমে ‘সালাত’ অর্থাৎ আল্লাহর সঙ্গে সংযোগের চেষ্টাও তার থাকবে না। চিত্তবৃত্তির সামগ্রিক অভিব্যক্তি আল্লাহর দাসত্বে তাঁরই ইচ্ছামতো ব্যয় করতে গেলে ঐগুলির ব্যবহার সম্পূর্ণ তাঁরই নিকট ছেড়ে দিতে হয়। এভাবে আপনাকে ছেড়ে ব্যস্ত হয়ে থাকলে বাজে কথা বলার সময় কোথায়? আল্লাহর দেওয়া সমস্ত শক্তি ও সম্পদ আল্লাহকে জাকাত দেওয়া সোজা কথা নয়। তার জন্য তাকে সবচেয়ে তৎমুখাপেক্ষী এবং উদগ্রীব হয়ে নিজের চিত্তাশক্তিগুলোকে উৎসর্গ করবার কাজে সবচেয়ে কর্মতৎপর থাকতে হয়। আল্লাহর দিক হতে মুখ ফিরিয়ে যতটুকু দুনিয়ার দিকে নজর দেওয়া হয় ততটুকু জাকাত দেবার অবস্থা ছুটে যায়। জাকাত করতে চাইলে সর্বদাই কর্মতৎপর থাকতে হয়।

এখন আমরা সেই ‘জাকাত’ নামক করটি নিয়ে আলোচনা করবো। জাকাত এবং ‘জাকাত’ নামক কর এই দুটোর পার্থক্য এখন সহজেই বোঝা যাবে। ধরুন,

একটা খুব বড় জাহাজের নাম রাখা হলো পাকিস্তান। তা হলে পাকিস্তান এবং পাকিস্তান-নামক জাহাজ দুটো কি একই বলতে পারেন? না, পারেন না। কারণ, দুটোর নাম এক হলেও দুটো এক জিনিস নয়। এই ‘জাহাজ’ নামক করটি রসুল্লাহ (আ.) চালু করেছিলেন দরিদ্রের সাহায্য ইত্যাদি কয়টি নির্দিষ্ট কাজের জন্য। যখন সাম্যবাদ রীয়ে প্রতিষ্ঠিত হবে তখন ‘জাহাজ’ নামক করটি আর থাকে না। উহা আপনা হতেই উঠে যায়। ক্রীতদাসীর উপর স্বীর মতো যৌন-অধিকারের কথা কোরান ও হাদিস শরিফে স্পষ্ট উল্লেখ রয়েছে। আবার ক্রীতদাস প্রথা উচ্ছেদ করার ব্যবস্থাও রয়েছে। যখন দাসপ্রথা সমাজ হতে উচ্ছেদ হয়ে যাবে তখন ক্রীতদাসীর উপর অবাধ যৌন-অধিকারের আইন থাকে কোথায়? তাই অত্যন্ত দুঃখের সাথে বলতে হচ্ছে ইসলামকে ইসলামের দৃষ্টিভঙ্গি দ্বারাই বুঝে নিতে হবে। আপন যুক্তিতর্ক দিয়ে নিজের ইচ্ছামতো বুঝতে ও বোঝাতে চাইলে চলবে না। তাই জনৈক ব্যক্তি মুচকি হেসে কাঠমোল্লাকে বলেই ফেললেন, ‘মাওলানা সাহেব, আপনার ইসলাম যত্নে কী সুর বাজে আর আপনি কী গান গাহেন!’ এই কাঠমোল্লাদের বেসুরা গানের আওয়াজে বিশ্বমানবের দুয়ারে ইসলাম বোবা হয়ে আছে। এই বেসুরা গানের জোর করে গাওয়া দেখে কোটি কোটি দেশপ্রেমিক নাস্তিকে পরিণত হচ্ছে। কিন্তু তার জন্য দায়ী কারা? কাঠমোল্লা? না দেশপ্রেমিকেরা? না উভয়েই?

মূলনীতি ফেলে দিয়ে শুধু পূর্ববর্তীদের প্রয়োগব্যবস্থা অঙ্কের মতো অনুকরণ করলে ভুল হবে। উহা ইসলামের অনুসরণ না হয়ে অনেক ক্ষেত্রে বিরুদ্ধাচরণরূপে কাজ করবে। ইসলামের মূলনীতির পরিচয়ের অভাবে এবং পরিবর্তিত সমাজব্যবস্থার উপর উহা প্রবর্তন করার সুষ্ঠু জ্ঞানের অভাবে আধুনিক যুগে ধর্মকে একদল লোক রাষ্ট্রীয় ব্যাপারে অপ্রযোজ্য মনে করে থাকেন। তাদের মতে ধর্ম নাকি একেবারেই ব্যক্তিগত বিষয়। তাই ধর্ম ‘মধ্যযুগের’ অপবাদে তাদের কাছে এক প্রকার কলুষিত হয়ে গেছে।

কেউ হয়তো প্রশ্ন করবেন ব্যক্তিমালিকানাকে সমাজ ব্যবস্থার একটি ভিত্তিরূপে স্বীকৃতি দেওয়া হয়েছে বলেই কোরান শরিফে মৃত ব্যক্তির পরিত্যক্ত সম্পদ বণ্টনের ব্যবস্থা দেওয়া হয়েছে, সুতরাং সেখানে সমবণ্টনের কোনো স্থান হতে পারে না। উত্তর – ব্যক্তিমালিকানার স্বীকৃতি কোরান কখনো দেয় নি। উহা আমাদের দৃষ্টিবিভ্রম হয়ে দড়িকে সর্প মনে করে নিচ্ছে। হজরত মুয়াবিয়ার (রা.) তৈরি করা রাজতন্ত্রের বিরাট পাথরখানা তের শত বছর ধরে সাম্রাজ্যের আদর্শকে চাপা দিয়ে রেখেছে। সেই পাথরে চাপা সাম্রাজ্যকে আর উঠিয়ে আনা যাবে না ভেবে পাথরটাকেই ইসলামের আদর্শ বলে ধীরে ধীরে আমাদের মনে দানা বেঁধে উঠেছে। যার ফলে ইসলামের নীতিটাকে সমাজে কীভাবে প্রতিষ্ঠা করতে বলেছে তা এক প্রকার নেশাখোরের মতো ভুলেই আছি। ইসলামের বস্তুবণ্টনব্যবস্থার মৌলিক নীতির আলোতে বিচার করলে সম্পত্তির মালিকানা ব্যক্তির হাতে ভুলে দেওয়া হয় নি। আল্লাহর উপরই এই মালিকানা (ঐন-শিপ) দেওয়া হয়েছে। নিজের খেয়ালখুশি মতো ভোগ ও অপচয়ের অধিকার তখনই একটু না একটু মাথা চাড়া দিয়ে উঠবেই যখন মানুষকে মালিকানার অধিকার দেওয়া হয়। তাই কোরান-এ বহুবার আমাদেরকে শুনিয়ে দেওয়া হয়েছে, মালিক একমাত্র আল্লাহ – অর্থাৎ মানুষ মালিক নয়।

ইসলামের প্রথম যুগে ছিল একান্তভাবে পরিবারকেন্দ্রিক সমাজ। পিতা-মাতাই ছিলেন এক-একটি পরিবারের প্রধান উপদেষ্টা এবং চালক। তারা ভক্তির পাত্র ও গুরুজনরূপে বিরাজ করতেন। তারা অভিজ্ঞ চালক এবং যোগ্য উপদেষ্টা এবং তার সাথে পারিবারিক আয়-ব্যয়ের অধিকারীও তারাই হতেন। তাদের মৃত্যু হলে তাদের অধিকারভুক্ত সম্পত্তির বণ্টনব্যবস্থা অবশ্যই থাকতে হবে। মৃতব্যক্তির পরিত্যক্ত সম্পদ বণ্টনব্যবস্থার কথা কোরান শরিফে উল্লেখ করা হয়েছে। এর দ্বারা একথা বোঝায় না যে, ব্যক্তিমালিকানা রাখতেই হবে। দাসপ্রথার স্বীকৃতি কোরান-এর কোথাও

নেই, বরং দাসপ্রথা উচ্ছেদ করার আহ্বান কত সুন্দর করেই না বলা হয়েছে। কিন্তু সেই যুগের সেই অবস্থাতে দাসপ্রথা রয়ে গেল। এর দ্বারা একথা বোঝায় না যে, দাসপ্রথা রাখতেই হবে। কোরান যেমন মৃতব্যক্তির সম্পত্তির বণ্টনব্যবস্থা প্রদান করেছে, আবার তার সঙ্গে সাম্র্যের অঙ্গুষ্ঠ বাণীও প্রচার করেছে। ‘পৃথিবীতে যা কিছু আছে তা আল্লাহ তোমাদের মঙ্গলের জন্যই সৃষ্টি করেছেন’। (২ : ২৯)। তাই আমরা দেখতে পাই, সেই যুগে সেই পরিবেশে যদিও সাম্র্যের রোলার চালানো হয় নি, কিন্তু সাম্র্যের দিকে ধাবিত হবার সাবধানবাণী ও উপদেশের রোলার কম চালানো হয় নি। আমরা খোৎবাতে শুনে আসছি : আসসুলতানু জিলুল্লাহ। আল্লাহ যেখানে সোজাসুজি মানুষের রাজা সেখানে সুলতানের অস্তিত্ব কোথায়? ‘সুলতান’ কেমন করে আল্লাহর ছায়া হলো এটা বিশেষভাবে বুঝে নেবার প্রয়োজন আছে। ইসলামি রাষ্ট্রে সুলতান তিনি যাকে আল্লাহ ও তার রসুল কর্তৃত্বের আসনে বসিয়েছেন তাঁদের প্রতিনিধিরূপে। ‘সুলতান’ অর্থ হলো ক্ষমতার অধিকারী। এই ক্ষমতা জাহের ও বাতেনের মিলিত ক্ষমতা। এরূপ সুলতান নিজের ইচ্ছায় রাষ্ট্রের চালকরূপে অধিষ্ঠিত নন। আপসোস, সুলতান শব্দটির অপপ্রয়োগ করে আত্মকেন্দ্রিক দুনিয়াদার রাজাগণ নিজেদের শাসনব্যবস্থা কায়েম রাখার জন্য খোৎবার মধ্যে মসজিদ ঘরে আমাদেরকে তাদের পক্ষে এই নেশা পান করিয়ে ভুলিয়ে রেখেছে। এই ভুলের নেশায় আর কতকাল আমরা মাতাল থাকবো? খেলাফত ভেঙে যাবার পর খলিফা নামধারী রাজারা কোনো আলেমকে স্বাধীনভাবে খোৎবা পাঠ ও প্রচার করতে দেয় নি। তাই সত্যিকার আলেম প্রায়ই নির্যাতিত ও নিহত হয়েছে এই সমস্ত খলিফা নামধারী রাজাদের হাতে। খেলাফত ভেঙে যাবার পর হতে আজ পর্যন্ত মুসলিম জাহান রাজতন্ত্রের এই কালিমা বহন করে চলছে। শাসকগণ তথাকথিত কাঁঠি আলেমদের সমর্থনের সাহায্য নিয়ে স্বেচ্ছাচারিতা কায়েম করে চলেছে।

মুসলিম রাষ্ট্রের শাসনভার গ্রহণ করা একটি আপদবিশেষ। এখানে না আছে আমিত্ত্ব জড়ানো কর্তৃত্ব আর না আছে অন্য কোনোরূপ ব্যক্তিস্বার্থ। এখানে শুধুই সেবা আর সার্বিক জনকল্যাণ। এই কল্যাণ আমিত্ত্ব প্রতিষ্ঠার পথে নয়, বরং আমিত্ত্ব ধ্বংসের পথে। জেহাদ ইহার মূলমন্ত্র। এই জেহাদ ব্যক্তিকেন্দ্রিক এবং সমাজকেন্দ্রিক। শাসক আর সৈনিক রাষ্ট্রের শত্রুর বিরুদ্ধেই শুধু জেহাদে রত নয়, তারা নিজের আমিত্ত্বের বিরুদ্ধে কর্তার সংগ্রামে লিপ্ত। তাই তাদের সামরিক শিক্ষা ধর্মভিত্তিক, বস্তুভিত্তিক নয়। তারা যোদ্ধা হিসেবে যেমন অসীম সাহসী, অতুলনীয় বীর, তেমনি আবার দয়ায় বিগলিত প্রেমিক। নীতিবাদ তাদের মূলমন্ত্র। স্বার্থবাদ তাদের পরিত্যক্ত। প্রেম ও মনোবল তাদের বিজয়ের মূলমন্ত্র। কারণ, প্রেমের সঙ্গেই আল্লাহ আছেন। অস্ত্রবল উপলব্ধ মাত্র।

হজরত শাকিক বলখি (রা.) মুসলিম রাষ্ট্রের রাষ্ট্রপ্রধানের যে কতখানি গুরুত্বপূর্ণ দায়িত্ব তা বর্ণনা করছেন। তিনি মুসলিম রাষ্ট্রের রাষ্ট্রপ্রধানকে নদী-নালার উৎস ঝরনারূপে দেখিয়েছেন। তিনি বলেছেন, উৎসরূপ ঝরনার পানি যদি নির্মল না হয়ে সংক্রামক রোগজীবাণু মিশ্রিত পচা দুর্গন্ধময় পানি হয়, তবে সেই ঝরনার পানি বহনকারী নদীনালাও তা বহন করবে। সে রকমভাবে মুসলিম রাষ্ট্রের রাষ্ট্রপ্রধান যদি মন্দ এবং স্বেচ্ছাচারী হয় তা হলে সংক্রামক রোগের মতো সেই ব্যাধি সমস্ত দেশে ছড়িয়ে পড়ে। এরূপ বিপথগামী রাষ্ট্রপ্রধানকে ‘যেখানে যে অবস্থায় পাওয়া যাবে সেখানে সেই অবস্থায়’ তাকে হত্যা করার আদেশ দেওয়া হয়েছে। ইমান ও ইসলাম রক্ষার খাতিরে এরূপ শাসকের বিরুদ্ধে রুখে দাঁড়াতে হবে, যেন অন্যায় ও অসাম্য সমাজে প্রশ্রয় লাভ করতে না পারে। মোট কথা, দুনিয়ার জীবনে মানুষ কোনো কিছুরই মালিক হতে পারে না। সর্বমালিকানা আল্লাহর এবং তাঁর রসুলের। ইসলাম এই সত্যের উপলব্ধি মনের মধ্যে সদাজাগ্রত রাখার মতো অনেক ব্যবস্থাই দান করেছে। সেই জন্য সত্যিকার মুসলমানের কথা আলাদা। তিনি আল্লাহর

প্রতিনিধিরূপেই বস্তুজগতে হস্ত সঞ্চালন করে থাকেন। তিনি নিজেকে উহার মালিক মনে করে অংশীবাদীরূপে পরিগণিত করতে রাজি নন। যদিও আদর্শকে লক্ষ্য করেই ধর্মীয় বিধান রচনা করা হয়ে থাকে, তথাপি পরিণামে আদর্শবাদ ও বাস্তব নিয়ন্ত্রণ সমাজে একরূপ থাকতে পারছে না। মূলতঃ দিকে লক্ষ্য রেখে বুঝতে চেষ্টা না করলেই চিন্তার গোলযোগ এবং মতভেদের উদ্ভব হয়ে থাকে।

ইসলামের সাম্যবাদের নীতি ও আদর্শ বিকৃত ভাবধারার অবগুষ্ঠনে ঢেকে পড়ার অনেক কারণ আছে। সবগুলো বর্ণনা করা এতটুকু পুস্তকে সম্ভব নয় বলে দু' চারটা কথা আবার না বললে একেবারেই ধোঁয়াটে থেকে যায়। সবচাইতে ছোট করে যদি রসুলুল্লাহর (আ.) তথা ইসলামের সমস্ত নীতি ও আদর্শবাদকে একটি ট্যাবলেট করে দেখানো যায় তবে সেই ট্যাবলেটটি হলো 'তারকে দুনিয়া' অর্থাৎ দুনিয়াকে পরিত্যাগ করা। দুনিয়াকে পরিত্যাগ করাই যদি ইসলামের একটি মাত্র উদ্দেশ্য হয়ে থাকে সেখানে অপরকে ছোট করে, বঞ্চিত-রিক্ত করে নিজে কী করে শোষণ-করা ধনের পাহাড় বানাতে পারে? আশ্চর্যের প্রশ্ন তোলাটাই যেখানে অবান্তর সেখানে সাম্যবাদের আদর্শ কী করে শতচ্ছিন্ন মলিন বসনে আর অনাহারে হাড়-ওঠা দেহে কবরের চিরশয্যার কাছে দাঁড়িয়ে থাকে?

ইসলামের উপর বিকৃত ব্যাখ্যা দেবার কারণে আল্লাহর রেজেক কথাটিও আমাদের নিকট বিকৃত আকারে মনে ধারণ করে আছে। যাকে আমরা রেজেক বলে ধরে নেই, দুনিয়ার এই রেজেককে কোরান-এর একটি লাইনেও 'আল্লাহর রেজেক' বলে উল্লেখ করা হয় নি। কারণ হলো এই যে, কাফেরগণও তা হলে দেখতে পাচ্ছি আল্লাহর রেজেক ভোগ করে আসছে। আল্লাহর রেজেক ভোগ করার অধিকার কাফেরের নেই। কেননা, কোরান স্পষ্ট বলছে, 'হে মোমিনগণ, মৃত্যুর আগে আল্লাহর রেজেক হতে ব্যয় করে মর।' কাজেই বলা যায়, কেবল মোমিনদের পক্ষেই আল্লাহর রেজেক হতে ব্যয় করার চেষ্টা করা সম্ভবপর হতে পারে। আমরা যাকে আল্লাহর রেজেক বলছি তা নয়, বরং উহা সকলের জন্য সাময়িক উদ্দেশ্যমূলক একটি সাধারণ দান।

নফস যখন আপন খেয়ালখুশি মতো উৎপাদন বা উপার্জন করে নেবে তখন সেটাকে 'আল্লাহর রেজেক' আর বলা যাবে না। আল্লাহর অখণ্ড দীনে প্রবেশ করে প্রত্যক্ষভাবে আল্লাহর গুণাবলি হতে নির্গত বস্তু আপন আপন তৈরি হয়ে মোমিনের চাহিদা মতো এসে হাজির হবে, উহাকেই আল্লাহর রেজেক বলে কোরান শরিফ ঘোষণা করেছে। একমাত্র রবের ইচ্ছার মাঝে আপন ইচ্ছাটিকে মিশিয়ে একাকার করে সমগ্র সৃষ্টির আইনের উপর অর্থাৎ 'কেতাব'-এর উপর পূর্ণ কর্তৃত্ব আসতে পারে। কেতাব বলতে কোরান-এ বইকে বোঝানো হয় নি। যদি কেতাব অর্থ বই ধরে নেওয়া যায় তা হলে কোরান-এর ভাবধারাতে আপনি কোথাও মিল খুঁজে পাবেন না। ছোট করে বলতে গেলে, কেতাব হলো আল্লাহর জ্ঞাত হতে যে রূপান্তর ও বিবর্তনের (ট্রান্সফরমেশন) দ্বারা তিনি তার সেফাত প্রমাণ করছেন এবং তার সেফাত হতে সর্বসৃষ্টি প্রকাশ করে চলেছেন, সেই রহস্যময় সৃষ্টিবিধান। অন্যভাবেও বলা যায়, তিনি প্রথম হতে নিজেকে অনেক রূপে, রসে, বৈচিত্রের মধ্য দিয়ে প্রকাশ করে চলেছেন এবং এই প্রকাশের ধারাকেই (ডিভাইন ম্যানিফেস্টেশন) বলা হয়েছে কেতাব।

বিবর্তন ও রূপান্তর কথাটিতে সাধারণতঃ যা বোঝানো হয় আল্লাহ সৃষ্টি তা বোঝাবে না। কারণ, তার রূপান্তর বস্তুর রূপান্তরের মতো নয়। কোনো বস্তু রূপান্তরিত হলে আগের মতো আর থাকছে না। আল্লাহর প্রথম এবং পূর্বের অবস্থা অথবা যে কোনো অবস্থা অপরিবর্তিত থেকেও তাহা হতে তার সেফাতের উদ্ভব হয় এবং সেসব সেফাত হতে অসীম রূপান্তর হয়ে থাকে। 'তিনি নব নব জালুয়া ও শানের মধ্যে সর্বদা নব নবরূপে বিকশিত হয়ে থাকেন।' (কোরান)। অর্থাৎ তিনি যে নিজেকে প্রকাশ করে ছুটে চলেছেন, সেই ছুটে চলার গতির একটি সেকেন্ডের কোটি বিলিয়ন

ভাগ্য করা সময়টুকুতে যে কোটি বিলিয়ন নতুন নতুন রূপ দেখিয়ে যাচ্ছেন, সেই রূপবেচিত্র আর তিনি কোনোদিনও দেখাবেন না। এখানেই তার নব নব রূপে বিকাশ হবার স্বাক্ষর।

নফসের আশ্বিত্যহারা অবস্থায় যে রেজেক নফস উপভোগ করে উত্থাকেই বলা হয়েছে আল্লাহর রেজেক। আল্লাহর উপর চরম নির্ভরের দ্বারাই কেবল আল্লাহর রেজেক পাবার অবস্থা হতে পারে। একই আল্লাহর রেজেকের আবার দুটো রূপ : একটি হলো আল্লাহর গুণাবলিই আল্লাহর রেজেক এবং অপরটি সেই গুণাবলি হতে নির্গত বস্তুও আল্লাহর রেজেক। অবশ্য মূলে দুটোই এক। শুধু প্রকাশে দুই। এ যেন একই আল্লাহর রেজেকের জাহের ও বাতেন। আল্লাহ নিজেই রেজেক। কারণ, তার গুণাবলি হতে তিনি পৃথক নন। এই নিজে বলতে আল্লাহ মানুষের কাছে আল্লাহরূপী নিজে নন, বরং রবরূপী নিজে। কারণ, রবরূপে তিনিই মানুষের সঙ্গে প্রত্যক্ষ সম্বন্ধযুক্ত এবং অঙ্গাঙ্গী। তাহিদের স্বরূপ বুঝতে না পারলে ইহা বোঝা কঠিন। আল্লাহর রেজেক ছাড়া আর বাকি সকল পার্থিব জীবনের জন্য তার সাধারণ সাময়িক ও নগণ্য দান। এই সাধারণ দান তিনি সৃষ্টি বিধানের মধ্যে সবার জন্য সমভাবে রেখেছেন। এই দান মৃত্যুঘটনার পূর্ব পর্যন্ত থাকবে মাত্র। পরপারে প্রবেশের অধিকার বা শক্তি তার নেই।

আল্লাহর রেজেক সম্বন্ধে বলতে গিয়ে অধিকাংশ কোরান-এর অনুবাদকারী বলেন, 'অন্যের অধিকারে হাত না দিয়ে ন্যায়সঙ্গতভাবে উপার্জন করে উঠা হতে ন্যায়সঙ্গতভাবে ব্যয় করার নাম আল্লাহর রেজেক হতে ব্যয় করা বোঝায়।'

কোরান-এর অনুবাদকারীদের প্রচলিত এই মতের অর্থ যদি মেনে নেওয়া হয় তবে স্বীকার করে নিতেই হবে যে, দুনিয়ার কাকের, অংশীবাদী ইত্যাদি সবাই মিলে আল্লাহর দেওয়া রেজেক থেকে ব্যয় করছে। এমনকি কমিউনিস্ট দেশগুলো তাদের সমাজ হতে আল্লাহর রেজেক ব্যয় করার যে প্রয়োজনীয়তা আছে উঠা উচ্ছেদ করে দিয়ে তার চেয়ে অনেক উন্নত অবস্থায় দাঁড়িয়েছে। সুতরাং কোরান-এর আইন মোতাবেক যিনি মোমিন, সেইরূপ উচ্চ মর্যাদাসম্পন্ন ব্যক্তিকে আল্লাহর রেজেক হতে ব্যয় করার আদেশ দেবার কোনো মানেই হয় না।

আরও মজার বিষয় হলো, কোরান-এর অনুবাদকারীগণ কোরান-এ উল্লিখিত 'ব্যয় করা' কথাটিকে অনেকটা হাতিকে নদীতে ফেলে নদীর রচনা লিখার মতো অর্থ করেন, দান খয়রাত করা। কিন্তু আপসোস, এই ক্লেত্রও অনুবাদকারীদের মুক্তি নেই। কারণ, কমিউনিস্টগণ গরিবদেরকে এমন সুন্দরভাবে দান করার ব্যবস্থা করেছে যে, দান করার প্রশ্নই সমাজ হতে উঠিয়ে দিয়েছে। দান বলতে যা বুঝি তা পুঁজিবাদীদের জন্য একটি বিলাসিতা। এর কোনোই স্থান ইসলামে নেই। অতি দুঃখের সাথে বলছি, কোরান-এর শব্দকে কোরান-এর পরিভাষার অর্থের বাইরে এনে নিজের খেয়ালখুশি মতো অর্থের মিল খুঁজলে চলবে না। ভুল হবে। এবং এই মারাত্মক ভুলের বিশৃঙ্খল রূপ দেখে আরবি ভাষা না জানা কত প্রেমিক স্রষ্টার আস্থাতে ভারসাম্য রাখতে পারছে না।

পার্থিব জীবনে আল্লাহর সন্তোষের মাধ্যমে কেতাবকে হস্তগত করে বেহেশ্তের খানা খাওয়া এবং বেহেশ্তের সম্পদ ব্যয় করার নাম হলো আল্লাহর রেজেক খাওয়া এবং আল্লাহর রেজেক হতে ব্যয় করা। পার্থিব জীবনে আল্লাহর দ্বীনে প্রবেশ না করা পর্যন্ত আল্লাহর রেজেক হতে ব্যয় করা অসম্ভব। কারণ আল্লাহর দ্বীন অক্ষয়। দুনিয়া ধ্বংসশীল। আল্লাহর দ্বীনে প্রবেশ করার পর যে জীবন, ইহা অক্ষয় অমর জীবন। দুনিয়ার জীবন জরা-মৃত্যুর অধীন। মরার আগে মরে যাবার অর্থই হলো দুনিয়া হতে ছুটে আল্লাহর দ্বীনে আশ্রয় নেওয়া। উপভোগ্য সামগ্রী ও বিষয়গুলো হতে যখন উদনরূপ পদটি মানবমন উঠিয়ে ফেলতে পারে তখনই ঐ সকল আল্লাহর রেজেকে পরিণত হয়। সুতরাং তাপ্ত ও আল্লাহর রেজেকের মাঝখানে যে প্রভেদ উঠা সৃষ্টির

কোনো বস্তুর মধ্যেই অবস্থান করে না। উহা অবস্থান করে মানুষের মনে। মানুষের এই অবস্থানরূপ মনটির পরিবেশকেই বলা হয় দুনিয়া। ইহাই মানবমনের আশ্রিতের আবরণ। এই আবরণ ছিন্ন হয় বলে জাহের ও বাতেন একাকার। সকলই আল্লাহর নিদর্শন তথা আয়াত। সকলই একক অখণ্ড অস্তিত্বের সঙ্গে নূরে মোহাম্মদীর আলোয় একসূত্রে সংযুক্ত। দুই তখন বিদায়। তৌহিদ তখন প্রতিষ্ঠিত। এই পর্যায়ের মানুষের মাঝে তখন দুই সমুদ্র সঙ্গিলিত। সৃষ্টি ও স্রষ্টা একসূত্রে গাঁথা।

ইসলাম ধনদাস, পুঁজিবাদী তথা বুর্জোয়াদেরকে যতটুকু ঘৃণা এবং অবজ্ঞা প্রদর্শন করেছে ততটুকু ঘৃণা এবং অবজ্ঞা দুনিয়ার আর কোনো ইজম করে নি। সেই জন্যই সোনা-রূপার লোভী ধনদাসেরা পুতুলপূজা করেছে বলে কোরান ঘোষণা করেছে। (সূরা ইব্রাহিম : রুক ৬)।

ইসলাম মাটির পুতুল তৈরি করে দেবতার আসনে পূজা করাটাকে যতটুকু ঘৃণা করেছে তিক ততটুকু ঘৃণা করেছে সোনা-রূপার বিশ্রী মোহে পড়ে তারই প্রতি লালায়িত থাকাকে। সোনা-রূপার এই বিশ্রী মোহকে কোরান পুতুল তৈরি করে দেবতার আসনে পূজা করা বলে ঘোষণা করেছে।

এখন প্রশ্ন হলো, শুধু কি পুঁজিবাদের উপরই ইসলাম ঘৃণা প্রদর্শন করেছে? ইসলাম দরিদ্রতা তথা অভাবকে ঘৃণা করেছে। কারণ, এই দরিদ্রতা মানুষকে কুফরির দিকে ধাপে ধাপে নামিয়ে ছাড়ে। তাই রসূলুল্লাহ (আ.) বজ্রকণ্ঠে ঘোষণা করেছেন : কাদাল ফাকরু আইয়াকুনা কুফরা - অর্থাৎ, 'অভাব কাকেরির কারণ হবার উপক্রম হয়ে দাঁড়ায়।' এর কারণ হলো মানুষ যখন নিজেকে একমুঠো ভাতের মুখাপেক্ষী দেখতে পায়, জীবনদীপ চিরতরে নিভে যাবার যে কাতর গোংড়ানির অসহ্য যন্ত্রণা সে তখনই মর্মে মর্মে অনুভব করে যখন অভাবের তাড়না তার কাছে এসে দাঁড়ায়। ছোট ছোট ছেলেপুলে ক্লদীর তীব্র যন্ত্রণায় অসহ্য আহত পাখির মতো ছটফট করে মানুষের পিতার পানে যখন ফ্যাল ফ্যাল করে চেয়ে থাকে, যুবতী কন্যার দেহ ছড়ানো লজ্জার আল্লনা যখন এক টুকরো শতচ্ছিন্ন শাড়ি আর ঢেকে রাখতে না পেরে মানুষ পিতার কাছে ফরিয়াদ জানায়, মানুষ পিতা তখন হাড় ওঠা বুকে টাটকিয়ে ছোট দু'মুঠো খাদ্যের জন্য কাজের খোঁজে, কিছু সারাটি দিনের অক্লান্ত চেষ্টা করেও যখন দু'মুঠো খাদ্যের যোগাড় করতে পারলো না অথচ পৃথিবীর বুকে রাশি রাশি ধনসম্পদ চারিদিকে ধনদাস আর বুর্জোয়ারা আঁকড়িয়ে ধরে সর্বময় ভোগবিলাসে নিজেদেরকে ডুবিয়ে রেখেছে, ধনদাসদের বিলাসবহুল হোটেলগুলোতে সত্বাপীকৃত খাদ্যদ্রব্য পড়ে রয়েছে, কিছু মানুষ পিতা তার পুত্র-কন্যার জন্য দু'মুঠো খাদ্য সংগ্রহ করতে পারলো না - তখন মানুষ পিতার পক্ষে সৃষ্টির ঘোষণা 'আমার কাছে সব সমান' আত্মবিরোধী তথা গোঁজামিল বলে মনে হয় এবং মানুষ পিতা যখন দেখতে পায় ঐ ধনদাসেরা মাথায় টুপি আর তথাকথিত ইসলামের পোশাক পরে তাড়াতাড়ি ওজু করে মিলাদ ও ধর্মসভায় যোগ দিয়ে আল্লাহ-রসূলের প্রতি বিগলিত প্রেমের ধারা ছোটায়, তখন সে অবিশ্বাসীর নীতির সোপানে ধাপে ধাপে নেমে পড়ে।

মানুষের সমাজে এই সকল করুণ দৃশ্য অহরহ ফুটে ওঠে এবং উঠবে যদি পুঁজিবাদ এবং ধনদাসদের সর্বময় ভোগবিলাসের ক্রমতা মানুষের সমাজপথ তৈরি করে দেয়। তাই ইসলাম পুঁজিবাদ এবং অভাব তথা দরিদ্র উভয়কে ঘৃণা করেছে। এই দুটোর প্রতিই যখন ইসলাম ঘৃণা প্রদর্শন করেছে তখন স্বাভাবিক ভাবেই মনে করা যায় যে, ইসলাম সাদর আত্মন জানিয়েছে সাম্যবাদকে। সাম্যবাদ গণসমাজে প্রতিষ্ঠিত হোক এটাই ইসলামের পার্থিব সম্পদবর্গের মূলনীতি। মানুষের মানবিক মূল্যকে রক্ষা করতে গিয়ে সাম্যবাদকে মূলনীতিরূপে গ্রহণ করে মানুষের পৃথিবীর যে কোনো অংশ যদি প্রতিষ্ঠিত করতে এগিয়ে আসে তবে নিপীড়িত, লোভিত, পদদলিত পৃথিবীর কোটি কোটি মানুষ তাদের জানাবে আন্তরিক শ্রদ্ধা আর সালাম এবং

একদিন তারা পৃথিবীর বুকে বিচরণকারী পুঁজিবাদী, ধনদাস আর জমিদারদের চোখে আঙুল দিয়ে বুঝিয়ে দেবে, পাথরের গড়া স্নেকি প্রাসাদ আর সর্বময় ভোগবিলাস সভ্যতা নয়, সভ্যতা হলো মানুষের সমাজে সাম্যবাদ তথা রসুলুল্লাহ (আ.)-এর আকুল আহ্বান ‘মানুষ মানুষের ভাই’-কে প্রতিষ্ঠিত আদর্শরূপে মানুষের সমাজে প্রতিষ্ঠা করা। কোটি কোটি অবহেলিত মানুষ সেদিন দিবালোকের মতো স্পষ্ট বুঝতে পারবে যে, দেড় পয়সা দামের কাঠমৌলা আর তিন পয়সা দামের পুঁজিবাদীদের কেঁচি কলে যাতা খাওয়া পি এইচ ডি ডিগ্রিধারীরা আর কিছুই নয়, তারা ধনদাসের মুখোশ পরে মানবতার সোশিয়াল ওয়েলফেয়ার তথা শিয়ালপণ্ডিতের কাছে কুমিরের ছানাদের বর্ণমালা শিখানোর মানুষকেও পি এইচ ডি পণ্ডিত।

রসুলুল্লাহ (আ.) তাঁর উন্মত্তের মধ্যে পাঁচ শত বছর আগে বেহেস্তে প্রবেশ করবে বলে যাদের সংবাদ জানিয়েছেন তারা কী রকম গরিব ইহার কিছুটা আভাস না দিলে হয়তো বিষয়টা ঘোলাটে হয়ে থাকতে পারে। তারা সেই সমস্ত গরিব যারা পূর্ণ যোবনেও নফসে আশ্বারাকে সম্পূর্ণরূপে আপন কর্তৃত্বের মাঝে রেখে স্রুষ্ঠার নৈকট্য এবং দর্শন লাভের বাসনায় কঠোর সাধনায় সদা লিপ্ত থেকে সর্বদা স্রুষ্ঠার প্রতি তৎগত এবং তৎমুখাপেক্ষী তথা তাকোয়ায় থাকে। সৃষ্টি এবং স্রুষ্ঠার যে গভীর একটি রহস্য লুকিয়ে আছে সেই রহস্যের ঢাকনা খুলতে তারা আত্মপ্রাণ চেঁচা ও সাধনাতে লিপ্ত থাকে। তারা স্রুষ্ঠার দর্শনকেই জীবনের মূলমন্ত্র করে নিয়েছে। স্রুষ্ঠার রহস্য তারা দেখবে, স্রুষ্ঠার দর্শন এবং স্রুষ্ঠার বিজ্ঞানের অধিকারী তারা হবে, এই মরণপণ নিয়ে সাধনাতে ধ্যানমগ্ন রয়েছে। তাদেরকে স্রুষ্ঠা যত রকম ব্যথা-বেদনার জ্বালা দিয়েই পরীক্ষা করুন না কেন তারা তাদের সংকল্পে থাকে অটল। তারা প্রথমে সংসারবিরাগী। তারা আমিত্ব ত্যাগের সাধনায় যোগী। যদিও তারা জানে গৃহত্যাগ করলেই বৈরাগ্য হয় না, আমিত্ব তথা অহম তথা খুদি তথা হান্সি ত্যাগ করতে পারলেই হয় প্রকৃত বৈরাগ্য, তবু তারা রসুলুল্লাহ (আ.)-এর নির্জন হেরা পাহাড়ের গুহায় একাকী ধ্যানমগ্ন জীবনকে প্রথমে নেয় বরণ করে, নির্জনে একাকী ধ্যানমগ্ন থেকে স্রুষ্ঠার নৈকট্য লাভের ইশারা তারা হেরা পাহাড়ের গুহা হতে সন্ধান পায়। তাই তারা প্রথমে সংসার বিরাগী। স্রুষ্ঠার দর্শন পেলে স্রুষ্ঠার আদেশেই তারা সংসারে প্রবেশ করে। তাই সংসারে থেকেও তারা যোগী। কর্মে লিপ্ত থেকেও তারা নির্লিপ্ত। তারা তাদের নফসকে সম্পূর্ণরূপে মোড়মুগ্ন করে সংসারকে তাদের দাস করে নিতে পেরেছে। তারা নিঃশব্দ ও মূগ্ন। দুনিয়া তাদের পরিত্যক্ত। স্রুষ্ঠার একক অখণ্ড দীনে তাদের বাসস্থান। তাই তারা সংসারের দাস নয়। তারা ধ্যানী ও কর্মবীর। তাই বিশুদ্ধ কর্মযোগে দুনিয়াকে তারা মসজিদ বানিয়ে নিয়েছে। কর্ম হয়েছে তাদের ধ্যান। আবার ধ্যান হয় কর্মে রূপান্তর। বাতেন হয় জাহেরে আত্মপ্রকাশ। কারণ ইহকাল এবং পরকালের ভেদ তাদের ভেঙে গিয়েছে। এরাই রসুলুল্লাহ (আ.)-এর বর্ণিত পাঁচ শত বৎসর আগে বেহেস্তে প্রবেশ করার সংবাদপ্রাপ্ত গরিবের দল। এরা তথাকথিত দুনিয়ার বিচরণকারী বানিয়ে-নেওয়া দারিদ্রপীড়িত গরিব নয়। তথাকথিত বানিয়ে-নেওয়া গরিবদের লক্ষ্য হলো যাদের পার্থিব সুখ-স্বাচ্ছন্দ্য আছে তাদের সে রকম সুখ-স্বাচ্ছন্দ্য দেওয়া হবে না বা পেতে পারে না। আমাদের মতো গরিবদের দাবি হলো, যাদের আছে তাদের সঙ্গে নিজেদেরও সমান আছে বলে স্বীকৃতি দেওয়া। আমরা ‘নাই’-এর লাইনে থাকবো কেন? তাই ‘আছে’ আর ‘নাই’ নিয়েই দুনিয়ার প্রায় সকল মানুষের মাঝে দ্বন্দ্ব আর ঝগড়ার সৃষ্টি হয়। তাই এই ‘আছে’ আর ‘নাই’-এর দ্বন্দ্ব-বৈষম্য আর ঝগড়ার চিরসুন্দর সমাধান ইসলাম দিয়ে রেখেছে সাম্যবাদের মাধ্যমে। সবাই সমানভাবে ভোগ করবে আল্লাহর দেওয়া এই পৃথিবীর সমস্ত ভোগসম্পদ। তাই কিছু সংখ্যক আছে-ওয়ালাদের যেমন ইসলাম ঘৃণা করেছে তেমনি আবার নাই-ওয়ালারা তথা বানিয়ে-দেওয়া গরিবদেরকে ঘৃণা করেছে। কারণ,

দুটো পরস্পর বিরোধী নীতির বৈষম্য পৃথিবীর বুকে কখনোই সাধারণ শান্তি দিতে পারে না। এই দুটো শ্রেণীর রক্তক্ষয়ী সংগ্রাম যুগে যুগে মহাকালের ইতিহাসকে কলঙ্কিত করে রাখে বলে ইসলাম ঘোষণা করছে সাম্যবাদি তথা মানুষ একে অপরের ভাই। ইসলামের পার্থিব সম্পদবণ্টনের বেলায় কেউ বড়ও নয়, কেউ ছোটও নয়। সবাই সমান। উটের পিঠে মানুষ ওমর ফারুক শুধু বসে যাবে না। রশি ধরে উট টেনে নিয়ে যাবে যে মানুষ তারিও উটের পিঠে বসে যাবার সমান অধিকার আছে। এই গণসাম্যবাদই ইসলামের বঙ্গকঠিন কঠোর দৃষ্ট ঘোষণা। তাই ইসলাম পৃথিবীর অভাবী জনসাধারণকে সতর্ক করে দিয়েছে, তোমরা প্রথমে যারা অভাবী নয় তাদেরকে, তোমাদের অভাব ঘুটিয়ে দিয়ে সাম্যবাদ প্রতিষ্ঠা করার আহ্বান জানাও এবং তাতে যদি সাম্যপ্রতিষ্ঠার সাড়া তাদের কাছ থেকে না পাও তবে জোর করে তোমাদের হক আদায় কর তথা সাম্যবাদ প্রতিষ্ঠা কর। কারণ, তারা পৃথিবীর বুকে অভাবী মানুষকে ভাই বলে এক সারিতে দাঁড়াতে চায় না। তাই হে পৃথিবীর অভাবী জনতা, তোমরা জোর প্রতিবাদ কর, কঠিন হস্তে চেপে ধর লোহ শপথ। সমুচিত শিক্ষা দাও ধনদাস, ধনলোভী আর পুঞ্জিবাদীদের। প্রতিবাদের রক্তপুষ্টক রচনা করে যাও, তবেই প্রতিবাদের প্রতিফল সাম্যবাদ প্রভাতের নবোদিত সূর্যের আলো ছড়ানো মুখমণ্ডল নিয়ে উঁকি দেবে। প্রতিবাদের কাগজ-পুষ্টক রচনা করলে সাম্যবাদ শুধু কেঁদেই যাবে। বাস্তব পৃথিবীতে ফল হবে কাঁচকলা।

ইসলাম সতর্ক করে দিচ্ছে, শুধু কলম দিয়ে কাগজের পাতায় উটের প্রাসাদ বানালেই চলবে না। কারণ, কাগজে আঁকা উটের প্রাসাদে চোখের ক্লধা মেটানো যায়, কিন্তু তাতে থাকা যায় না। থাকার প্রাসাদ বানাতে হলে উট-বালি-সিমেন্ট ইত্যাদি নিয়ে হাড়ভাঙা খাটুনি দিয়ে সরঞ্জামে প্রাসাদ বানাতে হবে। না হলে প্রাসাদে থাকা স্বপ্নই থেকে যাবে। বাস্তবে আর তার রূপ নেবে না। তিক সে রকম কাগজের বই দিয়ে প্রতিবাদ করে সাম্য আসতে পারে না। কোরান শরীফে আল্লাহ আমাদেরকে যে সতর্ক করে দিয়েছেন, আমরা যদি আমাদের জীবনব্যবস্থার পরিবর্তন করতে শত বাধা-বিঘ্ন অতিক্রম করে মানুষের মানবিক শাসন সাম্যবাদ প্রতিষ্ঠার তরে এগিয়ে না আসি, সংগ্রাম যদি না করি, জেহাদি মনোবল নিয়ে মানুষের গড়া মেকি বৈষম্যের প্রাচীর লাথি মেরে ভেঙে না দেই তবে আল্লাহ আমাদের জীবনব্যবস্থার কোনোই পরিবর্তন করবেন না। আল্লাহকে অপবাদ দেবার সুযোগ আর এখানে রইলো না। আল্লাহ আমাদেরকে পরোক্ষভাবে পাশবিক শক্তিকে সমাজ হতে নির্মূল করার তরে আপন পায়ে দাঁড়াতে বলেছেন। সমাজের মেকি বৈষম্য উচ্ছেদ করে সাম্য প্রতিষ্ঠার আশা আর কল্পনা নিয়ে বোকার মতো হাঁ করে থাকলে বৈষম্যের বিশ্রী কলহের অবসান হবে না। আর আল্লাহর সাম্যবাদকে দাওয়াত খাওয়া মিষ্টির বাসনখানার মতো হাতে তুলে দেবেন না। কোরান-এর তফসির শুধু কালির আঁকা কাগজে রেখে দিলেই তফসির হয় না, কোরান তফসির তখনই হয় যখন মানুষ তার নিজের জীবনটাকে তফসির করতে পারে।

যখন মানুষ অন্যায়-শোষণ-জুলুমের মূল ভিত্তিগুলোকে কেটে ফেলার তরে জেহাদি মনোবল, জেহাদি একের আদর্শে অটুট দ্রাবন্ধনে আবদ্ধ হয়ে হানবে আঘাতের পর আঘাত, যখন ধনদাসদের নির্মম শোষণের বিরুদ্ধে প্রতিটি ঘরে ঘরে প্রতিবাদের অগ্নি দাউ দাউ করে জ্বলে উঠবে, যখন মানুষ কারবালার হজরত হোসায়নের আদর্শকে বুকে ধারণ করে শোষক আর শোষণের বিরুদ্ধে বিরামবিহীন সংগ্রাম চালিয়ে যাবে, সেদিন পৃথিবীর বোবা ভাষা শোষিতদেরকে বলে দেবে, এরই নাম শোষণের বিরুদ্ধে ইসলামি জেহাদ। ইসলামের অর্থনৈতিক ব্যবস্থার বাস্তব প্রতিফলন হলো একটি অবশ্য পালনীয় খণ্ড-অঙ্গ অর্থাৎ প্রয়োজনীয় সব কয়টি অঙ্গের মধ্যে একটি অঙ্গ অর্থাৎ পুরোটা নয় তথা অখণ্ড নয়। যদিও ইসলামের মূল দৃষ্টিভঙ্গির দর্শনে বস্তুবাদের স্থানকে অতি তুচ্ছরূপে পরিগণিত করেও তুচ্ছতার

মানুসি লেবেল এটিকে দেয় নি। তার প্রধান কারণ হলো, মানুষকে যত উপদেশ আর আদেশই দেওয়া হোক না কেন, মানুষ স্বভাবতই বস্তুবাদের সঙ্গে সাংঘাতিকভাবে জড়িয়ে আছে। বস্তুর মাঝেই মানুষের বিচরণ, স্থিতি এবং অবগাহন। তাই তাহার প্রতি তাচ্ছিল্যের দৃষ্টি প্রদর্শনের উপদেশগুলো প্রায়ই বেকার হয়ে পড়ে। বস্তুর উর্ধ্বে বস্তুতে বাস করে চিন্তা করা প্রায় বেশিরভাগ মানুষের পক্ষে এক প্রকার অসম্ভব, তাই ইসলামের দেওয়া বস্তুবর্গতনের সঙ্গে নিজের চিন্তাধারাকে রাঙিয়ে নিতে বলা হয়েছে। একটি উপদেশ চরম এবং অপরটি হলো মধ্যম এবং সাধারণটি হলো সবার জন্য দলগতভাবে প্রযোজ্য। আসলে সত্যি বলতে কি ইসলামের দর্শন এসবের অনেক উর্ধ্বে। মানুষ কী করে সৃষ্টির নৈকট্য লাভ করতে পারে এবং এই নৈকট্য লাভই হলো চরম পাওয়া এবং ইহাই ইসলাম। এই নৈকট্য লাভের সৌভাগ্য যাদের হয়েছে তাদের চিন্তাধারা এমনভাবে অবহেলিত হয়েছে যে, উহার অনেক ঐতিহাসিক দৃষ্টান্ত পীর-ওলিদের জীবনী পড়লে জলের মতো পরিষ্কার হয়ে যায়। কারণ, বস্তুর ভাগ-বাঁটোয়ারা নিয়ে মানুষ এত উৎসাহ আর উদ্দীপনা প্রদর্শন করে যে, শত উপদেশের মাঝেও উহার গতি কলুষতার দিকে গড়িয়ে যেতে চায় জলের ধর্মের মতো। প্রবৃত্তির ধর্ম আর জলের ধর্ম প্রায় একই ধারার মতো, যদিও দৃশ্যত দুইটি পৃথক মনে হয়ে। বস্তুর প্রাচুর্যতায় প্রবৃত্তির বন্ধনগুলো দৃঢ়তা প্রকাশ করে এবং ইহা নানা রকম সামাজিক রোগের জন্ম দেয়। সেই রোগগুলোর কয়টির নাম হলো : স্বার্থপরতা, আশ্রিতের দৃঢ়তা প্রকাশ, অহঙ্কার, তুচ্ছ জ্ঞান করার পাশবিক প্রবৃত্তি, শোষিত মানুষের ফরিয়াদে পাথরের মতো চরিত্রের কঠিনতা প্রকাশ পাওয়া, প্রতারণার চালবাজি উদ্ভব, অপরকে কী করে ঠকানো যায় তার চিন্তা মনে মনে তৈরি করা, বন্যশক্তির প্রচণ্ড ঝড়ে কোমলতার গাছগুলো ডেঙে পড়া ইত্যাদি যত রকম ভাষার গাথুনিতে পরিষ্কার বুঝিয়ে দেওয়া হোক না কেন তবু প্রবৃত্তির চাওয়ার শেষ হয় না। অনেকে মৃত্যুশয্যায় অবধারিত মৃত্যুর মুখোমুখি হয়েও 'আরও চাই, আরও যদি হতো' এই আক্কেপ আর হতাশা নিয়ে পৃথিবীর থেকে নেয় চিরবিদায়; যে চাওয়া চাওয়ার চেয়ে অনেক বেশি পেয়েও চাওয়ার হাজার জিস্মাগুলো লক লক করে গজিয়ে ওঠে এবং মৃত্যুই ইহার উপসংহার টেনে দেয় আপসোসের ভাষায়। ইহাকেই কোরান 'হাবিয়াতে স্থিতিলাভ করবে' বলেছে। কারণ, হাবিয়ার বৈশিষ্ট্য হলো যে, এই জাহান্নামের তলা নেই অর্থাৎ ফেলে দিলে কেবল পড়তেই থাকবে, তলাতে অবশেষে আশ্রয় নিতে পারে না। কারণ, ইহার তলা থাকলে তো তলায় আশ্রয় নেবে। চাওয়ার যেমন তলা থাকে না, হাবিয়ারও তেমন তলা নেই। আক্কেপের আত্ননাদের নাম রাখা হয়েছে ওয়াইল নামক জাহান্নাম। জাহান্নাম বাহিরে আছে কি না জানি না, তবে থাকলেও থাকতে পারে। তবে জাহান্নাম যে আমাদের অভ্যস্তরে অবস্থান লাভ করেছে ইহাতে কি এ বর্ণনা দেবার পরও প্রশ্ন করার মতো কিছু থাকতে পারে? জাহান্নামের আশ্রন দেখতে কেমন? জাহান্নামের আশ্রন কী কী জ্বালিয়ে পুড়িয়ে দেয়? জাহান্নামের আশ্রন কী তা কি তোমরা জান? জাহান্নামের আশ্রন এমনই এক আজব আশ্রন যা সাধারণ আশ্রনের মতো ঘর-বাড়ি জ্বালায় না, কাপড়-চোপড়, পোশাক-পরিচ্ছদ জ্বালায় না, এমনকি মানুষের দেহটিকেও জাহান্নামের আশ্রন জ্বালায় না বা জ্বালাতে পারে না। জাহান্নামের আশ্রন কেবলমাত্র একটি জিনিস জ্বালায় এবং জ্বালাতে পছন্দ করে আর সেটিই হলো মানুষের অস্তর। অস্তরের জ্বালায় দহনের তীব্রতা কত ভয়াবহ, কত মারাত্মক, কত বেদনাদায়ক এবং কত প্রচণ্ডরূপ নিতে পারে তা সমাজ জীবনে আমরা অহরহ দেখতে পাই। এই অস্তরের প্রচণ্ড দহনে মানুষ কতটুকু দিশেহারা হলে নিজেকে নিজে খুন করে ফেলে, যাকে বলা হয় আত্মহত্যা। পৃথিবীর বড় বড় প্রাচুর্যতার দেশের বড় বড় ধনীরা, যাদের বৈষয়িক অভাব-অনটনের প্রশ্নই ওঠে না, তবু কোন দহনে কোন জ্বালায় আত্মহত্যা করে! এই অস্ত্রজ্বালায় বোবা দহনে কত মানুষকে মানসিক

ভারসাম্য হারিয়ে পাগলা গারদে যেতে হয় তার রিপোর্ট পেশ করতে গেলে এদের সংখ্যা হবে ভয়াবহরূপে অনেক। এই আগুনের দাহ কিছু বাহির হতে কিছুই বোঝা যায় না। দেখলে মনেই হবে না যে এর ভেতর দহনের প্রচণ্ড জ্বালা দাঁট দাঁট করে জ্বলছে বোবার মতো।

শরিয়ত ও মারেকতের প্রভেদ

শরিয়ত সমাজকেন্দ্রিক, কিছু মারেকত ব্যক্তিকেন্দ্রিক। বিজ্ঞান শিক্ষা সমাজকেন্দ্রিক, কিছু বিজ্ঞানী হওয়া ব্যক্তিকেন্দ্রিক। বিজ্ঞানের বড় বড় ডিগ্রি নিলেই যেমন বিজ্ঞানী হওয়া যায় না, সে রকম শরিয়ত-মারেকতের উপর পড়াশুনা করলেই অথবা বড় বড় ডিগ্রি নিলেই মারেকতের অধিকারী ওলি-দরবেশ, পীর-ফকির হওয়া যায় না। বিজ্ঞানী হবার যেমন কোনো প্রকার শর্ত থাকে না, সে রকম আল্লাহর ওলি হবার মধ্যে কোনো শর্ত নেই। সে জন্য কোরান পাকের সমস্ত কথা আর আইনের ধারাবিবরণী বর্ণনা করতে গিয়েও মাঝে মাঝে পাঠকদের চমকে যেতে হয় একটি আয়াত পাঠ করে। সেই আয়াতটি হলো ইউতিহ মা ইয়াশাউ - অর্থাৎ দান করা হয় যাকে খুশি তাকেই। আল্লাহর রহমতের রহিমরূপী দান তিনি যাকে খুশি তাকেই দান করেন এবং এই বিশেষ দানের প্রশ্নে কোনো প্রকার ধরা-বাধা আইন ও শরিয়ত নেই। বিদ্যার কচকচানির বাহার থাকতে পারে এবং এই বিদ্যার বাহার দেখে অনেককেই ওলি-দরবেশ বলে সমাজে ভুল করা হয়েছে এবং এখনো করা হচ্ছে, ওলি-দরবেশ হবার রহমত আল্লাহর এমন একটি দান যার মধ্যে কোনো প্রকার নিয়মের বালাই নেই। তাই কোরান-এর ভাষাটি হলো, যাকে খুশি তাকেই দান করা হয়। পীর-ফকির হবার রহমত বিদ্যা অর্জন-বিবর্জনের প্রশ্নের সম্মুখীন হতে হয় না। তা হলে প্রত্যেক নবিকে মাদ্রাসায় পাশ করিয়ে নবি হবার শর্তটি জুড়ে দেওয়া হতো। তা হলে কোরানকে ঘোষণা করতে হতো না যে, প্রতিটি নবিই হলেন উম্মি তথা নিরক্ষর। যারা কোরান-এর তফসিরে জালালাইন এবং হাদিস-ফেকাহ একজন পীর-ওলিকে 'অবশ্যই জানতে হবে' শর্তটি জুড়ে দিয়েছেন তাদের পীর-ওলিরা আসল পীর-ওলি নয়, তারা হলেন ওস্তাদ মার্কী পীর-ওলি। এ রকম ওস্তাদ মার্কী পীর-ওলি বাজারের যেখানে সেখানে হরহামেশা পাওয়া যায়। আসলে এদের ওহাবি মতবাদের গুপ্তচর বললেই ভালো মানায়। আহলে সুন্নাতুল জাম্মাতের ভেতর গুপ্তচরের মতো গোপনে প্রবেশ করে আহলে সুন্নাতুল জাম্মাতের দর্শনকে হালকা ও খেলো করে দেবার একটি প্রচেষ্টা বলা যায়। তবে এদের আসল চেহারা ও রূপ ধরা পড়ে যেতে আর বেশি বাকি নেই। কারণ, ঢাকা ও চট্টগ্রামে আহলে সুন্নাতুল জাম্মাতের মাদ্রাসা প্রতিষ্ঠিত হয়েছে - তবে সংখ্যায় অতি নগণ্য।

আল্লাহর পীর-ওলিরা যেহেতু আল্লাহর বিশেষ রহমতপ্রাপ্ত রহিমরূপী দান- প্রাপ্ত এবং এই দানের যেহেতু কোনো শর্ত নেই, যেহেতু এই দান আল্লাহ যাহাকে খুশি তাহাকেই করেন, সেই হেতু আল্লাহর পীর-ওলিরা আমাদের মতো দেশের মধ্যে একজন নন। তারা হলেন আমাদের মতো দেশের বাহিরে সম্পূর্ণ আলাদা এগারো। সে রকম বিজ্ঞানের বেলাতেও ঐ একই কথা খাটে। এডিসন, আইনস্টাইন আর বিয়ার্ড নামক বিজ্ঞানীরা বিজ্ঞানের ছাত্র হয়েও তারা দেশের বাহিরে এগারো। কারণ, পৃথিবীর কথা বাদই দিলাম আমাদের অতিক্রম বাংলাদেশেই বিজ্ঞানের ছাত্র অনেক আছে, কিছু বিজ্ঞানী কয়জন পাওয়া যায়!

রূপদর্শনে বিভিন্মতা থাকবেই। কারণ, রূপ মূলে এক হলেও স্তরভেদে অনেক। এক-এক রূপের স্তরে এক-একজন অবস্থান করার দরুন ভাবের বিভিন্মতা লাভ করা অতি সাধারণ কথা, কিন্তু এই বিভিন্মতার মধ্যেই মারেকতপন্থীরা অনেক সময় খেঁই হারিয়ে ফেলে এবং ভাবের ভাষাগুলোর মধ্যে এমন তালগোল পাকিয়ে ফেলে যে এর

গোলকধাধা হতে বেরিয়ে আসা অনেকের পক্ষে হয়ে পড়ে কষ্টকর এবং ইহাও নিত্যস্থ স্বাভাবিক ব্যাপার। কারণ, মানুষের স্বভাবও অনেকটা তাই। একটু ভাব যদি তার মনমতো পছন্দ হয়ে যায় তবে আর যত সুন্দর ভাবই হোক না কেন অথবা তার ভাব হতে অনেক উচ্চতরের ভাবই হোক না কেন, উহা গ্রহণ করা অথবা উহা কেমন সেই প্রশ্ন এবং উত্তর খোঁজার আগ্রহটুকুও অনেক সময় দেখা যায় না। কারণ, তার ভাবের একটা মিলানো হিশাবের অঙ্ক অনেক আগেই করে রাখা হয়েছে এবং সেই হিশাবের অঙ্কটি বাদ দিয়ে আর একটি হিশাবের নতুন অঙ্ক করতে ইচ্ছা বা আগ্রহ প্রায় লোকেরই থাকে না। বরং সেই নতুন উন্নতমানের হিশাবের অঙ্ককে ভুল প্রমাণিত করার জন্য উঠে-পড়ে লেগে যায় এবং এরই ফলে তেরি হয় নিজেদের মধ্যে মতভেদ এবং এই মতভেদ অবশেষে জন্ম দিয়ে ফেলে মনের অজান্তে বিভিন্ন দল। ইহা এক ধরনের নোংরামি, কিন্তু আশ্চর্যের বিষয় হলো এই যে, এই নোংরামিটাকেই প্রচার করা হয় সার্বজনীনতার নামে। উনারা কত বড় সার্বজনীন উহা ইনাদের ভেতরে ঢুকলেই দেখতে পাবেন - নোংরামির দুর্গন্ধে। এরা অনেক সময় এমন ভয়ঙ্কর স্পর্ধা করে থাকে যে, তাদের হিশাবের অঙ্কটিতে যদি কোরান-হাদিসের বাণীগুলোর সঙ্গে অমিল দেখা দেয় তখন মহাচিন্তায় পড়ে যায়। হিশাব মিলানোর জন্য চলে গোজামিল। গোজামিল যাতে ধরা না পড়ে তার জন্য কত রকমের যে ব্যাকরণের মারপ্যাচের দোহাই দেওয়া হয় তা দেখলেই আপনি রীতিমতো হিম্মশিম খেয়ে যাবেন। যদি ব্যাকরণেও মিলাতে না পারে তা হলেও রেহাই নেই। হিশাব তার মিলাতেই হবে। তাই কোরান-এ উল্লিখিত কোরান শব্দটি কোরান অর্থে না ধরে সালাত অর্থ করতে হবে। কী চমৎকার আবিষ্কার। কোরানকে বুঝতে হবে সালাত! পানিকে দুধ মনে করার মতো। না হলে উনাদের হিশাব মিলে না। পৃথিবীর এই রঙ্গমঞ্চের সব স্থানে সব বিদ্যায় মনে হয় এ রকম হিশাবের বাহার কমবেশি দেখা যায়। কোরান-এর হিশাব মিলাতে গিয়ে প্রচুর পরিশ্রম করতে হয় একান্ত বাধ্য হয়ে। কারণ, কোরানকে তো গালাগালি দেবারি কোনো উপায় নেই। কিন্তু যত গালাগালি হজম করতে হয় হাদিসের। হাদিস বেচারাকে যে কত প্রকার কুৎসিত গালাগালি সহ্য করতে হয় তা বোধ হয় অনেকেরই জ্ঞানার কথা। হিশাবের অঙ্কে হাদিসটি না মিললে আর যায় কোথায়! সঙ্গে সঙ্গে মিথ্যা হাদিস বলে মন্তব্য করে হাদিসের গালে এক চড় বসিয়ে দেয়। হায় রে বিদ্যার কচকচানি! একবার ভুলেও বলতে শিখে নি যে, আমি এই হাদিসটি বুঝতে পারি নি অথবা এই হাদিসটি অতি সাধারণের অবগতির জন্য বলা হয়েছে। কারণ, ইনারা তো বিদ্যার সাগর। পচা ডোবা মার্কা হাদিস উনাদের বিদ্যার সাগরকে বানচাল করে দেবে। সবার জন্য যেখানে নীতির প্রয়োগ থাকবে সেখানে ভাবের এবং ভাষার উচ্চ-নিচু এবং রূপকতার মাধ্যম নিতে হবেই। ইনারা সার্বজনীনতার নামে দুর্গন্ধ বমি লিখনীতে প্রকাশ করে যে খানে দজ্জালও বোধ হয় চমকে যায়। হাদিসবেগী, রসুলে পাকের এক অতি উচ্চ মহান সাহাবি, হজরত আবু হোরাযরা (রা.)-র উপর অনেক হিশাব মিলানো লেখক সাংঘাতিকভাবে ক্লেপে গেছেন। এক লেখক তো রাগে গরগর করে 'কাজির গরু কেতাবে আছে'-র মতো বিরাট এক গবেষণার ঐতিহাসিক মার্কা ফল বা রেজাল্ট জনতাকে উপহার দিলেন। কেতাবের হিশাব এতই নিখুঁত যে, গরু কয়টি অবশ্যই থাকার কথা। কিন্তু গোয়াল ঘরে গেলে আর হিশাব মিলে না। উনি হিশাব করে অপূর্ব গবেষণার বমি জনতাকে উপহার দিয়ে জ্ঞানাতবাসী হয়েছেন। উনার হিশাবখানার চেহারা তুলে দিতে বাধ্য হলাম। হজরত আবু হোরাযরা (রা.) মোট ঊনষাট বছর জীবিত ছিলেন। অবশ্য উনার মতে, রসুলে পাকের ইন্তেকালের পর উনি একান্ন বছর জীবিত ছিলেন এবং রসুলে পাকের সঙ্গে ছিলেন মাত্র তিন বছর। সুতরাং উনার হিশাব অনুযায়ী একান্ন এবং তিন বছর বাদ দিলে মাত্র ছয় বছরের বালকরূপে রসুলে পাকের সঙ্গে ছিলেন। কী অপূর্ব অঙ্কের হিশাব! ময়লা খাওয়া আশ্র

পাগলও এ কথা শুনলে হি হি করে হাসবে। হজরত আবু হোরাযরার উপর মুসলমান নামধারী দুইটি দলের প্রচণ্ড গোঁড়া। প্রথম দলটির নাম ওহাবি এবং দ্বিতীয় দলটির নাম হলো শিয়া। এর কারণটি কিছু খুবই সুন্দর। ওহাবিদের গোঁড়া হলো যত আধ্যাত্মিক বিষয়ের প্রায় হাদিসই তাঁর মাধ্যমে পাওয়া গেছে। কারণ, ওহাবিরা অধ্যাত্মবাদকে অস্বীকার তো করেই এবং আবু হোরাযরার মাধ্যমে সেই সব সাহাবাদের মর্যাদার কথা জানতে পারি যাদের মর্যাদার কথা শুনলে শিয়াদের শরীরে ভালুকের জ্বর আসে। শিয়ারা এমনই অদ্ভুত হিংস্র যে বিদ্যার প্রশ্নে ইনারা অনেকটা সর্বজ্ঞানী হরিদাস পালের মতো। ইসলামের বিশ্বয় আমিরুল মোমিনিন খলিফা ওমর ফারুকের উপর যা-তা মন্তব্য করতেও ইনাদের জিহ্বা কেঁপে ওঠে না। শিয়াদের সবচাইতে বড় শত্রু হলো খলিফা ওমর ফারুক। হায় রে বিদ্যার কুচকচানি! কত বড় জাননেওয়ালাদের দল! ওমরকে গালাগালি দিয়ে আলিকে উচুতে ওঠানোর চমৎকার ফন্দি। আসলে আলিকে খাটো করার সুক্ষ্ম কু-মতলব। আলি জাহেরি সুরতে জীবিত থাকলে এসব বিদ্বানদের ভুল বুঝিয়ে দিতেন। এরা প্রশংসার চাতুর্যে আলিকে ডুবিয়ে দেবার নতুন ফন্দি আবিষ্কার করেছে। অনেকটা গণচীনের লিন পিয়াওর মতো। প্রশংসার মধ্য দিয়ে মাওকে ডুবিয়ে দাও। লিন পিয়াওর দর্শনটি এত বেশি নতুনত্ব বহন করে যে পৃথিবীর প্রায় দার্শনিকেরা অবাক হয়েছেন। দর্শনের ভাষাটি কঠিন ছোট এবং চাতুর্যতার রহস্যে কত বড় ব্যাপকতায় পরিপূর্ণ। বোঝাই যায় না বাক্যটি কত মারাত্মক অস্ব। ধীরগতিতে মধুতে স্নো পয়জন মিশিয়ে মেরে ফেলার মিস্তি অস্ব। স্বয়ং মাও সে তুং তো দূরের কথা গণচীনের প্রায় লোকেরাই এই দর্শনটির গভীরতা বুঝতে পারে নি, যদি না লিন পিয়াওর মেরে এসব দর্শনের গোমর ফাঁক করে দিতেন। শিয়ারা সেই লিন পিয়াওর খিওরি গ্রহণ করেছেন। এই শিয়ারা জঘন্য ভাষায় হজরত আবু বকর, ওমর এবং ওসমানকে যে সব অকথ্য গালাগালি দিয়ে যায় তা শুনলে মানুষ তো দূরের কথা পশুরাও এদের দেখতে পারে না। শিয়াদের দুই চোখের বিষ হলেন আবু হোরাযরা। শিয়ারা আবু হোরাযরার অনেক হাদিস হাসিমুখে গ্রহণ করেন, কিন্তু মাওলা আলি বাদে অন্য তিন খলিফার মর্যাদার হাদিসগুলো গ্রহণ করতে রাজি থাকা তো দূরের কথা কল্পনা করাটাও পাপ মনে করেন।

কেবল ধর্ম-দর্শনের প্রশ্নেই চিন্তাধারার একটা মিলানো হিশাবের অঙ্কটি একতরফাভাবে চাপিয়ে দিয়ে বাহবা কুড়ালে কিছু অন্যায় হবে। যে কোনো ধর্ম, দর্শন, সাহিত্য, ঐতিহাসিক তথা রাজনৈতিক ভাষ্য তথা প্রতিটি ক্ষেত্রে প্রতিটি বিষয়ে মিলানো হিশাবের অঙ্কটির আগমন অবশ্যই পাবেন। আঅবিরোধের ব্যুড়ি বলেও যদি আপনি অন্যের মিলানো হিশাবের অঙ্কটিকে গাল দেন অথবা বুঝিয়ে দেন তবু সে তা মেনে নেবে না এবং এক কথায় সবাই মানতে চাইবে না। এদের সবাইকে গালে চড় মেরে বুঝিয়ে দিতে পারে মাত্র দুটো বিষয় : একটি হলো বিজ্ঞান এবং ইহাই সর্বপ্রধান এবং অপরটি হলো মারেকফতের গোপন জ্ঞান অর্জনকারী পীর-ফকিরেরা। কিন্তু এদের প্রভাবটা সবার উপর ছায়াপাত করতে চাইলেও গ্রহণ করার সাহস থাকে হাতে গোণা কিছু লোকের মধ্যে। কারণ, এরা মাছ ধরার আগ্রহ দেখায়, কিন্তু যদি মাছ না ধরা যায় অথবা না পাওয়া যায় তার জন্য পানিতে নামতে চায় না। ফটকা বাজারের মাল কেনাবেচার মতো এরা পীর-ফকিরদের বিশ্বাস করে। আকাঙ্ক্ষিত কিছু না পেলে সার্বজনীন একটি বিশেষণ জুড়িয়ে দিতে কার্পণ্য করে না আর সেই বিশেষ বিশেষণটির নাম হলো ভণ্ড, তথা অণ্ডে 'ভ' নেই, তথা ডিমটি ভাঙলে কিছু পাবেন না। দেখতে আপনি ডিম, কিন্তু ভেতরে কিছু নাই। মানে আপনি তখন ভণ্ড অমুক, ভণ্ড তমুক। একটু যদি তলিয়ে দেখি তবে কি এই পৃথিবীতেই বাস করা মানুষগুলোর বেশিরভাগই সে রকম ডিম নয়, যাদের ভাঙবার সাহস নেই। আমি অধম লেখক সাহেব যে একেবারে তুলসীপাতা ধোয়া জল সেটা কুন্ধণ্ডে

বলতে চাই না, তবে হিসাব মিলানো একটি অঙ্কের ডিম যে এতে কি সন্দেহ আছে? আর সেই ডিমটি না ভাঙার অনুরোধ রইলো। কারণ, কী যে পাবেন তা তো বোঝাই যায়।

খ্রিস্টান ধর্মের অনুসারীদের মাঝে ধর্ম-দর্শনের বেশ কয়টি অঙ্ক আছে। একটি অঙ্কের যোগফল হলো যত নবি-রসুল এসেছেন তাদের মধ্যে যিশু তথা ইসা নবি হলেন সর্বশ্রেষ্ঠ এবং সবাইকে বাদ দিয়ে একমাত্র তাকেই মেনে নিতে হবে এবং ইহার অন্যথা হলে পাপ হবে। এখন যিনি খ্রিস্টানের ঘরে জন্মগ্রহণ করেছেন এবং সেই জন্মসূত্রে পাওয়া মতবাদই গ্রহণ করা অত্যন্ত স্বাভাবিক এবং সাধারণ কথা। অন্য ধর্মের বিচার বিশ্লেষণ করতে গেলেও নিজের হিসাবের মিলানো অঙ্কটি কিছু 'মন মেনে' শেখ ফরিদ বগল মেনে 'ইট' এর মতো বহাল তবিয়ে থাকতেই হবে। আপনি ইহুদি, বৌদ্ধ, হিন্দু অথবা মুসলমান বলে খ্রিস্টানদের উপর লিখিত কথা কয়টি পড়ে দাঁত বার করতে চাইবেন অথবা মুচকি হাসতে চাইবেন, কিছু ভুলেও এমন মহান কাজটি করে বসবেন না। কারণ, আমাদের এই মুচকি হাসাহাসির মধ্যে সত্য নামক মহাপুরুষটিকে ধরতে ভীষণ কষ্ট হয়, বিশেষ করে এ বিংশ শতাব্দীর যুগে এই ভীষণ কষ্টের সুযোগটিকে কোলে তুলে নিল একমাত্র ধূর্ত শিয়াল পণ্ডিত। সেই ধূর্ত শিয়ালের অপর নামই হলো কমিউনিজম, যাকে আমরা বলি মানুষকে জ্ঞানোয়ার বানানোর সর্বশ্রেষ্ঠ বিদ্যা। আমরা লাফালাফি করে ধর্মে পরীক্ষার পানিকে এমনই ঘোলা করে ফেলেছি যে, জ্ঞানোয়ার বানাবার বিদ্যা কমিউনিজম ইন্টেলেকচুয়াল মানুষগুলোকে ধরে জ্ঞানোয়ারের পোশাক পরিয়ে দিচ্ছে, আর তারই পরিণতি এই বিংশশতাব্দী। একটি কথা এই অধম লেখক ঘোষণা করতে চায় আর সেটা হলো, কমিউনিজম আজ হয়তো নতুন পোশাকের ফ্যাশনের মতো লোভনীয়, কিন্তু ছুড়ে ফেলে দিতে বেশি সময় লাগবে না। কারণ, একটি ইতিহাস তৈরি হতে সময়ের প্রয়োজন এবং সময়ই একদিন এর অসারতার গোমর ফাক করে দেবেই। কারণ কমিউনিজমের ডেতর অভ্যন্তরীণ কোনো সত্য নেই এবং এই নেইটা ধরা পড়লে সময়ের ইতিহাস একদিন জানিয়ে দেবে সবাইকে।

পীর-ফকিরদের দর্শনজনিত প্রভেদ

আমাদের ধর্ম-দর্শনের মধ্যে যারা মারেফতপন্থী তাদের মাঝেও আপনি অনেক প্রকার অঙ্কের মিলানো হিসাব অবশ্যই পাবেন। যেমন ধরুন, মারেফতপন্থীদের মধ্যে একটা অতি সাধারণ অঙ্কের মিলানো হিসাব দেখতে পাই। একদল মারেফতপন্থীরা গানবাদ্যকে এবাদতের একটি বিশেষ মাধ্যম হিসাবে তাদের হিসাবের অঙ্কে মিলিয়ে নেওয়া হয়েছে। যেমন ধরুন চিশতিয়া তরিকার বেশিরভাগই, তবে সবাই নয়। অনেক চিশতিয়া তরিকার অনুসারীরা গানবাদ্যকে তাদের হিসাবের অঙ্কে অপছন্দ করেন এবং ইহাকে গ্রহণযোগ্য নয় বলে ঘোষণা করেছেন। অথচ চিশতিয়া তরিকা বলতেই সঙ্গীতের মাধুর্যের খসবু পাবার কথা। বাংলাদেশে এবং এর বাইরে অনেক চিশতিয়া তরিকার অনুসারী পাবেন যারা গানবাদ্যকে মোটেই পছন্দ করেন না। আবার যে তরিকায় গান-বাদ্যের প্রশ্নটি অবাস্তব করে রাখা হয়েছে সেই সব তরিকার অনেক অনুসারী পাবেন যারা গান বাদ্যকে এবাদতের একটি সর্বপ্রধান অঙ্গরূপে মনে করেন। যেমন ধরুন, বিখ্যাত সুরেশ্বরের ওরশে গেলেই বুঝতে পারবেন যে তারা নকশেবন্দিয়া এবং মুজাদ্দিদিয়া তরিকার অনুসারী হয়েও গানবাদ্যকে এবাদতের একটি অংশরূপে গ্রহণ করা হয়েছে। অধম লেখকের জানা মতে পৃথিবীতে যত ওরশ পালন করা হয় তার মধ্যে সুরেশ্বরের ওরশটিতে পাবেন একটি আশ্চর্য রকম ব্যতিক্রম, আর সেটি হলো অবাক করে দেওয়া পাঁচটি অপূর্ব খুব বড় বড় অতি পুরাতন কারুকার্য খচিত আশা, যাকে আমরা লাঠি বলি। সেই লাঠিগুলোর পা

হতে মাথা পর্যন্ত বিভিন্ন ধাতুতে তৈরি অতি সুক্ষ্ম কারুকার্যে পরিপূর্ণ এবং প্রধান ওরশের দিনে মাগরিবের আজানের পর পরই বের করা হয়। এত লম্বা, এত অদ্ভুত সুন্দর পাঁচটি আশা তথা লাঠি আমার জীবনেও দেখি নি। আজমিরে খাজা বাবার মাজারে দুইটি আশা দেখার ভাগ্য আমার হয়েছে, কিন্তু লম্বায় এবং কারুকার্যের মহিমায় এই পাঁচটির সঙ্গে জাগতিক দৃষ্টির মাপকাঠিতে তুলনা হয় কি না উহা চোখে দেখলেই পাঠক পরিষ্কার বুঝতে পারবেন।

সুরেশ্বরের আদি পীর যিনি, তিনি হলেন বাবা জ্ঞান শরীফ। অবশ্য এই নাম তাঁর পীর সাহেব দিয়েছেন। তাঁর আসল নাম হলো হজরত আহমদ আলি। তাঁর পীর সাহেব কলিকাতার মানিকতলার বিখ্যাত হজরত সুফি ফতেহ আলি শাহ। হজরত সুফি ফতেহ আলি শাহ সাহেবের অনেক খলিফা ছিলেন। তাঁদের মধ্যে অপর দুজন বিখ্যাত খলিফার নাম উল্লেখ করলাম : একজন হলেন ফুরফুরা শরিফের হজরত মাওলানা আবু বকর সিদ্দিক এবং অপরজন হলেন পাবনার এনায়েতপুরের হজরত মাওলানা ওয়াজেদ আলি শাহ। হজরত ওয়াজেদ আলি শাহ-এর খলিফা হজরত ইউনুস শাহ সাহেব এবং তাঁর দুজন বিখ্যাত খলিফাদের মধ্যে একজন হলেন আটরশির পীর সাহেব এবং চন্দ্রপাড়ার পীর সাহেব। এতগুলো কথা বলার একটি বিশেষ উদ্দেশ্য আছে বলেই বলতে হলো। আর সেই বিশেষ উদ্দেশ্যটি হলো, এঁদের ওরশে অথবা এঁদের যে কোনো মাহফিলে গানবাদ্য করা হয় না এবং গানবাদ্যকে ইনারা এবাদতের একটি বিশেষ অঙ্গ বলে হয়তো মেনে নেন না অথবা জায়েজ তথা বৈধ বলে হয়তো গণ্য করেন না। অথচ একই তরিকার একই পীরের মুরিদ হয়েও বাবা জ্ঞান শরীফ শাহ সাহেব গানবাদ্যকে খুবই পছন্দ করতেন। যার দরুন অনেক আরবি ভাষা জানা পণ্ডিতেরা অন্য সব পীর সাহেবদের সমালোচনা করলেও সুরেশ্বরের ওরশের কথা শুনলে তেলে-বেগুনে জ্বলে ওঠেন। এখানে বিশেষ করে বাংলাদেশে অনেক আরবি জানা পণ্ডিতেরা গানবাদ্যকে হারাম মনে করেন এবং যারা গানবাদ্য করেন অথবা শোনে তাদের বিবি তালাক হয়ে যাবার ফতোয়াও মাঝে মাঝে শোনা যায় এবং এই বিশেষ বিষয়টি নিয়ে পণ্ডিতে পণ্ডিতে তর্কযুদ্ধ অনেক হয়েছে এবং এখনো হচ্ছে। জানি না কালের ইতিহাস একদিন ‘ইংরেজি পড়া হারাম’, ‘ফটো তোলা হারাম’, ‘মাইকে কোরান পড়া হারাম’ - এ রকম ফতোয়ার মতো পুরাতন ফতোয়া হয়ে যায় কি না। ‘ইহা হারাম’ বলা এবং ‘ইহা পছন্দ করি না’ বলার মাঝে কিছু বিরাট পার্থক্য থেকে যায়। পছন্দ হয় না, তাই করি না বলার মাঝেও একটি নমনীয় ভাব থেকে যায়, কিন্তু একদম হারাম বলার মাঝে থাকে কঠিন নির্ভরতা। কারণ, সমস্ত কোরান-এর মধ্যে গান-বাদ্যের বিরুদ্ধে একটি কথাও বলা হয় নি। পক্ষ এবং বিপক্ষের কিছু হাদিসের দ্বারা কি এ রকম কঠিন হয়ে যাওয়া মানায়? হয়তো এমনও তো হতে পারে যে, রেডিও, টেপ, টেলিভিশন আর ভি সি আর-এর যুগে বসে আপনার প্রিয় ছেলে-মেয়েরা আপনার ফতোয়া শুনে চুপ করে নাও থাকতে পারে।

একটা সুন্দর কথাবার্তা প্রচলন আছে। সে কথাটি হলো, যে গাছে ফল ধরে সে গাছেই বাচ্চারা ঢিল ছোড়ে, আর যে গাছে ফল ধরে না সে গাছ যত সুন্দরই হোক না কেন বাচ্চারা ঢিল ছোড়ে না। আটরশির পীর সাহেবের নাম খুব বেশি হয়েছে এবং ভক্তের সংখ্যাও বেশি এবং এত বড় আকারের ওরশ বোধহয় বাংলাদেশে তো দূরের কথা এক আজমির ছাড়া আর পৃথিবীর কোথাও হয় কি না অধম লিখকের জ্ঞান নেই। তাই কিছু বাচ্চামার্কা আরবি জানা পণ্ডিতদের গোষাটা আটরশির পীর সাহেবের উপর একটু বেশি। তারা অনেক ধরনের ঢিল ছুঁড়তে শুরু করেছেন অনেক আগেই। অনেকে আবার নতুন ধরনের একটি গালি আবিষ্কার করেছেন। অথচ সেই আবিষ্কারের অসারতা যে কত খেলো ধরনের! আর সেটি হলো যে, আটরশির পীর সাহেব অনেক জিন পালন করেন। যদি অধম লিখক প্রশ্ন করে যে, ধরে নিলাম

আটরশির পীর সাহেব জিন পালন করেন, তা হলে কী এমন দোষটা তিনি করে ফেললেন? যদি বলি যে হজরত দাউদ (আ.) এবং হজরত সোলায়মান (আ.) অনেক জিন পালতেন এবং এই বিষয়টি সবারই জানা থাকার কথা। তা হলে এত বড় বড় দুইজন নবির জিন পালন করার বিষয়টি হাসিমুখে মেনে নিতে পারছেন আর আটরশির পীর সাহেবের বেলায় যত গোঁষা আর অপবাদ! আটরশির পীর সাহেবকে পছন্দ হয় না ভালো কথা, তাই বলে কি তার নামে মিথ্যা অপবাদ ছড়ানো উচিত মনে করেন? আপনার মিলানো হিশাবের অঙ্কটিতে আটরশির পীর সাহেবকে মিলাতে কষ্ট হচ্ছে বলে বুঝি যা-তা মস্তব্য করে বসবেন? পৃথিবীতে কিছু মানুষ আছে যারা নিজের ভালো ছাঁড়া আর কারো ভালোটা দেখতে পারে না। আপনি একটু লক্ষ্য করলে এ রকম মানুষ অনেক পাবেন। অধম লিখকের গ্রামে বাস করেন একজন ভদ্রলোক। আমি তাকে জীবনেও কাউকে ভালো বলতে শুনি নি। খুব লক্ষ্য করে কোতুল নিয়ে বসে বসে তার কথা শুনতাম। অনেক সময় শরীর রি রি করে উঠতো। একদিন সহ্য করতে না পেরে বলেই ফেললাম, আপনার চোখে কি ভালো মানুষ ধরা পড়ে নি? সোজা উত্তরটি হলো, 'হ্যাঁ ধরা পড়েছে মাত্র একজন, আর সেটা হলো আমি নিজে।' পরে জানতে পারলাম উনার এক নিকট আত্মীয়ের জমি জাল দলিল করে উনি হজম করে ফেলেছেন এবং সেই আত্মীয় লজ্জায় আর আদালতের দরজায় পা রাখেন নি। তাই বলতে হচ্ছে করে, ভবের নাট্যশালায় মানুষ চেনা যত সহজ তত সহজ নিজেকে চেনা নয়। বাক্যটি যদি এ রকম হতো, 'ভবের নাট্যশালায় নিজেকে চেনা দায়' - তা হলে কেমন হতো?

আপনাদেরকে একটি মজার খবর শোনাতে চাই। অনেকেই হয়তো জানেন এবং বলতেও শুনেছেন যে, মানুষের দ্বারা রচিত হয়েছে আর একটি কোরান। আল্লাহর বাণী কোরান-এর নাম সবাই জানেন, কিন্তু মানুষের রচিত কোরান-এর নামটি কিছু সবাই একবাক্যে মেনে নিয়েছেন এবং বিশেষ করে আহলে সুন্নাতুল জামাতের মুসলমানরা। আর দুনিয়ার প্রায় বারআনি মুসলমানই হলো সুন্নি জামাতের আর বাকি বাহাত্তর ফেরকায় মিলেও চার আনি হয় কি না সন্দেহ। সেই মানুষটির নাম হলো মাওলানা জালাল উদ্দিন রুমি, আর সেই স্বরচিত কোরান-এর নাম হলো মসনভি শরিফ। তিনি নিজেই মসনভি শরিফকে বলেছেন ফারসি ভাষায় রচিত কোরান - হাঙ্গে কোরান দার জোবানে পহলভি। মজার বিষয়টি হলো, সবাই একবাক্যে এই কথা মেনে নিয়েছেন। রেয়ল্ড এ. নিকলসন সাহেব মসনভি শরিফের উপর মস্তব্য করতে গিয়ে বলেছেন যে, মুসলমানদের মধ্যে এমন কিতাব আর কেউ লিখতে পারে নি, পারে না এবং ভবিষ্যতেও লিখতে পারবে না। অথচ দুঃখের বিষয় এত বড় কিতাবটি আজও পর্যন্ত কোনো ধারাবাহিক অনুবাদ হয় নি। যা-ও কিছুটা হয়েছে উহা নিজেদের মনমতো অর্থকে বিকৃত করে করা হয়েছে। বাংলাদেশের বিখ্যাত ধর্মীয় প্রতিষ্ঠানটি কিছু এ ধরনের কেতাবগুলোর অনুবাদ ধারাবাহিকভাবে এখনো করেন নি। কারণ সোদি আরবের শ্রদ্ধেয় ওহাবি ভাইদের প্রভাবটিকে নীরবে হজম করতে হচ্ছে। কারণ, এ ধরনের কিতাবের ধারাবাহিক অনুবাদ করতে গেলে ওহাবি এবং অন্যান্য ফেরকাগুলোর মৃত্যুঘণ্টা আপসে বেজে উঠবে। সুতরাং এদের মৃত্যুঘণ্টা জেনে শুনে বাজুক এটা কি তারা চাইবে, অথবা আশা করতে পারেন? বিশ্ববিখ্যাত ওলিয়ে কাম্মেল বাবা শামসে তার্বিজের দিওয়ানে শামসে তার্বিজ কিতাবটির অনুবাদ তো দূরের কথা, নাম শুনেই ওহাবি ভাইয়েরা ভূত দেখার মতো ভয় করেন। সুতরাং এই ফারসি ভাষায় রচিত বিরাট দিওয়ানটির আজও কোনো অনুবাদ বাংলা ভাষায় বাহির হয় নি। এ রকমভাবে বহু মূল্যবান কেতাবের অনুবাদ করা হয় নি। সে সব কিতাবগুলো বিখ্যাত ওলি-দরবেশ, পীর-ফকিরেরা ফারসি ভাষায় লিখে গেছেন এবং আজও খুঁজলে সে সব মূল্যবান কেতাব পাওয়া যায়। যেমন দিওয়ানে বু আলি শাহ কলন্দর, দিওয়ানে বাবা ফরিদ, দিওয়ানে

কৃতবুদ্ধির বখতিয়ার কাকি, দিওয়ানে আমির খসরু, দিওয়ানে ওয়ায়েসি, দিওয়ানে হাফিজ সিরাজি - ইত্যাদি অনেক মারফতের গোপন কথার কিতাব।

সত্যকে ধরতে হয় অনুমান এবং সম্ভাবনার উপর দাঁড়িয়ে। যদিও অনুমান চিরদিনই অনুমান এবং সত্য চিরদিনই সত্য। সত্য কী? সত্য কাহাকে বলে? সত্য বলতে কী বোঝায়? সত্যের সংজ্ঞা কী? ইত্যাদি বিভিন্ন প্রশ্নে অনেক মতবিরোধ থাকতে পারে, কিন্তু মোটা কথায় সত্য বলতে যা বোঝা যায় তা হলো, সত্যের গায়ে কোনো জামা-কাপড় থাকে না তথা সত্য চিরদিনই পা হতে মাথা পর্যন্ত থাকে উলঙ্গ। একদম উলঙ্গ সত্যের দর্শন ক'জনার ভাগ্যে হয়েছে তা বলতে পারবো না। কারণ, যারা উলঙ্গ সত্যের রূপটি দেখেছে তারা নিজেরাই উহার রূপের বর্ণনা ও ব্যাখ্যা ভাষার মাধ্যমে পরিপূর্ণরূপে দিয়ে যেতে পেরেছেন বলে তো মনে হয় না। কারণ, সীমিত ভাষার শব্দমালায় এক-একটি বাক্য তৈরি করে উলঙ্গ সত্যের বর্ণনা দিতে গেলে ভাষাগুলো সহজ শব্দের মধ্যেও হয়ে পড়ে কঠিন এবং বুঝে নিতে রীতিমতো হিমশিম খেতে হয়। যেমন ধরুন কোরান পাকের প্রথম বাক্যটির সত্যিকার মর্মার্থ আজও কেউ ভাষায় লিখে যেতে পারেন নি। 'আলিফ লাম মিম' কোরান পাকের তিনটি অক্ষরের অবশ্যই অর্থ আছে যা আমাদের অনেকেরই জানা নেই। কারণ, কোরান নিজেই তাঁর দর্শনে কোনো কিছুই নিরর্থক করে তৈরি করেন নি বলে বার বার সহজ ভাষায় ঘোষণা করেছেন। এ রকমভাবে অনেক কথাই বড় বড় মনীষীরা বলে গেছেন খুবই সহজ ভাষায়, কিন্তু, এর সত্যিকার অর্থ কী হতে পারে এ নিয়ে লেগে যায় মতবিরোধ। যেমন ধরুন একটি বাক্য, 'যাহা দেখতে খুবই সহজ উহাই ধরে রাখতে খুবই কঠিন।' বাক্যের শব্দগুলো কত সহজ, কিন্তু ভাবধারাটি কত কঠিন মনে হয়। যেমন আর একটি বাক্য 'যে জিনিসের দাম খুব বেশি হয়ে যায় সেই জিনিসের আর কোনো দামই থাকে না।' যখন একটি সত্যকে পুরোপুরি বুঝতে না পারলেও অনুমানের মধ্য দিয়েই এগিয়ে যেতে হয়, অবশ্য সেই অনুমানগুলো এক-একটি সাজানো হিশাব। অনুমানের এই সাজানো হিশাবগুলো সত্যকে ধরার পথে কিছু বাতিল হয় এবং কিছু যোগ দিতে হয় মাঝে মাঝে। আবার কখনো সম্পূর্ণটাই বাতিল বলে প্রমাণিত হয়। মানুষ এভাবেই যুগে যুগে সত্যের দিকে অগ্রসর হচ্ছে। তাই একটি সত্যকে ধরতে গিয়ে অনেক পরিশ্রম, অনেক ত্যাগ-সাধনা হাসিমুখে বরণ করে নিতে হয়েছে।

আমার লিখিত বইটির ভাষা কতটুকু ভাবের বাহন হতে পেরেছে তা বলতে পারবো না। তবে এটুকু বলতে চাই যে, আল্লাহকে পাবার পথে ভাষার মাধ্যমে ভাবটি হয়তো অনেক দূর পর্যন্ত এগিয়ে গিয়েছে; অথবা একেবারে কাছাকাছি এগিয়ে গেছে; অথবা এমনও হতে পারে যে মাঝামাঝি পথে এসে থেমে গেছে; অথবা এমনও হতে পারে যে, সামান্য কিছু দূর অগ্রসর হয়েছে; অথবা এমনও হতে পারে যে, আল্লাহকে পাবার পথে কেবল যাত্রা শুরু করেছে, অথবা এমনও হতে পারে যে, আল্লাহকে পাবার পথের ধারে কাছেও যেতে পারি নি। সুতরাং আমার রচিত বইটির মূল্যায়ন করে যেতে পারলাম না এবং এ জন্য পাঠক সমাজের কাছে ক্ষমা চাইছি।

ম্যাটার তথা বস্তু যখন এনার্জি তথা শক্তিতে

রূপান্তরিত হয় এবং সেই রূপান্তরিত শক্তির মহাসাগরে বিজ্ঞানীরা খেঁই হারিয়ে ফেলেন এর ব্যাপকতার দর্শনে। তাই বিজ্ঞানীরা একবাক্যে সবাই বলে ওঠেন যে,

আধুনিক বিজ্ঞান হয়তো অনেক দূর পর্যন্ত এগিয়ে গেছে এবং এমনও হতে পারে যে আমরা মাঝামাঝিতে অবস্থান করছি অথবা এমনও হতে পারে যে, সত্যের প্রথম সিঁড়িতে কেবলই পা রাখতে চেষ্টায় রত আছি। অসীমের উপর সিদ্ধান্ত গ্রহণ করা সসীমের পক্ষে বাস্তবিকই কঠিন এবং দুরূহ হয়ে পড়ে এবং ইহা সসীমের পক্ষে স্বাভাবিক। বিজ্ঞানীদের কথাগুলোতে মনে হবে আত্মবিরোধ আছে আসলে ইহা মোটেই আত্মবিরোধ নয়, ইহা হলো অসীমের সাগরে সসীমের পক্ষে আত্মহারা হয়ে তিলে তিলে এগিয়ে যাবার সঠিক বাস্তব পদক্ষেপের সমষ্টিগত দর্শন মাত্র।